


中華民國十九年北平圖書館  
影印明初墨格寫本影印  
王有立主編

# 大元通制條格

(一)

元、至正中敕撰

華文書局股份有限公司印行




中華民國十九年北平圖書館  
影印明初墨格寫本影印  
王有立主編

# 大元通制條格

(二)

元、至正中敕撰

華文書局股份有限公司印行



# 通制條格

存卷二至九卷十三至廿二

卷二十七至三十

尹默題



原書匡高七寸三分寬四寸七分  
民國十九年國立北平圖書館影印



大元通制序

李木魯种

至治二年冬十有一月

皇帝以故丞相東平忠憲王之孫中書左丞相位  
右丞相總百官新庶務徵用老成開明治道

皇元聖聖相繼百有餘年宸斷之所予奪廟謨之  
所可否禁頑戢暴仁恤黎元綽有成憲然簡書所  
載歲益月增散在有司既積既繁莫知所統挾情  
之吏用譎行私民恫政蠹臺憲屢言之鼎軸大臣  
恒患之

仁廟皇帝御極之初中書奏允擇耆舊之賢明練

之士時則若中書右丞伯抗平章政事商議中書  
劉正等由開創以來政制法程可著爲令者類集  
折衷以示所司其宏細有三曰

制詔曰條格曰斷例經緯乎格例之間非外遠職  
守所急亦彙輯之名曰別類延祐三年夏五月書  
成勅樞密御史翰林國史集賢之臣相與正是凡  
經八年事未克果今年春正月辛酉 上御授殿丞  
相援據本末奏宜如

仁廟制制可於是樞密副使完顏納丹侍御史曹  
伯啓判宗正府普顏集賢學士欽察翰林直學士

曹元用以二月朔奉旨會集中書平章政事張珪  
暨議政元老率其屬衆共審定時上幸柳林之辛  
巳丞相以其事奏仍以延祐二年及今所未類者  
請如故事制若曰此善令也其行之繇是堂議題  
其書曰大元通制命種序之種惟聖人之治天下  
其爲道也動與天準其爲法也察如列星使民畏  
罪遷善而吏不敢舞智御人鞭笞斧鉞禮樂教化  
相爲表裏及其至也民協于中刑措不用二帝三  
王之盛盡於此矣雖刑罰世輕世重而士制百姓  
于刑之中以教祗德古之制也聖朝因事制宜因

時立制時有推遷事有變易謀國之臣斟酌損益以就中典生民之福也

仁廟開本於先 皇上繼志於今萬世慮也雖然明罰勅法朝廷之道揆在焉惟良折獄哀故折獄有司之法守親焉源則濬矣流斯承之可不慎歟

通制條格卷第二

戶令

戶例 至元七年八月尚書省戶部據各路見  
取勘不當差戶計協濟見當差人戶於內折居  
戶計若戶長與戶下戶俱願折居別無定奪中  
間却有戶長願戶下不肯從順戶下願戶長却  
不從順議得見欽奉聖旨條畫壬子年合併抄  
上戶計自願折居各另者聽從民便欽此所據  
壬子年同籍同姓叔姪弟兄之類若有折戶另

居者呈准尚書省判照依下項事埋施行

一同姓叔姪弟兄壬子年同籍至今同戶同居當差者止合依舊一戶當差如有兩願析戶者聽

一同姓叔姪弟兄壬子年同籍異居同戶當差雖是異居未經分者兩願析戶者聽一同姓叔姪弟兄已有支析文字并另書或無文字已經分另異居者雖壬子年同籍一戶當差不以戶長并戶下自願析

戶者聽

至元八年三月欽奉聖旨據尚書省奏乙未  
年元欽奉合罕皇帝聖旨抄數到民戶諸王公  
主駙馬各投下官負分撥已定壬子年欽奉先  
帝聖旨從新再行抄數當時前行尚書省不曾  
子細分揀至今二十年間爭理戶計往復取勘  
不能裁決深不便當今次取勘諸色人戶檢會  
到累降聖旨欽依分揀定奪各各戶計擬到逐  
欵體例所據取勘到合當差發口數依已降聖

旨再不添額並令協濟額內當差人戶事准奏  
仰隨路府州司縣達魯花赤管民官吏管軍官  
及不以是何投下諸色人等照依尚書省所奏  
條畫事理施行

一諸王公主駙馬并諸官貧戶計

諸附籍漏籍諸色人戶如有官司明文分

撥隸屬各位下戶數曾經查對不納係  
官差發別無更改者仰依舊開除

諸迤北隨營諸色戶計於壬子年籍後前



來隨處看守庄子放牧頭尺或諸處寄  
留人等不曾附籍即目於本使處送納  
錢物之人隸屬各主

位下并投下人負招收到附籍漏籍放  
良還俗等人戶會到哈罕皇帝聖旨節  
該民戶內續數出來底漏籍民戶有呵  
只教都屬那見住的州城田地裏有者  
其元招收來底人不得管領又欽奉先  
帝聖旨諸王公主駙馬并諸投下不得

擅行文字招收戶計及中統元年詔書  
內一欵節該諸路應有漏籍戶并老疾  
女戶截日並行分付本路管民官收係  
其斷事官元差頭目盡行罷去又至元  
七年諸王共議定聖旨條畫內一欵依  
着先帝聖旨諸王公主駙馬并諸授下  
不得擅行文字招收戶計來除將各位  
下已招人戶照依累降聖旨改正分付  
各路收係當差仍常切禁約投下人負

無得似前亂行招收如有違犯之人仰  
管民官捉拿取問是實申解赴部呈省  
究治如管民官今後不爲用心收拾及  
看順面情縱令諸人招收人戶定是解  
任斷罪

一五 投下軍站戶

上都北京西京隆興平灤五路戶計爲有  
爭差至元二年中書省欽奉聖旨據納  
陳駙馬帖里干駙馬頭輦哥國王斃真

忽都虎五投下戶計仰差官與各投下  
頭目各州縣管民官勾喚元主并驅戶  
一同對證得委係各人出軍時馬後稍  
將來底人口達達數目裏有呵分付本  
投下者於當差額內除豁如對證得委  
係好投拜民戶及在外投屬或本投下  
招收到底人戶作民當差欽此中書省  
差斷事官帖木烈三島等前去北京松  
州興州平灤西京宣德等處欽依聖旨

一戶戶檢照乙未壬子籍冊對證分揀  
定造到備細文冊據今次取勘到前項  
軍站人戶於元報冊內查照相同依舊  
開除外有壬子年元籍無爭差蒙古牌  
甲內當軍站戶計亦仰除豁

中都迤南路分壬子年元籍除差軍站戶  
見行應役或納錢物者依舊開除外別  
無身役戶數仰收係當差

迤北隨營諸色人等於壬子年籍後前來

應當軍站差役之人依例開除

一各投下軍站戶

壬子年隨路元籍除差軍站戶計見行應  
後或納錢物者依例開除外別無身後  
戶數即仰收係當差

迤北隨營諸色人等於壬子年籍後前來  
應當差軍站差役之人依例開除

一隨路壬子年抄過諸色人戶會到辛亥乙  
卯年間兩次先帝聖旨節該不揀甚麼

人底民戶州城裏去了底那田地裏種  
田蓋下房子住坐有呵只那住底田地  
裏和那本處民戶差發鋪馬一般當者  
根脚千戶百戶裏有底渾家孩兒人口  
每千戶百戶裏也教依舊體例裏當差  
發者俺每底聖旨省諭聽了呵不恁差  
發鋪馬祇應不當元住處不去趨避隱  
藏底人本人死財產沒官當時前行尚  
書省依着先帝聖旨欲將此等戶計料

差却稱俺每起移元住田地裏住去此  
上除訖差發來今次取勘得却有不曾  
起去戶數仰依着先帝聖旨收係當差  
一軍戶

蒙古探馬赤投下軍人不在當差額內無  
問附籍漏籍應役不應役今次取勘到  
官發與樞密院收係就便定奪漢兒軍  
戶不在當差額內者諸正軍今次手狀  
見萬戶千戶當役去處及不應役人等



或經分揀貧難聽候軍戶無問附籍漏籍依舊充軍稱見在軍前當役之人軍籍內照不見姓名今次取勘見數亦仰充軍稱津貼某人軍錢查照軍籍內有姓名者作貼戶無姓名者收差

諸正軍并貼戶戶下合併裹攢戶今次手狀稱乙未壬子二年另戶附籍或漏籍如軍籍內有姓名者依舊與戶頭同戶當軍如無姓名者收係當差

諸放罷貧難正軍已收入額當差并改撥  
作匠人軍人其元撥貼戶兩號到今不  
曾應當差役仰收係當差

一站赤戶

蒙古站戶脚色明白見有當後去處依舊  
當站

漢兒站戶無間附籍漏籍於元撥站戶籍  
內查照相同依舊當站外查照不見戶  
數仰收係科差

一諸色人匠

係官諸色元籍正匠并改色人匠見入局  
造作者仰依舊充匠除豁

諸投下壬子年元籍除差畸零無局分人  
匠自備物料造作生活於各投下送納  
或納錢物之人依舊開除外不當差役  
人戶收係科差

諸投下蒙古戶并寄留駝口人等習學匠  
人隨路不曾附籍每年目備物料或本

投下五戶絲內閣支物料造作諸物赴  
各投下送納者充人匠除差

諸壬子年附籍軍民諸色人等別無上司  
改撥充匠明文雖稱即日入局造作或  
於各投下送納生活者仰憑籍收係應  
當差役

諸漏籍戶投充人匠改正爲民收係當差  
一驅良蒙古牌甲戶驅

壬子年另籍蒙古牌甲驅戶自抄數已後

每年爭告雖經省部斷定終不絕詞照  
得甲午年欽奉哈罕皇帝聖旨不論達  
達回回契丹女直漢兒人等如是軍前  
虜到人口在家住坐做軀口因而在外  
住坐於隨處附籍便係是皇帝民戶應  
當隨處差發主人見更不得識認如是  
主人識認者斷按吞寔罪戾又照得先  
帝聖旨節文這新撮總已後數目裏入  
去了底體例阿誰民戶有呵俺每虜來

底寄留下底種田底出軍底那般推辭  
咱每根底不商量住來底田地裏休起  
移者打捕鷹房不選是何投下民戶有  
呵依着您每定下底差發抄上過本城  
子裏官人每根底納者欵此所據另籍  
驅戶已在當差額內依着哈罕皇帝聖  
旨先帝聖旨依舊當差主人不得識認  
起移外今次取勘到驅戶雖稱壬子年  
另戶附籍當時開除止納本使錢物到

今不曾應當係官差發依舊除豁不行  
收差

壬子年另戶附籍額內驅口各處作逃亡  
事故開除至今不曾送納係官差發今  
次取勘到官雖壬子年另戶附籍仰依  
舊開除

壬子年主奴不曾附籍依舊開除若本使  
附籍戶下漏抄驅口已在當差額內主  
人不得識認外不經收差戶計今次手

狀稱見當本使差役者依舊任坐不當  
本使差役者仰作漏籍戶計收係當差  
乙未年另籍駙戶欽依哈罕皇帝聖旨便  
是係官民戶如壬子年却不曾抄上仰  
作漏籍戶計收係當差主人不得識認

一軍戶駙

乙未壬子二年本使戶下附籍人口各年  
軍籍內不曾攢報仰收係當差

乙未壬子二年本使戶下漏籍人口因而



在外另籍或不曾附籍在後本使却於  
軍籍內作駢攢報之人即仰爲良充貼  
軍戶計

一諸色戶驅良

乙未年附籍民戶壬子年於他人戶下作  
驅抄上或漏籍仰改正爲民收係當差  
如經趙小哥叛亂被虜爲驅及爲李佛  
兒斷沒之人不在此限若壬子年另戶  
附籍依例定奪

乙未壬子二年本使戶下附籍驅口因而  
在外若作驅戶或寄留種田人等附籍  
依例收係科差仰於本使戶下除豁重  
籍人丁差後本使戶下不會附籍其驅  
口在外抄過者仰依例收係科差本使  
戶下附籍驅口在外不會另籍今次雖  
稱宅外另居及好投拜民戶依舊爲驅  
乙未年本使戶下附籍驅口壬子年戶下  
不曾抄上仰作漏籍戶收係當差主人

不得識認

乙未壬子二年主奴俱各漏籍即目另居  
今次取勘到官不在當差額內者依舊  
爲驅今次取勘到無使驅雖稱他人驅  
不見本使下落收係當差已後主人識  
認照勘是實分付本使

一放良戶

諸良書該寫任便住坐或爲良者仰依良  
書收係當差

諸驅口壬子年已前得訖良書却於他人  
戶下作驅附籍比及照籍已來除軍站  
急遞鋪駕船人等戶下附籍人戶照籍  
相同改正爲良充貼戶外其餘諸色人  
等戶下籍過戶數並仰收係當差

諸投下放良戶良書上該寫不得投充別  
管官司戶數仰作本投下人戶收係當  
差

諸良書該寫如遇抄數爲良或作戶者仰

依良書另立戶名收係當差

諸良書已放爲良任便住坐其本使再立  
津貼錢物或分當差役等文字並不准  
使仰依元放良書爲民收係當差

諸人驅口雖與錢物同若驅口宅外另居  
自行置到重驅元置人出放爲良者並  
從爲良本主底使長不得爭理

諸放良戶年限未滿或贖身錢未足者仰  
合屬官司籍記收戶候限滿錢足至日

科差

諸壬子年附籍漏籍戶已經上司分撥與各投下并諸官貧戶計如戶下驅口本主放良者憑良書依例歸着

一斷案主戶

諸犯刑官貧已經朝廷斷沒家屬并戶下人口並照已斷發付合屬收係

諸色人等因為犯事不問罪名輕重一例將人口財產斷沒給與事主或所斷官

負分訖中間亦有所犯情罪不及斷沒  
人口今擬在前已經欽奉聖旨并諸王  
令旨忽都虎官人文字斷過者別無定  
奪外其餘斷事官府州達魯花赤官負  
擅自斷訖之人除犯重刑者另行定奪  
外其餘雜犯人等改正爲良收係當差  
一諸幹脫戶見賣聖旨諸王令旨隨處做買  
賣之人欽奉先帝聖旨見住處與民一  
體當差

一回回畏吾兒戶欽奉先帝聖旨不揀甚麼  
人底民戶州城內去了的人只那住的  
地面內和那本處民戶差發鋪馬祇應  
一體當者那根脚千戶百戶內有的渾  
家大小人口每千戶百戶內也教依舊  
體例內當差發者仰收係科差如回回  
戶內有新簽出軍戶數至日開除  
一答失蠻迭里威失戶若在回回寺內住坐  
并無事產合行開除外據有營運事產



戶數依回戶例收差

一打捕戶

壬子年附籍打捕戶應當絲料包銀替頭  
裏送納皮貨到今別無定奪若有爭差  
戶計經官陳告者仰照依乙未年元籍  
名色歸着

壬子年附籍打捕戶送納皮貨不納斤絲  
仰揭照壬子元籍相同止令應當絲料  
如不係打捕戶計仰即收係與民一體

當差

手狀指稱打捕戶不納皮貨亦不當差之人無問附籍漏籍仰元係與民一體當差

一儒人戶計中統四年分揀過儒人內今次再行保勘到委通文學依舊免差不通文學者收係當差

中統四年不經分揀附籍漏籍儒人或本是儒人壬子年別作名色附籍并戶頭

身故子弟讀書文高智耀收拾到驅儒  
仰從實分揀委通文學者依例免差不  
通文學者收係當差外諸色人戶下子  
弟讀書深通文學者止免本身差役

一新居戶

軍站急遞鋪駕船漏籍鐵冶戶戶下人口  
析居者揭照各籍相同止令依舊同戶  
當役如無者收係當差

民匠打捕鷹房諸色附籍漏籍人等戶下

人口析居者依例收係當差如局分見  
役人匠不敷從尚書省定奪

運司煎鹽竈戶戶下人口析居者仰充竈  
戶收係應當絲料

一招召女婿

養老女婿

亡出舍另居自行娶到妻室却稱津貼  
丈人戶下差發或納本投下差發之人  
仰收係當差外據丈人出滿財錢別行

求與妻室及分訖事產津貼者依舊同  
戶應當差役

元議養老女婿有丈人要訖財錢或因事  
已將元妻休棄即目另居別行娶到妻  
室無問籍內有無收係當差

諸良人於他人驅戶處作養老女婿即目  
養老丈人丈母另居其元使或弟男依  
舊作驅使用除軍站急遞鋪兵駕船戶  
揭照各籍內有姓名者為良作貼戶收

係外其餘民匠諸色人等無問籍內有  
無即仰收係當差

年限女婿

歸宗與父兄同家住坐應當差發之人別

無定奪

年限已滿不行歸宗今次另供到手狀戶

數仰收係當差

年限未滿即目另居取到手狀之人仰合  
屬官司籍記作戶收係候年限滿日依

例科差

一諸人戶下漏抄親驅人丁今已成戶雖稱  
與父兄或本使同戶應當差役者無問  
軍民人等並仰收係當差若軍人戶下  
人口軍籍內查照有姓名之人同戶當  
軍

一砂井集寧靜州按打堡子四處壬子年元  
籍愛不花駙馬位下人戶揭照元籍相  
同依舊開除

一諸附籍漏籍合併戶數如自願析戶者另行收係當差不願者聽仍令合屬官司籍記見數同戶應當差役

一隨朝并各位下諸色承應人見不承應者收係當差

一隨路諸色不當差人戶除軍站戶限地外照依累降聖旨種田納地稅買賣納商

稅

一今次取勘戶計若有脫漏者從尚書省立



限拘刷施行諸投下不得招收違者治罪

一尚書省今次分揀到諸色人戶已後若諸王公主駙馬或投下人負爭理戶計公事依着先帝聖旨不得一面起移亦不得擅自更改須管經由尚書省照勘依例定奪

一涿州合蘭木西京忽蘭南京張子良各管戶計欽依聖旨已經革罷隸屬各路為

恐元管人戶爭差且令各管頭目管領  
科差今次取勘見數其元委頭目合行  
罷去仰隨路依已行收係科差

至元十七年十月中書省戶部呈衛輝路軍  
戶李秀告貼戶程玉將男程暗住軍籍  
內漏報投充車站戶計本部照得至元  
八年程暗住於正軍李秀軍籍內攢報  
雖已未年漏報程暗住姓名止是漏丁  
終是元簽正軍程玉親男以此叅詳擬

令程暗住與李秀依舊同戶當軍別行  
撥補車站身役都省准呈

投下收戶 中統二年六月欽奉聖旨道與十  
路宣撫司今體知得諸投下差使臣告奉到聖  
旨及令旨文字不經由本路官司徑直於州縣  
開讀拘刷民戶人匠便行拘收起移及取索錢  
債搔擾爲此特降聖旨今後遇有各投下拘刷  
起移人匠民戶取索錢債先須經由本路宣撫  
司行下達魯花赤管民官若不係大數民匠合

拘收起移者依上拘刷並不得似前徑直於州縣一面搔擾如委實不係大數合拘刷起移底民匠各路官司却不得遮當外據錢債公事不得一面拘收人負取索若係已身借過錢債照依元降聖旨於宣撫司定奪立限歸還違者並行治罪欽此

至元二年二月欽奉聖旨諸王共議條畫內一欵依先帝聖旨諸王公主駙馬并諸投下不得擅行文字招收戶計

至元十九年十月欽奉詔書內一欵元降聖  
旨諸投下不得招收戶計近年諸投下往往將  
不干礙人戶濫行收拾爲此已令中書省通行  
文字禁斷去訖違者依理究治諸人亦不得將  
州縣人戶及辦課處所係官田土各人已業於  
諸投下處呈獻

至元二十八年五月十九日欽奉聖旨節該  
中書省官人每奏月哥歹皇帝時分忽都忽官  
人抄數戶計時節落後下的漏籍戶還俗和尚

先生每弟兄折居放良來的這等戶每不揀是  
誰休拘收者麼道聖旨行了有來那的後頭鼠  
兒年抄數戶計時分忙哥皇帝也依那體例裏  
教行有來蠻子百姓收附了教見數目來漢兒  
蠻子每不揀那投下百姓每根底聖旨教行呵  
怎生麼道奏來如今不揀那箇投下不揀是誰  
漏籍戶還俗和尚先生每弟兄折居放良這等  
戶根底依已前聖旨體例裏休拘收者休隱藏  
者這般的戶計每有呵城子裏官人每數目要

了續續的中書省裏報知者麼道來這般曉諭  
了這般的戶計諸王諸子公主駙馬休拘收者  
休隱藏者別箇百姓每隱藏呵有罪過者

官豪影占 大德三年六月初九日中書省奏  
闕里吉思題說福建合行事內一件那裏的官  
人每富戶有勢的人每將百姓每田地占着教  
百姓每佃戶不教當雜泛差役有合禁治麼道  
說有俺商量來教百姓每做佃戶種養呵種養  
也者根腳裏的不揀甚麼差發有呵依體例當

者休遮護者麼道在前也禁約着有來如今做  
佃戶教種養的種養也者依衆百姓每體例裏  
不揀甚麼差發教當者有勢力人每休遮護者  
麼道行文字更教廉訪司官人每也着糾察麼  
道奏呵奉聖旨那般者欽此

大德七年三月欽奉聖旨條畫內一款節該  
各處官吏毋得影占人戶供給私用犯者治罪  
至大四年七月中書省御史臺呈江南三省  
所轄之地民多豪富兼併之家專令子孫弟姪



華裾駿馬根隨省官恃勢影占不當差役營幹  
身事把持官府欺壓良民以私害公若不禁止  
實爲未便刑部議得合從監察御史肅政廉訪  
司用心體察如有違犯之人痛行斷罪發還元  
籍再犯加等處斷若因而影避差徭者罪及家  
長元引官負量事輕重治罪仍標注私罪過名  
都省准擬

非法賦歛 大德八年三月中書省御史臺呈  
脫脫大王位下管願諸路本授下都總管府敬

奉令旨親管戶計內每年科徵年銷錢中統鈔貳佰定作本府官吏俸錢祇待使臣飲食不見曾無經由中書省定奪送兵部檢會到至元二年三月欵奉聖旨諭中書省去歲與諸王共議定條畫內一欵節該依哈罕皇帝先帝聖旨據各投下分到民戶除五戶絲外不揀甚麼差發不教科要欵此叅詳所在人戶俱係國家赤子焉有彼此之分近年以來各投下官負恃頑不同常調但凡所須物色悉皆科撥本管人戶擬

合通行照會今後一切橫科錢物並行禁止勿  
令椿配如違從監察御史廉訪司追問其投下  
若有必然合用物色經由中書省定奪都省准  
呈

以籍爲定 至元三年七月中書省樞密院呈  
隨路爭差正軍并貼戶津濟驅口訴良等事不  
見委的憑准是何年分軍籍歸斷右三部議得  
西路憑乙卯年軍籍山後憑丁巳年籍山前憑  
己未年查定軍冊摺照歸斷都省准呈

至元九年正月初四日樞密院奏漢軍的體例軍每生受的多有告的人勘當得端的決斷不得又三四年其間裏爭差的多有又無箇真數目爲這上頭前年箇與中書省尚書省御史臺一同商量這軍的體例來勾集管軍官管民官一處查對軍籍分揀當得軍的當不得軍的一就攢寫新籍這般商量過聞奏呵聖旨准來如今文書查對出來也當得軍的當不得軍的爭差的數目見也如今擬定體例與中書省安

童為頭官人每再商量過聞奏奉聖旨這奏的  
公事都依您與聖旨行者

一丁多有氣力軍更有驅戶如今折那貼戶  
丁多的每戶除本身軍外親驅丁至伍  
拾丁者添軍壹名已上每伍拾丁再添  
軍壹名添至拾名止充本翼內軍數軍  
官添到軍人作闕端赤軍戶添到軍人  
止於本牌甲內一處出軍不得另行差

撥

一軍籍內漏報壬子年同戶附籍親屬人口  
除至元六年已前經中書省已斷有文  
憑者依已斷有定不經省斷及至元七  
年已後收差已未到官者俱各除差同  
戶當軍

一諸軍戶折居人口軍籍內有姓名者除差  
同戶當軍

一至元七年以前軍籍內裹攢合併戶計依  
舊當軍

一女婿養老者依舊養老出舍者如軍籍已  
前出舍軍籍內有姓名同裏攢戶例同  
戶當軍如軍籍已後出舍有同戶主婚  
親人復歸本戶無同戶主婚親人止津  
貼軍戶從樞密院定奪

一軍驅乙未壬子二年本主戶下附籍驅口  
軍籍內漏報姓名除至元六年已前經  
中書省已斷有文憑者依已斷爲定不  
經省斷及至元七年已後收差已未到

官者爲本主漏報止爲良作貼戶

乙未壬子二年本主戶下漏報驅口因而  
在外另籍或爲不曾附籍在後本主却  
於軍籍內攢報過人口爲良作貼戶

一諸正軍若有雇覓慣熟好人出軍者聽管  
軍官不得代替本翼軍人

一五投下蒙古漢軍內有准充柒拾貳萬戶  
元僉數目軍人依舊止隨各投下當軍  
一在先僉軍時已前倚閣并磨問時未補逃



亡事故等軍冊內空有名頭委無軍今  
次開除

一除前項體例外止憑至元八年軍籍爲定  
一軍戶內放良驅口除至元六年終已前收  
差者依舊當差外至元七年已後收差  
戶計如良書該寫爲民准良書當差如  
不該寫爲民者除差另作貼戶從樞密  
院定奪

大德三年四月中書省江西行省咨臨江路

軍人劉貴將男劉賢第於至元十七年過房與  
民戶楊四五爲男二十七年抄戶楊四五將劉  
賢第立名楊繼生於戶下供籍外據劉貴爲係  
戶絕萬戶府將本人除豁了當戶部議得劉賢  
第雖係軍人劉貴親男却緣伊父自願過房與  
民戶楊四五爲男之後本人充軍身故楊四五  
旣於至元二十七年抄戶時分已將劉賢第立  
名楊繼生供報入籍擬合爲民當差都省准擬  
大德三年六月初十日樞密院奏四川省官

人每使將人來拔都萬戶裏貳佰伍拾叁箇漢  
軍至元七年僉充軍來到今當軍三十拾年也如  
今晉王的令旨塔察兒小名的人說有這軍每  
是忽蘭皇后斡耳朶裏民戶有來軍的數目裏  
不教行有俺根底說將來在前大王駙馬并似  
這般道是俺的戶計來麼道奏將來合除了的  
也有在後屬納木罕闕闕出太子每的戶計也  
那般說將來呵俺每世祖皇帝根底奏來青冊  
裏籍定的軍每似這般除豁了呵軍的數目減

少的一般麼道奏呵但是青冊裏入去了的折  
莫是誰的呵休除豁者依前教做軍者麼道聖  
旨有來如今晉王令旨裏教收百姓者說將來  
奏呵奉聖旨依着在先世祖皇帝聖旨了的勾  
當但是軍籍裏入去了的不揀是誰的休回付  
者又奉聖旨火兒赤也這裏有晉王根底明白  
說將去者

冒戶 至元三年七月中書省照得係官當差  
人戶往往投充諸王位下曳刺祇候恃勢搔擾

百姓欽奉聖旨節該今後應有係官當差人戶  
非奉朝省文面不得擅便投屬隨諸王并投下  
官負勾當如却有投屬根隨諸王并投下官負  
勾當的不有罪過那甚麼隨路遍行文字者

至大三年十月欽奉詔書內一欵諸色戶計  
各已占籍其有妄投各枝兒怯薛可等名色規  
避差役冒請錢糧者並行禁止

搔擾工匠 至元二十八年十月十九日中書  
省奏運糧的南人的孩兒張萬戶說有江南官

人每影占着匠人每梯己的勾當裏使用有又  
科要錢有如今取見匠人每數目各局院裏合  
造的額數造了呵放還教做他每的勾當養喉  
嚟吃呵怎生麼道說有有體例一般有前者夏  
裏不揀是誰局院裏休教造梯己的勾當者官  
人每有氣力的富戶每根底休影占着行者麼  
道聖旨行了來如今也依着他的言語行呵怎  
生麼道奏呵您的不是有尚自這裏局院裏有  
的匠人每根底桑哥等賊每梯己的勾當裏使

用來不收拾放了呵開與做賊的門戶一般自由的不拏着使那甚麼再商量者麼道聖旨了也欽此送工部照得近欽奉聖旨節該元省部文字無投下官人每印信文字下次委的官吏每下頭不揀甚麼要有自己勾當裏軍匠夫役當有官司局院裏梯已段尺諸般生活雜造有私下百姓每根底不揀甚麼科要有麼道奏來如今這勾當行的時分不揀誰其間休入去者私下百姓每根底不揀甚麼休科要者官司局

院自己生活休教造作者軍匠夫役休差占者  
道來這般道了這勾當別了的人每有罪過者  
又這打算的要肚皮覩面情呵無體例的百姓  
生受行呵他每更不怕那聖旨了也欽此議得  
江南人匠擬合常川入局驗周歲定到額造工  
程造作若有匠官人等影占人匠科要錢物擬  
合欵依已降聖旨事意禁治如有違犯從肅政  
廉訪司體察都省准擬

通制條格卷第二



通制條格卷第三

戶令

隱戶占土 大德三年正月欽奉聖旨中書省  
官人每奏月哥可皇帝時分忽都魯官人抄數  
了戶計漏籍放良等戶不揀誰休收拾者麼道  
行聖旨來壬子年抄數戶計時分蒙哥皇帝依  
前再行聖旨來在後收附了江南抄數了戶計  
呵漢兒蠻子不以是何漏籍析居放良還俗僧  
道等戶依在先聖旨體例諸王公主駙馬休收

拾者隱藏呵有罪過者似這般戶計隨處管民  
官每取見數目中書省裏申報者麼道世祖皇  
帝行聖旨來孛羅歡爲頭河南行省官題說俺  
管轄的地面裏將係官并民田每有一等巧人  
諸王駙馬每根底官人每根底各投下呈獻的  
多有不係諸王駙馬各投下分撥到的戶計地  
土有若不禁治呵漸漸的做學的多了去也麼  
道說有諸王駙馬權豪勢要衆百姓每根底宣  
諭的聖旨行呵怎生麼道奏來如今不揀那箇

諸王公主駙馬依在先聖旨體例裏漏籍并不  
干礙他每的戶計休收拾者休隱藏者地土也  
休占者已收拾來的戶計已占來的地土依體  
例回付者這般宣諭了呵庶人每隱藏戶計自  
意占地土諸王公主駙馬每根底呈獻戶計地  
土呵有罪過者欵此

親在分居 至元八年六月尚書省御史臺呈  
監察御史體究得隨處諸色人等往往父母在  
堂子孫分別籍異財實傷風俗送戶部講究

得舊例祖父母父母不得令子孫別籍其支析  
財產者聽今照得士民之家往往祖父母父母  
在日明有支析文字或未嘗支析者其父母疾  
篤及亡歿之後不以求醫侍疾喪葬爲事止以  
相爭財產爲務以此叅詳擬合酌古准今如祖  
父母父母在許令支析者聽違者治罪都省准  
擬

至元十一年正月  
中書省御史臺呈  
切聞爲  
人子者養親當致其樂不敬其親謂之悖禮伏

見隨路居民有父母在堂兄弟往往異居者分  
居之際置父母另處一室其兄弟諸人分供日  
用父母年高自行拾薪取水執爨爲食或一日  
所供不至使之詣門求索或分定日數令父母  
巡門就食日數纔滿父母自出其男與婦亦不  
懇留循習旣久遂成風俗甚非國家所以孝治  
之意今後禁約父母在堂之家其兄弟諸人不  
許異居著爲定式如此庶使人子竭養親之心  
父母享終身之樂都省准擬

收養同宗孤貧 至元二十一年正月中書省  
御史臺呈體知得近年以來漢人官吏士庶與  
父母異居之後或自己產業增盛而父母日就  
窘乏者子孫視猶他家不勤奉侍以爲旣已分  
另不比同居或有同祖同父叔伯兄弟姊妹子  
姪等親鰥寡孤獨老弱殘疾不能自存者亦不  
收養以致託身養濟院苟度朝夕有傷風化今  
後若有別居異財豐衣美食坐忍父母窘乏不  
供子職及同宗有服之親寄食養濟院不行收

養者許諸人首告重行斷罪如貧民委無親族  
可倚或親族亦貧不能給養者乃許入養濟院  
收錄都省准呈

戶絕財產 中統五年八月欽奉聖旨條畫內  
一款隨處若有身喪戶絕別無應繼之人

謂子

姪弟兄之類

其田宅浮財人口頭疋盡數拘收

入官召人立租承佃所獲子粒等物通行明置  
文簿報本管上司轉申中書省若拋下男女十  
歲以下者付親屬可托者撫養度其所須季給

雖有母招後夫或携而適人者其財產亦官知數如已娶或年十五以上盡數給還若母寡子幼其母不得非理典賣田宅人口放賤爲良若有須合典賣者經所屬陳告勘當是實方許交易

至元八年三月尚書省戶部呈議得今後隨路遇有各州縣申到戶絕人戶照勘相同先將差發權行倚閣另申省部仍牒按察司如巡按時體察從實申臺呈省都省准擬



至元五年七月中書省樞密院呈平陽路民  
戶鄭堪淨告兄鄭大見充軍戶年老無嗣合元  
將男挨哥承繼祖業充貼戶津濟正軍侍養鄭  
大都省議得合將鄭挨哥名籍除豁令本人承  
繼伊伯父鄭大祖業應當貼戶身役已後民戶  
內有無子之家軍戶內却有承繼同宗弟姪亦  
仰依上一體施行

至元六年十一月中書省戶部呈南京路鈞  
州陽翟縣附籍范顯戶下駟口張春奴等告本

使范顯及男山兒身故今有懷州軍戶范總帥  
男范贊將引家小搬來本家住坐昏賴范顯事  
產本部叅詳范贊係范顯親姪擬合承繼伊伯  
戶名當差將拋下人口事產等物盡行分付本  
人爲主却於懷孟路范總帥戶下除豁一丁差  
役都省准擬

醫戶析居 至元八年十月初十日太醫院奏  
本管的醫人內除戶頭作醫戶當差外其餘第  
兄孩兒每省會醫人的不會醫人的析居收作

協濟民戶若這般已後習學醫人的都少了也  
合無將本院但有折居戶令本院管領據合着  
差發依民戶例輸納不致闕少俺管呵怎生奉  
聖旨這的是有體例說的是也與西相根底商  
量者欽此尚書戶部呈准都省劄付欽依施行  
太醫差役 大德七年十月初五日樞密院奏  
在前軍役裏出去了的太醫每根底根腳裏的  
軍役除豁了教太醫院裏行者麼道聖旨有來  
似這般都出去了呵減了軍的數目一般有皇

帝識者麼道奏呵您怎生商量來聖旨有呵回  
奏除在前奉聖旨教全家除豁了軍役出去的  
外其餘軍役裏出去了的并今後太醫裏入去  
的只教他每的當房媳婦孩兒每教出去其餘  
弟兄每和貼戶一同應當根腳裏的軍役呵怎  
生擬定來奏呵奉聖旨是有那般者欽此  
年老侍丁 大德九年二月欽奉詔書內一欵  
老者年八十以上許存侍丁一名九十以上存  
二名並免本身雜役欽此

寺院佃戶 大德三年七月初三日中書省奏  
江南有的種佃寺家田地的佃戶每依在前揚  
總統說謊奏了俺寺家的佃戶每根腳裏亡宋  
時分在後寺家的冊裏也籍着來不干他每事  
管民官說俺合管麼道教生受有依在前體例  
裏則教俺管呵怎生麼道奏過要了聖旨來前  
者又管和尙的官人每依着在前揚總統滕朧  
奏來的奏了有氣力的教當差者無氣力的休  
教當者管民官休管者麼道行了聖旨有俺商

量來亡宋時分百姓的數目裏籍着來後頭世  
祖皇帝聖旨裏虎兒年抄數戶計時分也百姓  
的冊裏籍着有來更兼俗人休教和尚管者麼  
道在先有行來的聖旨則杭州省裏管着寺家  
的佃戶約伍拾萬戶有餘教和尚每管呵別着  
大體例的一般有做佃戶種田呵依體例種佃  
也者依在前聖旨體例裏則教管民官每管呵  
怎生商量來奏呵奉聖旨是也和尚每休官者  
教管民官管者欽此

被虜平民 至元二十五年六月中書省御史  
臺備監察御史呈若有叛亂去處各軍虜得人  
口合委按察司官與軍民官審問分據將從賊  
妻屬出給公據分付各軍如無公據即與虜掠  
良人一體斷治刑部議得迤南叛亂收捕各軍  
拿住人口如准監察御史所呈出給公據相應  
都省准擬

至元二十七年十一月二十五日御史臺奏  
行臺官人說將來蠻子田地裏賊每生發呵咱

每底軍每收捕呵投拜入來將他每在先做賊  
行時討虜得好百姓每媳婦孩兒每根底咱每  
收捕官人每根底拜見物與有俺商量得賊每  
投拜入來呵好人根底委付者根脚裏賊每討  
虜將來的好百姓根底收拾聚他每親眷每根  
底分付與教做百姓無親眷的配做夫妻教做  
百姓那般好百姓根底做拜見要的無體例有  
麼道尚書省官人每一處商量呵您的言語有  
體例如今那般賊每討虜來的百姓根底好人



根底委付着教做百姓呵怎生麼道奏呵則那  
般者麼道聖旨了也欽此

賣子圓聚 至元七年十二月尚書省御史臺  
呈濟南路人戶王瘦廝爲家貧無錢送納差發  
賣訖二子合無令父子完聚仍禁治似此買賣  
兒女之人庶望風俗淳厚都省議擬劄付戶部  
即將王瘦廝已賣兒男福興僧兒於買主崔三  
樊九處追付圓聚據元買價錢即係違法事理  
不須回付仍取問當該官吏搆配差稅致令賣

子違錯情由遍行禁約今後毋令買賣親屬  
儒人被虜 雞兒年四月十五日欽奉聖旨節  
該據高秀才奏告已前的聖旨裏真箇的和尚  
先生秀才不揀誰討虜要來的依做主者道有  
聖旨既有如今秀才每根底却做主有更與贖  
的價要出來麼道道呵不教出來有奏過的上  
頭如今真箇秀才每有呵根脚裏買來的依元  
價出來者聖旨這般省諭了呵真箇秀才每根  
底那般贖的價與了出來的時節不揀是誰依

奪者當者更這般高秀才等有聖旨麼道沒體  
例不是秀才的人秀才麼道影占來呵他每不  
怕那無罪過那甚麼欽此

蒙古人差發 中統三年三月二十八日中書  
省奏達達民戶壬子年雖是青冊上附籍元在  
達達百戶牌子裏當差發的分付各投下當差  
發身後奉聖旨准

中統五年七月十二日線真丞相等奏奉聖  
旨達魯花赤依大例當差者欽此

怯薛元役 延祐元年十月二十二日中書省  
奏郎忙古歹小名的人根脚裏係運糧船戶在  
後寶兒赤裏行呵完澤篤皇帝時分寶兒赤官  
人每奏了將他根脚裏當的差役教除豁了來  
漕運司官人每又教當役有教除豁了他元當  
的差役只教寶兒赤裏行者麼道驢驢三間等  
奏了俺根底與了文書來似這般各枝兒裏行  
的多有將他元當的差役除豁了呵怎中不教  
除豁他元當的差役教寶兒赤裏行呵怎生奏

呵依體例教當役者麼道聖旨了也欽此  
弓手差發 至元三年七月中書省右三部呈  
差撥巡捕弓兵事本部講究得京府州司縣合  
用人數止於本處當包銀絲線并止納包銀戶  
說內每壹伯戶選差中戶壹石當役據本戶各  
當差發稅糧却令玖拾玖戶包納外中都巡馬  
擬於侍衛親軍內摘差四百人與見設巡軍一  
處應役至元三年七月二十三日聞奏過奉聖  
旨依着您商量的行者欽此

祇候曳刺稅糧 至大三年十一月尚書省湖  
廣行省咨江南各路府州司縣合設祇候曳刺  
於相應戶內差撥不除稅糧兵部議得江南別  
無送納包銀人戶所據合設祇候曳刺依舊例  
於有地戶內驗稅貳石之下壹石之上者差設  
合該稅糧令其餘人戶包納須要不失元額都  
省准擬

交換公使人隸 延祐三年三月中書省刑部  
呈議得各處見役弓手祇候首領面前曳刺管

勾人等爲是害民已經呈准於相應戶內從新  
補換去訖若以三年一次交換數年之後鄉村  
細民皆爲皂隸起戒詞訟紊亂官府公私不便  
以此叅詳合依已行盡數交替三年役滿不作  
過犯者依舊存設曾經斷罪罷閑及已前勾當  
之人不許再用如違犯人痛行斷罪當該官吏  
量情究治都省准擬

婚姻禮制 至元八年九月尚書省禮部呈契  
勘人倫之道婚姻爲大即今聘財筵會已有定

例外據拜門一節係女真風俗通行合屬革去  
外據漢兒人舊來體例照得朱文公家禮內婚  
禮酌古准今擬到各項事理都省議得登車乘  
馬設次之禮貧家不能辦者從其所欲外據其  
餘事理依准所擬

一曰議婚身及主婚者無期以上喪乃可成  
婚必先使媒氏往來通言俟女氏許之  
然後納采

二曰納采

係今之下定也

主人具書夙興奉



以告于祠堂

人之大倫於禮為重必堂

告廟而後行示不忘祖而今往往俱無

祠堂或畫影及寫立位牌亦是

乃使子

第為使者如女氏女氏主人出見使者

遂奉書以告于祠堂出以復書授使者

遂禮之使者復命婚氏主人復以告于

祠堂或婚主人等親往納采者聽

三曰納幣

係今之下財也

擬合酌古准今照

依已定筵會以男家為主會請女氏諸

親為客先入坐男家至門外陳列幣物  
等令媒氏通報女氏主人出門迎接相  
揖俟女氏先入男家以次隨幣而入舉  
酒請納幣飲酒受幣訖女氏主人回禮  
婿家飲酒畢主人待賓如常禮許婿氏  
女子各各出見並去世俗出羞之幣  
四曰親迎前期一日女氏使人張陳其婿之  
室厥明婿家設位于室中女家設次于  
外初婚婿盛服主人告于祠堂遂醮其

子而命之迎婿出乘馬至女家俟子次  
女家主人告于祠堂遂醮其女而命之  
主人出迎婿入奠鴈姆奉女出登車婿  
乘馬先行婦車至其家導婦以入婿婦  
交拜就坐飲食畢婿出復入脫服燭出  
主人禮賓

五曰婦見舅姑明日夙興婦見于舅姑舅姑  
禮之次見于諸尊長若冢婦則饋於舅  
姑舅姑饗之

六曰廟見三日主人以婦見於祠堂如無祠

堂或懸形及寫位牌亦是

七曰婿見婦之父母明日婿往見婦之父母

次見婦黨諸親婦家禮婿如常儀

一目今作贅召婿之家往往甚多蓋是貧窮不能娶婦故使作贅雖非古禮亦難革撥此等之家合令權依時俗而行

至元八年二月欽奉聖旨條畫內一款諸色人同類自相婚姻者各從本俗法遞相婚姻者

以男爲主

蒙古人不在此限

大德八年正月欽奉詔書內一欵男女居室  
人之大倫近年聘財無法奢靡日增至有傾資  
破產不能成禮甚則爭訟不已以致嫁娶失時  
蒙古色目人各依本俗及品官另行定奪其民  
間聘財命中書省從宜定立等第以男家爲主  
願戒者聽親禮筵會務從省約

上戶

金壹兩

銀伍兩

綵段陸表裏

雜用絹肆拾匹

中戶

金伍錢 銀肆兩 絲段肆表裏

雜用絹叁拾匹

下戶

銀叁兩 絲段貳表裏

雜用絹拾伍匹

至元六年十二月中書戶部契勘人倫之道  
婚姻爲大據各處見行婚禮事體不一有立婚

書文約者亦有不立婚書止憑媒妁爲婚者已定之後少有相違爲無婚書故遣元議妄行增減財錢或女婿養老出舍爭差年限訴訟到官其間媒證人等徇情偏向止憑在口詞因以致爭訟不絕深爲未便省部議得今後但爲婚姻須立婚書明白該寫元議聘財若招召女婿指定養老或出舍年限其主婚保親媒妁人等盡字依理成親庶免爭訟

至元二十五年十月十六日尚書省奏遼陽

行省與將文書來義州一箇劉義小名的女孩  
兒根底姓劉的人根底招到養老女婿住了十  
年生了一箇孩兒如今同姓的人做夫妻的體  
例無麼道說將來呵禮部官人每定奪得羊兒  
年條畫聖旨裏正月以前的爲夫妻的每根底  
依舊者正月以後的爲夫妻的每根底依着聖  
旨體例裏合聽離道有若夫妻不和厮打呵同  
姓麼道推托着出去有那般同姓爲夫妻的每  
根底不交聽離呵怎生麼道奏呵這言語不曾



志了在先做了夫妻的每根底休交聽離從今  
後同姓爲夫妻的每交禁約者不禁約呵似回  
回家體例有麼道聖旨了也欽此

夫亡守志 至元五年二月中書戶部平陽府  
申郭從訓告韓阿鞏不令伊女趙奴與亡弟郭  
四守服本部議得韓趙奴旣與郭四成婚其夫  
身亡合於夫家守服以全婦道部准

至元八年二月欽奉聖旨節該婦人夫亡服  
闋守志并欲歸宗者聽其舅姑不得一面改嫁

欽此

至元十三年三月中書省戶部呈蒲臺縣人  
戶韓太妻阿臧夫亡願不改嫁亦不與小叔續  
親本部議得今後似此守志婦人應繼人不得  
搔擾聽從所守如却行召嫁即各斷罪仍令收  
繼都省准呈

大德八年正月欽奉詔書內一款節該婦人  
服闋守志者從其所願若志節卓異無可養贍  
官為給糧存恤欽此

收嫂 大德四年十月中書省河南行省咨李  
百家奴告定到劉換住妹劉乖乖與弟李五兒  
爲妻下訖鈔絹釵環五兒身故李四十係一父  
母所生小叔雖有妻室即係應繼之人禮部議  
得劉乖乖雖是定婚未曾過門其李四十已有  
妻室二者俱難收繼令劉乖乖別行改嫁相應  
都省准擬

元貞二年三月中書省御史臺呈李阿周長  
男李繼先身死次男僧人李福證留髮還俗欲

於嫂張保奴本婦不願改嫁趙明之爲妻都省  
議得李福證既是出家僧人擬准已婚令張保  
奴與趙明之爲妻

大德二年十二月中書省御史臺呈德州軍  
戶于進告女于貨兒聘與潘二爲妻伊夫身故  
于貨兒服闋歸宗却有遠房小叔潘五爭繼禮  
部議得于貨兒已經服闋小叔潘三許令歸宗  
遠房小叔潘五似難收繼都省准擬

至元十六年二月中書省禮部呈濟州郭全

元召李丑駙作婿十三年任訖四年身故外有九年伊弟李五駙欲行收繼貼任年限其李五駙已於牛三家作婿似難收繼都省准呈

至元十六年十二月中書省禮部呈平陽路申路顯告男重興身死已定婚婦崔勝兒却許李孫兒爲妻不肯令次男路四兒收繼本部議得路重興與崔勝兒未婚身故難議收繼都省准呈

至元十六年六月中書省禮部呈彰德路楊

阿田憑媒說合張招撫次男羊兒與女春兒作  
抱財女婿下訖銀絹未曾成婚張羊兒將伊亡  
兄張大妻阿梁叔繼了當本部議得張羊兒既  
將伊嫂叔繼若又與楊春兒作婿即是有妻再  
娶擬將元下銀絹回付令楊春兒別行改嫁省  
准

大德六年九月中書省禮部呈平陽路郭穩  
召到李聚姪男犇牛與女秀哥作出舍婿當年  
身故令元媒本問李聚並無叔繼之人將秀哥

聘嫁暴狂爲妻已有所出李聚却告令伊男安  
僧叔繼指證相同議得李犇牛身故郭穩使元  
媒本問李聚將女秀哥改嫁暴狂爲妻經今四  
年已有所出合准已婚爲定都省准呈

大德五年十一月中書省准陝西行省咨延  
安路趙胤告年老無人養濟將女穿針召到王  
安讓作養老女婿身故其房弟王安傑要行收  
嫂禮部議得凡人無後者最爲大事其趙胤初  
因無嗣與女召婿養老不幸婿死賴有伊女可

爲依倚合從趙胤別行召婚以全養老送終之  
道都省准擬

收繼孀母 大德八年五月中書省樞密院呈  
蒙古軍驅王火你赤病故其妻張秀兒守服六  
年有本使菊米娘子將秀兒強要配與火你赤  
親姪王保兒爲妻禮部議得王火你赤妻張秀  
兒服制已滿其姪王保兒欲行收繼雖係蒙古  
軍驅終是有姓漢人姪收孀母濁亂大倫擬合  
禁止省准



良嫁官戶 至元十二年三月中書省戶部呈  
尚衣局申齊世榮告故兄女粉梅爲亡訖父母  
於張伯松家住坐本人暗地主婚接受係官財  
錢柒拾伍兩聘與甲局童男張得安爲妻張得  
安身故齊世榮自願出鈔柒拾伍兩收贖姪女  
粉梅歸宗本部議得童男張得安身死其妻粉  
梅別無收繼之人伊叔齊世榮願備元財收贖  
擬准所告相應省准

嫁娶所由 至元六年十一月中書省制國用

使司呈高忽賽因告田總管夫人處下財定至  
伊女素英與男沙班爲妻田總管知悔却將素  
英許與李外郎男爲婦左三部送法司擬嫁女  
皆由祖父母父母父亡隨母婚嫁又嫁女棄妻  
皆由所由若不由所由皆不成婚亦不成棄若  
所由後知滿三月不理者不在告論之限其田  
阿賈不曾由問夫田總管將女素英定與高忽  
賽因男爲妻田總管自西京還家將定物回付  
了當以此叅詳田總管女素英與高忽賽因男

不合成婚省准

駟女由使嫁 至元十二年五月中書省御史  
臺呈阿台驅戶楊仲椿不曾由問本使將女金  
蟬許與朱得林男長壽馬爲妻受訖羊酒都省  
議得楊仲椿旣是阿台驅戶合令朱得林由問  
阿台許聘依理下財成親

樂人婚姻 至元十五年中書省宣徽院呈官  
豪富勢之家強將成名善歌舞粧扮堪以承應  
樂人婦女暗地捏合媒證娶爲妻妾慮恐失誤

當番承應於七月十八日間奏過奉聖旨是承  
應樂人呵一般骨頭成親樂人內匹配者其餘  
官人富戶休強娶要欽此

至大四年八月十八日中書省李平章特奉  
聖旨辛哈思的爲娶了樂人做媳婦的上頭他  
的性命落後了也今後樂人只娶樂人者咱每  
根底近行的人每并官人每其餘人每若娶樂  
人做媳婦呵要了罪過聽離了者麼道聖旨了  
也欽此

良賤爲婚 至元十四年七月中書省戶部呈  
懷孟路申奧魯赤萬戶爭軀事理本部議得楊  
裕元係奧魯赤虜到軀口乙未壬子二年不曾  
附籍今以主奴相認斷令楊裕依舊住坐據娶  
到良人所生兒男合令官司籍記爲良隨父同  
居候正軀身死另立戶名當差緣奧魯赤係探  
馬赤軍戶擬合候正軀身死爲良作貼同戶當  
軍省准

至元十四年十一月初二日奏百姓人家女

孩兒每嫁與了人家奴婢每做媳婦多有生的  
孩兒每俺每合做良人麼道那使長却道是合  
做俺每的奴婢這般爭差不便當的一般俺每  
商量得今後禁治良人家女孩兒每並不得嫁  
與人家軀口爲婦若是嫁與的便做奴婢這般  
商量定了秦呵奉聖旨道是也又秦江南來  
的官負客旅軍人并諸色人等每就江南百姓  
人家的女孩兒并無男兒的婦人根脚裏做媳  
婦求將來却行瞞昧做娉已人賣與諸人爲軀

不便當的一般俺商量得禁約並不得將求到  
良人作軀口貨賣奏呵奉聖旨那般者欽此都  
省遍行隨路官司省諭諸人今後於迤南求娶  
妻室依例憑媒寫立婚書毋致朦朧娶嫁如有  
將求到媳婦做梯已軀口貨賣將被賣良人隨  
即改正爲良價錢沒官買主賣主治罪施行  
至元二十五年十月十三日尚書省奏人每  
的軀每根底百姓每女孩兒與了有男兒死了  
呵媳婦孩兒做百姓的體例有道有在先與時

分你甚麼根脚人麼道爲甚不問與了有明理  
會得是人的軀根底與了呵與了的後頭是百  
姓人家女孩兒來只合做百姓的體例有道呵  
不宜爲那般呵人的軀使長根底趨避的多有  
麼道奏呵人每的軀麼道明理會得與了呵却  
是百姓有來合做百姓有體例麼道呵無體例  
軀道的明理會得女孩兒每根底休與者但是  
驅每根底與呵只合做軀的體例有麼道聖旨  
了也欽此



至元二十八年十月中書省禮部呈議得忽  
納萬戶男脫因告稱沈陞因與伊駟婦孫七姑  
通奸本家總領李愛亦伯令沈陞寫立文字作  
婚該如是不肯依理住坐自備羅絹參拾匹下  
與李愛亦伯將妻孫七姑出舍並無年限其沈  
陞經今出力壹拾叁年已有所生貳男元與財  
錢鈔參定已是上戶聘財擬合爲良完聚都省  
議得沈陞自立婚書出備羅絹參拾匹依准元  
立私約交付忽納萬戶李總領收管孫七姑并

所生貳男分付沈陞圓聚爲良

通制條格卷第三

通制條格卷第四

戶令

嫁娶 至元八年二月欽奉聖旨中書省奏定  
民間婚姻聘財等事

一為婚已定若女年拾伍以上無故伍年不

成

故謂男及婚年甲或服制未關

之類其間有故以前後年月併計之及

夫逃亡伍年不還並聽離不還聘財

一有妻更娶妻者雖會赦猶離之

一蒙古人不在此限

至元十年正月中書省御史臺呈陝西按察司申先奉條格定到民間婚姻聘財內一歛有妻更娶妻者雖會赦猶離之欽此照得州縣人民有年及四十無子欲圖繼嗣再娶妻室雖合聽離或已有所生自願者合無斷罪聽改爲妾戶部議得有妻更娶妻自願者聽改爲妾今後若有求娶妾者許令明立婚書都省准擬

至元二十三年七月中書省禮部呈東平路

申馬元亨告劉友直元定與妹馬三姐作陸年  
舍居壻未曾過門前去福州却娶趙安奴爲妻  
擬合令馬元亨將妹別行改嫁都省准呈

大德七年十一月中書省禮部呈吉文烈告  
孫邦練定問女班朶爲妻未曾成親本人犯罪  
流遠欲行改嫁本部議得孫邦練未曾下財成  
親犯罪流遠班朶擬合別行改嫁都省准呈

至元十六年五月中書省禮部呈清平縣樊  
裕告壻劉馮兒作賊合無離異本部議得夫婦

之道人倫至重若男棄婦猶有三不出之義女子於人豈得反棄其夫叅詳樊裕元召劉馱兒作養老之胥已有所出雖曾作賊經斷似難離異都省准呈

至元十一年六月中書省刑部呈南京總管府申樊德告王招撫定問女菊花與伊男道道爲妻已下財錢其王道道見犯圖財殺害王何臧下牢收禁難與成親本部議得凡女定婚未嫁其夫作盜擬合聽離歸還聘財都省准呈

庚子年十二月十八日懷州劉海奏王榮未  
反已前定女師哥爲婦不曾娶過王榮反背今  
將王榮男斷與純赤海合無成親准奏反背的  
人孩兒怎生將有功的人女孩兒與得劉海你  
却不尋思有功的兒嫁與那甚麼

至元十二年三月中書省戶部呈近爲民間  
招召女婿往往婚書上該寫年限不滿在逃百  
日或陸拾日便同休棄聽從別嫁本部議得人  
倫之道夫婦義重生則同室死則同穴期於永

父母之常也。今後招召女婚，毋得似前於婚書上該寫女壻在逃，便同休棄。聽離語句，仍令有司嚴切教諭為婚之人，依理守慎，各務本業。如有游手好閑、非理在逃人等，嚴行斷遣。都省准呈。

至元六年四月中書戶部議得：男女婚姻或以指腹并割衫襟為親，既無定物，婚書難成。親禮今後並行禁止。

至元二十一年七月中書省禮部呈鞏昌府



李秀告求問令狐坤女與男思聰爲親備辦表裏頭面羊酒把定了當其女身死欲回把定等物本部議得定婚婦未娶身死元下財錢不合追還都省准擬

至元八年三月中書省戶部呈張德用告娶到王德用女月哥與男驃子爲婦將到從嫁喜仙在後驃子身故王德用爭要從嫁喜仙本部議得張德用娶到王月哥與男爲婦公房不曾斷送止有從嫁壹名已入夫家依例合令男家

驗元買價錢叁分爲率壹分給付月哥歸宗都  
省准擬

大德七年六月中書省江浙行省咨今後應  
嫁婦人不問生前離異夫死寡居但欲再適他  
人其元隨嫁粧奩財產並聽前夫之家爲主禮  
部議得除無故出妻不拘此例餘准本部所擬  
相應都省准呈

大德元年五月中書省御史臺呈漢中道肅  
政廉訪司申陝西民俗婚姻之家召媒求聘未

嘗許肯先喫乾羊此家未已彼家復來不惟風俗不厚而亦婚嫁艱難擬合遵用禮部定到漢人議婚納采等例又照得至元八年欽奉聖旨定到民間嫁娶婚姻聘財等事內壹款諸色人同類自婚姻者各從本俗法迤相婚姻者以男爲主蒙古人不在此例并其餘民間議結婚姻明立婚書已有元行定例其乾羊一節雖是陝西習俗比附拜門亦合禁斷庶免詞訟禮部照擬得男女婚姻各有常禮所據陝西習俗合准

臺擬禁約都省准擬

大德三年十一月中書省御史臺呈江南行  
臺咨兩廣煙瘴重地比來官貧染病身死拋下  
妻妾改適他人將前夫應有資財人口席卷而  
去况在廣亡歿官貧老小出廣已有應付站船  
定例今後若有身故拋下老小聽從本處官司  
依例起遣還家其妻妾不得擅自改嫁如有違  
犯斷罪聽離前夫家私勒令陪償絕訟源厚風  
俗之一端也都省准擬

大德七年正月，中書省刑部呈東昌路申陳  
夫祐收住南婦一名，余伴子係江南人，氏不記  
鄉貫，幼亡父母，因於黃官人船上乞覓飯食，收  
留不令下船。節次到來，御河爲患，病棄於岸上，  
即係被略良人。本部議得：余伴子既是幼小，不  
知鄉貫，亦無親屬。合令所在官司聘嫁良人，所  
得財錢就給本婦。粧束都省准擬。

至元十九年四月，山東東西道提刑按察司  
議得：今後各處官司斟酌居民多寡，詢問社長

人等推舉年高信實婦人爲媒須要欽依聖旨  
定到聘財聚娶不得中間多餘索要財禮錢物  
亦不得拾分中取要壹分媒錢如有違犯之人  
諭衆斷決

大德八年三月中書省御史臺呈流官到任  
欺凌部民咨問室女婦人虛寫婚書捏合財錢  
娶作妻妾實爲傷敗風化送刑部與禮部一同  
議得外任遷轉官負時常不歸鄉里如無正妻  
或乏子嗣若絕禁止不許任所求娶恐涉未便

以此叅詳今後流官如委亡妻或無子嗣欲娶妻妾者許令官媒往來通說明立婚書聽娶無違碍婦女如違治罪離異追沒元下財錢都省准擬

大德七年四月中書省禮部呈東昌路王欽因家私不和畫到手摸將妾孫玉兒休棄歸宗伊父母主婚將本婦改嫁殷林爲正妻王欽却行爭悔本部議得王欽雖畫手摸將妾休棄別無明白休書於理未應緣本婦改嫁殷林爲妻

與前夫已是義絕再難同處合准已婚爲定今後凡出妻妾須用明立休書即聽歸宗似此手模擬合禁治都省准擬

至元八年四月尚書省御史臺呈陝西道按察司申體知得京兆府一等夫婦不相安諧者賣休買休若不禁斷敗壞風俗戶部呈送法司照得舊例棄妻須有七出之狀一無子二淫泆三不事舅姑四口舌五盜竊六妬嫉七惡疾雖有棄狀而有三不出之理一經持舅姑之喪二



娶而賤後貴三有所受無所歸即不得棄其犯  
奸者不用此律又條犯義絕者離之違者斷罪  
若夫妻不睦而和離者不坐若依臺擬甚爲允  
當都省准擬

元貞元年十二月中書省樞密院呈軍人正  
身亡歿戶下弟姪兒男理合承替軍役所據拋  
下妻室若有必合叔繼者依例叔繼如無應叔  
之人從其所願禮部照擬得宜從所擬都省准  
呈

至元八年七月尚書省戶部呈照得民間招  
召養老出舍女壻財錢爲無定例往往多餘索  
要耽誤引訟本部議得聘財等第都省准擬于  
后

一 招召養老女壻照依已定嫁娶聘財等第  
減半須要明立媒約婚書成親

一 招召出舍年限女壻各從所議明立媒約  
婚書或男或女出備財錢約量年限照  
依已定嫁娶聘財等第分中不過貳

分

一照得嫁娶并招召女婿婚姻聘財各有定例今後媒妁從合屬官司社長巷長者老人等推舉選保信實婦人充之官爲籍記姓名仍嚴切約束無得似前多取媒錢及濫餘設立違者治罪

至元九年七月中書省議得民間富實可以娶妻之家止有一子不許作贅若貧窮止有一子立年限出舍者聽

至元十年閏六月樞密院照得各處軍戶召  
到養老出舍女壻爭訟到官多無婚書深為未  
便議得今後若有軍民招召女壻須管令同戶  
主婚親人寫立婚書於上該寫養老出舍年限  
語句主婚媒證人等書畫押字外據貼戶正軍  
承繼本戶軍名爲戶頭者不得與人家作養老  
出舍女壻

親屬分財 至元三十一年十月中書省禮部  
呈大都路申盧提舉妾阿張告爭家財檢會舊

例諸應爭田產及財物者妻之子各肆分妾之  
子各參分奸良人及幸婢子各壹分以此參詳  
盧提舉元拋事產依例妻之子盧山驢肆分妾  
之子盧碩驢盧吉祥各參分都省准呈

至元十八年四月中書省禮部呈彰德路湯  
陰縣軍戶王興祖狀告至元三年於本處薛老  
女家作舍居女壻壹拾年此時承替丈人應當  
軍役置到庄地宅院人口等物有兄王福告作  
父祖家財均分等事本部照得舊例應分家財

若因官及隨軍或妻所得財物不在分分之限  
若將王興祖隨軍梯已置到產業人口等物令  
王興祖依舊為主外據父祖置到產業家財與  
兄王福依例均分都省准擬

至元十一年六月尚書戶部彰德路申褚克  
衡告除與兄褚克衍將家私分另外際留與母  
阿劉并老娘娘阿田養老事產有兄褚克衍拘  
占不肯分割省部相度褚阿劉阿田際出養老  
財產今已身死又兼同戶當軍理合諸子均分

仰依上施行

元貞元年十月中書省禮部呈衛輝路獲嘉縣人戶賈拾得告故伯父賈會首與拾得等全家祖庄住坐後爲天旱他處趨熟迴還有伯父召到養老女壻張威將房舍地土昏賴不令拾得爲主照勘得賈拾得不曾附籍本部議得張威雖於賈會首戶下附籍合將應有事產令姪賈拾得兩傳分張同戶當差都省准擬

至元八年四月尚書省戶部呈揚阿馬告小

叔楊世基爲阿馬無子將訖故夫楊世明元批  
家財房屋并女蘭揚又將陳住兒收繼爲妻本  
部議得寡婦無子合承夫分據揚世基要訖揚  
世明壹分財產并陳住兒擬合追付阿馬收管  
及令蘭揚與伊母同居至如合行召嫁令楊阿  
馬揚世基一同主婚阿馬受財外據應有財產  
揚可馬并女蘭揚却不得非理破費銷用如阿  
馬身死之後至日定奪爲係軍戶行下樞密院  
再行披詳回呈揚阿馬稱乞將亡夫財產分付



情願依例津濟當軍之人若依戶部所擬相應  
都省准皇

畏兀兒家私 至元九年十二月二十日欽奉  
聖旨亦都護根底畏兀兒田地裏的民官人每  
根底不揀那箇城子裏畏兀兒每根底衆畏兀  
兒每爺的家私多爭競厮打的上頭今已後他  
的爺兒孩兒每根底與分子呵依着他爺與的  
分子要者爺的言語休別了者又爺歿了的後  
頭孩兒每不曾分另呵爺的錢物比及一年分

了者休過壹年者又男兒每渾家根底與休書  
呵男兒的文書行者男兒的爺娘兄弟每說俺  
根底不曾商量了休改嫁別人呵休闌當者偽  
文書有麼道休別做文書者又不揀那箇勾當  
裏做了證見的人兩下裏休做證見者又女孩  
兒根底嫁與了男兒之後若那女孩兒死了呵  
我的女孩兒絕了根脚也麼道休爭斷送者這  
聖旨宣諭了呵聖旨裏的言語別了的畏兀兒  
每有罪過者

鰥寡孤獨 中統元年五月欽奉詔書內一款  
鰥寡孤獨廢疾不能自存之人夫民之無所告  
者也前詔已令所在官司於官倉內支糧賑贍  
更仰各路宣撫司遵依朕意施行

中統二年正月欽奉詔書鰥寡孤獨廢疾不  
能自存之人於官倉內支糧賑濟養贍仰宣撫  
司令所在官司依上賑贍仍置孤老院存恤住  
坐

中統五年八月欽奉聖旨條畫內一款鰥寡

孤獨不能自存者前詔已嘗及之今仰中書省令隨在官司勘當委實貧窮不能自存者給降贍濟口糧有疾病命官鑿調治其藥物惠民局支給

至元八年十二月尚書省御史臺呈隨路孤老口糧合無於各路存留祇應錢糧內按月放支戶部照擬得鰥寡孤獨人戶合請口糧擬令各處際留祇應糧內正官監視支給都省准擬至元十九年十月欵奉詔書內一欵鰥寡孤

獨老弱殘疾不能自存之人照依中統元年已  
降詔書仰所在官司支糧養濟仍令每處創立  
養濟院一所有官房者就用官房無官房者官  
爲起蓋專一收養上項窮民仍委本處正官一  
員主管應收養而不收養不應收養而收養者  
仰御史臺按察司計點究治

至元二十一年六月中書省御史臺呈鰥寡  
孤獨不能自存之人官給口糧養濟合無添給  
柴薪戶部照議得養濟貧民每口日支柴伍斤

於本處年銷柴內放支都省准擬

至元三十一年中書省江浙行省咨孤老戶  
鄭千三等口糧貳斗不敷擬合日支米壹升小  
口減半都省准擬

大德六年四月中書省江西行省臨江路申  
貧人冬衣布絮依舊例每名支給土麻布貳疋  
稀疎豈能禦寒徒費官錢不得實惠合無支給  
木綿布疋庶望貧民溫煖戶部議得臨江路鰥  
寡孤獨貧人冬衣不出元擬土布尺數抵支單

線木綿外據絮子夏衣土布依例支付都省准擬

大德六年六月中書省御史臺呈鰥寡孤獨廢疾不能自存之人官給衣糧病給鑿藥然於送死未有盛尸之具若量買棺木埋瘞生死沾恩實補仁政戶部照得先奉省判孤老病故者城郭週圍空閑官地內斟酌標撥爲墳官爲給棺令孤老頭目主喪件作行人應付輦車埋瘞合用棺板價錢於贖罰錢內支給都省准擬

大德十年三月中書省御史臺呈各處鰥寡  
孤獨老弱殘疾不能自存之人本管官司并不  
干碍官司體覆是實隨即收養放支衣糧等物  
開坐申覆本路正官體覆廉訪司體察但有冒  
濫不應將先體覆司縣官吏取招議罪更將支  
訖衣糧等物陪納都省准擬

至元三十年十一月二十八日中書省奏老  
幼殘疾教化的行踏有見呵可的一般有教官  
司與他每衣糧不教亂行教路官一負專一提



調呵怎生奏呵奉聖旨那般者欽此

務停 大德三年八月中書省御史臺呈百姓  
爭論田宅婚姻良賤之事有經十餘年未得結  
絕往往赴訴朝廷照得舊例自十月一日受理  
至三月一日住接詞狀事關人衆不能結絕候  
務開日舉行比年以來凡爭田宅戶婚公事調  
弄淹延直待務停及至十月終檢舉逗遛半年  
又復入務積久不決冤民受害都省議得今後  
應告上項公事須自下而上先從本處官司歸

理比及務停須要了畢若事關人衆依例入務才至務開即便舉行如地遠事難又復不能了畢明立案驗要見施行次第所以不了情節再許務停一次本年農隙必要結絕不許更入務停其有見問未斷輒亂陳告本管上司廉訪司並不得受理如已斷訖陳詞告寃須追元問文卷參照衆詞若擬斷情節別無不完中間所見不同從公改議如緊關情節未問便行擬斷委有可疑取元問官吏招伏聽別委官推理若事

可歸結不應務停及多經入務而不了本管上司廉訪司官隨事治罪若事見問而受理并已斷相應改斷者罪亦如之

訴良人口至大四年閏七月中書省御史臺呈訴良人監押給親不便等事戶部議得今後訴良之人勘會明白委令事發官司先給公據止於所在權且羈留行移元籍取發親屬贖公文前來即便給親完聚如無親屬男子去就從其所欲婦人願召嫁者亦聽自處都省准擬

過房男女 至元二十七年五月尚書省戶部  
呈議得吳越之風典雇妻子成俗已久所據乞  
養過房繼嗣子女合從人便轉賣為軀擬合禁  
治都省准擬

延祐二年十一月二十七日欽奉詔書內一  
款諸人乞養過房到男女如值貧乏赴所在官  
司具由陳告勘當是實出給公據方許轉行乞  
養過房圖利興販及轉於遠方者有司嚴行禁  
治仍仰監察御史肅政廉訪司常加糾察

大德元年九月中書省御史臺呈吉州路萬  
戶府達魯花赤軀口馬兒過房良人王寄仔爲  
義男展轉爲軀擬令王寄仔與伊父完聚外據  
軀口過房良民擬合禁治禮部議得宜准所擬  
禁約都省准呈

大德三年四月中書省御史臺呈李川川告  
兄李六要訖阿里火者鈔伍定將川川過房與  
本人爲義男本臺議得民間風俗僥薄昆仲不  
睦比比有之且兄弟同氣比肩共有財分之人

與父母尊卑不侔別無兄得過房弟妹明文其  
間爭分家財或因妯娌不睦實啓奸倖戒絕大  
義如准歸宗相應都省准呈

典雇妻室 至元二十九年六月中書省御史  
臺呈浙東道廉訪副使王朝請言夫婦乃人之  
大倫故妻在有齊體之稱夫亡無再醮之禮庶  
人固不可責以全禮江淮薄俗公然受價將妻  
典與他人如同夫婦今後擬合禁治不許典雇  
若夫婦一同雇身不相離者聽如此不惟人倫

有別可以漸復古風禮部議得合准王朝請所言禁約都省准呈

嫁賣妻妾 至元三十一年十二月中書省御史臺呈山東廉訪司申去歲災傷百姓飢荒以致父子兄弟離散質妻鬻女不能禁止又有指稱買休明受其價將妻嫁賣禮部議得父子夫婦人倫至重比年闕食往往嫁賣俱係違法擬合禁約都省准呈

擅配匠妻 大德八年十月中書省禮部呈大

都路申蔡阿吳係金玉局人匠蔡六妻室夫亡  
拋下男添兒應當身役有本局官闕提舉服內  
強將阿吳分付一般銀匠王慶和爲妻本部議  
得蔡阿吳夫亡已有男添兒應役其本局官服  
內擅將本婦配與王慶和爲妻於理未應合令  
本婦離異與伊男蔡添兒依舊應當匠役都省  
准擬

典賣佃戶 至元十九年十二月御史臺呈山  
南湖北道按察司申江南富戶因買田土方有



地客即係良民主家科派甚於官司若地客生  
男便供奴役若有女子便爲婢使或爲妻妾今  
後合無將前項地客戶計取勘實數官司籍記  
重立罪賞禁治主家科派使令與無稅民戶一  
體當後又峽州路判官史擇善呈本路管下民  
戶輒將佃客計其口數立契典賣不立年限與  
軀口無異此等良民生長山谷無由告官任人  
苦役飢寒委可伶念其間有將些小荒遠田地  
夾帶佃戶典賣稱是隨田佃客公行立契又佃

客男女婚姻主戶攔當需求錢物方許成親憲  
臺相度前項事理即係亡宋弊政至今未能改  
革南北悉皆王民豈有主戶將佃客看同奴隸  
役使典賣男女婚嫁亦聽主戶可否之理擬合  
嚴行禁約

奸生男女 至元六年十月中書右三部益都  
路申李買馱拐帶陳牌子駟婦張七姑在逃奸  
生二子合行隨母還主省部准擬

至元十一年四月中書省戶部呈南陽府蒲

察伯淵逃軀馬僧安刁引良婦薛回奴在逃議  
得薛回奴擬合斷付元夫趙立奸生兒男隨母  
爲良另立籍面差發都省准呈

至元十年十二月中書省兵刑部呈煙骸儉  
與李望兒通奸私引在逃生到男女擬合男隨  
父女隨母都省准擬

娼女姪孕 至元十七年七月中書省刑部呈  
彰德路申娼館之家若有姪孕勒令用藥墮胎  
陳告到官將犯人斷罪娼女爲良都省准呈

軀婦爲娼 至元十三年十月中書省議得今  
後贖買典雇良人爲娼賣主買主引領牙保人  
等依例斷罪元買價錢一半沒官一半與告人  
充賞如本人自行陳告或因事發露到官元價  
盡行沒官婦人即令爲良任便住坐若有犯奸  
經斷夫家棄出及倡優親屬自願爲娼者聽  
均當差役 至元二十八年五月初八日中書  
省奏桑哥大都的富戶每根底自己隱藏着和  
買檢鈔時分不揀甚麼差發不教着却教窮百

姓每生受來別箇的官人每隱藏着來的也多  
有上位道是可怜見教省官人每爲頭裏外大  
小不揀誰開庫的鋪席做買賣的人每不揀誰  
的都厮輪當編排着應當這般道了不當差發  
的隱藏着別人的重要罪過麼道奏呵那般者  
麼道聖旨了也欽此

僞鈔妻屬 元貞元年二月中書省御史臺呈  
北兵馬司副指揮高貴將印造僞鈔人張閏僧  
妻妾何春哥等隱藏軀使犯在革前刑部議得

欽奉聖旨印造寶鈔偽造者處死首告者賞銀  
伍定仍給犯人家產別無鬪沒妻屬明文合將  
何春哥等發下元籍當差都省准擬

女多滄死 至元十三年七月初二日欽奉聖  
旨亦都護根底塔海不花亦捏不花兩箇根底  
火州呂中禿兒班爲頭貳拾肆箇城子裏官人  
每根底衆僧人每根底也里可溫每根底百姓  
每根底宣諭的聖旨哈兒沙沙津愛忽赤旭列  
都統奏將來有火州城子裏人每的媳婦每若

生女孩兒呵多有撒在水裏滄死了禿兒迷沙  
的女孩兒根底水裏撒去間速安海牙爲頭人  
每拿住薛闌干不願帖木兒兩箇根底說呵他  
每的言語不肯分間首告的人每禿兒迷沙根  
底却分付與了麼道奏將來的上頭速安海牙  
塔失海牙狀頭每根底做百姓者今已後女孩  
兒根底水裏撒的人每一半家財沒官與軍每  
者首告的人每若是軀奴呵做百姓者咱這般  
說來這聖旨宣諭了呵女孩兒根底水裏撒的

人面情看覷着違奉聖旨管民官每有罪過者  
闡遺人畜大德二年中書省河南行省咨汝  
寧府收到李蘭奚人口頭疋內沛縣趙縣尹識  
認元逃軀閻興安主奴相認是實分付收管外  
已後若有似此限外識認李蘭奚人口頭疋合  
無給付刑部議得已拘到官李蘭奚人口頭疋  
元主識認委無詐冒合行給主都省准擬

通制條格卷第四



通制條格卷第五

學令

廟學 大德九年八月初四日中書省奏答刺罕丞相等伴當每說將來濟寧路曲阜縣裏有古時起蓋來的孔夫子廟有在前那廟有贍廟地陸伯頃來在後兵革特分百姓每節次占了來若不與些小田地呵不中也者那裏有的尙珍署管的屯田地內撥與伍拾頃呵怎生商量來又看守孔夫子廟的上頭在前漢人朝代時

分有壹伯戶來後頭忽都忽那演抄數戶計時  
分不教那戶計當差依舊教看守廟抄數子來  
在後阿合馬坐省時分孔夫子的子孫多有只  
教他每自看守着麼道將那戶計撥做軍站民  
戶當差有來那戶計是自古時守廟來的如今  
那戶計內除當軍站外其餘貳拾捌戶民戶教  
依舊看守廟呵怎主奏呵奉聖旨那般者欽此  
至元六年四月中書省御史臺呈欽奉聖旨  
條畫內一欵節該擬刑按察司官所至之處勸

課農桑問民疾苦勉勵學校宣明教化若有利  
害可以興除者申臺呈省欵此切詳政有似緩  
而實急者學校是也蓋學校者風化之本出治  
之源也照得隨路雖有設立學官其在官司  
例皆看同泛常不爲用心勉勵以致學校之設  
有名無實由是吏民往往不循禮法輕犯憲章  
深不副朝廷肅清風俗宣明教化之意如遇朔  
望自長次以下正官首領官率領僚屬吏員俱  
詣文廟燒香禮畢從學官主善詣講堂問者生

并民家子弟願從學者講議經史更相授受日就月將教化可明人才可冀外據所在鄉村鎮店選擇有德望學問可為師長者於農隙之時如法訓導使長幼皆聞孝悌忠信廉恥之言禮讓既行風俗自尊政清民化止盜息奸不為小補都省准呈

至元三十一年七月欽奉聖旨諭中外百司官吏人等孔子之道垂憲萬世有國家者所當崇奉曲阜林廟上都大都諸路府州縣邑廟學

書院照依世祖皇帝聖旨禁約諸官負使臣軍  
馬母得於內安下或聚集理問詞訟褻瀆飲宴  
工役造作收貯官物等其贍學地土產業及貢  
士庄田外人毋得侵奪所出錢糧以供春秋二  
丁朔望祭祀及師生廩餼貧寒老病之士爲衆  
所尊敬者月支米糧優恤養贍廟宇損壞隨即  
修完作養後進嚴加訓誨講習道藝務要成材  
若德行文學超出時輩者有司保舉肅政廉訪  
司體履相同以備擢用本路總管府提舉儒學

肅政廉訪司宣明教化勉勵學校凡廟學公事  
諸人毋得沮壞據合行儒人事理照依已降聖  
旨施行彼或恃此非理妄行國有常憲寧不知  
懼宜令准此

大德十年五月中書省御史臺呈興舉學校  
關防錢糧等事禮部議擬事理都省准呈

一學官人品不同真偽混殺今後教官得代  
如任內學糧未足荒田未開廟宇損壞  
教養無實不許朦朧給由其或行止玷

缺文學踈謬就便寃停本部議得各處  
贍學錢糧令路府州縣文資長官提調  
關防知數除廩給師生修理廟宇外不  
許破用教授任滿提調官照勘得別無  
侵欺粘帶方許給由或在任有行止不  
臧忝居師席者從廉訪司糾彈

一學校田土本以養士修學今學官職吏或  
賣作荒閑減額收租或與豪家轉令僕  
佃兼併及巧立名色濫行支破正俸之

外又作隨侍子弟等供本部議得詣處  
學田收租各隨鄉土所宜師儒俸粟自  
有定例學官職吏減額收租轉令僕佃  
豪戶兼并濫行支破等弊令提調長官  
關防革去

一學校錢糧本爲作養人材而設各學視爲  
已物每歲派分今後除學官祿米貧士  
口糧外所有錢糧計其多寡盡以養贍  
生員提調正官時一下學挑試生徒其



有講說不通文理不明以次責罰在籍  
儒人不遣子弟入學別習他業量事輕  
重申各處提調官究治本部議得學糧  
贍養師生天下通例生負多寡各隨所  
宜至於試講程式教訓規程并勤墮賞  
罰令各處提調正官翔望依例詣學省  
視嚴行課責

一貧寒老病之士爲衆所尊敬者月支口糧  
養贍明有已降聖旨所在學官多不欽

承却有伎術遊謁之人挾持要取虛糜  
廩粟今後仰本學推舉衆所尊敬貧老  
之士欽依養贍餘盡汰去本部議得貧  
寒老病之士驗各處錢糧多寡依例養  
贍其間若有冒濫從各處提調學校正  
官改正今後應養之士從學官列名保  
舉府州司縣申覆到路體覆是實發下  
本學令教官支付錢糧養贍仍牒廉訪  
司體察

一學院所以教養人材嚴祀先聖先聖之所  
褻瀆飲宴明有禁例間有各學容縱已  
替學官將帶家小公然占住其為褻瀆  
甚矣今後似此占住學校之人廉訪司  
官嚴行究治并問本學官容弊之罪本  
部議得各處學官携帶家屬於廟宇內  
褻瀆居止者擬合禁治

皇慶二年六月御史臺伯忽大夫等官奏俺  
省得的題奏有自古到今天下政事要治呵不

過是用人才不揀使誰交說呵他離不了這句  
言語所謂人材者不教養呵無處得古人亦曾  
說珠玉不爲寶人材以爲寶世祖皇帝於這事  
上初立了臺察呵便交勸勵學校來蓋學校是  
國家有益的勾當俺爲這事不輕的上頭題奏  
有如今大都見設着蒙古漢人國子兩學都破  
着錢物每日與茶飯有如今的生員比唐太宗  
時雖是不多呵終是破用着官司錢物有端的  
養出人材呵於國家有益多有若不檢舉呵錢

糧也費了人材也養不出恐不副聖上的意俺  
商量來監察內時復教壹員下學照察勉勵着  
行呵宜的一般監官學官自今以始都教在意  
教訓生員所據茶飯并應用物色休教缺少監  
官學官壹考之內驗其教養出格生員多寡以  
憑陞遷博士教授助教之類有缺呵並從監官  
選保不稱職任者黜退併及保官這般激勸着  
呵得人去也者教這般行呵怎生奏呵那般者  
聖旨了也欵此

科舉 皇慶二年十月中書省奏爲科舉的上  
頭前日奏呵開讀詔書行者麼道聖旨有來俺  
興翰林院官人每一同商量立定檢目來聽讀  
過又奏爲立科舉的俺文卷裏照呵世祖皇帝  
裕宗皇帝幾遍教行的聖旨有來成宗皇帝武  
宗皇帝時分貢舉的法度也交行來上位根底  
合明白題說如今不說呵後頭言語的人有去  
也學秀才的經學詞賦是兩等經學的是說脩  
身齊家治國平天下的勾當詞賦的是吟詩課

賦作文字的勾當自隋唐以來取人專尚詞賦  
人都習學的浮華了罷去詞賦的言語前賢也  
多曾說來爲這上頭翰林院集賢院禮部先擬  
德行明經爲本不用詞賦來俺如今將律賦省  
題詩小義等都不用止存留詔誥章表專立德  
行明經科明經內四書五經以程子朱晦庵註  
解爲主是格物致知脩己治人之學這般取人  
呵國家後頭得人材去也奏呵說的是有依着  
您這定擬來的詔書裏行者麼道聖旨了也欽

此今將合關防各各條目開坐于后

一鄉試中選者各給解據錄連取中科文行  
省所轄去處移咨都省送禮部腹裏宣  
慰司及各路關申禮部拘該監察御史  
廉訪司依上錄連科文申臺轉呈都省  
以憑照勘會試

捌月貳拾日

蒙古色目人試經問伍條

漢人南人明經 經疑貳問



經義壹道

二十三日

蒙古色目人試策壹道

漢人南人古賦詔誥章表內科壹道

二十六日

漢人南人試策壹道

一會試次年省部依鄉試例於二月初一日  
試第一場初二日第三日第二場初五  
日試第三場

一御試三月初七日前期奏委考試官二員  
監察御史二員讀卷官二員入殿廷考  
試每舉子壹名委怯薛歹壹人看守漢  
人南人試策壹道限壹仟字以上成蒙  
古色目人時務策壹道限伍佰字以上  
成

一選考試官行省與宣慰司鄉試有行臺去  
處行省官與行臺官一同商議選差如  
不拘廉訪司去處行省官與監察御史

選差山東河東宣慰司真定東平路同  
本道廉訪司選差上都大都從省部選  
差在內監察御史在外廉訪司一員監  
試每處差考試官同考試官各一員並  
於見任并在閑有德望文孝常選官內  
選差弥封官一員謄錄官一員選廉幹  
文資正官充謄錄試卷并行移文字皆  
用朱筆書寫仍須設法閑防無致容私  
作弊省部會試都省選委知貢舉同知

貢舉官各一員考試官四員監察御史  
二員彌封謄錄對讀官監門等官各一  
員

一鄉試

行省一十一處

河南 陝西 遼陽 四川 甘肅

雲南 嶺北 征東 江浙 江西

湖廣

宣慰司二處

河東冀寧路 山東濟南路

直隸省部路分試肆處

真定路

河間路 保定路 順德路 大名路

廣平路 彰德路 衛輝路 懷孟路

東平路

濟寧路 曹州 濮州 恩州

東昌路 高唐州 泰安州 德州

冠州

大都路

大都

永寧路

上都路

上都

興和路

一天下選合格者參百人赴會試於內取中  
選者壹百人內蒙古色目漢人南人分  
卷考試各貳拾伍人

蒙古人取合格者柒拾伍人

大都拾伍人

上都陸人

河東伍人

真定等伍人 東平等伍人 山東肆人

遼陽伍人 河南伍人 陝西伍人

甘肅叁人 嶺北叁人 江浙伍人

江西叁人 湖廣叁人 四川壹人

雲南壹人 征東壹人

色目人取合格者柒拾伍人

大都拾人 上都肆人 河東肆人

東平等肆人 山東伍人 真定等伍人

河南伍人 四川叁人 甘肅貳人

陝西叁人

嶺北貳人

遼陽貳人

雲南貳人

征東壹人

湖廣柒人

江浙壹拾人

江西陸人

漢人取合格者柒拾伍人

大都壹拾人

上都肆人

真定等拾壹人

東平等玖人

山東柒人

河東柒人

河南玖人

四川伍人

雲南貳人

甘肅貳人

嶺北壹人

陝西伍人

遼陽貳人

征東壹人



南人取合格者柒拾伍人

湖廣壹拾捌人

江浙貳拾捌人

江西貳拾貳人

河南柒人

一鄉會等試許將禮部韻畧外餘並不許懷

挾文字差搜檢懷挾官一員每舉子壹

名差軍壹名看守無軍人處差巡軍

一提點擗掠試院差廉幹官一員度地安置

席舍務令隔遠仍自試官入院後常川

妨職監押外門

一鄉會等試彌封謄錄對讀官下吏人於各衙門從便差設

一試卷不考格犯御名廟諱偏犯者非及文理紕繆塗注乙伍拾字以上

一謄錄所承受試卷並用朱書謄錄正文實計塗注乙字數標寫對讀無差將朱卷逐旋送考試所如朱卷有塗注乙字亦皆標寫字數謄錄官書押候考校合格中選人數已定抄錄字號索上元卷請

監試官知貢舉官同考試官對號開拆  
一舉人試卷各人自備參場文卷并草卷各  
人壹拾貳幅於卷首書參代籍貫年甲  
前期半月於印卷所投納置簿收附用  
印鈐縫訖各還舉人

一就試之日日未出入場黃昏納卷受卷官  
送封彌所撰字號封彌訖送謄錄所  
一科舉既行之後若有各路歲貢及保舉儒  
人等文字到部並令還赴本鄉應試

一倡優之家及患廢疾若犯十惡奸盜之人  
不許應試

一舉人於試場內毋得喧譁違者治罪仍殿  
貳年

一舉人與考試官有五服內親者自須回避  
仍令同試官考卷若應避而不自陳者  
殿壹舉

一鄉試會試若有懷挾及令人代作者漢人  
南人居父母喪服應舉者殿二舉國子

監學歲貢生員及伴讀出身並依舊制  
願試者听中選者於監學合得資品上  
從優銓注

一別路附籍蒙古色目漢人大都上都  
有恒產住經年深者從兩都官司依上  
例推舉就試其餘去處冒貫者治罪

皇慶二年十一月欽奉詔旨惟我祖宗  
以神武定天下世祖皇帝設官分職徵  
用儒雅崇學校爲育才之地議科舉爲  
取士之方規模宏遠

矣朕以眇躬獲承丕祚繼志述事祖訓是式若  
稽三代以來取士各有科目要其本末舉人宜  
以德行為首試藝則以經術為先詞章次之浮  
華過實朕所不取爰命中書省參酌古今定其  
條制其以皇慶三年八月天下郡縣與其賢者  
能者充賦有司次年二月會試京師中選者朕  
將親策焉具合行事件于后

一科場每三歲一次開試奉人從本貫官司  
於路府州縣學及諸色戶內推選年及

二十五以上鄉黨稱其孝悌朋友服其  
信義經明行修之士結罪保舉以禮敦  
遣貢諸路府其或徇私濫舉并應舉而  
不舉者監察御史肅政廉訪司体察究  
治

一 考試程式

蒙古色目人

第一場經問五條

大孝論語孟子中庸  
內設問表理精明文

辭典雅為中選用  
朱氏章句集註

第二場策一道

五以時務出題限

漢人南人

第一場明經

經疑二問

大李論語孟子中庸集注後

三以已字意以結上之限

經義一道

尚書治一經詩以朱氏為主

程氏朱氏為主已上三經兼用古

註疏春秋許用三傳及明以傳札

第二場古賦詔誥章表内科一道

詔古賦



用古體  
用古體  
四章表  
六表

第三場策一道

不經史時務內出題時務  
不矜浮藻惟務直達

以一千字  
以上

一蒙古色目人願試漢人南人科目中選者

加一等注授

一蒙古色目人作一榜漢人南人作一榜第

一名賜進士及第從六品第二人以下

及第二甲皆正七品第三甲以下皆正

八品兩榜並同

一所在官司遲誤開試日期監察御史肅政  
廉訪司糾彈治罪

一流官子孫廕叙並依舊制願試中選者優  
陞一等

一在官未入流品之人願試者听若中選已  
有九品以上資級比附一高加一等注  
授若無品級止依試例從優銓注

一鄉試題所并其餘條目命中書省議行於  
戲經明行修庶得真儒之用風移俗易

益臻至治之隆咨爾多方体予至意故  
茲詔示想宜之悉

至元九年八月中書省御史臺呈府州司縣  
人吏幼年廢棄輒就吏門禮義之教懵然未知  
賄賂之情循習已著日就月將薰染成性及至  
年長就於官府勾當往往受贓曲法遭罹刑憲  
蓋因未嘗讀書心術不正所致今後各處人吏  
若於簿書優暇之際從各官長拘鈐就有道師  
範教訓但能涉獵一經一史叅通義理足以正

心修己革去趨利徇情之弊庶幾涵養成材總  
管府貢舉吏員取兼通經史者其州縣人吏撰  
刑按察司更爲体訪若委儒吏兼通謹慎行止  
不作過犯爲衆推服之人保明薦舉如此激勸  
使人向善去惡似爲長便都省准呈

至元十三年五月中書省吏禮部呈棣州提  
領案牘李天敏言吏人不習書史有奸佞貪汚  
之性無仁義廉恥之心欲求慎行止無過犯其  
可得乎省部若下所屬責辨正官督勸人吏須

要通一經一史則風俗漸改以之臨民蒞事侵  
漁之患庶幾少息都省准呈

蒙古字學

羊兒年三月欽奉

係元真元年聖

旨翰林院官人每奏在先薛禪皇帝蒙古文字  
不揀那裏文字根底爲上交寬行者各路分官  
人每与按察司官人每一處提調者好生的交  
李者各路裏教授各衙門裏必闌赤委付呵翰  
林院官人每委付者麼道聖旨交行有來如今  
提調的官人每不好生的提調上頭李的人每

不謹慎有各衙門裏蒙古必闍赤每委付呵俺  
根底也不商量了委付有更漢兒文字教的州  
裏也交教去有蒙古學教的州裏也不曾教去  
來交去的那般奏來如今依在先聖旨體例裏  
翰林院官人每根底不商量了蒙古必闍赤休  
委付者州裏也依那體例委付李正去者提調  
的路分裏廉訪司官人每好生的提調者交李  
者好生的李呵依着薛禪皇帝交行來的聖旨  
體例裏提調來的則依着那箇體例裏提調者

文字好生的教孝者教授孝正必闍赤則依着  
那般体例裏委付着孝文書的其間裏不揀誰  
休入來者道來這般道了可不好生的提調呵  
文字其間裏入去的人每不怕那甚麼

大德七年十一月中書省禮部呈翰林院關  
近年以來各處官司不爲用心以致生徒數少  
孝校墮廢甚失聖旨興崇之意擬令遍行合屬  
依額選擇生徒標撥孝校房舍令各道廉訪司  
一同提調庶見成效本部議得蒙古生徒孝舍

擬於係官房舍內標撥令各路正官提調廉訪  
司勉勵都省准呈

習學書筭 至元二十四年十一月初六日尚  
書省奏前者春裏柳林裏有時分立了國子監  
官人每的怯薛歹每的兄弟孩兒每根底漢兒  
文字筭了教孝呵怎生麼道奏來如今官人每  
的孩兒每孝有怯薛歹每的孩兒每無如今筭  
子文字孝呵後頭勾當裏使喚呵勾當裏教行  
呵孝的怯薛歹每的孩兒每根底交太史院裏



李筭子國子監裏李文書呵怎生奏呵是那  
般者麼道聖旨了也欽此  
亦思替非文書 至元二十四年正月初八日  
總制院使桑哥帖木兒左丞等奏前者麥木丁  
說有來亦思替非文書李的人少有這裏一兩  
箇人好生的理會得有我則些少理會得咱每  
後底這文書莫不則那般斷絕了去也麼教李  
呵怎生道有來麼道奏呵麥木丁根底說者交  
教者麼道聖旨了也欽此

傳習差誤 至元十年五月大司農司各道勸  
農官申各路府州司縣在城閤廂已設長學外  
擬村庄各社請教冬學多係粗識文字之人往  
往讀隨身宝衣服雜字之類枉誤後人皆宜禁  
約今後止許遵守已降條畫訓以聖經教其句  
讀音義學師比及受請以來宜於州縣學官處  
預將各經校正點讀句讀音義歸一不致訛舛  
如此庶免傳習差誤已明經史不拘比例仍令  
府州司縣官提點農事去時亦宜學師處以理

獎勵大司准擬

通制條格卷第五

The image shows a large rectangular frame with a thick black border. Inside the frame, there are several vertical lines that divide the space into approximately 10 columns. The lines are thin and black, and the background within the frame is white. The overall appearance is that of a table or a decorative border.

通  
學  
館  
本  
土

通制條格卷第六

選舉

選格 至元二十八年六月中書省奏准至元  
新格

諸職官隨朝以三十箇月日為任滿在外以  
參週歲為滿錢穀之官各以得代為滿  
吏員須以九十箇月方得出職由職官  
轉補者同職官例若未及任滿本管官  
司不得輒動公文越例保申果才幹不

凡有事跡可考者從御史臺察舉其非常選所拘若急闕擇人才職相應者臨時定奪

諸官負難已任滿得代本身若有侵借係官錢糧見任官司直須追納到官方許給由聽其求仕

諸官負解由已有定式凡當該給由官司並須依式勘會別無不盡不實事理方得保申有詐冒不實并勘當未盡者所由

上司隨即究問察官刷卷日更須加意  
檢校但不應給由而循情濫給并理應  
出給而刁蹬留難者並聽糾彈

諸在流品人負凡能任繁劇善理錢穀明達  
吏事深識治體或器非一用無施不可  
者吏部考其功狀加之訪察以類注籍  
時備選擇之用

諸銓注官負品類不一用宜相參惟文資壹  
負任其簿書計數之責凡於總管官司

不許有闕

諸官負入選視其元係是何出身歷過是何  
職任參以才器大小年齒衰狀宜於何  
等闕內銓注不可強其所短因廢人之  
所長

諸官負功罪並送吏部標注到選之日於應  
得資品上視其功罪斟酌議擬有蔽匿  
其罪增飾其功者從監察御史糾彈  
諸品官若犯贓黜降或廉能升遷事迹昭著



者皆下隨處照會其使在官之人共知

勸誡

諸官負子孫應合承蔭之人比及入仕以來  
預使學習政事不致將來曠廢其職到  
選之日如本路官司保其才能及問以  
政事應對可取者本等人內量與從優  
諸歲貢吏負皆當該官司於見役人內不限  
名次公同選舉以性行純謹儒吏兼通  
者爲上才識明敏吏事熟閑者次之若

月日雖多行能無取者不許呈貢到部  
之日公座試驗必說事明白行遣閑熟  
者為中如或不應並擬發還元役官司  
其當該濫貢人負仍須究問

諸兩廣福建地面或有全闕正官去處比及  
朝廷選官到任雖須使人權攝其事今  
後先於側近可以摘那見任官內選差  
無則許於任滿得代聽除官內選差又  
無聽於本省或宣慰司見役請俸人內

選差白身之人不許委用

諸行省管轄官員若有多歲不經遷過時不到任及久曠未注或緊急闕官即須照勘明白咨省定奪其到任下任例合標附人員每月通行類咨直隸省部路分准此

至大三年十一月尚書省吏部呈議得常選流官各有應任地方其有年近致仕者省部聽選之際亦常量移近里果有親年七十以上別

無以次侍丁若便憑准本官自具詞因一例近  
便遷除中間恐有不實因而壅塞腹裏窠缺不  
能遷調合從元籍官司自下而上保勘明白至  
日斟酌銓注若有詐冒從監察御史廉訪司體  
察都省准擬

五事 中統五年八月欽奉聖旨條畫內一欵  
諸縣尹品秩雖下所任至重民之休戚繫焉往  
往用非其人致使恩澤不能下及民情不能上  
通培尅侵陵爲害非一今擬於省併到州縣內

選差循良廉幹之人以充縣尹給俸祿公田專以撫字吾民布宣新政仍擬五事考校而為陞殿戶口增田野闢詞訟簡盜賊息賦役均五事備者為上選三事有成者中選五事俱不舉者黜

至元九年正月中書省吏部呈講究得外任親民長官欽依元奉聖旨考校五事量定陞降五事備者為上於合得品級上陞壹等四事備者減一資歷三事有成者為中選依常例遷轉

肆事不備者添壹資五事俱不備者降壹等叙  
用都省准擬

延祐二年二月二十五日御史臺奏南臺官  
人每文書裏說將來風憲用的官人每合於監  
察御史廉訪司所舉有司最官及伍事全備有  
異政實跡的與風憲常選官內相參選用不稱  
職呵連坐元舉的人每麼道說有俺商量來在  
前監察御史廉訪司官但凡勾當裏行的官人  
每根底保舉呵他每行的實跡無保官的名字

體覆官的姓名寫將來者他每滿呵任內保了  
這些人解由內開寫將來者他每保的人好呵  
添與他名分互呵黜降他每的名分這般奏准  
聖旨行了來今後監察御史廉訪司官保舉來  
的最官五事備有異政的民官每如委是材堪  
風憲呵選着委用已後行的好呵依着已了的  
聖旨添與保官名分若犯贓私互呵將元舉的  
官黜退風憲再不錄用呵怎生奏呵那般者麼  
道聖旨了也欵此

殿最 大德十一年十二月欽奉詔書內一款  
張官置吏本以爲民祿廩旣頒承廕有叙待遇  
之禮不爲不優補報之誠其可弗盡自今以始  
各修廕職如或不慎監察御史廉訪司嚴加糾  
察年終考其殿最者各一人具實申聞以憑黜  
陟

廕例 至元五年二月中書省吏部呈廕叙體  
例都省准擬

一取廕官負擬合具父祖前後歷仕根脚所



居官職及去任致仕身故各各年月緣  
由抄白所受宣命劄付彩畫宗枝指定  
承蔭人嫡庶姓名年甲申牒本處官司  
勘會房親揭照元籍青冊扣算年甲中  
間別無詐冒保結申覆本管上司當官  
再行審問相驗相同如承蔭人別無所  
患篤廢疾經斷十惡奸盜過名仰抄連  
所受憑驗相同彩畫到宗枝依上保結  
令承蔭人親齎文解及父祖元受的本

宣命劄付赴部定奪

一隨路府州司縣見任去任致仕身故官員  
擬合照依中統三年元報冊上職名定  
奪應得品級取廕外據曾經朝廷差設  
人負除見居職任官員照依到部呈省  
定奪定合得資品廕叙外中統元年以  
後去任致仕身故官員如取廕人齎到  
本路保申完備文解到部照勘本官前  
後歷仕根腳所受付身合行叙用定奪

資品依上廕叙

至元十九年十二月中書省吏部呈江淮致仕身故官員子孫往往赴部告廕今來比照腹裏達魯花赤管民官承繼承廕議擬到下項廕例都省准擬

一檢會到循行格例至元四年十月欵奉聖旨節該據中書省奏管民官已行迂轉若是承襲有碍迂轉体例今叅擬到職官自壹品至七品承廕叙用條畫乞頒

行事准奏仰照依下項條畫施行准此  
諸取廢官不以居官去任致仕身故其承廢  
人年及二十五以上者聽

諸用廢者以嫡長子若嫡長子有篤廢疾立

嫡長子之子孫

曾玄同

如無立嫡長同

母弟如無立繼室所生如無立次室所  
生如無立婢生子如絕嗣者傍廢其親  
兄弟各及子孫如無廢伯叔及其子孫  
諸用廢者孫降子一等曾孫降孫一等婢生

子及傍廕者各降一等

謂於各合叙品從上降一等

諸廕子入品職循其資考流轉陞遷廉慎才  
幹者依格超陞特恩擢用者不拘此例  
其不務守慎及有違犯者依格降罰重  
者除名

諸自致品依例迤至三品止於本等流轉二  
品以上職位選自特旨匠官廕例於循  
行格例簿內至元十六年四月二十八  
日承奉中書省判送本部呈約會到工

部官一同議得既管匠官已擬議於管  
匠官內迂轉其身故官負弟男若依管  
民官品級取廕却緣照得已擬匠官品  
級至正玖品以下止有院長名分同院  
務例不入流品似難一體廕用今來比  
附承廕體例量擬正從伍品子於玖品  
匠官內叙用六品七品子於院長內叙  
用本衙門保明通曉造作依上廕若在  
任公勲廉幹依例漸次陞遷不務守慎

及有過者斷罪重者除名其餘擿品以下官負子孫難便定奪若欽奉特旨叙用不拘此例都省准擬

一本部議擬到江淮致仕身故官負蔭叙體例達魯花赤承繼例議得江淮達魯花赤官負多有前資不應驟陞等級人員難同腹裏一體定奪參詳除投下達魯花赤從本投下差設外據係官達魯花赤致仕身故子孫比依腹裏管民官例

其子孫俱擬承廕應當保使周歲驗合  
廕資品止於江淮任用若欽奉特旨不  
拘此例管民官承廕例議得江淮管民  
官負除已受宣勅禮任勾當致仕身故  
子孫比依前項欽奉聖旨事理一体廕  
叙並於江淮任用其不曾之任若前資  
有品級者止依前資定奪外照得至元  
九年十一月二十四日承奉中書省判  
送陸品柒品子孫銓注監當差使已後



通驗各界增虧定奪今來叅詳合承廕  
之人照依省判定例行省於江淮監當  
官內任用並免應當僦使外據受行省  
行院諸衙門割付者不在廕叙之限若  
欵奉特旨不拘此例匠官廕例議得江  
淮管匠官負除已受宣勅札任勾當致  
仕身故子孫比依前例一體於江淮匠  
官內廕叙其不曾之任若前資有品級  
者止例前資定奪依例當僦使周歲於

江淮任用外據陸品柒品子合於各局  
院長內廕用同院務例不入流品應廕  
之人並免保使發去行省就便委用外  
據受行省宣慰司諸衙門劄付者不在  
廕叙之限若欽奉特旨不拘此例歸附  
官員依上廕叙若欽奉特旨不拘此例  
大德四年八月十八日中書省奏奉聖旨節  
該上位知識有根脚的蒙古人每子孫承廕父  
職兄職呵皇帝識也者除那的已外壹品子廕

正伍品從壹品子廕從伍品正貳品子廕正陸  
品挨次至柒品色目比漢兒人高壹等定奪欽  
此

一諸職官子孫廕叙

正壹品子正伍品叙 從壹品子從伍品叙

正貳品子正陸品叙 從貳品子從陸品叙

正參品子正柒品叙 從參品子從柒品叙

正肆品子正捌品叙 從肆品子從捌品叙

正伍品子正玖品叙

正陸品子

流官於巡檢內用

雜職於省劄錢穀官內用

從陸品子近上錢穀官

正柒品子酌中錢穀官

從柒品子近下錢穀官

一諸色目人比漢人優壹等受廕達魯花赤

子孫與民官子孫一體廕叙傍廕照依

舊例降叙

一正蒙古人若上位知識根脚深重人負取

自聖裁

大德八年二月中書省御史臺呈河東山西  
道廉訪司申大德七年八月初六日平陽太原  
等處地震房屋盡倒打死人民上司差官拯救  
照得各處亦有被死官員未曾憫恤畧舉平陽  
路僧人察力威不法等事蒙都省委禮部李貞  
外郎宣政院斷事官艾牙赤本司副使木溫臣  
歸問俱經地震壓死各官靈柩就彼浮丘實可

哀痛亦宜取勘令子孫陞等廕用議得地震被  
死省委等官承廕之人免當倖使從優銓注見  
缺

至大四年四月中書省吏部呈照得見欽奉  
詔書內壹欵節該諸職官子孫承廕須試一經  
一史能通大義者免當倖使不通者發還習學  
蒙古色目人願試者聽仍於應得品級量進壹  
階欽此與禮部官一同議得諸官負子孫弟姪  
告廕自至大四年三月十八日欽遇詔書日為

格文字到省部者照依舊例應當保使滿日廕  
用三月十八日已後文字到部者除蒙古人及  
曾受二品衙門劄付請俸有出身或年過五旬  
或止有一子或曾應當怯薛應廕流外之職此  
等之數免當保使其余所廕之人直隸省部者  
約請翰林國史院官一員與本部官一同欵依  
試驗行省所轄去處本省官同儒學提舉或教  
授依上考試所據色目人負不願試者擬合依  
例應當保使都省准擬

延祐元年六月中書省翰林國史院呈照得  
凡有承廕之人願試者本院正官一員就中書  
吏部試驗今後如蒙移委監察御史監試庶能  
上副朝廷作成人材實意都省議得職官子孫  
承廕已有定例內則吏部官與翰林國史院官  
在行省儒學提舉司等官嚴加考試監察御史  
廉訪司依例體察

軍官襲替 至元二十五年樞密院欽奉聖旨  
節該軍官承襲雖陣亡了不得呵休委付者雖



年老病故本人了得呵降等則麼合本等委付  
欽此除欽依外今後若有身故年老患病妨職  
人負子孫弟姪告要承襲承替須要閱習弓馬  
武藝熟會譜曉事務開寫本人年甲是否嫡庶  
長次有無拋下軍馬保勘一切完備定奪施行  
大德十一年七月初一日樞密院奏軍官每  
歿了呵他每的替頭裏委付他每的兄弟孩兒  
呵依着民官的體例裏外頭交來這裏當一年  
俸使第二年委付有那般交行呵他每的氣力

眼費耗了有麼道大都裏有的伴當每題說將來有伴當每的言語是的一般有交免了呵怎生議定來奏呵奉聖旨恁商量的是有交他每根底行呵眼生受也者免了者

至大四年閏七月二十日樞密院奏皇帝登寶位開了詔書凡事從新極治依着世祖皇帝聖旨行時分省得的題奏有軍官每年紀到七十歲呵替頭裏交他每的弟姪兒男行者麼道世祖皇帝立定體例來近年以來年壯的人每

無病推稱有病麼道使見識自己替頭裏交他  
每弟姪兒男行了他每却別尋勾當出去了的  
多有軍馬勾當不似民間勾當是緊急大勾當  
有年紀小的人每委付了行呵用着時耽誤了  
勾當去也今後各處通行與文書交監察廉訪  
司官用心將那般使見識趨奸的人每根底并  
覷面皮不肯子細體覆亂行保舉的人每根底  
察知呵罷了勾當永不叙用斷罪呵怎生議定  
來奏呵奉聖旨那般者欵此

至大四年閏七月樞密院照得各處咨呈到  
襲替軍官中間多有鎮守屯戍年深就彼再求  
妻妾所生庶子或乞養過房偏愛妄作嫡長朦  
朧襲替及有拋離本貫他處住坐在後因而就  
彼附籍本貫却有親戚應繼之人畏避官司勘  
當止稱並無落後人口親戚產業其軍前官司  
循情申呈總司止於見住去處勘會或有雖經  
根元籍貫亦有不曾勾追房親鄰佑人等到官  
襲替之人是否嫡庶長次兒男應與不應年甲

及與不及自前至今曾無經紀十惡奸盜過名  
有無篤廢疾病爭繼之人一切違碍止稱父命  
或以扶同回報又軍官身故別無所生嫡庶兒  
男或有兒男年幼並不取問身故軍官家屬是  
否端的及不取權行襲替之人候應繼兒男長  
立吐退文字出給執照又應繼之人患病殘疾  
不堪承襲止憑鑿工看驗亦不問本人如何病  
証委的不堪職役詞因縱有取問保勘明白者  
其軍前官司却將緊關詞因節畧不明以致疑

感及色目人負多不行移本管與魯官止憑本  
管軍官或見任官司保勘又有新附人負雖無  
元籍亦合取問房親隣佑牌甲及襲替之人多  
不稱說曾無降到牌面幾年月日解到何處官  
司收訖有無獲到收管或某人見今收掌總司  
亦不辨憑公廳明白相視見任軍官所患年老  
病証堪與不堪管軍勾當是否妨職襲替之人  
可否管軍止是備坐咨呈定奪亦有不用勘合  
關防以致例應襲替之人往往赴院告爭對問

照勘人難除已遍行各處今後須要依上一一保勘明白如有似前朦朧咨呈定將當該首領官吏究治定到保勘體式今後並要依式開坐咨呈

一年甲開寫幾年分申告襲替并退職人負各各年甲若干

一諸色目人須要開寫是何人氏漢人高麗新附之類並須依上明白稱說

一籍貫開寫幾年分是何路府州縣附籍如

係色目明白稱說應當何處萬戶千戶  
百戶軍身若有其餘頭目所管戶計亦  
仰明白稱說見當是何身役

一襲替之人須要經由元籍路府州縣奧魯  
官司色目並須本官色目奧魯勾追房  
親鄰佑人等當官審問見告襲替之人  
是否嫡長次庶年甲若干曾無經犯十  
惡奸盜過名有無篤廢病証若令本人  
襲替有無違碍爭繼人等各取重其結



罪文狀仍照元籍相同若有年甲未及  
須要取問已故軍官家屬明白供指詞  
因仍取權襲之人候應襲者長立年及  
即便吐退文狀萬戶府出給執照仍將  
承權襲替之人已後吐退文狀明白開  
申若有病疾不堪職役必須當官相視  
仍取本人明白不能襲替詞因開申已  
後若有不應罪及當該官吏

一今後行省并各處提司須要依例當官相

視襲替人真堪與不堪管軍退職者是  
否年老或患是何病証妨職如委不堪  
鑿治明白保結咨申已後若有爭差罪  
及當該官吏

一本官元帶是何字號牌面差某人赴何處  
納訖獲到何處令史某人承行收管公  
文或未納見今何人收掌

一畫到宗枝圖本並從元籍房親鄰人保勘  
當官彩畫已若有爭差罪及親隣當該

官吏

一委官辨憑是否真偽抄錄咨呈

一應襲替告陞人負摠司並用勤合咨呈應

有告陞人負雖有新功不經廉訪司體

覆并無功人等及無見闕不許違例濫

保

大德七年六月二十一日樞密院奏軍官每  
的兄弟孩兒每父兄每的替頭裏委付的薛禪  
皇帝根底奏了年紀到十八歲呵委付有來去

年俺皇帝根底奏來軍官每自己要閑推辭着  
兄弟孩兒每拾伍拾陸歲拾捌歲有麼道謊說  
着即漸委付小孩兒每的一般有軍情緊急勾  
當有似那般委付小孩兒每呵用着的時分大  
勾當疑悞了去也如今軍官每的兄弟孩兒到  
二十歲呵教當一年僦使了得的一般二十一  
歲上委付呵怎生奏呵那般者麼道聖旨有來  
如今大都裏有的伴當每文書裏說將來都教  
那般當僦使呵多人生受的一般有如今怯薛

裏行的邊遠出征的曾請俸錢的并受宣勅來  
約不教當暴使自來勾當裏不曾行來的依着  
在先的聖旨體例裏教當一年暴使了得的一  
般的委付呵怎生說將來昨前比及阿忽台丞  
相入省之前俺衆人商量來伴當每的言語是  
的一般有上位識者麼道擬定來奏呵奉聖旨  
是有依恁商量來的那般者欽此

至大四年閏七月二十四日樞密院奏皇帝  
登寶位開了詔書凡事從新極治依着世祖皇

帝聖旨行時分省得的題奏有萬戶千戶百戶  
內并萬戶府千戶所鎮撫彈壓因功陞除別勾  
當裏去了呵管蒙古軍馬的人每元管來的軍  
裏委付他每的弟姪兒男者管漢軍的人每陞  
除別勾當裏去了呵他每替頭裏委付別人者  
麼道世祖皇帝立定體例來在後使見識的人  
每捏合着謊文書委付了的也有官吏覷面皮  
故違了世祖皇帝定制在先委付了的人每也  
有來別了大體例主仗着委付了的也有如今

從新極治的時來上位明白奏知管達達軍馬  
人每的子孫於元管軍馬裏依例委付管漢軍  
的人每因功陞除別勾當裏去了呵依着世祖  
皇帝定制他每的替頭裏委付別人今後聽了  
聖旨故違元保來的官吏并明知道主仗着委  
付的人每根底教監察廉訪司官察知呵罷了  
勾當斷罪呵怎生議定來奏呵奉聖旨那般者  
欽此

至元二十八年正月二十三日樞密院奏探

馬赤蒙古百戶每在意來呵與千戶的名分交  
漢軍新附軍裏做千戶去呵他每的兄弟孩兒  
每根底根脚裏百戶委付呵怎生擬定來麼道  
奏呵那般者聖旨了也欽此

至元二十七年正月十四日尚書省奏福建  
省官人每與將文書來這裏賊每生發呵管軍  
官管民官每與他每一處相殺有陣亡了的有  
呵軍官每的孩兒每根底承襲的體例根底有  
陣亡了的民官每孩兒每根底依着軍官每體



例裏委付呵怎生說將來有俺商量得民官每  
委實是陣亡了的呵那的每孩兒每根底比他  
耶的勾當低貳等委付孫男兄弟每根底委付  
呵更比他的孩兒低壹等委付麼道奏呵是也  
實是陣亡了的呵那般者麼道聖旨了也欽此  
大德六年十二月中書省吏部呈議得工南  
地面作耗賊人生發其牧民官迎賊相殺中間  
或有被賊就陣殺傷身死其子孫承襲比之廕  
例降父職貳等廕叙若亦立法關防切恐因而

作弊今後民官與賊相殺陣亡者總捕盜官隨  
即出給執照分付本家親人收執仍申覆本省  
照知本路官司明白開寫某年月日某處地面  
生發被賊就陣殺死民官某人移牒本道廉訪  
司體察如有不實罪及當該官吏本省更爲保  
勘明白移咨都省依例定奪都省准擬  
廕叙錢穀 延祐元年十二月中書省江西行  
省咨照得腹裏從陸至從柒品流官子廕授院  
務等官俱有陞轉定例江南平定日久南北通

除歷仕官負蔭叙正陸品官子巡檢內任用漸  
次轉入流品從陸品子止於近上錢穀官雖任  
數十界別無入流之例不分允除係腹裏江南  
歷仕人負但除南方者一槩如此且如根脚係  
江南入仕超陞之人俱經回降既將正陸品以  
上子孫依腹裏歷仕人負例於流官內蔭叙惟  
有從陸品至從七品人負子孫止令錢穀官內  
委用不許陞轉誠為偏負如准與腹裏從陸品  
以下蔭叙錢穀官一體於雜職資品內流轉其

於選例歸一吏部議得江南歷仕從陸品至從  
柒品官員其致仕身故之後而子孫承廕者若  
擬不申事涉不淪亦合比依腹裏廕例一體移  
咨各處行省將前項應廕之人依例監當差使  
滿日於從玖品雜職陞用都省准擬

遷轉避籍 至元五年九月中書省吏禮部呈  
銓注官員各路地面寬濶若更避路不惟地遠  
人難慮恐中間官員闕窒碍都省議得今後斟酌  
地里遠近迴避元籍銓注

至元二十八年五月初八日中書省奏遷轉  
官員自己地面裏休做官者道來桑哥等要肚  
皮的上頭別了聖旨根脚地面裏做官來的有  
有如今似這般體例的分揀了別箇田地裏遷  
轉呵百姓每也得濟有也者麼道奏呵是有那  
般者麼道聖旨了也欽此

服闋求叙 元貞二年八月中書省吏部呈今  
後見任已除官員委因親老自願棄職侍養者  
宜准作缺親終服闋方許求叙若朝廷奪情起

復者不拘此例都省准擬

病闕 大德六年六月中書省吏部呈即日到  
部患病作闕官員所給解由多不依例保勘中  
間有無規避若便行移勘當不唯往復逗遛文  
繁亦使求仕人負停滯生受今後似此人負擬  
合通行照會須要依例保勘完備咨申定奪都  
省准擬

終制 延祐元年五月中書省禮部呈至大四年  
三月十八日欽奉詔書內一欵官吏丁憂已

嘗著令今後並許終制資二十七月以厚風俗  
朝廷奪情起復并蒙古色目管軍官負不拘此  
例欽此除欽遵外議得官吏丁憂雖子職之當  
為終制起復亦國家之厚典諸職官見任者從  
本衙門已除未任者從元籍官司隨即給由有  
出身吏負人等已及考者一體起發文字以達  
吏部關會完備依例照闕銓注候終制日照會  
合屬起復從仕外據未及考吏負人等在內吏  
部在外合干上司籍記姓名服闋先行貼補都

省議得丁憂職官服闋不次銓注吏員人等未  
考滿者終制日先行貼補餘准部擬

致仕 大德七年七月二十日中書省奏在先  
體例裏做官的人每年紀到柒拾呵勾當裏不  
行有來如今做官的年紀老的人根底依着他  
每的言語委付呵耽誤了勾當去也今後除側  
近行的集賢翰林院裏用着的有知識老的每  
外其餘內外做官的人每年紀到柒拾呵叁品  
以下官員他應得的品級添與壹等散官教閑



呵怎生麼道大都有的伴當奏將來有奏呵奉  
聖旨那般者欵此

給由 至元二十二年四月御史臺近為各道  
按察司并監察御史任滿往往不行依例給由  
雖有具到歷仕根因舉明文解俱無保結任內  
有無粘帶過犯及不見開寫行過事跡以致無  
憑考校本臺議到下項事理

一按察司官行臺監察御史今後如遇任滿  
得替咨申文字開寫某官姓名年甲籍

貫入仕根脚請俸月日并任內刷過卷  
宗追到錢物彈劾官吏起數保舉可用  
人材所陳利害及應行過事跡移牒本  
司照勘完備從實保結開申監察御史  
行移察院依上施行

一經歷知事任滿得替開寫某官姓名具年  
甲籍貫入仕根脚實歷請俸月日并任  
內行過事跡呈報本司依例照勘完備  
保結開申

一書吏通譯史奏差人等今後如遇考滿及  
書吏歲貢者依上開寫年甲脚色籍貫  
實歷請俸月日勾當其間有無過犯保  
結開申

至元二十一年七月欵奉聖旨條畫內一欵  
各路府州司縣任滿官員如中間實有贓污不  
稱職任當該官司循情濫給解由或本無粘帶  
故行刁蹬留難者並仰提刑按察司體究申臺  
呈省

公罪 大德十年三月中書省刑部呈所掌官  
吏過名文冊於內多有稽違斷罪罰俸免罪不  
碍銓注系遇原免止依常例依前照勘議擬虛  
致文繁停滯求仕本部議得前項官吏稽違公  
罪過名已經革撥不須開寫都省准擬

舉保 至元十三年閏三月御史臺欵奉聖旨  
條畫節該諸官吏若有廉能公正者委監察體  
察得實具姓名聞奏隨路州縣若有德行才能  
可以從政者保申提刑按察司再行訪察得實

申臺呈省欽此憲臺議得今後保薦人材皆須  
直言所長務要名行相副如自州縣舉保從本  
屬總管上司牒委正官復察相同移文按察司  
委官體訪如有按察司舉明者舉官訪察得實  
移文本司別委正官復察相同各開著明實跡  
前後保察官負職名保結申臺若保舉職官亦  
仰依上復察在任為政各各實跡保結開申所  
保不當罪及保官

大德玖年六月欽奉詔書內一欵孝子順孫

曾經旌表有才堪從政者保結申明量材任用  
大德十一年十一月御史臺會驗欽奉聖旨  
條畫節該諸官吏若有廉能公正者委監察體  
察得實具姓名聞奏隨路州縣若有德行才能  
可以從政者保申提刑按察司再行訪察得實  
申臺呈省欽此先為所保人負泛無實跡議得  
風憲之職責任尤重苟非其人不可妄舉今後  
但有薦舉人負須要從公明白開寫五事廉能  
異政各各實跡及舉察官姓名申呈

至元二十一年五月御史臺照得欽奉聖旨  
條畫內一欵諸官吏若有廉能公正者委監察  
體察得實具姓名聞奏欽此即不曾許監察等  
官擅行公文於諸衙門保人委用近年以來內  
外臺監察御史每有保舉人負多不呈臺但移  
文各道按察司并諸衙門錄用蓋自恃其勢可  
以必行名曰公文實則私意即與陰相囑託無  
異今後凡保舉官吏及草澤之士並須指陳實  
跡呈臺定奪不得擅行公文於各道提刑按察

司及諸衙門保舉委用其諸衙門亦不得承受  
所貴公道開明仕途清肅無倚公濟私之弊  
至元二十七年十二月尚書省會驗外路諸  
衙門凡有稽違公務必須差官催問近年以來  
所委人負多不奉公下程便與時望官員和氣  
相結營幹私已勾當臨廻索要保舉文字不惟  
事轉遲留實有傷於大體今後凡有差官催問  
取勘勾當着緊辨集無得似前保舉若差出人  
負果有勤幹實跡朝廷自有區處



至元三十一年正月中書省吏部呈近年以來行省宣慰司內外諸衙門將未考滿令譯史人等并受行省宣慰司劄付根脚淺短州縣諸職管官擬注窠缺舉保陞用看詳今後缺官省部銓選自有季報照勘銓注各衙門例合保用者亦須保選相應人負如違嚴加究治都省准擬

大德八年五月中書省御史臺備監察御史呈自阿合馬桑奇賽梁輩相繼秉政貳拾餘載

輕用官爵重貪貨財濫放冗員沮壞選法奸邪  
得位貪殘牧民遂為天下無窮之害大德七年  
二月更新之後聞各處行省宣慰元帥等官復  
用白狀公文泛濫保人此途一啓倖門捷徑不  
可復窒若不力塞弊源恐政綱墮紊濫選橫流  
其患不可勝言也吏部議得銓注官員所宜遴  
選白狀保用焉得其人如准所言誠為允當都  
省准擬

除授身故 至元八年二月中書省議得今後

奏准除授官負宣命勅牒未經祇受遇有身故者擬依舊例聽親屬告請給付其家奏奉聖旨准

投下達魯花赤、皇慶元年十二月二十七日中書省奏八不沙大王他每投下的般陽路裏教薛兒帖該小名的人做達魯花赤與將文書來臺官人每俺根底與文書那路裏所轄的州縣裏他的弟兄每做着達魯花赤有似這般路分所轄的州縣裏弟兄每做達魯花赤呵其間

相護向呵勾當裏多有窒碍麼道俺商量來他  
每的言語是的一般委付呵勾當裏有窒碍百  
姓每被擾這薛兒帖該依着八不沙大王保將  
來的委付那路裏所轄的州縣委付來的弟兄  
每都革罷了八不沙大王根底說將去替頭裏  
教別委付人因着這的其餘路分裏各投下似  
這般委付了的革罷了今後做通例休教這般  
委付呵怎生奏呵那般者麼道聖旨了也欽此  
到選被問 至元二十四年七月尚書省御史

臺呈紹興路達魯花赤嚴忠祐收受金少保錢物却行奏准僉江浙等處行中書省事追問得刑部令史傳若弼狀招押過關吏部根勾嚴忠祐文字本官親行囑託以此相耽致拾肆日以致除充本人斷訖罷役外本臺看詳臺察所按不公人負具呈到省雖令刑部勾問仍送吏部照會比及追問明白不許銓除都省准擬教官不稱 大德八年九月中書省兩浙江東道奉使宣撫呈浙東廉訪副使臧奉政言學校

教化朝廷急務而有司視為緩慢宜乎教化不行風俗不美也今之為教授者半非其人如龍興路教授閔節夫本以道童善撫琴見知當路遂得前缺到任之後席卷學糧壹萬餘碩憲司非不追問因緣計囑反與隱庇回護繼而在逃竟置不問乞行分揀如德行文學可為模範者存留不學無術者汰出選真儒俾之典教庶無負聖天子崇儒重道之美意送禮部回呈准集賢院闕看詳各處教官止憑省部連到所業文

字考試中式回闕貴部銓注窠闕若教官委不稱職或侵盜學糧合從廉訪司依例糾問本部議得合准集賢院所擬劄付御史臺依上施行都省准呈

行省令譯史 皇慶元年十二月二十六日中書省奏准減繁事內一件節該各處行省并所轄衙門令譯史怯里馬赤知印宣使奏差典吏人等須要照依元定通例相應人內補用不須一一咨稟准設其或補用違例不應者行省從

監察御史宣慰司等衙門從廉訪司取具應設  
人數各各歷仕脚色依例照刷但有不應之人  
截日革去追徵支過俸給其或糾察未盡者雖  
考滿到部依例行移追俸役過月日並不准算  
匠官 皇慶元年十二月二十六日中書省奏  
准減繁事內一件節該行省所咨考滿匠官都  
省判送吏部比對勘合移關工部定擬似涉文  
繁今後行省別置匠官勘合文簿發付工部收  
掌就行判送比對完備定擬窠闕移關吏部依



例施行

俸月 至元十七年二月尚書省近為內外諸  
衙門保到有出身令史譯史通事知印宣使奏  
差人等吏部依例開會行移戶部照勘請俸月  
日為各處俸冊未到多不完備阻碍遷除議得  
應有到選此等人員如各衙門文字保勘實歷  
請俸月日明白者再取各人別無詐冒重其執  
結已後俸冊到來查勘得却有爭差情願罷職  
永不叙用取訖如此文狀依例遷用

令譯史通事知印 至大元年十二月中書省  
吏部呈今後臺院行省貳品參品等衙門職官  
令史合於得替見任已除未任相應流官內選  
取都省議得除得替未曾給由見任未經注代  
急缺去處外餘准所擬

延祐二年四月十七日中書省奏漢兒吏道  
從柒品委付已上休委付者教授秀才出身并  
職官內選取來的令史依舊例委付者麼道聖  
旨有呵俺行了文書也在前不曾立料舉的上

頭用秀才呵難選有麼道臺家也魯奏來俺商量來裏頭省部臺院等諸衙門在外行省宣慰司廉訪司路府州縣用的人多有時下只用秀才呵選不勻有如今但是有出身衙門合設的令史教教授秀才根脚是秀才裏做令史來的人內選取不勻呵職官并吏員內選取月日蒲呵依着已了的聖旨吏員從雜品已上不委付秀才職官依舊例委付路府州縣無出身的衙門裏合用的令史秀才生員每內肯做的教做

呵怎生奏呵那般者麼道聖旨了也欽此  
皇慶元年二月初五日中書省奏六部漢兒  
令史壹考之上轉補貳品衙門令史蒙古必闈  
赤那箇衙門裏行呵只本衙門裏考滿有這般  
呵偏負的一般今後諸衙門蒙古必闈赤有缺  
呵依漢兒令史例除職官外省裏有缺呵貳品  
衙門喫俸人內選取貳品衙門內有缺呵六部  
蒙古必闈赤內發補部裏有缺呵教省書寫每  
行呵怎生奏呵與漢兒令史一體有那般者麼

道聖旨了也欽此

延祐二年三月中書省吏部呈諸衙門蒙古  
必閣赤舊例俱從翰林院試驗發補皇慶元年  
十一月初五日蒙都省奏准依漢兒令史例轉  
補以此叅詳今後蒙古書寫典吏及各路府州  
合設蒙古必閣赤照依舊例從翰林院試發外  
其餘諸衙門蒙古必閣赤並依漢兒令史例轉  
補其轉補不盡者考滿依例定奪都省准呈  
大德七年二月中書省江浙行省咨怯里馬

赤玉連赤不花告假遷葬作缺理合於相梯衙  
門內補貼月日緣怯里馬赤有缺例從長官選  
保吏部議得今後通事知印經值衙門例革告  
假遷葬或因事作缺人等擬合於本衙門及相  
梯衙門宣使奏差內貼補月日扣算通理考滿  
遷用都省准呈

皇慶二年五月中書省御史臺呈河東山西  
道廉訪司申河東宣慰司令史於本司書吏內  
取補緣廉訪司係按治衙門儻有圖望進取反

加趨附傷公敗事深為未便吏部議得已補人  
數別無定奪今後有缺迴避本道選取其餘去  
處亦合一體都省准擬

通制條格卷第六

This image shows a blank ledger page with a double-line border. The page is divided into ten vertical columns of varying widths. The columns are arranged from left to right as follows: a wide column, a narrow column, a wide column, a narrow column, a wide column, a narrow column, a wide column, a narrow column, a wide column, and a narrow column. The page is otherwise empty of text or data.

--	--	--	--	--	--	--	--	--	--



通制條格卷第七

軍防

差遣 大德十一年五月中書省御史臺呈千  
戶不闌奚四川行省差遣赴中書省繳納宣慰  
司印信因病二十餘日不行還職看詳今後各  
處行省非干軍情其餘事不應差使軍官理宜  
禁治都省准呈

口糧醫藥 至元十五年三月欽奉聖旨條畫  
內一欵軍馬糧斛若遇開支亦令已委信實錢

糧官管領開支不得剋落如有身故軍糧倒死  
馬料食用不盡者見在數目却行回納或差出  
軍馬糧料收頓候回日給付或令次月請糧軍  
人就用毋得私下破貸

至元二十四年中書省湖廣行省咨照得蒙  
古漢軍及新附軍人即目多有摘撥占城雲南  
泃海兩廣福建諸處鎮守出征當役俱係烟瘴  
極邊重地軍人久戍盤纏消費得替還家傍路  
居民稀少縱有人烟去處新附人民不肯應副

飲食因其飢餓必致搔擾百姓擬合自起程日  
官爲驗實有數目日支行糧軍民兩便都省議  
得兩廣福建鎮守軍人得替還家自起程日每  
名日支行糧米一升行移前程官司依上支給  
至大江住支外據其餘鎮守軍人不在此限

大德三年十二月中書省刑部侍郎等官呈  
鎮守溫處等路萬戶府申軍人患病久食倉米  
多致轉生別証將養不痊若蒙添支新米煎熬  
粥飯早得復元以備差遣等事送戶部議得諸

翼屯戍軍人果有疾病擬合於本名合請月糧  
內不出元數一半支付新米煎粥養患病痊日  
依舊支付都省准擬

大德七年十月中書省甘肅行省咨征西元  
帥府呈所管軍馬內常有身死在逃軍人逐月  
糧數開除今蒙行省照身死在逃月日食用不  
盡糧數却於見在支糧軍內就除實是有虧見  
役軍人戶部照擬得其肅行省邊遠重地鎮遏  
軍人糧米艱得若將逃亡軍人歇空日數作實

有米糧於見役軍人糧內措除似涉偏負今後  
身死軍人如有拋下米糧拘收還官如無下月  
開除在逃軍人拋下米糧亦收還官如無著落  
所管頭目陪納都省准擬

大德七年十一月中書省河南行省咨照得  
各翼摘差蒙古漢軍征進八番叛蠻經涉艱險  
重地廻還雖稱應付口糧所在官司奉行不至  
致有在路飢餓病死實可哀憫擬合遍行合屬  
出征廻還軍人經過隨即支付口糧病者應付

藥餌脚力行移前路應接庶使遠征軍人稍得  
蘇息都省桂擬

至元十五年三月欽奉聖旨條畫內一欵軍  
前若有病患軍人隨令高手鑿工對証用藥看  
治各翼選差好人服侍仍仰本翼額設首領官  
不妨本職專一司病者治病軍將養復元方許  
輪當差使逐旋具數開呈本翼若考較時驗病  
死軍人多寡定奪司病官責罰施行

軍官課最 至元二十六年八月樞密院議擬

到禁約諸軍例內一款管軍萬戶千戶百戶人  
員例降虎符金銀牌面子孫世襲如遇征進有  
護竒功者優陞重賞比之民官朝廷寵賜不為  
不重當宜守職盡心整治士卒常切聽候調用  
竭忠報國出力以副委任如能治軍有法守鎮  
無虞甲仗完備差役均平軍無逃竄已上事備  
者許本管上司薦舉到院體覆是實以憑聞奏  
不次擢用施行

巡軍 大德八年三月中書省刑部呈大都兵

馬司專為捕盜先奏奉聖旨節該拏賊的貳阡  
軍不交差使則交管拏賊者欽此今官都諸衙  
門不干賊盜呼喚首領官吏着落根勾一切人  
數必須差使巡軍頭目動輒妨占旬月若有違  
限將首領官吏追呼決責不能着司理會公事  
本部議得兵馬司除奸盜誘畧詐偽放火賊情  
一切非違及奉都堂鈞旨緊急事務外其餘衙  
門根勾人等合令所在官司根喚都省准擬  
皇慶元年二月中書省奏八剌脫因題奏有



司官勾當裏差占着巡軍弓手的上頭巡禁的  
勾當怠慢了今後有司官其餘勾當裏不得差  
占專一巡捕者麼道奏呵那般者麼道聖旨了  
也欽此

皇慶元年六月中書省刑部呈議得弓兵之  
設本以巡警賊盜其各處起納諸物不分貴細  
簾重一槩差撥官兵護送實妨巡捕合咨各處  
行省除貴細物貨依例止差弓兵其餘簾重物  
貨不須防送押運人等敢有違例占騎弓手馬

疋者各馳官司就便寃治都省准呈

禁治擾害 至元十四年七月樞密院泰安州

長清縣尹趙文昌呈切見出征軍人苦冒矢石

屢犯霜露傾家產以給軍需捐身軀以衛社稷

觀其勞苦實可哀憫其管軍人負不知存恤縱

令父兄子弟此遇農桑蠶繅出行修造一切力

役將軍人落後家屬非理占使又以出放錢債

為名令軍使用不出三四月便要本利相停一

歲之間獲利數倍設有違悞輒加罪責其軍人

畏避管軍官形勢思忖出軍之人命懸於管軍  
官人負雖搔擾百端抱負屈抑竟不敢於官陳  
許致使久而靠損深爲未便樞府叅詳所言允  
當合行依上禁治如有違犯之人許諸人告首  
到官取問是實就便斷罪

至元十五年三月欽奉聖旨條畫內一欵軍  
官人等不得於軍人處擅科取受分文錢數頭  
疋一切諸物欽此

至元二十六年八月樞密院議擬到禁約諸

軍例內一款管軍官於所管軍人處並不得擅  
科取要分文錢物假借換要頭疋物件搔擾軍  
人不安亦不得私自占破役使軍人致令生受  
已有條畫禁約既軍中無擾軍人却不得離役  
在逃若有在逃軍人行移合屬奧魯官司根捉  
得獲就軍前照依聖旨定到罪名對衆施行

至元二十九年三月初十日御史臺奏節該  
姓張底管軍百戶去年夏裏上都俺根底文書  
裏告樞密院家五衛萬戶千戶百戶官人每十

年其間裏軍人每根底貳拾一萬定鈔齊歛要  
來也者說有俺省得的奏雖是大四至說呵這  
裏頭實的也有也者虛的也有也者交打筭不  
交打筭上位識者麼道奏呵月魯那演奏這言  
語比及我入院已前伴當每我根前說了幾遍  
來舊底雖是不交打筭呵上位奏了軍官每這  
箇那個官人每根底與茶飯麼道軍每根底休  
交齊歛要者軍人每根底休交生受者後頭底  
禁治麼道說來麼道奏呵那般者禁治者舊底

後頭交打算不交打算咱每尋思了說麼道聖  
旨了也崔中丞奏月魯那演也先帖木兒兩箇  
院裏恰纔入去了也這般不整治呵後底這兩  
箇官人根底也來去也麼道奏呵恰纔不言語  
了也那整理者麼道聖旨了也欽此本臺議到  
下項合禁事理

一諸萬戶千戶百戶等人員已有奏奉聖旨  
定到各各占破軍數除外欽依累降聖  
旨處分事意並不得多餘占使亦不得

因公多行差占及據應得占破軍人止  
許依公支使並不得爲私已勾當修造  
工役營運買賣行船走車及各官到處  
不得就令出辦盤纏酒食馬疋草料  
一除各軍年例置備外欵依累降聖旨處分  
事意並不得私下料取錢物及齊欵追  
節生辰送路洗塵筵會婚聘一切人情  
亦不得別指名稱托散諸物陪告不辦  
散書押疏頭抄化剋除管軍官吏俸錢

一不得差倩屯田軍人并牛隻車輛耕種私  
已田禾般載已物

一各衛請俸書吏并寫發人等並不得就當  
影占本戶軍役依例另當本戶正軍

一每年放軍還家置備鞍馬軍需氣力其所  
差千戶百戶頭目中間放富差資科歛  
錢物諸般搔擾以致軍戶生受令各翼  
圖議立法鈴束不致生受

一各衛屯田官地多與軍官自己地土相靠



儻遇災傷軍官人等將被災者買作官  
田收成者妄爲己地今後並不得似前  
如此作弊

至元三十一年六月御史臺准樞密院咨近  
欵奉詔書內一欵節該屯成征進軍人久服勞  
苦仰與魯官撫養不得妄有科配欵此近年以  
來各處起軍官遍詣軍戶取要賚發一而接受  
軍人詞訟定奪氣力貼軍錢物又勾喚欠少已  
債軍人家屬監收追徵漸將軍戶侵損今後勾

補逃亡事故等軍摘委廉幹軍官行下本路勾  
補若是依前遍詣軍戶索要錢物及接受詞狀  
勾喚欠債軍人家屬監收追徵者令各道廉訪  
司體察及許令各處奧魯官司覺察申院取問  
定罪如奧魯官知而不舉故縱搔擾與同罪

至大四年閏七月中書省御史臺呈江南行  
臺咨侍衛軍官每歲放還遍歷所管軍戶索要  
洗泥吉忒慶弔人情其間蓋造屋宇人夫木植  
馬足草料並行科斂軍戶每以點軍爲名取要

飲食盤纏及回程送路巧取無厭又南方鎮守軍官多以取封裝奔喪及承襲承替求仕等事遍歷所管軍戶取歛錢物雖曰人自欣與其實陰行告報挾勢強取合令監察御史廉訪司官嚴加體察及令諸人首告得實依例斷罪罷職庶幾軍戶稍安不致貧窮都省照會樞密院行下各路奧魯官若有似此軍官人等搔擾軍戶許當該鄉村里正主首社長隣佑人等赴所在官司陳告到官依例取問斷罪

至元十五年三月欽奉聖旨條畫內一欵軍人馬疋軍官不得假借換要及不得因已勾當差使軍人馬疋致有瘦弱倒死勒令軍人借債補買生受

大德三年正月欽奉聖旨條畫內一欵軍馬糧料依裝盤纏鈔定並仰本翼正官公同盡實給散不得中間剋減作弊違者依條斷罪

單丁雇覓 至元十年九月樞密院奏京湖行院咨見役軍人多有雇到人丁當軍未及半年

或十箇月却行逃竄各處官司推故不解止發  
以次餘丁不能懲誡擬將有丁力之家須要正  
身當軍單丁無力之家欵依聖旨除自願正身  
出軍雇覓慣熟好人者許令雇覓事議得若有  
軟弱殘疾不堪當役等戶許令雇覓慣熟好人  
出軍其餘軍戶內如有丁多堪役人丁之家正  
身應役奉聖旨准欵此

存恤 至元三十一年四月欵奉詔書內一欵  
屯戍征進軍人久服勞苦仰管軍官管輿魯官

撫養軍人與魯不得妄有科配衣糧例應請給者並須隨時支給無致克除其臨陣而亡被病而死者尤當哀憫例應存恤一年者仰存恤二年應存恤半年者存恤一年貧難單弱不能起遣者從樞密院定奪優恤

大德二年十二月二十九日中書省奏陣亡軍人的家小懸窮暴無養濟的除依例存恤外合斟酌官給衣糧麼道說有依着他每的言語裏行呵怎生奏呵奉聖旨那般者

皇慶元年十月二十四日中書省刑部呈唐  
州弓手宋聚因為捕捉強劫曹州鈔本賊人捨  
命向前戰鬥致被賊徒射死既宋聚歿於王事  
理宜優恤其家如將本戶身役比依陣亡軍人  
例存恤二年所據燒埋錢鈔比及正賊敗獲於  
本處係官錢內支給都省准擬

差運官物 至元十五年三月欽奉聖旨條畫  
內一欵軍中遇有違運係官諸物須管於官船  
內差撥官軍使駕運送却不得因而拖拽官民

梯已船隻及不得拖扯百姓人等駕舡妨奪生計

押送軍器 至元十八年二月中書省樞密院呈押軍官員若差州縣正官民間事務不能辦集如軍及五十名之上差委請俸正官押送如五十名以下許差有職役不作過犯能幹人員押送一名各要到軍前交割如本人作弊破說軍人在逃事故却有不到軍前取招斷罪都省往擬



屯田 至元二十六年八月樞密院議擬到禁  
約諸軍例內一欵內外諸軍所役屯田軍人自  
來且耕且戰恐本管官吏不以王事為念止於  
農夫一例濫收老幼或軀丁應當如遇調遣點  
覷得但有不堪執役之人定將當該官吏治罪  
施行

看守倉庫 至元二十三年三月中書省契勘  
在都倉庫掌管國用錢糧出入浩大恐被侵盜  
周廻各置軍鋪并委官色目人等親臨門首專

一看守軍官軍人等須管晝夜常切用心巡緝  
關防遞相覺察毋致官典勾當諸色人等侵盜  
官物仍禁約不干碍閑雜之人毋得輒去門首  
如遇收支錢糧倉庫達魯花赤官攢庫子斗脚  
人等照依省部印押文字坐去數目對衆明白  
收管支發如是庫司勾當并支納人員出庫仰  
泐身子細搜尋但有隱藏官物即便捉拿解赴  
省部照依扎撒處斷如是把門人負并看守庫  
官人等不爲用心看守巡緝致有違犯亦

行病斷

起補軍丁 大德三年正月欽奉聖旨條畫內  
一款奧魯官吏遇有軍前起補逃亡事故軍人  
放富差貧最為深弊今後須要當官磨問盡實  
起補若有重役貧難詳審保勘備申合屬定奪  
如有受錢隱蔽依條斷罪

擅差 大德四年七月初八日樞密院奏雲南  
行省官江西行省官每各差了伍伯名軍修蓋  
省工役來常例差工役軍呵上位不奏了不差

有來這的每不曾奏着差了有臺官每也道無體例麼道說將來不奏了差軍的他每無體例有雖是那一般呵自己的勾當裏不曾差來修蓋省來皇帝識者麼道奏呵如今已修蓋了也後底那般休差者今後不商量着差軍呵有罪過者各處行文書者麼道聖旨了也欽此

私役 至元二十八年七月二十四日樞密院奏奉聖旨軍官每休教使軍者說的上頭俺商量來在先不曾說的上頭軍官每多占使軍有

來如今沒出征的其間多不教使萬戶每根底  
捌箇千戶鎮撫肆箇百戶彈壓每兩箇人教使  
者今已後多使軍人呵軍官每根底要罪過者  
商量來麼道奏呵不索尋思那般者麼道聖旨  
了也欽此

私代 至元二十九年十二月二十五日樞密  
院奏節該每年車駕出去呵大都把門住夏探  
馬赤軍每二月二十頭教來如今則依體例裏  
教來呵怎生麼道奏呵那般者聖旨了也又奏

完澤丞相說有這來的軍每自己替頭裏教閣  
端赤來的一般互軍來有說有如今俺商量來  
閣端赤根底教自替頭裏來的人每閣端赤根  
底教他每另做了數目他每根底要罪過呵怎  
生那般行文書麼道奏呵那般者麼道聖旨了  
也欽此

管押 延祐二年七月十八日中書省奏臺官  
每備着山東廉訪司文書與俺文書有各處親  
民官掌管錢糧詞訟民間一切事務不為不重

近年以來勾補逃亡事故軍人并押送封裝盤  
纏教管民官押赴樞密院交納的上頭好生妨  
悞着勾當有去年親民正官不得越境差占者  
麼道行了詔書來依行省差人起補軍人并取  
發封裝物的例合交樞密院差去官起遣或令  
例放還家赴限軍官管押的麼道與了文書有  
樞密院差去的人即與行省差來軍官一體有  
休教管民官押送只教樞密院差去人管押將  
來呵怎生奏將來有奏呵那般者麼道聖旨了

也欽此

通制條格卷第七



通制條格卷第八

儀制

朝現 延祐元年六月二十二日中書省奏在  
先諸王妃子公主駙馬各千戶每朝現的并不  
揀甚麼勾當呵夏間趁青草時月來上都來  
如今推稱着緣故不商量了入大都去的多有  
依先體例休教入大都去不揀有甚麼奏的并  
朝現來的勾當呵夏間來上都者端的有忙勾  
當呵差使臣呵怎生奏呵那般者閣閣出阿撒

罕等必闕赤根底完者闕闕出等扎撒孫每根  
底說了教省會與各枝兒者麼道聖旨了也欽  
此

表牋 大德四年六月初十日中書省奏奉聖  
旨節該賀正聖節日辰各處進賀表有除那的  
外諸王根底不曾進行省行臺各路宣慰司都  
元帥府一例鋪馬裏進牋有麼道說有俺商量  
來除皇帝根底進表之外其餘諸王根底無來  
俺省裏各處行文書住罷了呵怎生奏呵奉聖

旨那般者欽此

公服私賀 皇慶二年十一月初二日中書省  
御史臺呈皇慶二年正月二十六日本臺官衆  
兒赤中丞等奏殿中司文字裏說有昨前拜年  
時分微政院裏僉院忽都小名的人皇帝根底  
拜了之後大殿裏穿着公服月魯帖木兒知院  
根底跪着與手帕來俺商量來穿公服與人厮  
跪呵無體例一般俺省家與文字教立個體例  
呵怎生奏呵那般者麼道聖旨了也欽此禮部

議得公服乃臣子朝君之禮今後百官凡遇正旦朝賀候行大禮畢脫去公服方許與人相賀都省准擬

臣子避忌 至元九年八月中書省木八剌脫因乃蒙古文字譯該不揀誰自的勾當裏爭競唱叫折証錢債其間裏不揀甚麼田地裏上位的的大名字休題者那般胡題着道的人口裏填土者教省官人每隨起省諭者聖旨了也欽此 至大元年正月十四日樞密院奏世祖皇帝

登了寶位在後完澤篤皇帝登了寶位呵多人  
每犯着上位名字の教更改了有來如今皇帝  
登了寶位也皇帝在軍上時分爲軍情勾當上  
頭寫着上位の名字樞密院裏與將來の文字  
也有爲人の勾當與將來の也有皇帝登了寶  
位之後在先潜邸時分聖旨了的勾當來麼道  
只寫着上位の名字來の文字也有多久每犯  
着上位名字の俺在先已行了文字裏差寫了  
的也有教更改了省諭多人各衙門裏行與文

字呵怎生麼道奏呵奉聖旨各處行與文字犯  
着咱每名字的有呵教更改了者如今皇太子  
根底啓知有麼道啓呵奉令旨那般者敬此  
賀謝迎送 中統五年八月欽奉聖旨條畫內  
一欽行中書省官除迎送赦詔及諸王外其餘  
並不須迎送欽此

至元八年十一月十五日大司農御史中丞  
兼領侍儀司事奏每遇聖節元日詔赦并各官  
受宣勅除沿邊把軍官再行定奪外諸路官員

合無令各官照依本品自造公服迎拜行禮欽奉聖旨除沿邊把軍官外那般行者欽此

一元日外路拜表儀拜表日奠明望闕置香案并設官屬褥位叙班立定禮生贊拜在位官皆再拜司吏捧表跪授班首班首跪受以授所差人所差人跪受訖班首起立禮生贊拜在位官皆再拜訖退聖節祝壽禮拜表禮與元日同其日奠明望闕置香案并設官屬褥位叙班立

定班首率僚屬先再拜班首稍前跪上  
香祝贊訖退復位再拜舞蹈叩頭三稱

萬歲

官屬扣頭中間公吏人從等相應  
高聲三呼萬歲

就拜興復再拜訖退

一外路迎拜詔赦送詔赦官到隨路先遣人

報班首即率僚屬吏從人等備儀從音

樂絲輿香輿詣郭外迎接見送詔赦官

即於道側下馬所差官亦下馬取詔赦

恭置絲輿中班首詣香輿前上香訖所



差官上馬在綵輿後班首以下皆上馬  
後從鳴鉦鼓作樂前導至公所從正門  
入所差官下馬執事者先於庭中望闕  
設詔赦案及香案并褥位又設所差官  
褥位在案之西又設床於案之西南  
所差官取詔赦置於案綵輿香輿皆退  
所差官稱有制贊班首以下皆再拜班  
首稍前跪上香訖復位又再拜所差官  
取詔赦授知事知事跪受二名司吏二

名齊捧詔赦同陞宣讀在位官皆跪聽

訖詔赦恭置於案上知事等復位班首

以下皆再拜舞蹈叩頭三稱萬歲和官屬

中問公吏人等相就拜興又再拜訖班

首以下與所差官相見於廳前禮畢所

差官行班首率僚屬公吏音樂送至城

門外

一送宣受宣命官如見任隨路府州或別司

長官貳官使者先遣人報知受宣官率

僚屬吏從人等備儀從音樂絲輿香輿

二官并別司長官並移文所在詣郭迎

接望見使者即於道側下馬使者亦下

馬取宣恭置絲輿中受宣官詣香輿前

上香訖退遣人覆知使者為未受宣命

未敢參見使者在絲輿後受宣官次行

皆上馬後鳴鈺鼓作樂前導至所居如

居官即使者入館遣人往報受宣官受

宣官令人傳語取覆給宣之自先於本

宅隨力排辦仍報所在京府州郡差知

体例人并合用案傳等物其京府州郡

須合應付隨本官往所館導引至所居  
起如本製無音樂儀從者更不排辦

皆從正門入使者下馬執事者先於庭

中望闕設宣命案及香案并褥位使者

在西宣案使者取宣於綵輿奉置案上案

衣仍得設綵輿及香輿皆退使者就褥位立

受宣官就望闕位立定禮生贊再拜稍

前跪上香又再拜訖使者稱有制賜卿

宣命受宣官又再拜跪使者取宣於案

以授受宣官受訖就一拜興稍退恭閱

宣命訖復置懷就褥位再拜舞蹈叩頭  
就拜興又再拜受宣官近使者前跪問  
聖躬萬福使者躬荅曰聖躬萬福受宣  
官起使者與受宣官及諸僚屬相見於  
廳前禮畢

一受勅某日受勅官具公服就公所望闕設

香案褥位

如闕者官就  
送本宅正序

送勅官立於香

案之西受勅官詣褥位立定禮生贊再  
拜訖搢笏跪上香送勅官捧勅以授受

勅官受勅官受勅恭置於懷出笏就拜  
興復再拜禮畢與所差官相見

一公服俱右衽 上得兼下下不得借上

壹品官紫羅服大獨斜花直徑伍寸

貳品官紫羅服小獨斜花直徑叁寸

叁品官紫羅服散荅花謂無枝葉者直徑貳寸

肆品伍品官紫羅服小雜花直徑壹寸伍分

陸品柒品緋羅服小雜花直徑壹寸

捌品玖品綠羅服無文羅

一偏帶俱係紅鞞上得兼下下不得僭上

壹品官玉帶

貳品官花犀帶

叁品肆品荔枝金帶

伍品陸品柒品捌品玖品俱烏犀角帶

至元九年三月中書吏禮部濮州申本州不  
設知事如遇詔赦其提領案牘合無製造公服  
本部議得散府上中下州所設提領案牘都目  
吏目俱係未入流品人負如遇行禮權擬衣檀

褐羅窄衫黑角束帶舒脚幞頭都省准擬

大德七年九月中書省江西行省咨未入流  
品人負權擬檀褐羅窄衫烏角束帶舒脚幞頭  
即目各處典史擬於應得都吏目人負內選差  
未審合無製造禮部議得在前司縣典史路府  
自行遷調目今腹裏省部裏注其江南者行省  
定奪所擬公服雖無通例却緣臣下致敬之儀  
理合嚴謹合准製造都省准擬

大德十年五月中書省四川行省咨重慶路



儒學正塗慶安呈春秋釋奠天壽聖節行禮諸  
儒各服唐巾襪帶學正師儒之官却以常服列  
班陪拜照得吏目巡檢俱蒙上司定例製造公  
服學正亦係省府設立人負合無依上製造禮  
部議得學正學錄教諭係師儒之職俱受省部  
劄付若與諸生同服似失尊卑之序合准所申  
製造都省准擬

至大二年三月初二日赤因帖木兒丞相奏  
御史臺官人每與俺文書大寧等處開赦書聖

旨去的使臣教迎接者麼道說將去了二三日之後纔來到的也有來呵遇着雨雪也要穿公服有收拾戶計的打捕豹子的聖旨也教迎接有城子裏勾當眼遲悞有麼道那裏的廉訪司官人每根底與文書來江浙省官人每也與將文書來和尚先生并多人等賜與田地來的爭家私的上頭與來的聖旨懿旨令旨御香連併來有俺省官人每各衙門官吏每接送呵眼悞了勾當有說將來俺商量來行省官廉訪司官

詔赦聖旨依體例迎接者經過颶休開者若行  
省與廉訪司有合一同干碍的聖旨有呵各一  
員官迎接其餘的聽者除這的外寺觀多人根  
底與來的執把的聖旨呈獻的鷹鷄豹子稀罕  
物貨等有呵休教迎接呵怎生奏呵奉聖旨那  
般者欽此

至元八年十二月尚書省御史臺呈河南道  
按察司申使臣人負賫擎聖旨各路開讀常是  
預先行移前路官員率領司縣官吏出城迎接

或十餘日纔方到來以致妨奪公務今後合無  
斟酌驛程約定必到日期行移前路官司迎接  
都省議得除詔赦并賫擎御寶聖旨使臣預期  
一日行移前路官司依例迎接外其餘宣使省  
差使臣人員不須迎接

至元三十一年十一月中書省河南省咨迎  
宣接詔國家祭祀并朔望行香止是守土有司  
爲班首自立行樞密院以來鎮守軍官亦要與  
民官俱作班首禮部議得上項事理合准守土

官員爲班首都省准擬

至元二十九年九月中書省禮部呈河東山西道宣慰司問不時諸王公主駙馬并出使官員經過今後迎接合無止摘府官一員出郭不致耽誤府事本部議得各路諸王公主駙馬經行去處若有必合迎接依宣慰司所擬摘委府官一員都省准擬

至元二十四年六月尚書省蒙古文字譯該怯里馬赤阿散言語腹裏地面裏但有的管民

官每看守城子軍官每根底覷着呵來的去的  
使臣每根底接迭元委付來的勾當裏也到不  
得一般有似俺一般行的或好或歹使臣呵我  
是上位差來的使臣奉御麼道說着教行文字  
有爲那般的管民官看守城子裏軍官每撒下  
勾當每日則迎送使臣有麼道奏呵安童相哥  
那的每根底說教行文字者那一箇城子裏有  
開的聖旨呵那城子裏的管軍民官教接聖旨  
了也欽此

器物飾金 至元八年十一月尚書省欽奉聖旨節該今後諸人但係磁器上並不得用描金生活教省裏遍行榜文禁斷者

至元八年十一月中書省欽奉聖旨鞍韉鞞轡靴子箭頭休教用金者這般省會了後頭拿住呵便教拿住的人要者欽此

至元十三年九月初十日軍器監奏昨日雜帶上與金料的人喚將來者有聖旨來苦尚書喚將來也奏呵奉聖旨我先不教軍器上休使

金者麼道來恁不曾行那甚麼誰不曾行尋者  
再後金子根底休使者再奏大王母的使那不  
使奉聖旨也休使者欽此

祝壽 至元三十一年七月中書省御史臺主  
舊例欽遇聖主本命日所在官吏率領僧道網  
首人等就寺觀行香祝延聖壽擬合通行依例  
施行都省准呈

通制條格卷第八



通制條格卷第九

衣服

服色 大德元年三月十二日中書省奏街市  
賣的段子似上位穿的御用大龍則少壹箇爪  
兒肆箇爪兒的織着賣有奏呵暗都刺右丞相  
道興尚書兩箇欵奉聖旨昏替龍兒的段子織  
呵不礙事教織者似咱每穿的段子織纏身大  
龍的完澤根底說了隨處遍行文書禁約休教  
織者

延祐元年十二月欽奉聖旨節該諭內外百  
司大小官吏軍民諸色人等朕臨寶御勵志儉  
勤思與普天同臻至治比年以來所在士民靡  
麗相尚尊卑混淆僭禮費財朕所不取貴賤有  
章益明國制儉奢中節可阜民財命中書省定  
立服色等第于后

一蒙古人並不在禁限及見當怯薛諸色人

等亦不在禁限惟不許服龍鳳文

龍謂  
王爪

貳角  
者

一職官除龍鳳文外壹品貳品服渾金花叁

品服金荅子肆品伍品服雲袖帶欄陸

品柒品服陸花捌品玖品服肆花職散官事

從一繫腰伍品以下許用銀并戒鐵

一命婦

衣服壹品至叁品服渾金肆品伍品服金

荅子陸品以下惟服銷金并金紗荅子

首飾壹品至叁品許用金珠寶玉肆品伍

品用金玉玳珠陸品以下用金惟耳環

許用珠王

同籍不限親踈期親  
雖別籍并出嫁同

一器皿

謂茶酒器

除鍛造龍鳳文不得使用外壹

品至叁品許用金玉肆品伍品惟臺盞

用金陸品以下臺盞用鍍金餘並用銀

一帳幕除不得用赭黃龍鳳文外壹品至叁

品許用金花刺綉紗羅肆品伍品用刺

綉紗羅陸品以下用素紗羅

一車輿除不得用龍鳳文外壹品至叁品許

用間金粧飾銀螭頭綉帶青幔肆品伍

品用素獅頭綉帶青幔陸品至玖品用素雲頭素帶青幔

一鞍轡壹品許飾以金玉貳品叁品飾以金肆品伍品飾以銀陸品以下並飾以瑜

石銅鐵

一內外有出身考滿應入流品見役人負服用與玖品同

一授各投下令旨鈞旨有印信見任勾當人負亦與玖品同

一庶人除不得服赭黃惟許服暗花紵絲絁  
紬綾羅毛毳帽笠不許飾用金玉靴不  
得裁置花樣

首飾許用翠花并金釵髀各一事惟耳環  
用金珠碧甸餘並用銀

酒器許用銀壺瓶臺盞盃錠餘並禁止  
帳幕用紗絹不得赭黃

車輿黑油齊頭平頂皂幔

一諸色目人除行營帳外其餘並與庶人同

一諸職官致仕與見任同解降者依應得品級不叙者與庶人同

一父祖有官既没年深非犯除名不叙之限其命婦及子孫與見任同

一諸樂藝人等服用與庶人同凡承應粧扮之物不拘上例

一皂隸公使人惟許服紬絹

一娼家出入止服皂褙子不得乘坐車馬餘

依舊例

一今後漢人高麗南人等投充陸薛者並在  
禁限

一服色等第上得兼下下不得僭上違者職  
官解見任期年後降壹等叙餘人決伍  
拾柒下違禁之物付告捉人充賞有司  
禁治不嚴從監察御史肅政廉訪司糾  
治御賜之物不在禁限

至元八年五月中書省照得娼妓之家多與  
官員士庶同着衣服不分貴賤擬將娼妓各分



等第穿皂衫子戴角冠兒娼妓之家長親屬裹  
青頭巾婦女紫抹子俱要各各常川穿戴仍不  
得戴笠子穿金衣服騎坐馬疋諸人捉拿到官  
將馬給付告人充賞

通制條格卷第九

This image shows a page from a traditional Chinese ledger or account book. The page is ruled with vertical lines to create columns for recording data. On the right side, there is a header section containing the characters "正和增記元" (Zhèng Hé Zēng Jì Yuán), which likely refers to a specific account or ledger title. The rest of the page is blank, indicating that no data has been entered.

正和增記元									

通制條格卷第十三

祿令

俸祿職田 至元八年八月中書省戶部呈照  
得舊例職官上任不過初二日罷任已過初伍  
日並給當月俸後官已到前官差出者其祿兩  
支都省准呈

至元十八年七月中書省御史臺呈六月二  
十三日本臺官玉速帖木兒大夫行宮裏奏按  
察司裏勾當的人每都是別箇城子裏遠田地

裏遷轉將來的人每有壹年家與俸錢呵生受  
的一般俺的勾當參箇月家刷卷審囚行有若  
是參箇月了呵與俸錢呵怎生奏呵奉聖旨節  
該有探借了一年的俸錢推病家裏卧地去了  
那般的人休與俸錢者道來索甚三箇月則壹  
箇月了呵便與者欵此七月初三日阿里尚書  
張外郎於玉速帖木兒大夫處稟得回說俺爲  
按察司俸錢上奏呵欵奉聖旨裏傳聖旨去來  
但勾當裏行的請俸錢的人每一箇月勾當的

公事勾當的完備無罪過呵後月初頭與勾當過的一箇月俸錢者如是那壹箇月勾當的不完備有罪過呵趕了者麼道聖旨有來奏呵是那般有來如今只依着那體例與呵碍甚事麼道聖旨了也欽此

元貞三年三月中書省照得各處行省所轄管軍萬戶府等衙門首領官除遷轉經歷知事已有俸例外提控案牘都吏目俱係軍身就充司吏轉充前職雖另有人丁應役終是不離本

翼即與萬戶府司吏例同若依其餘官吏一體定俸實是虧官都省議得提控案牘都吏目人等但係軍身不離本翼者不須支付如有此等人真見請俸給截日住支

大德七年三月中書省戶部呈議得官吏俸秩本以養廉今後內外諸衙門官吏除上任已過初二日并但犯公罪有招停職被問者所歷雖至月終其俸秩依例不給外據在任改除及任滿得代官吏如已過初五日者將當月俸秩

無分內外依例給付都省准呈

至大二年十二月尚書省奏節該隨朝衙門  
官吏并軍官每如今見請的俸錢內減了加伍  
改換與至元鈔住支俸米外任宣慰司軍官雜  
職等官俸錢十分中減去三分餘上柒分改支  
至元鈔兩隨朝衙門行省宣慰司的吏員俸鈔  
減去加五其餘鈔數與至元鈔一拾兩以下每  
月與俸米伍斗外任行的小吏每月俸鈔依數  
改作至元鈔俸米依舊與呵怎生奉聖旨那般

通志卷之三  
三  
者

至大四年三月欽奉詔書內一款外任職官  
公田俸鈔並復舊制毋得椿配貧民影占富戶  
違者從監察御史肅政廉訪司糾劾

至大四年十二月中書省戶部呈刑部尚書  
謝少中前任本部尚書至大四年二月初三日  
在部署事當日奏准充前職初四日早刑部禮  
任別無虛曠月日合得二月俸給擬合照依前  
刑部侍郎李朝列至大二年五月初四日改遷



中書省左司郎中支俸支給相應都省准呈  
皇慶二年二月二十七日中書省奏內外勾  
當裏行的參定俸錢已下官吏人等無公田的  
完澤薦爲皇帝時分教與祿米來在後尚書省官  
人每奏了將外任職官每的公田拘收了驗着  
品級與祿米俸錢改支至元鈔宣慰司軍官雜  
職等官俸錢減了改支至元鈔來皇帝登寶位  
時分外任職官公田俸鈔並復舊制其餘宣慰  
司外任無職田軍官雜職司縣小吏人等合支

俸給祿米不均有麼道各處行省咨稟將來有  
俺商量來外任官員但有公田底並依舊制支  
給合得職田官員若全無職田的改支至元鈔  
宣慰司軍官雜職并諸司吏員人等自文字到  
日依先例放支至元鈔數小吏合得祿米只依  
舊例支呵怎生奏呵那般者麼道聖旨了也欽  
此

至元二十年六月中書省奏漢陽田地裏底  
管城子官人每根底與了俸錢又與公田江南

管城子官人每根底不曾與來俺商量來那裏的田地水澆好田地有斟酌少與呵怎生又轉運司官人每根底也依着管民官體例與田地奏呵奉聖旨那般者

至元二十一年五月中書省准各省咨及御史臺呈官貧職田江淮閩廣地土不同合依中原遷轉官每俸鈔五貫給公田一頃都省議得比及通行定奪以來比附腹裏官貧職田體例於無違礙係官荒閑地內減半撥付

各路

上路

官

達魯花赤捌頃 總管捌頃 同知肆頃

治中三頃 府判貳頃半

首領官

經歷貳頃 知事壹頃 提控案牘壹頃

下路

官

通志卷之二

五

達魯花赤柒頃 總管柒頃 同知叁頃半

府判貳頃半

首領官

經歷貳頃 知事壹頃 提控案牘壹頃

散府

官

達魯花赤六頃 知府陸頃 同知叁頃

府判貳頃

首領官

提控案牘壹頃

上州

官

達魯花赤五頃

知州五頃

同知貳頃半

州判貳頃

首領官

提控案牘壹頃

中州

官

達魯花赤肆頃

知州四頃

同知貳頃

州判壹頃半

都目半頃

下州

達魯花赤叁頃

知州叁頃

同知貳頃

州判壹頃半

上縣

達魯花赤貳頃

縣尹貳頃

縣丞壹頃半

主簿壹頃

縣尉壹頃

中縣

連魯花赤貳頃

縣尹貳頃

主簿壹頃

縣尉壹頃

錄事司

連魯花赤壹頃半

錄事壹頃半

錄判壹頃

司獄壹頃

巡檢壹頃

各道探察司

官



探察使捌頃 副使肆頃 簽使叁頃

首領官

經歷貳頃 知事壹頃

各處運司

官

運使捌頃 同知四頃 運副叁頃

運判貳頃半

首領官

經歷貳頃 知事壹頃 提控案牘壹頃

鹽司

鹽使貳頃

鹽副貳頃

鹽判壹頃

各場管勾

正管勾壹頃

同管勾壹頃

至元二十一年五月御史臺體訪得各路府州司縣以至提刑按察司官元撥職田不依例召客佃種分收督勒附近百姓認種無問年歲豐歉徵收本色粟草銷用不盡者折收價鈔及有不曾標撥者驗合該頃畝扣算粟草數目依

散所管州縣歛歛百姓送納搔擾違錯擬合照  
依中書省定到合得職田標撥無違礙地土召  
募佃客種蔣驗年豐歉依例分收無致椿配人  
戶科徵違錯

火德七年正月中書省戶部呈各路添設推  
官并各州同知等官合收職田擬合先俵係官  
荒閑無違礙地內標撥如是不敷於隣近州郡  
積荒地內貼撥若無荒地照勘曾經廉訪司體  
覆過無違礙戶絕地內撥付都省准呈

大德六年二月中書省河南行省咨前荆門  
知州馬萬呈職官公田不問被災並要人戶送  
納子粒實是不忍擬合依稅糧例除免都省議  
得各處官貧職田子粒合依鄉原例分收毋得  
椿配若遇災傷依例免除

延祐二年七月十八日中書省奏江南湖廣  
道奉使溫的罕等俺根底與將文書來有姓陳  
的人俺根底告有在先探察司時分佃種職田  
呵每壹拾畝納叁石谷有來在後改立廉訪司

時分每壹拾畝添作陸石來如今本道按攤不  
稅監司添做拾分取要有麼道告有在先爲官  
真職田的上頭教依鄉原例分收者若遇災傷  
呵依例除免者麼道行了文書來只依那例交  
行又行轉與生利錢本饒養猪隻等勾當有其  
餘道分也有似此的勾當也者合遍行禁止有  
如遇災傷呵依例合除免有麼道與將文書來  
有依着他每說將來的交行呵怎生奏將來有  
奏呵那般者麼道聖旨了也欽此

至元二十年十月中書戶部照得外任遷轉  
官負各有擬定公田頃畝數目却有曠闕未補  
官負歇下所獲子粒擬合照勘從實拘收入官  
開坐各各頃畝所獲子粒稽稭備細數目官吏  
保結申部

皇慶元年四月御史臺奏外任廉訪司官路  
府州縣官的職田腹裏路分施工布種的要來  
江南的芒種已前下種的時分收有來近年以  
來新舊官過的種田的時月交代了呵畢競職

田的多有更有下種之後禮任的直到下年十  
月前後年半方得職田有勾當壹年的却得貳  
年職田勾當貳年的只得壹年職田不均匀有  
天下官負俸錢勾當過壹月呵與壹月俸今後  
遇着新舊官交代的時分他每應得的秋夏職  
田子粒隨着各該支俸的月分扣算分收呵均  
勻的一般有奏呵那般者麼道聖旨了也欽此  
至元十年正月 中書省戶部呈與兵刑部一  
同講議得被問官吏但離本職其祿停給纔候

歸對了畢除枉被賊誣或爲指證於已無招涉  
私罪及辨證公罪者驗曠闕月日祿秩全給若  
所犯私罪解任勒停者雖是在任不曾離職合  
驗被問月日爲始不給俸祿其餘所犯罰贖量  
決不至勒停等罪不曾離職者合行放支都省  
准呈

至元八年五月尚書省中書省御史臺一同  
議得假告事故官員既是官司說過教去俸錢  
都交支與元定限次如是違了依例罰者



至元二十九年十二月中書省都護府呈大  
都護孛羅歹差往西邊出征就彼身故借支過  
俸鈔無可折納都省議得孛羅歹征進遠方歿  
於王事已支俸給不須追還

工糧 至元二十年七月中書省奏火兒赤每  
俺根底與將文書來匠人每生受有驗家口給  
糧呵怎生奏呵奉聖旨那般者麼道俺商量得  
人匠喫糧的休例已先月哥歹皇帝定奪來的  
體例有匠人每造作呵驗工程與糧有來如今

若依家口與糧呵無體例只依先體例驗工程  
与糧呵怎生商量來奏呵奉聖旨是也火兒赤  
每理會得甚麼那般者

延祐元年九月中書省奏興和路有的局院  
人匠教你咱馬丁尚書等官分揀了勾當都完  
備了來呵久遠怎生與糧的其間定擬了奏者  
聖旨有來如今這分揀定的二十六局人匠每  
每歲總支着口糧貳萬肆千叁佰餘石計他每  
造作的工程呵該支着四千捌拾餘石糧有當

間爲是支請口糧的上頭僥倖的人每教不應  
的軍站民匠人的奴婢詭名入來的多支糧的  
緣故是這般有驗工支與糧呵每年省減官糧  
貳萬餘石匠人也不虧損有又除了奸弊麼道  
他每與了俺文書有俺商量來他每說的是有  
依着他每定擬來的教行呵怎生奏呵那般者  
麼道聖旨了也欽此

宿衛糧 延祐二年二月初四日宣徽院奏做  
官出去了的年月滿了也入怯薛宿有麼道索

通市錄卷之三十一  
十三  
糧的多有俺商量來做官出去了的年紀大了  
在後不尋勾當怯薛裏宿的每根底與糧又因  
求仕怯薛裏宿有麼道索糧的每根底不與呵  
怎生麼道奏呵那般者近行的每我認得的一  
般的每根底與者其餘外頭行的漢兒回回每  
根底休與者麼道聖旨了也欽此

工糧則例 至元二十四年七月尚書省奏相  
哥平章爲頭尚書省官人每奏將來請糧的匠  
人當着壹分差發貳拾口家糧請的也有又則

當着一分差發兩三口請糧的也有這的每都  
一般與糧呵多了的一般有俺商量得口數多  
的與四口糧四口以下的驗口數與呵怎生奏  
呵那般者麼道聖旨了也欽此

至元二十五年三月尚書省戶部呈分揀到  
各衙門應支鹽糧人口除請錢住支外不曾請  
錢人戶擬肆口并隻身人口除已分揀定四口  
爲則外驗戶請糧戶數亦合一體每戶多者不  
過四口少者驗實有口數正身月支米三斗鹽

半斤家屬大口月支米貳斗伍升家屬小口并  
驅大口月支米一斗伍升驅口小口月支米七  
升伍合并印鈔抄紙人匠填河倒填人夫每年  
俱有住閑月日擬合實役月日每名月支米三  
斗盪半斤都省准擬

皇慶元年九月中書省奏留守司管的八刺  
哈赤每在前四口爲則與糧來今春宣徽院官  
憑着留守司官奏來的省里不與文書徑直行  
了文書陸口爲則與糧米肆口爲則喫糧二十

餘年也前者他每根底也與了錢物來只依舊  
四口爲則與糧呵怎生奏呵那般者聖旨了也  
欽此

衣裝則例 至元三十年六月帖哥平章欽奉  
聖旨應支請衣裝人數皮衣隔二年支一遍者  
請疋帛的隔一年支一遍者支布每年支者  
大小口例 至元二十五年三月尚書戶部承  
奉尚書省劄付各衙門應支口糧人等男子婦  
人拾伍歲已上爲大口十肆歲以下至伍歲爲

小口伍歲以下不須放支

剋除俸祿 至元七年九月尚書省御史臺呈  
各路官負國家頒俸養廉欲盡革除宿弊一新  
政令期於民安俗清而已今各路總管府不深  
惟朝廷求治之意將官吏俸祿擅自剋減且遷  
轉官負客居任所其百色所費止仰月俸橫遭  
剋減必致失所若不革去此弊使廉者無以自  
守貪者因而爲奸小民必被侵漁政治無由而  
成以此言之深爲未便擬合通行嚴切禁治都



省准呈

至元三十一年七月御史臺奏過事內一件  
近年以來裏頭外頭不揀那箇大小衙門裏做  
筵席呵官人令史俸錢裏剋除着出麼道推着  
他每俸錢却於官錢裏借要了的也有祇應裏  
要了底也有他每俸錢裏出底也有爲那上頭  
養活不得無怕懼無羞恥罪過裏入去的多有  
如今中書省樞密院不揀那箇衙門官人每筵  
席呵自己裏氣力裏做筵席者他每管着的已

下衙門官吏俸錢根底不交尅除要呵怎生麼  
道監察每這般說有俺商量來監察每言語是  
有更但凡尋道子求仕的人每并所屬官吏每  
與筵席底交禁治呵怎生麼道奏呵那般者省  
官人每根底說與者麼道聖旨了也欽此

元貞元年三月御史臺奏外頭行省官宣慰  
司官人每拜見來呵於他每所管的官吏俸錢  
齊欽來有他每來這裏做人情那路府州縣官  
吏生受有從今已後拜見上來的官人每管着

的官吏俸錢休教科歛行文書呵怎生磨道奏  
呵限是有那般者從今已後似這般科歛底要  
罪過者磨道聖旨了也欽此

作闕住俸 至元八年六月尚書省戶部呈在  
任官真患病經百日外往俸作闕自住俸日爲  
始限十貳箇月聽仕都省准呈

馬疋事料 大德十一年十一月中書省奏昨  
日特奉聖旨爲闕少草料的上頭世祖皇帝特分  
入怯薛來的人每根底與草料者完澤寫皇帝

時分入怯薛來的漢兒蠻子軍站民匠等怯薛裏不合入去的人每根底休與草料者聖旨有來這般額定呵眼明白有俺尋思不到的上頭前者奏時分不曾奏來如今依着皇帝額定來的行文書呵怎生奏呵奉聖旨那般者欽此

至大四年九月中書省奏官人每一處行的支請馬疋草料的多有怯薛裏真實宿睡的本枝兒相合着要也者官人每一處行的人每根底不與呵怎生奏呵休與者麼道聖旨了也欽此

延祐二年十月初六日中書省奏每年各衙門裏勾當裏行的請俸錢的每根底與馬疋草料今年俺商量來怯薛裏宿的請俸錢的每根底依年例與草料也者各衙門裏行的人每請着俸錢月日滿了呵與勾當有說稱應當怯薛怯薛裏却不宿支請草料有那般人每根底不教與呵怎生奏呵那般者麼道聖旨了也欽此

通制條格卷第十三



通制條格卷第十四

倉庫

關防 至元二十八年中書省奏准至元新格  
諸出納之法須倉庫官面視稱量檢數目提  
舉監支納以下攢典合干人以上皆得  
互相覺察有盜詐違法者陳首到官量  
事理賞其有侵盜錢糧并濫僞之物若  
犯人逃亡及雖在無財可追者並勒同  
界官典司庫司倉人等一體均陪

諸支納錢糧一切官物勘合已到倉庫應納者經拾日不納應支者經壹月不支並須申報元發勘合官司隨即理會其物已到倉庫未得勘合者亦如之

諸官物出給先儘速年其見在數多用處數少不堪久貯者速中當該上司作急支發毋致損敗違者究治

諸行用庫凡遇諸人以昏鈔易換料鈔皆須庫官監視司庫對倒鈔人眼同辨驗檢



數如不係接補挑刺僞鈔當面用訖退  
印昏鈔入庫料鈔付主當該上司委官  
時至檢校違者寃治

諸路收受差發自開庫日爲始本路正官壹  
員輪番檢察並要兩平收受隨時出給  
官戶朱鈔無使刁蹬停留人難諸州置  
庫去處並同

諸倉收受米糧並要乾圓潔淨當該上司各  
取其樣驗同封託壹付本倉收掌壹局

當司存留仍須正官時至檢校其收支  
但與元樣不同隨即究治應攢運者比  
驗樣料相同裝發其至下卸亦驗樣料  
相同收支

諸庫藏并八作司所收物內其有名數而無  
用者開申合干部分勘驗是實委官檢  
估出賣無人買者量宜支遣不致損欺  
諸倉庫錢物監臨官吏取借侵使者以盜論  
與者其罪同若物不到官而虛給朱鈔

者亦如之仍於倉庫門首出榜常川禁治  
諸倉庫赤曆單狀當該上司月一查照但開  
附不明收支有差隨事究問

諸倉庫局院踈漏速申修理霖雨不止常須  
檢視隨宜備禦不致官物損壞若收貯  
不如法防備不盡心保護不以特致有  
損敗者各以其事輕重論罪所壞之物  
仍勒陪償

諸倉庫局院凡關防搜檢巡宿禁治事理其

通志卷之十一  
三  
當該上司正官每月分輪點視常須謹  
嚴毋致弛廢

諸倉庫官新舊交代在都本管上司委官監  
視在外各路正官監視直屬省部州府

亦同沿河倉分漕運司官監視凡應干  
支收文憑合有見在官物皆須照筭交  
點明白別無短少濫偽之數舊官具數  
關發新官驗數收管仍須同署申報合  
屬上司照會既給交關之後若有短少

濫僞之物並於新官名下追理

中統五年八月欽奉聖旨條畫

一諸官府非奉朝省明文不得動支係官錢  
穀若有諸王或軍馬經過應合支飲食  
等別無存留見在錢物應給官物內支  
遣隨即申行中書省照會仍不得用官  
物以充進獻

酒食同

及貿易借貸

交款

同亦不得指稱官用私借債負

一諸路官府凡有保明官吏推問刑獄科徵

差稅應支錢穀必須圓金文字有故者

非諸官司及各投下管軍人匠諸色人

等達魯花赤官吏不得擅科差役管與

魯回

一各路諸差發稅糧宣課應係財物並赴見  
設倉庫送納不得另行收貯及倉庫院  
務合設人負各處官司公選保明有抵  
業廉慎行止信實人充並不得用官吏  
私已之人如有失陷庫官賠償其保官

標寫過名以憑通行考校庫司大者不  
過叁負其餘小處量設壹貳負

至元二十四年六月尚書省戶部呈議擬到  
萬億庫出入錢物各項事理都省准呈

一庫子人等今後毋得遞相用白帖子出入  
侵借官錢如違痛行追斷

一隨處解到錢物照依臨庫坐到數目畫便  
收受出給朱鈔申部若有短少不足之  
數即將納物人監押申解並不得將到

通志卷十四  
五  
庫未收錢數於內混雜對支作弊如違  
痛行追斷

一庫子攢典并封門官負人等擬合每日書  
畫卯酉文曆從朝抵暮專一在庫守候  
收支無得輒離如有收支錢物須要本  
庫色目漢兒庫子攢典眼同開庫比對  
勘合明白銷附書押收支如違痛行治  
罪外據書畫卯酉文曆不到者攢典庫  
子仰庫官就便斷決若庫官封門官負



遠犯許令達魯花赤赴省呈說如達魯  
花赤不到却令封門官負呈說及推稱  
病患不行赴庫耽誤收支勾當人等亦  
仰依上究問如是各官看徇不行究治  
體察得知痛行治罪

一應行收支錢物合押收管申解一切文憑  
今後須管一同圓押如違痛行治罪

一應係收支錢物文帖憑驗文曆今後須令  
正官首領官在官收掌毋得似前縱令

庫子人等自行執把將徃私家頓放如遇打勘文字仰庫官督責首領官攢典庫子人等眼同打勘了畢却行依舊在庫收掌仍令把門人等與搜捉鈔兩一體搜尋如違痛行治罪

一本庫每月合押赤曆今後須要依式應限攢寫仍令當該庫官壹真輪番提調照依寫定收支名件一項項仔細牽照別無重錯爭差於月申解內明白稱說行

移某官牽照收支憑驗相同保結申部  
一本庫官負庫子攢典今後並不得將引第  
男親戚驅口人等入庫及關物人亦不  
得引領人衆赴庫如違痛行治罪

一今後令用物件仰合干部分用印信文憑  
開撥出庫事過隨即依數還官却行追  
毀元行印信文憑收附

一諸衙門見行追收及有支發錢物差占庫  
子人等守等收支實是妨礙在庫勾當

今後遇有各衙門合支錢物擬合依例  
開支出庫自行支發若有合收錢物發  
下本庫驗數收受

至元二十九年正月中書省戶部呈各省隨  
路凡有起納係官錢物疋帛燒毀昏鈔預期勾  
喚差定押運正官與本處正官壹員親臨監視  
差來庫官庫子人等令不干碍庫子行人若是  
絲綿等物兩平秤盤如是寶鈔仔細檢數或是  
疋帛托量長闊兩頭俱用條印關防訖別無短

少不堪之數復開相同眼同隨印打角完備封  
記裝發了畢責付庫官庫子明白收管令長押  
官管押赴限赴都交納仍於大解內開寫所納  
名項備細數目監視起發正官職名起程日期  
具解貳本內壹本分付差來官壹本入遞咨申  
省部如到來交點得於內但有水濕滲變損壞  
短少數目着落庫官人等追陪仍將長押官并  
監視起運官斷罪庶望肯爲用心閑防不致侵  
盜損壞官物都省准呈

部糧 至元二十七年十月尚書省奏都漕運  
司申着糧官司每年故縱百姓送納帶穀米陳  
粟爲倉官不收其部稅官教唆稅戶恥辱倉官  
毆打斗脚須要收管又一等強豪勢要近倉巡  
檢人負不及糧稅戶公然攬納得訖輕賚趁賤  
采買陳粟竈米恃勢強行送納更監納倉官與  
攬典斗脚通同計構暗受輕賚飛鈔結攬采買  
濫物入倉致使官中不得精粹好物合令各縣  
正官部稅及在河船戶寫訖伏定文字關訖定

錢多日不赴河倉裝糧或有裝訖官糧支訖柴  
分脚價却將糧斛沿河寄囤就用脚錢作本駕  
船別作買賣經隔數月不行運到交納處所如  
此姦弊多端乞禁約事准奏仰遍行諸路依上  
嚴切禁約施行今後各處正官部稅須要送納  
乾圓絕穀白米新粟及禁約豪勢官負稅戶人  
等不得結攬行兇恥辱倉官毆打斗脚仍釐勒  
倉官攢典斗脚合干人等却不得通行計構結  
攬飛鈔作弊及刁蹬停滯人難并據在河船戶

通雅卷之十四  
人等依元立伏定文字於所撥河倉運納如有  
違犯之人取問得實並行斷罪

竟察侵盜 元貞元年七月欽奉聖旨條畫內  
一欵節該倉庫大小官吏人等皆得互相竟察  
其有侵盜分糧即將犯人財產拘檢見數准折  
追理若犯人逃亡及无可追者並勒同界官典  
人等立限均陪

計點 至元二十九年七月初三日御史臺奏  
從去年各路裏官人每官錢借與了人每的他



每自己要了的庫裏錢本無却說道有麼道說  
說來的這般的每根底察知追了錢要了他每  
罪過合放了的放了的也勾當裏合罷了的罷了  
也如今俺商量教省官人每委付着人這裏有  
的倉庫局院常川教點者監察每也常川體察  
行者如倉庫局院裏短少的有呵省官人每根  
底逐旋說了疾忙教追陪者損壞了的有呵省  
官人每整理者外頭行省官宣慰司官各道廉  
訪司官并路官每依這體例教點覷整理者官

錢偷了呵一定教追兩定者這般追呵做賊說  
議的沒也者麼道奏呵那裏無得較少也者呢  
是有那般者麼道聖旨了也欽此

元貞元年七月欽奉詔書條畫內一欵所在  
倉庫親臨上司提調正官每季分輪計點但有  
短少隨即究問追理逾期不點或計點不實者  
重事輕重新斷罪任滿之日凡錢谷交割不完照  
依已降聖旨事意施行

延祐二年十月中書省照得至元二十八年

五月十七日奏准戶部工部的勾當多的上頭  
去年桑哥等辦集勾當上頭十二箇舍人委付  
來俺商量得部裏舍人行的體例無有真外郎  
之下教做正七品司計司程委付呵怎生麼道  
奏呵恁的勾當有那般者聖旨了也欽此又一  
款諸倉庫凡合關防照勘催奉事理從戶部於  
見設司計內選差廉幹二名每月分臨倉庫置  
簿專一檢校合就催者就催合申部者申部其  
一作司簿飲庫應催奉照勘關防者工部差司

程一真依上理合欽此照得近年以來多不遵  
守司程司計多因別事差故妨奪應管事務爲  
此都省議擬到合行事理

司計司程官從戶工部選差分臨倉庫專一  
檢校合就催者就催合申部者申部須  
要完備不許別事差占部官每月照刷  
若司計司程官有失闕防催奉致有欺  
悞不完隨事奉呈理罪

勘合已到倉庫

應納者不納應支者不支

物到庫勘合不到

已收已支錢物不即申報

合押赤曆單狀違勘

收頓不如法

倉庫給受有違

部官每月摘差一頁將引令史二名親詣倉庫計點照例了畢開具收支已未完備細各各名件及照刷出差違等事呈省

收支勘合赤曆單狀有無失收濫支  
差錯不完

頓放官物有無如法

倉庫有無踈漏垣墻有無損壞

看守倉庫軍人有無闕役

點看見在錢物糧斛於內若有陳舊

損滛之數隨即議擬先支或別行

發落

糧耗 至元二十二年十月中書省戶部呈江

南民田稅石擬合依例每石帶收鼠耗分例七  
升內除養贍倉官斗脚一升外六升與正糧一  
體收貯如有短折數目擬依腹裏折耗例以五  
年爲則准除四升初年一升二合次年二升三  
年二升七合四年三升四合五年共報四升餘  
上不盡數目追徵還官若有不及所破折耗從  
實准筭無得因而作弊多破官糧外擬官田帶  
收鼠耗分例若比民田減半每石止收三升五  
合却緣前項所破正糧擬合每石帶收鼠耗分

例五升都省議得除民田稅石依准部擬外官  
田減半收受

至元二十九年八月十八日完澤丞相等奏  
通州河西務的倉官每俺根底告說有倉裏收  
來的糧內前省官人每定的鼠耗分例少的上  
頭賣了媳婦孩兒家緣陪納不起至今生受行  
有麼道告有俺商量得前省官定到的鼠耗分  
例不均有如今南糧北糧的鼠耗分例比在先  
的添與各年的耗糧分例依體例斟酌定也麼



道奏呵依着您的言語者雖那般呵怎合得心  
雀鼠待喫的多少因着那的休教与人每作弊  
做賊說謊麼道聖旨了也欽此

依舊聽耗

唐村等處般運至河西務北糧每石破柒合  
直沽般運至河西務南糧每石破壹升貳合  
河西務般運至通州李二寺南糧每石壹  
升伍合北糧每石伍合  
填河站車運至大都省倉

通志卷之十四

十四

南糧每碩壹升伍合

北糧每碩壹升

今議擬耗例

大都省倉

元定破耗

南糧每碩肆升

北糧每碩叁升

今擬限年聽耗

初年聽耗

南糧每碩貳升

北糧每碩壹升伍合

次年聽耗

南糧每碩叁升

北糧每碩貳升叁合

貯經叁年已上依元定聽耗

南糧每碩肆升

北糧每碩叁升

河西務通州李二寺

通志卷一百一十四

元定破耗

南糧每碩貳升

北糧每碩壹升伍合

今擬限年聽耗

初年依元定破耗

南糧每碩貳升

北糧每碩壹升伍合

次年聽耗

南糧每碩叁升

北糧每碩貳升叁合

貯經叁年以上聽耗

南糧每碩肆升

北糧每碩叁升

直沽倉除對船交裝不須破耗外今擬壹

年須要支運盡絕

南糧每碩聽耗貳升

元定破耗壹升叁合

今擬添柒合

附餘短少 大德七年六月中書省戶部呈永  
州北倉官司倉李全司庭實等得替交割短少  
南糧糙粳米叁千壹佰陸碩肆合北糧白米粟  
豆却有積餘捌佰捌拾碩壹斗陸升肆合本部  
照得先欽奉聖旨節該管倉的官人每在先偷  
了糧的失陷了的那年分偷來依着那年分價  
鈔教陪者欽此議得南糧短少北糧附餘名色  
各異似難相補擬合欽依比照當年得代交割  
失陷月日時估追徵都省准擬

元貞元年二月中書省御史臺呈江南行臺  
咨嘉興松江等處壹倉各款互有增短糧數擬  
合通行准筭戶部照議得上項短少附餘粳米  
雖然各款收貯終是壹倉互相增短合依臺擬  
對色准筭外擬短少小麥着落追徵還官都省  
准擬

揭借閉納 大德元年九月中書省御史臺呈  
平江等路官吏於不欠糧人戶處逼勒揭借閉  
納逃亡事故米糧擬合通行合屬今後民間差

稅須令合該人戶依期送納果有逃亡事故依  
例申覆上司除豁都省准呈遍行禁治今後毋  
得於不欠糧百姓處逼勒揭閉

沮壞漕運 元貞二年正月欽奉聖旨節該中

書省奏都漕運使司所管沿河倉分隨路部糧  
官吏與倉官人等通同作弊收受糠粃米粟結  
攬輕賚虛出通關致有短少官糧又收糧其間  
各處官司輒將倉官綱官人等勾攝攪擾沮壞  
漕運乞降聖旨禁約事准奏仰漕運司官各路



部糧正官倉官人等毋得似前通同作弊收運  
糧斛其間諸衙門不得妄生事端勾擾沮壞違  
者照依累降聖旨條畫斷罪

運糧作弊 皇慶二年四月中書省江浙行省  
咨准本省提調海運官咨海運歲供京師所繫  
甚重往往詐稱風水盜菜官糧除已督責合屬  
委自廉幹正官於瀕海去處常切用心巡視體  
問若有運糧船隻無故沿海停泊就將船主取  
招究治劃時催趕起發前赴直沽等處交卸不

得停留本地面里正社長主首人等容令灣泊  
盜案官糧作弊一體坐罪如果有遭風船隻隨  
即根問虛實體覆明白依例施行外切恐各處  
官司恃不統攝看爲泛常合令山東沿海去處  
嚴切戒諭庶肯遵守都省准擬

至元八年七月尚書省御史臺呈今後軍人  
合支糧食合無聽從所願或支米糧折支寶鈔  
仍禁約不得私下賣籌戶部講究得若令軍人  
支鈔切恐非理破用合令依舊支米常切出榜

許諸人捉拏賣籌買籌人等嚴行治罪都省准  
擬  
倒換昏鈔 至元十五年六月中書省會驗先  
爲街市諸行買賣人等將元寶交鈔貫伯分明  
微有破損不肯接使已經出榜曉諭今後行使  
寶鈔雖邊欄破碎貫伯分明即便接受務要通  
行毋致滯澀鈔法若有似前將貫伯分明微有  
破軟鈔數不肯接受行使告捉到官嚴行治罪  
及將堪中行用寶鈔赴庫倒換庫官人等亦不

得回倒如違定將官典斷罪

至元二十四年中書省奏奉聖旨定到至元  
通行寶鈔條畫內一欵民間將昏鈔赴平準庫  
倒換至元寶鈔以壹折五其工墨鈔止依舊制  
每貫叁分客旅買賣欲圖輕便用中統鈔倒換  
至元寶鈔者以壹折五依數收換各道宣慰司  
提刑按察司總管府常切體究禁治毋致勢要  
之家并庫官人等自行結攬多除工墨沮壞鈔  
法違者痛斷庫官違犯斷罪除名鈔此

大德二年三月中書省戶部定到貳拾伍樣  
昏鈔倒換體例

一樣貳貫文省并貫伯俱全換去鈔張下截  
前件議得鈔張止憑上截貫伯行使若  
肆字并貫伯既全雖無下截堪中倒換  
一樣貳貫文省肆字并貫伯上半俱全其下  
半貫伯并鈔張下截換去

前件議得街市行使之鈔惟驗貫伯貳  
貫文省肆字并貫伯既全雖下半貫伯

通雅卷之四  
并鈔張下截損去擬合倒換

一樣止存貳貫文省其貫伯并鈔張下截俱  
各損去

前件議得鈔使上不使下但貳貫文省  
既存又不是接補等鈔雖貫伯并鈔張  
下截俱各損去亦合倒換

一樣止存貳貫文參字其省字并鈔張下截  
俱各損去

前件議得貳貫文參字既存其省字并

鈔張下截雖俱損去亦合倒換

一樣止存貳文貳字其貫省貳字并貫伯下  
截紙張俱各損去

前件議得使鈔當以數目字爲主若貳  
字旣在其貫省貳字并貫伯下截紙張  
雖各損去終有貳字完全可以倒換  
一樣損去貳字近上壹半并近上鈔張不存  
餘皆可以辨驗

前件議得前年有接補剗挑造僞者往

往將貳字壹字移於伍伯叁伯文鈔紙  
上作貳貫壹貫鈔使又存文省貳字及  
錢貫邊欄不失元母雖是真鈔終是造  
偽以致事敗枉傷人命今後若無數目  
字雖是真鈔似難倒換

一樣損去貳文省叁字已上鈔紙止存貫字  
并貫伯邊欄可以辨認

一樣貳貫文省俱無止有貫伯并下截鈔張者  
前件議得上項貳樣俱無貳字雖有文



省并貫伯邊欄下截可以辨認安知上  
截貳字不刺於他處用訖似此之類不  
宜倒換

一樣貳貫文省肆字俱全損去貫伯左邊壹  
半并右邊壹半并左邊壹角鈔紙不存  
前件議得貳貫文省肆字俱存雖無邊  
角即是完鈔理合倒換

一樣文省貳字并貫伯右邊壹半俱各損去  
前件議得使鈔多憑數目字既存貳字

雖文省貳字并貫伯右邊壹半損去者  
亦合倒換

一樣止損貳字并壹角鈔紙其貫文省叁字  
并貫伯完全

前件議得此鈔若便作不堪却緣是真  
昏鈔又貫伯完備若擬作堪中鈔兩姦  
人乘便或將完鈔扯貳字壹角接於他  
處用度隙或事發陷人臨時相驗前項  
軟爛真昏擦磨損去貳字并壹角字畫

微有可辨認處尚有倒換若厚硬鈔紙  
無貳字并壹角者即係剝去貳字不可  
倒換

一樣止損省字并壹角鈔紙餘皆完全

前件議得省字并壹角鈔紙別無用處  
若有貳字雖去省字合作堪中倒換  
一樣損去貫字并貫伯右邊壹半及右邊鈔  
紙不存

前件議得鈔損去貫字即與上項損去

省字者同俱堪倒換

一樣損去貳貫貳字并右邊紙不存

前件議得損去貳貫貳字別無可憑合  
作不堪

一樣中心損去貳貫文省科壹字

前件議得若存貫文省叁字內科壹字  
者不見貳字終無可憑又恐剗去當作  
不堪若有貳字合許倒換

一樣中心損去貫伯止存貳貫文省肆字

前件識得中心雖損去貫伯尚存貳貫  
文省肆字終是全鈔亦合倒換

一樣字貫俱各昏爛不堪辨認邊欄花樣可  
以辨認

前件議得字貫雖昏爛若不是接補終  
是全張更有邊欄花樣可以辨認號爲  
真昏合許倒換

一樣中心損去貳貫文省肆字

前件議得肆字俱無何以爲主當作不堪

一様碎爛補作壹處用別紙襯貼字貫可以

辨認

前件議得雖是碎爛補作壹處若非別紙鈔張又無裨湊痕跡元是壹張字貫可辨堪以倒換

一様昏鈔紙張邊角有火燒煙薰痕跡

前件議得若無行用庫退印字貫分明雖是鈔紙邊角有火燒痕跡可以倒換

一様油污鈔

前件議得若果是真昏有可辨認雖有  
油污即合倒換

一樣鼠咬鈔

前件議得雖經鼠咬若字貫可以辨認  
亦宜倒換

一樣雨水滄漏損爛

前件議得雖是雨水滄漏損爛若辨認  
得實是真鈔貫伯字畫有可辨認合許  
倒換若不可辨認即是不堪

連帶條款十四  
十五  
一樣損去貳文貳字并已上鈔紙

前件議得鈔損去貳文貳字即係刺鈔  
不可倒換

一樣料鈔火燒損邊或下截

前件議得若不干礙字貫及無行用庫  
退印雖燒損邊角尚可倒換若燒去貳  
字即係不堪

至元五年二月中書省制國用使司呈隨路  
收差課程并諸路交鈔都提舉司如遇諸人賚



到鈔數仔細辨認於內若有假偽重別辨驗是實於上使用分朗偽鈔墨印仍用朱筆於鈔背標寫幾年月日某人贖到仍置曆標附了畢退付元主如驗得料例相同數目多者就便追究每季具有無辨過退訖偽鈔開申都省准呈燒毀昏鈔 至元二十九年五月中書省照得大同路豐州行用庫官庫子侵使倒下昏鈔買囑監燒人真虛行作數除追斷外都省議得燒毀昏鈔情弊多端今擬除監察御史依舊外改

委斷事官各部官輪番一同監視日逐燒毀壹  
月交換自侍郎以下部官前去燒鈔庫與斷事  
官監察御史眼同監視仔細檢數別無假偽接  
補挑刺隨即燒毀但有詐偽短少即便監督追  
徵取招究治相近滿日預爲行移下次部分依  
舊輪番監視交代官到庫先監官還部若下次  
合監燒部官違期不到即便赴省覆說究問如  
不測差官點開得中間却有短少詐偽定將監  
燒官取問施行

皇慶元年十二月中書省戶部呈各衙門差  
委監燒昏鈔官負多有事故不至即便罷散畧  
舉春季昏鈔依例合燒叁拾肆日其監燒官負  
因循遷調首尾兩箇月餘以致隨路差來庫官  
不能還職因而耽悞倒換滯鈔法本部參詳  
今後燒鈔官負須要每日絕早到庫書押公座  
文簿監臨行人照依日燒料例檢開燒毀不許  
別行差占果有事故明白赴省覆說其餘官負  
依例監燒庶望事無塵滯公私便益都省桂呈

送帶信不十四  
九六  
押運 至元二十五年十一月尚書省戶部呈  
各路每季合赴省部燒毀昏鈔今後須差州縣  
正官押運都省准呈

司庫 至大四年六月中書省戶部呈萬億寶  
源庫申本庫設官參負司吏壹拾玖名司庫參  
拾陸名專收行省腹裏一切合納鈔定其司庫  
押送和買和采鈔定前去甘肅和林遼陽大同  
上都等處交割時常差占常無一二司吏除年  
銷局照筭窟點旬申揭貼省部呼喚照勘一切

文字亦無一二在庫掌管勾當照得凡收支錢物必須半印勘合工刑兵禮肆部中書省斷事官並無半印勘合差人呼喚司庫人等就彼收受合納鈔定本庫參詳萬億肆庫并富寧庫掌管收支一切錢帛各處合納諸名項金銀等物合依舊例本衙門先用半印權符收訖開坐實收數目年月給鈔字號納物人姓名移關本部勘合各庫正行作收勿令似前徑自呼喚司庫司吏人等赴本衙門交收錢物似爲便益都省

准呈

開撥鈔本 至元二十年正月 中書省體知行  
用庫官典人等庫門開閉無定 將倒鈔客旅  
積壅滯妄生刁蹬 添咨工墨轉行 倒換有壞鈔  
法 今後每日卯時開庫 申時後收計 庫官人等  
須管常川收倒不許停閑 刁蹬倒鈔人等 若遇  
闕少料鈔 預期開撥 御史臺差官 常切體察  
錢糧去零 至元二十五年九月 尚書省江西  
行省咨 追理排年拖欠糧斛 及每歲打算各路

所中俱有積算合勻抄撮零數委是紊煩今及  
打算收支糧斛若至伍勺以上收作壹合伍勺  
以下削去似爲省便戶部照得凡有收支中統  
寶鈔積算到總數若至伍厘收作壹分伍厘以  
下削去如至元寶鈔若至伍毫收作壹厘伍毫  
以下除去收支糧斛即與寶鈔無異都省准呈  
酒牌侵鈔 延祐元年九月中書省近爲街下  
拘攔酒肆茶房浴堂之家往往自置造竹木牌  
子及馮帖子折當寶鈔貼爪使用侵視鈔法其

酒牌止於本店支酒不許街市流轉其餘竹木  
牌子紙帖並行禁斷

務官欺課 至大四年十一月初四日中書省  
奏臺官人每俺根底與文書真定路姓郃的務  
官侵使了課程有俺待問呵院務官每比及年  
終未審合無取問說將來有俺商量得院務官  
每辨着課程有既欺隱了課程不教問呵課程  
也不能盡實到官做賊說謊的多去了去也今後  
但是務裏委付着的務官端的偷了課程呵依



職官取受例交監察御史廉訪司官問呵怎生  
商量來奏呵那般者麼道聖旨了也欽此

通制條格卷第十四

月  
清  
金  
木  
土  
日

亥

通制條格卷第十五

廐牧

抽分羊馬 大德七年十月中書省戶部呈宣  
徽院經歷司呈照得各處隘口抽分羊馬人負  
年例柒捌月間欽贖元受聖旨各該鋪馬馳驛  
前去拘該地面抽分限拾月已裏赴都送納各  
人飲食已有定例外據常川取要飲食分倒長  
行馬疋草料州縣搭蓋棚圈別無許准文憑本  
部參詳抽分羊馬人負每歲擾動州縣苦虐人

民今後擬合令宣徽院定立法度嚴切拘鈐至  
抽分時月各給印押差劄明白開寫所委官吏  
姓名並不得多餘將引帶行人負長行馬疋定  
立回還限次欵賫元領聖旨經由通政院倒給  
鋪馬分例前去須要同本處管民正官眼同依  
例抽分羊馬牛隻隨即用印烙記趁好水草牧  
放如抽分了畢各取管民官司印署保結公文  
明白開寫抽分到數目村庄物主花名毛皮齒  
歲申覆本院仍令有司量差人夫牽趕至前路

官司相訟交換已委官押領依限赴都交納訟路儻有倒死亦取所在官司明白公文將皮貨等起解赴院中間若有違法不公欺隱作弊宜從本道廉訪司嚴加体察其餘一切搭蓋棚圈并常川馬疋草料飲食等物不須應付庶革擾民欺誑之弊都省准呈

至大四年閏七月中書省奏在先北口等處抽分羊馬牛隻的人依體例抽分了不全納的上頭教俺差好人抽分者麼道聖旨有來如今

木八刺沙許也速互兒張伯顏等參起賚擊着  
聖旨百姓每根底抽分羊口喂教百姓每生受  
有麼道禮部官人每備着大同路文書俺根底  
與了文書有俺商量來湯羊裏并客人每根底  
其餘勾當裏每年多支持羊口有在先年分裏  
壹貳年比口等處委着人仔細抽分時比不曾  
計較的年分喂多抽分得來有外路裏羊喂多  
有麼道知道的人說有又這裏差去的抽分了  
大的教小的抵換要了肥的教瘦的抵換多抽

分了少報數目的也有麼道聽得有比附的上  
頭這裏不差人教各去有的路府州縣達魯花  
赤長官提調着休教百姓生受取見羊口數目  
依已定的體例教抽分羊口附近有的只教納  
羊遠的回易作鈔教納各處行省所管地面也  
依這例教行提調的人每不教百姓生受比在  
先多抽分的羊呵驗數目等第與真的或與名  
分的俺定例呵怎生依這般教各處牧民官提  
調呵聖旨裏臺裏行將文書去作弊的人每根

底教監察御史廉訪司官體察出來要罪過呵  
怎生商量來奏呵那般者麼道聖旨了也欽此  
皇慶元年五月中書省奏在先年分抽分頭  
疋羊口宣徽院委人抽分來去年爲他每委付  
來的人每作弊的一般有麼道省官每奏了試  
驗一年教監察御史廉訪司體察者麼道聖旨  
有呵俺委付人教抽分來去年抽分到的比宣  
徽院前年抽分到的數目多抽分出壹萬餘口  
羊羖伯餘疋馬壹伯餘隻牛又城子裏抽分到



的頭足羊口回易作鈔解納將來的鈔定也比  
他每管的時分數目多餘出五千餘定鈔來有  
自前是宣徽院家管的勾當來如今迤北蒙古  
百姓每各千戶并各處口子裏教他每委人抽  
分者城子裏不教他每委人依去年例教本處  
官司就便提調抽分宣徽院裏納者省部裏報  
數目呵怎生商量來奏呵那般者麼道聖旨了  
也欽此

鷹食分例 至元六年正月十七日欽奉聖旨

如今鵝過來放海青時分省會中都路地面城裏村裏人每若是海青擊住鵝呵恐怕人不識將海青打傷若擊住海青的人送與本處官人每教好人送將來者如海青擊不住鵝呵坐落的田地裏或是擊着雞兒休打者人見呵擊住送將來者擊不得呵教人看着報知本處官司轉送與鷹房子每者

至元十年正月中書省會驗近爲順天路刘五十收住免鶻不送官司用牛肉餵死量決肆

拾柒下奏奉聖旨既是那般呵打也不合打咱  
已前爲這擎着鷹不送官司的人教死者麼道  
行了文字來那的忒重有若已後海青鷹鷂等  
擎着呵理會的人於就近官司便送納者不理  
會的人於暗房子裏坐下海青鷹鷂等教人看  
着休教插入去即便於附近官司說了官司取  
去差會養鷹的好人送來者那般行文書者欽  
此今約量擬定下項鷹食數目仍令食用新肉  
如無新肉殺與雞猪者

鷹食分例

海青免鶻早晨二兩

後晌叁兩

鷹并鴉鶻早晨一兩

後晌二兩

皂鷹北海青等斟酌稍多應付

至大四年閏七月完澤平章特奉聖旨節該  
海青并豹子食諸王駙馬每的并官人每不揀  
是誰的呵休與者麼道聖旨了也欽此

擅支馬駝草料 延祐元年八月中書省奏准

事理

一件去年昔寶赤每教拾月裏入大都來者  
麼道聖旨有呵預先將鷹入來教外頭  
拴的又將入來了的也多有來今年教  
拾月初壹日入來者麼道聖旨有來如  
今昔寶赤每根底差人去大都的入來  
的拾月初一日合裏頭拴的鷹教將入  
來者外頭拴的鷹教外頭拴者那裏拴  
呵教昔寶赤官人每度支監官每根底  
說將來憑度支監文字教各州城準備

草料呵怎生奏呵那般者麼道聖旨了  
也欽此

一件分撥城子裏的老奴婢每根脚他每的  
馬疋依着怯薛歹的例與了草料和他  
每一處怯薛裏行的伴當也依例支與  
有倚着他每根脚分撥到底城子麼道  
他每餘剩梯已馬疋并他每哥哥弟兄  
每的馬疋教餵養去呵百姓每生受有  
路官人每根底與將文書去那般的每

根底無度支監并部家文書的不教與  
草料呵怎生奏呵那般者麼道聖旨了  
也欽此

冒支官錢糧 至大四年七月中書省刑部呈  
議得今後凡發各處合餽馬疋宜令度支監仔  
細用心分揀行移合屬須要文字馬疋到槽至  
日驗數放支中間但有冒濫不應之數着落餽  
馬人負追陪斷罪當該官吏有失照畧量事輕  
重決罰都省准擬

大印子馬疋 延祐元年五月中書省刑部尚  
 乘寺闋延祐元年四月二十五日本寺官奏大  
 印子阿塔思馬每年這裏住夏的各衙門官人  
 每多做不闋奚馬騎着有今後上位可伶見呵  
 再有大印馬疋呵教尚乘寺裏拘收了將得上  
 都來呵怎生奏呵奉聖旨那般者麼道聖旨了  
 也欽此

通制條格卷第十五



通制條格卷第十六

田令

理民 至元二十八年六月中書省奏准至元  
新格

諸理民之務禁其擾民者此最爲先凡里正

公使人等

點書亦同

從各路總管府擬

定合設人數其令司縣選留廉幹無過  
之人多者罷去仍須每事設法關防毋  
致似前侵害百姓

通濟縣志卷之二  
諸村主首使佐里正催督差稅禁止違法其  
坊村人戶鄰居之家照依舊例以相檢  
察勿造非違

諸社長本爲勸農而設近年以來多以差科  
干擾大失元立社長之意今後凡催差  
辦集自有里正主首其社長使專勸課  
凡農事未喻者教之人力不勤者督之  
必使農盡其功地盡其利官司有不遵  
守妨廢勸農者從肅政廉訪司究治

諸州縣官勸農日社內有游蕩好閑不務生  
理累勸不改者社長須得對衆舉明量  
示懲戒其社長若年小德薄不爲衆人  
信服即聽詢舉深知農事年高純謹之

人易換

諸假托靈異妄造妖言佯修善事夜聚明散  
并凡官司已行禁治事理社長每季須  
一誠諭使民知恐毋陷刑憲

諸遇災傷闕食或能不恡已物勸率富有之

家叶同周濟困窮不致失所者從本處  
官司保申上司申部呈省

諸義倉本使百姓豐年貯蓄歉年食用此已  
驗良法其社長照依元行當復修舉官  
司敢有拘檢煩擾者從肅政廉訪司糾  
彈

諸富戶依托見任官負影避差役者所在肅  
政廉訪司官常須用心禁察毋使循習  
舊弊靠損貧民違者其官與民並行治

罪

諸論訴婚姻家財田宅債負若不係違法重  
事並聽社長以理諭解免使妨廢農務

煩擾官司

立社巷長 至元七年閏十一月尚書省司農  
司呈大名彰德等路在城居民俱係經紀買賣  
之家并各局分人匠恐有不務本業游手好閑  
兇惡之人合依真定等路選立社巷長教訓於  
十一月十八日奏奉聖旨既是隨路有已立了

社呵便教一體立去者又奏中都上都立社呵  
切恐諸投下有不愛的去也奉聖旨立社是好  
公事也立去者欽此除已行下各路及令所屬  
州縣在城闕廂見住諸色戶計欽依聖旨事理  
並行入社

至元二十九年三月二十日樞密院奏脫完  
不花奏將來有廉訪司官人每俺根底與文字  
省官每奏准蒙古探馬赤每根底與漢兒民戶  
一處作社者麼道與文字來俺怎生理會麼道

說將來有俺商量來軍每的數目教他每知道的體例無有麼道奏呵休與漢兒民戶一處相合者依着萬戶的體例裏另行麼道聖旨了也  
欽此

大德七年十月中書省御史臺呈山東道廉訪司申隨處地境寬遠弓兵數少不能遍歷巡警致有游手好閑棄本逐末懶惰之徒乘此飢年糾合爲盜若令所在官司每社長立保甲此等之人出入動作常切逆相覺察毋使爲非如

違罪及保甲亦防盜之一端也刑部議得隨處  
已有設置社長若編排保甲誠恐動搖擬合欽  
依聖旨事意令社長不管餘事專一勸課農桑  
照管社內之人務勤本業若有游蕩之徒常切  
覺察毋令別作非違如有失覺察致有人戶  
違犯者驗輕重將社長責罰都省准呈

至大元年七月中書省刑部呈議得爲盜之  
人須有居處若在編立社內社長力能覺察或  
不務本業或出入不時或服用非常或飲食過



分或費用無節或元貧暴富或安下生人或交  
結游惰此皆生盜之由合令親民官司照依累  
降聖旨條畫宣明教導選舉社長常令訓導各  
安本業覺察兇惡游惰廉訪司常加糾治庶幾  
盜息民安都省准呈

農桑 至元九年二月欽奉聖旨節該據大司  
農司奏自大都隨路州縣城郭周圍并河渠兩  
岸急遞鋪道店側畔各隨地宜官民栽植榆柳  
槐樹令本處正官提點本地分人護長成樹係

官裁到者營修隄岸橋道等用度百姓自力裁到者各家使用似爲官民兩益准奏仰隨路委自州縣正官提點春首裁植務要生成仍禁約蒙古漢軍探馬赤權勢諸色人等不得恣縱頭尺咽咬亦不得非理斫伐違者並仰各路達魯花赤管民官依條治罪本處官司却不得因而搔擾

至元二十三年六月十二日中書省奏立大司農司的聖旨奏呵與者麼道聖旨有來又仲

謙那的每行來的條畫在先也省官人每的印  
信文字行來如今條畫根底省家文字裏交行  
呵怎生麼道奏呵那般者麼道聖旨了也欽此  
今將奏奉聖旨定到條畫開立于后

一諸縣所屬村疇凡伍拾家立爲壹社不以  
是何諸色人等並行入社令社衆推舉  
年高通曉農事有兼丁者立爲社長如  
壹村伍拾家以上只爲壹社增至伯家  
者另設社長壹負如不及伍拾家者與

附近村分相併爲壹社若地遠人稀不能相併者斟酌各處地面各村自爲壹社者聽或參村或伍村併爲壹社仍於酌中村內選立社長官司並不得將社長差占別管餘事專一照管教勸本社之人務勤農業不致惰廢如有不肯聽從教勸之人籍記姓名候提點官到彼對社衆責罰所立社長與免本身雜役年終考較有成者優賞怠廢者責罰仍

省會社長却不得因而搔擾亦不得率領社衆非理動作聚集以妨農時外據其餘聚衆作社者並行禁斷若有違犯從本處官司就便究治

一農民每歲種田有勤謹趁時而作者懶惰過時而廢者若不明諭民多苟且今後仰社長教諭各隨風土所宜須管趁時農作若宜先種者儘力先行布種植田以次各各隨宜布種必不得已然後補

種晚田瓜菜仍於地頭道邊各立牌檄  
書寫某社某人地段仰社長時時往來  
點覲獎勸誠諭不致荒蕪仍仰隄備天  
旱有地主戶量種區田有水則近水種  
之無水則鑿井如井深不能種區田者  
聽從民便若有水田之家不必區種據  
區田法度另行發去仰本路鏤板多廣  
印散諸民若農作動時不得無故飲會  
失悞生計

一每丁過歲須要勸栽桑棗貳拾株或附宅  
栽種地桑貳拾株早供蟻蠶食用其地  
不宜栽桑棗各隨地土所宜栽種榆柳  
等樹亦及貳拾株若欲栽種雜果者每  
丁栽種壹拾株皆以生成爲定數目願  
多栽者聽若本主地內栽種已滿別無  
餘地可栽者或有病喪丁數不在此限  
若有上年已栽桑果數目另行具報却  
不得朦昧報充次年數目或有死損從

實申說本處官司申報不實者並行責  
罰仍仰隨社布種首宿初年不須割刈  
次年收到種子轉轉俵散務要廣種非  
止喂養頭疋亦可接濟饑年

一隨路皆有水利有渠已開而水利未盡其  
地者有全未曾開種并勑可挑掘者委  
本處正官壹員選知水利人真一同相  
視中間別無遠礙許民量力開引知民  
力不能者申覆上司差提舉河渠官相



驗過官司添力開挑外據安置水碾磨  
去處如遇澆田時月停住碾磨澆溉田  
禾若是水田澆畢方許碾磨依舊引水  
用度務要各得其用雖有河渠泉脉如  
是地形高阜不能開引者仰成造水車  
官爲應副人匠驗地里遠近人戶多寡  
分置使用富家能自置材木者令自置  
如貧無材木官爲買給已後收成之日  
驗使水之家均補還官若有不知造水

車去處仰申覆上司關樣成造所據運  
鹽運糧河道仰各路從長講究可否申  
覆合于部分定奪利國便民兩不相妨  
一近水之家許鑿池養魚并鵝鴨之類及栽  
種蓮藕雞頭菱角蒲葦等以助衣食如  
本主無力栽種召人依例種佃無致閑  
歇無用據所出物色如遇貨賣有合教  
者依例赴務投稅難同自來辦課河泊  
朔立課程以致人民不敢增修

一本社內遇有病患凶喪之家不能種蒔者  
仰令社衆各備糧飯器具併力耕種鋤  
治收刈俱要依時辨集無致荒廢其養  
蠶者亦如之壹社之中災病多者兩社  
併助外據社衆使用牛隻若有倒傷亦  
仰照依鄉原例均助補買比及補買以  
來併牛助工如有餘剩牛隻之家令社  
衆兩和租賃

一應有荒地除軍馬營盤草地已經上司撥

定邊界者并公田外其餘投下探馬赤  
官豪勢要之家自行冒占年深荒閑地  
土從本處官司勘當得實打量見數給  
付附近無地之家耕種爲主先給貧民  
次及餘戶如有爭差申覆上司定奪外  
據祖業或立契買到地土近年銷乏時  
暫荒閑者督勸本主立限開耕租佃須  
要不致荒蕪若係自來地薄輪畝歇種  
去處卽卽依例存留歇種地段亦不得

多餘冒占若有熟地夾間本主未耕荒地不及壹頃者不在此限仍督責早爲開耕

一每社立義倉社長主之如遇豐年收成去處各家驗口數每口留粟壹斗若無粟抵斗存留雜色物料以備歉歲就給各人自行食用官司並不得拘檢借貸動支經過軍馬亦不得強行取要社長明置文曆如欲聚集收頓或各家頓放聽

從民便社長與社戶從長商議如法收貯須要不致損壞如遇天災凶歲不收去處或本社內有不收之家不在存留之限

一本社內若有勤務農桑增置家產孝友之人從社長保舉官司體究得實申覆上司量加優恤若社長與本處官司體究所保不實亦行責罰本處官司並不得將勤謹增置到物業添加差役

一若有不務本業游手好閑不遵父母兄長  
教令克徒惡黨之人先從社長叮嚀教  
訓如是不改籍記姓名候提點官到日  
對社衆審問是實於門首大字粉壁書  
寫不務本業游惰克惡等名稱如本人  
知耻改過從社長保明申官毀去粉壁  
如終是不改但遇本社合着夫役替民  
應當候悔過自新方許除籍

一今後每社設立學校壹所擇通曉經書者

爲學師於農隙時月各令子弟入學先  
讀孝經小學次及大學論孟經史務要  
各知孝悌忠信敦本抑末依鄉原例出  
辦束脩如自願立長學者聽若積久學  
問有成者申覆上司照驗

一若有虫蝗遺子去處委各州縣正官壹員  
於拾月內專一巡視本管地面若在熟  
地併力翻耕如在荒陂大野先行耕園  
籍記地段禁約諸人不得燒燃荒草以



備來春虫蝻生發時分不分明夜本處  
正官監視就草燒除若是荒地窄狹無  
草可燒去處亦仰從長規劃春首捕除  
仍仰更爲多方用心務要盡絕若在煎  
鹽草地内虫蝻遺子者申部定奪

一若有該載不盡農桑水利於民有益或可  
預防蝗旱災咎者各隨方土所宜量力  
施行仍申覆上司照驗

一前項農桑水利等事專委府州司縣長官

不妨本職提點勾當若有事故差出以  
次官提點如但有違慢沮壞之人取問  
是實約量斷罪若有恃勢不伏或事重  
者申覆上司究治其提點官不得勾集  
百姓仍依時月下村提點止許將引當  
該司吏壹名祇候人壹貳名毋得因而  
多將人力搔擾取受據每縣年終比附  
到各社長農事成否等第開申本管上  
司通行考較其本管上司却行開坐所

屬州縣提點官勾當成否編類等第申  
覆司農司及申戶部照驗才候任滿於  
解由內分朗開寫排年考較到提點農  
事功勤廢惰事跡赴部照勘呈省欽依  
見降聖旨比附以爲殿最提刑按察司

更爲體察

至元二十八年十二月十五日中書省奏江  
南勸課農桑那裏的路官每親身巡行呵搔擾  
百姓有不教行呵怎生麼道奏呵與理會的南

人每一處商量了說者麼道聖旨有來俺衆人  
與南人每一處商量來那的每也則這般說有  
江南勸課農桑的不教官人提調着呵百姓每  
也不怠慢向前有不教官人每巡行依時節行  
文書呵中也者麼道說有俺也那般商量來麼  
道奏呵那般者麼道聖旨了也欽此

至元二十九年閏六月欽奉聖旨宣諭諸路  
府州司縣達魯花赤管民官提點農桑水利官  
真人等據中書省奏在前爲勸農的上頭各處

立着勸農司衙門來後頭罷了併入按察司時  
節按察司名兒裏與了聖旨來如今按察司改  
做肅政廉訪司也依那體例裏倒換與他每聖  
旨宣諭似望各各盡心早得成就准奏仰各道  
肅政廉訪司照依已降聖旨巡行勸課舉察勤  
惰隨路若有勤謹官員仰各路具實跡牒報巡  
行勸農官體覆得實申大司農司呈省聞奏於  
銓選時定奪如文字遲慢仰廉訪司官即將當  
該司吏對提點官就便取招申大司農司責罰

其各路并府州提點官違慢者大司農司取招呈省定奪外據社長委有公謹實效之人行移巡行勸農官體察得實申覆大司農司定奪如有違慢者仰就便依理責罰黜罷這般省諭了呵勸農官吏人等却不得因而取受看循面情非理行事本處官司及不以是何人等亦不得使氣力搔擾社長妨勸農事務如違治罪仍仰肅政廉訪司照依已降聖旨更爲體察施行

大德二年九月中書省御史臺呈江南行臺

咨各道報到農桑文冊俱係司縣排戶取勘裁  
種數目自下而上申報文字所費人力紙札無  
非擾民江南地窄人稠與中原不同農民世務  
本業擬合欽依聖旨依時節行文書勸課免致  
取勘動搖兵部議得既是江南農事行御史臺  
親行提調明咨地窄人稠多爲山水所占大與  
中原不同土著農民世務本業不須加勸而自  
能勤力以盡地利合准御史臺所擬依時行文  
字勸課相應都省准呈

大德三年二月初七日中書省奏教百姓每  
謹慎種養我接的路府州縣官提調着依時親  
身點覲者廉訪司官也提調點覲者麼道司農  
司聖旨條畫裏這般該着有這般挨次重併點覲  
呵百姓每生受親臨百姓州縣官點覲除那的  
外路府州官等則依體例提調呵中也者說有  
似這般言語在先壹箇人題說與文書呵他說  
的是有教那般行者麼道行文書來係聖旨條  
畫裏該載的言語麼道御史臺司農司官人每



俺根底回將文書來他的言語是有這般行呵  
怎生商量來奏呵奉聖旨那般行者欽此

皇慶二年七月二十一日大司農司奏奉聖  
旨節該大都路爲頭五路裏種田的地壹半秋  
耕其餘路分聽民儘力秋耕依着這般行呵也  
宜趁天氣未寒時月將陽氣掩在地中蝗蝻遺  
下種子也曝曬死次年種來的苗稼榮旺耐旱  
依着這般行呵秋成豐稔農事有成效的一般  
奏呵奉聖旨那般者依着薛禪皇帝行來的行

者您與省家文書教通行者

大德九年二月欽奉詔書內一欵仲春已後  
此農民盡力耕桑之時其勅有司非急速之務  
慎毋生事煩擾或有小罪即與踈決勿禁繫妨  
其時

皇慶二年七月二十一日大司農司奏世祖  
皇帝時分每年農民種田剝桑時月若有工役  
合倩人夫車牛本管官司非奉省部明文等候  
秋成農隙方許均科不妨悞了農種的一般奏

呵奉聖旨那般者您與省家文書教通行者  
司農事例 至元二十九年八月中書省大司  
農司呈臨漳縣達魯花赤太不花解由內農事  
學校樹株義糧等數與帳冊爭差取到判署官  
吏有失照畧招伏當該司吏合行的決今後親  
民州縣并提調官驗爭差數目斟酌到罰俸月  
日刑部議得若依大司農司所擬相應都省准  
擬

一親民州縣官并得替官

壹拾日

諸樹壹千株以下 義糧壹伯碩以下  
學校壹拾所以下

半箇月

諸樹壹萬株以下 義糧壹千碩以下  
學校壹伯所以下

壹箇月

諸樹壹萬株之上 義糧壹千碩之上  
學校壹伯所之上

一總提調官路府州官并首領官比依給由  
并得替官所罰俸鈔叁分中量罰壹分  
一其餘該載不盡農事若有爭差比依上例

斟酌責罰

中統五年八月欽奉聖旨條畫內一類諸軍  
馬營寨及達魯花赤管民官權豪勢要人等不  
得恣縱頭疋損壞桑棗踏踐田木搔擾百姓如  
有違犯之人除軍馬營寨約會所管頭目斷遣  
餘者即仰本處官司就便治罪施行並勒驗所

通志卷之六  
一十一  
損田禾桑果分數賠償及軍馬不得於村坊妄  
下取要飲食

至元二十九年七月初五日欽奉聖旨節該  
太祖成吉思皇帝聖旨裏教頭口喫了田禾的  
每教踏踐了田禾的每專一禁治斷罪過有來  
不拜戶的田禾根底教喫了的踏踐了的猶自  
斷罪過有來在前聖旨莫不怠慢了也麼道御  
史臺官人每奏八忽歹管着的探馬赤每不好  
生的整治交頭口喫了踏踐了田禾損壞樹木

有麼道奏來從今已後依在先聖旨體例裏不  
揀是誰休教喫了田禾休教踏踐了田禾休教  
損壞了樹木他每刈下的田禾休教奪要者休  
教搔擾百姓者道了也這般宣諭了呵却有別  
了聖旨教喫了田禾的每教踏踐了田禾的每  
教賠償了田禾呵如有俺每認得的人每呵咱  
每根底奏將來者不認得的人每有呵那裏有  
的廉訪司官人每監察每城子裏達魯花赤官  
人每各投下的頭目每一處打斷者

大德二年三月欽奉聖旨節該大司農司官人每奏過往的軍馬富豪做買賣人等頭口不攔當田禾喫了踏踐了有桑樹果木樹咽咬折拆了有城子裏達魯花赤官人每那般不在意禁約有麼道奏來從今已後田禾裏但是頭口入去喫了桑樹果木樹斫伐了呵折拆了呵城子裏達魯花赤每總管每就便提調者依着在先聖旨體例裏教陪償了要罪過者這聖旨這般宣諭了呵城子裏達魯花赤每總管每好生



用心禁約呵覩面皮不教賠償呵咱每根底奏者雖這般道了呵推着田禾無體例勾當休做者休教人每生受者

大德十一年五月二十二日欽奉詔書內一  
款民者國之根本軍國用度一切財賦皆所自  
出理宜常加存撫其經過軍馬牧養馬駝人等  
毋得取要飲食錢物非理搔擾縱放頭疋踏踐  
田禾咽咬桑棗所在官司嚴加禁約違者斷罪  
賠償本管頭目有失鈴束亦仰究治重者申聞

至大四年三月欽奉詔書內一款節該農桑  
衣食之本仰提調官司申明累降條畫諄切勸  
課務要田疇開闢桑果增盛乃爲實效諸官豪  
勢要經過軍馬及昔寶赤探馬赤餽養馬駝人  
等索取飲食草料縱放頭疋食踐田禾桑果者  
所在官司斷罪陪償仍仰監察御史肅政廉訪  
司常切糾察考其殿最以憑黜陟

至大四年閏七月初五日中書省李平章奏  
昔寶赤帖城赤每并怯薛人等教先去呵搔擾

百姓每踏踐田禾有百姓沒田禾呵怎生過咱  
每無百姓呵怎生行飛放的每咱每根底得甚  
濟有李道復你提調着休教先去搔擾百姓踏  
踐田禾者我的言語麼道皇帝根底明白奏者  
麼道唐兀台對鄭尚書阿禮海牙參議我根底  
傳懿旨來教奏有奏呵那般者麼道聖旨了也  
欽此

佃種官田 大德五年七月中書省議得江南  
各處見任官吏於任所佃種官田不納官租及

奪占百姓已佃田土許諸人赴本管上司陳告  
是實驗地多寡追斷黜降其田付告人或元主  
種佃外據佃種官田人戶欲轉行兌佃與人須  
要具兌佃情由赴本處官司陳告勘當別無違  
礙開寫是何名色官田頃畝合納官租明白附  
簿許立私約兌佃隨即過割承佃人依數納租  
違者斷罪

妄獻田土 大德八年正月欽奉詔書內一款  
國家財賦自有常制比者諸人妄獻田土戶計

山場窰冶增添課程無非徼名貪利生事害民  
今後悉皆禁絕違者治罪

至大四年三月欽奉詔書內一欵節該國家  
租賦有常僥倖獻地之人所當懲戒其劉亦馬  
罕小云失不花等冒獻河南地土已令各還元  
主劉亦馬罕長流海南今後諸陳獻地土并山  
場窰冶之人並行治罪

至元二十八年十二月中書省樞密院呈保  
定路正軍崔忠告貼戶孫元不曾告給公憑將

田土壹頃典與張澤等種養全家老小在逃戶部議得正軍貼戶既同戶當軍破買地土合相由問據張澤等典訖孫元地土別無告到官司公憲亦不曾由問正軍既崔忠替當孫元軍役其元拋下事產擬令正軍崔忠種養爲主收到子粒等物津貼軍錢合該典價候孫元還家依理歸結都省准擬

至元七年正月欽奉聖旨條畫內一欵和尚每根底歹人每將無主荒閑田地不經由官司

一面獻與和尚每做主有高上和尚下次和尚  
每并怯里赤每那般做也者那的每根的當呵  
怎生欽奉聖旨那般者擊者欽此

官田 大德七年十二月十八日中書省奏江  
南浙西等處係官田土內出的子粒每年海運  
將來有餘剩的本處省官做軍糧等名項支持  
有近年以來那田土各寺裏并官負人等根底  
多與了有不合與麼道行省官每臺官每并撫  
安百姓去來的奉使每題說與將文書來有商

議省事參簡學士也題說有俺商量來每年這裏怯薛互每各枝兒裏多人每根底并工役軍匠關食的人每根底多於江南運來的米糧內支與有他每題說的是不合與有這田土出產多是國家必用之物難比其餘錢物如今幾箇人根底教與田地者麼道奉聖旨俺根底與將文書來這的每根底不與今後有人奏過與俺文書呵俺回奏呵怎生麼道奏呵奉聖旨那般者欽此



典賣田產事例 大德十年五月中書省御史  
臺呈河南道廉訪司申近年告爭典質田產買  
囑牙見人等通同將元典文據改作買契昏賴  
親隣牙見證說爭差致使詞訟壅滯禮部議得  
典質地產即係活業若一面收執文約或年深  
迷失改作賣契或昏昧條段間座多致爭訟以  
此參詳今後質典交易除依例給據外須要寫  
立合同文契貳紙各各畫字赴務投稅典主收  
執正契業主收執合同雖年深憑契收贖庶革

僥倖爭訟之弊都省准呈

至大元年十月中書省樞密院呈冠州貼軍  
戶張著告正軍周元於大德八年欺昧本家將  
灤下桑棗地伍拾叁畝暗地賣與伊另籍軍戶  
房親周二等爲主禮部議擬即係違例成交擬  
合改正令張著依價收贖周元姪周義却告張  
著又將伯父周元節次賣與義等地土伍段欲  
驗舊價收贖本院看詳正軍貼戶驗各家氣力  
津助一同當軍破賣田產許相由問恐損同戶

氣力今周元與周義等雖是有服房親却係另  
戶已後周元無力累及張著除例前已買地土  
擬合革撥例後合無依禮部先擬同戶張著驗  
價收贖今後諸軍戶典賣田宅先須於官給據  
明立問帳具寫用錢緣故先儘同戶有服房親  
并正軍貼戶如不願者依限批退然後方問隣  
人典主成交似不靠損軍力都省准呈

元貞元年十一月中書省陝西行省咨安西  
路普淨寺僧人旻吉祥告西鄰王文用將門面

并後院地基偷賣與宮伯成爲主不見各處軍  
民典賣田宅若與僧道寺觀相隣合無由問禮  
部照擬得僧道寺觀常住田地旣係欽依聖旨  
不納稅糧又僧俗不相干百姓軍民戶計雖與  
寺觀相隣住坐凡遇典賣難議爲隣參詳合准  
王文用已賣西鄰宮伯成爲主都省准呈

大德八年五月中書省江西行省咨撫州路  
瑞山寺僧周淨師用鈔買到本寺僧永仁田土  
文契壹紙赴務投稅並無官給公據戶部議得

今後僧道自相買賣并買民田納稅地土依例  
於有司給據關防如違依例追斷都省准擬  
大德七年五月中書省戶部呈諸私相貿易  
田宅即與貨賣無異擬合給據令房親隣人盡  
字估價立契成交都省准呈

軍馬擾民 中統四年正月欽奉聖旨道與阿  
木都元帥等在先爲軍馬於百姓處取要諸物  
或縱放頭足踏踐麥苗田種及咽咬桑菓等樹  
這般搔擾上已曾禁約去來今又體知得隨處

多有屯駐蒙古等軍馬往往將請到糧料私下  
柴賣却於百姓處強行取要糧料人夫一切物  
件及有探馬赤人每將自己養種收到物斛愛  
惜却行營於百姓處取要搔擾這言語是實那  
是虛如聖旨到日仰省會萬戶千戶百戶每體  
究問當者若端的有這般搔擾百姓的人每管  
軍官與宣慰司一同問當了是實呵依着扎撒  
陪償斷遣者若去宣慰司處遠呵止與本處達  
魯花赤管民官一處斷者如千戶百戶每不行

用心禁約及覩面皮不肯斷遣呵他每不怕那甚麼

准折事產 至元二十年十一月中書省戶部呈平灤路申韓孝叔失陷倉糧官司准折訖祖業房院伊姪韓麟告要取贖本部參詳若令韓麟出備元價收贖相應都省准呈

墳塋樹株 皇慶二年三月十八日中書省欽奉聖旨百姓每的子孫每將祖上的墳塋并樹木賣與人的也有更掘了骨殖將墳塋賣與人

的也有今後賣的買的并牙人每根底要罪過  
行文書禁斷者麼道欽此

異代地土 大德六年正月中書省陝西行省  
咨安西路僧人惠從告李玉將本寺正隆二年  
建立石碑內常住地土古種照得見爭地土即  
係異代碑文誌記畝數似難憑准若蒙照依定  
例革撥將地憑契斷付李玉爲主相應禮部照  
得李玉憑牙於賈玉處用價立契收買上項地  
土經今貳拾餘年又經異代合在陝西行省所



擬都省准呈

田訟革限 至大四年四月二十六日欽奉詔  
書內一款近年田宅增價爭訟日繁除已到官  
見有文案并典質借貸私約分明依例歸結其  
餘在至大元年正月己前者並仰革撥  
逃移財產 至元十年七月中書省戶部呈議  
得在逃人戶拋下地土事產擬合召諸色戶計  
種佃依鄉原例出納租課毋令親民官吏權豪  
之家射佃都省准呈

大德十一年五月二十二日欽奉詔書內一  
款各處逃移戶計復業者元拋事產隨即給付  
免差稅叁年未復業者有司具實申報開除合  
該差稅毋令見戶包納

江南私租 大德八年正月欽奉詔書內一款  
江南佃戶承種諸人田土私租太重以致小民  
窮困自大德八年以拾分爲率普減貳分永爲  
定例比及收成佃戶不給各主接濟無致失所  
借過貸糧豐年逐旋歸還田主毋以巧計多取

租數違者治罪

撥賜田土 皇慶二年四月二十六日中書省  
奏臺官人每與俺文書江南平江等處有的係  
官地內撥賜與了諸王駙馬并寺觀諸官員每  
的地土他每自委付着管庄的人每比官司恣  
意多取要糧斛分例搔擾教百姓每生受有合  
追復還官供給國家麼道說有杭州行省也這  
般與文書來俺與御史臺集賢翰林院老的每  
一同商量來除與了諸王公主駙馬寺觀的田

地依已了的聖旨與他每個戶合納的租糧官倉裏收了各枝兒却於倉裏驗着納來的數目開支這般呵百姓每不被擾其餘官負諸人每根底與來的田地都教還官呵怎生奏呵那般者麼道聖旨了也欽此

皇慶二年十月二十三日中書省奏江南地面裏平江等處有的係官地內諸王公主駙馬根底各寺觀裏并官人每根底與來的他每委着人比官司納來的之上多取糧的上頭百姓

每生受麼道臺官每言着呵今春衆人商量了  
諸王駙馬根底并各寺觀裏與來的將合納的  
租米官倉裏納了似阿合探馬兒一般各投下  
於官倉裏撥與奏了各處行了文書來前者崇  
祥院官人每將普慶寺裏江南撥與來的田地  
內出產的子粒不教其餘的指例崇祥院管轄  
的提舉司收着麼道奏了與俺文書來俺商量  
來將那糧他每收呵止是那裏糶賣依已了的  
聖旨官倉裏收了取勘了數目驗本處開倉特

古撥與價錢呵怎生麼道奏呵那般者麼道聖  
旨了也欽此

影占民田 至元十五年七月二十五日中書  
省御史臺呈奏過事內一件節該官民房舍田  
土諸官豪勢要之家毋得擅立宅司庄官員立  
文契私已影占取要房錢粗米違者並行糾察  
奏呵奉聖旨那般者是有欽此

撥賜田土還官 大德七年四月中書省江浙  
行省咨各路府州司縣所管官房地基多係官

豪勢要人等租賃住坐故將元舊屋宇改拆間架欲爲己業計搆上下路府司縣官吏主首坊里正人等通同捏合推稱年深倒塌不堪修理低估價錢變賣或稱事故以租就買朦朧除豁官租私相典充並不申明官司今後係官房舍基地毋得似前變賣典充及以租就買戶部照擬得合准本省所擬遍行禁治都省准呈

皇慶二年六月初六日中書省奏至元十三年收附江南時分壹箇姓毛的壹箇姓柴的人

不伏歸附謀叛逃竄了的上頭將他每的家私物業斷沒入官來曲律皇帝時分將那斷沒了的地土山場都與了劉司徒的爺來去年又那地土內教與劉參政地土山場教與不魯罕丁者麼道聖旨有呵行將文書去依着聖旨體例與了來前者俺與臺官并翰林集賢院官一同商量定諸王公主駙馬并各寺裏與來的田土依舊交屬他每官倉裏收了子粒似阿哈探馬兒一般與他每官負人等根底與來的都教還



官者麼道奏了也依着聖旨已了的都教還官  
呵怎生麼道奏將來有那地土山場內每年多  
出產錢物有這幾年他每要了的勾也者其餘  
都教還了官他每根底與來的不教還官呵偏  
負有教還官呵怎生奏呵那般者麼道聖旨了  
也欽此

召賃官房 至元二十一年六月中書省御史  
臺呈江南行臺咨江淮等處係官房舍於內先  
儘遷轉官員住坐分明標附任滿相訟交割其

餘用不盡房舍依上出賃似爲允當都省議得  
不係舊來出賃門面房舍委是係官公廨先儘  
遷轉官負依上相泐交割住坐

打量田土 大德四年十二月初二日樞密院  
奏歸德府趙知府文字裏題說將來推陽縣官  
吏每信着与人每言語打量軍戶地土行呵踏  
踐了田禾軍戶每根底使氣力限搔擾有麼道  
說將來有上位有聖旨軍的民的地地通行取  
數目時分打量呵是也民戶的地土不打量軍

戶底地土打量有奏呵奉聖旨是有不得咱每  
的聖旨軍戶每的地土休打量者欽此

通制條格卷第十六



通制條格卷第十七

賦役

地稅 至元十一年五月中書省樞密院呈軍  
戶已供到官肆頃之上地土合無納稅戶部議  
得軍戶限地肆頃之上若有置到熟地合行收  
稅都省准呈

至元二十年十一月十二日中書省奏去年  
大都路不揀誰的田地都抄寫了來今年依那  
田地數目裏科稅來如今那着的人每道俺是

怯薛歹有更勾當裏差出去了也麼道推事故  
說的多有若依他每的事故裏不教納呵別箇  
的攀例去也奏呵奉聖旨不是咱的言語是哈  
罕皇帝見有的聖旨有不是咱定奪下的勾當  
但阿誰種田呵納稅者欽此

學田地稅 至元二十五年八月初九日江西  
行省咨江州路府學景星濂溪參學歲收子粒  
除納稅糧外所存不足養士惟恐荒業照得近  
欽奉聖旨節該江南立學校呵怎生屬學校的

田地屬官也如今師傳每根底學文書的孩兒  
每根底種養者喫的田地與他每呵怎生麼道  
有奏呵那般者麼道聖旨了也欽此擬合欽依  
蠲免都省准擬

科差 庚申年四月欽奉詔書內一款爰自包  
銀之去行積弊至今民力愈困朝廷立制本欲  
利民而反害民非法之弊乃人之弊也加之濫  
官污吏寅緣侵漁科歛則務求羨餘輸納則暗  
加折耗以致淫刑虐政暴斂急徵使農夫不得

通鑑卷之七  
安於田里者其害非一吾民安得不重困邪舊  
弊苟不悉除新政安能有立今後應科差發斟酌  
民力務要均平期於安靜與吾民共享有生  
之樂而已欽此

中統五年八月欽奉聖旨條畫內一欵諸應  
當差發多係貧民其官豪富強往往僥倖苟避  
已前哈罕皇帝聖旨諸差發驗民戶貧富科取  
今仰中書省將人戶驗事產多寡以叁等玖甲  
爲差品各高下類攢鼠尾文簿除軍戶人匠各



另攢造其餘站戶醫卜打捕鷹房種田金銀鐵  
治樂人等一切諸色戶計與民戶一體推定鼠  
尾類攢將來科徵差發據站戶馬錢祇應打捕  
鷹房合納皮貨鷹隼金銀鐵冶合辦本色及諸  
色戶所納物貨並驗定到鼠尾合該鈔數折算  
送納欵此

至元二十八年六月中書省奏准至元新格  
諸科差稅皆司縣正官監視人吏置局科攤  
務要均平不致偏重據科定數目依例

通志卷之十七  
三  
出給花名印押由帖仍於村坊各置粉  
壁使民通知其比上年元科分數有增  
損不同者須據緣由明立案驗以備照  
勘

諸差科夫役先富強後貧弱貧富等者先多  
丁後少丁開具花戶姓名自上而下置  
簿挨次遇有差役皆須正官當面點定  
該當人數出給印押文引驗數勾差無  
致公吏里正人等放富差貧那移作弊

其差科簿仍須長官封收長官差故次  
官封收

諸稅石嚴禁官吏勢要人等不得結攬若近  
下戶計去倉地遠願出腳錢就令近民  
帶納者聽其總部稅官斟酌各處地里  
定立先後運次約以點集處所覷得別  
無輕賚攬納之數令分部官管押入倉  
依數交納得訖朱鈔即日發還惟總部  
官直須州縣納盡方許還職

諸水旱災傷皆隨時檢覆得實作急申部拾  
分損捌以上其稅全免損柒以下止免  
所損分數收及陸分者稅旣全徵不須  
申檢雖及合免分數而時可改種者但  
存堪信顯跡隨宜改種毋失其時

諸科差皆用印押公文其口傳言語科斂者  
不得應付違者所取雖公並須治罪  
諸和雇脚力皆儘行車之家少則聽於其餘  
近上有車戶內和雇仍須置簿輪轉有

法無致司吏里正公使人等那攢作弊  
主首里正 大德五年八月欽奉聖旨節該擬  
中書省奏江浙省言先爲有力富強之家諸色  
名項等戶計影占不當雜泛差役止令貧難下  
戶承充里正主首錢糧不辦偏負生受已嘗頒  
降聖旨一例輪當今有各管官司往往別稱事  
故聞奏聖旨執把除免乞奏定例事准奏仰不  
以是何投下及運糧水手香莎糯米財賦醫儒  
僧道也里可溫荅失蠻火佃船商等諸色影蔽

有田納稅富豪戶計即與其餘富戶一例輪當里  
正主首催辦錢糧應當雜泛差役永爲定例其  
各管官司今後再不得似前推稱事故別行聞  
奏並依已降聖旨一例均當欽此

雜泛差役 至元二十五年三月御史臺講究  
得各道隨路州縣凡有差役大役必合遍科小  
役合壹道辦集者止責壹道合壹路壹縣壹鄉  
科辦者止責壹路壹縣壹鄉辦集再有差役却  
於未辦處輪流科辦

至大三年十月欽奉詔書內一款節該民間  
雜役先儘游食之人次及工賈末技其力田之  
家勿奪農時欽此

至大四年三月欽奉詔書內一款節該民間  
和雇和買一切雜泛差役除邊遠軍人并大都  
至上都自備首思站戶外其餘各驗丁產先儘  
富實次及下戶諸投下不以是何戶計與民一  
體均當應有執把除差聖旨懿旨令旨所在官  
司就便拘收欽此

皇慶元年二月初十日中書省奏大樂忽兒  
赤等教除和雇和買雜泛差役者磨道站班等  
奏了來俺商量來除邊遠出征軍人奧魯上都  
大都其間自備首思站赤外不揀誰與民一體  
均當差役者磨道詔書裏行了來依先聖旨教  
與民一體均當差役呵怎生奏呵那般者磨道  
聖旨了也欽此

皇慶元年四月初二日中書省奏蘆州有的  
做阿速每贖命與來的貳千餘戶百姓每休當



和崔和買雜泛差發者麼道完者篤皇帝時分  
與了執把聖旨來如今不揀是誰休指例者麼  
道倒換與聖旨的答失蠻等阿速官人每奏了  
俺根底與文書來世祖皇帝與他每那戶計時  
分不曾教除雜泛差役來除大都上都其間自  
備首思站赤并邊遠出征軍人外不以是何人  
等與民一體均當者開讀了詔書來不均的一  
般依先例教與民一體均當呵怎生奏呵那般  
者麼道聖旨了也欽此

延祐元年三月十七日中書省奏但凡一切和雇和買雜泛差役除邊遠出征軍人并上都大都其間自備首思站赤外其餘各投下不以其何人等與民一體均當者麼道皇帝登寶位詔書裏行了來在前也這般行來近間樞密院徽政院中政院會福院宣徽院等各衙門官人每將他每所管戶計不教當和雇和買雜泛差役的奏了俺根底與文書來俺商量來似這般不教均當只科與見有百姓呵窮暴百姓應當

不得逃竄去也勾當也不能成就是在前定體  
了的勾當依在先體例教一體均當呵怎生奏  
呵那般者麼道聖旨了也欽此

田禾災傷 至元四年六月中書省左三部呈  
今後田禾如被旱澇災傷河南至洛衛等路夏  
田四月秋田捌月其餘路分夏田伍月秋田水  
田並以捌月爲限人戶經本處陳訴若次月遇  
閏者展限半月非時災傷自被災日爲始限壹  
月陳訴限外告者皆不爲理都省准呈

至元十七年九月中書省擬左司呈民間水旱虫蝻災傷慮恐本處官司看徇不實劄付御史臺行下體覆其按察司官不行隨時親詣止差書吏奏差人等切恐未便都省議得各道按察司今後遇有災傷即摘正官親詣體覆

至元二十年正月二十一日中書省奏迤南貳拾餘處經值旱災道有已前成吉思皇帝聖旨哈罕皇帝聖旨捌月已後不收田禾道呵不合准廢道如今該值災傷去處冬月至今年正

月纔行申到御史臺官也奏來如今教省裏差人與按察司官踏覷去麼道奏來俺商量得如今正是農作動時分不是催糧檢災時月除已納到官及徵在主典手者別無定奪其餘百姓身上未納糧數權且聽候今年秋田收成時定奪據管民官每田未災傷過時不申及不曾被災妄申免稅并按察司依時不檢踏這般的省家臺家差人取招要罪過呵怎生麼道奏呵奉聖旨那般者欽此

大德元年五月中書省江浙行省咨江南天氣風土與腹裏俱各不同稻田冬月布種肆伍月間插秧玖月拾月纔方收成若依腹裏期限玖月內人戶被災不准申告百姓無所從出致使逼迫流移合無量展限期秋田不過玖月非時災傷依舊壹月爲限限外申告並不准理庶望官民兩便都省准擬

大德六年正月二十日御史臺奏節該初立臺時分則教體察來在後立按察司時分有水

旱災傷田禾不收呵體覆來後頭漸漸的不問  
大小勾當教俺體覆有其間多有窒礙麼道教  
監察廉訪司官體覆虛實行文書有體覆的緣  
由是這般不是新行來的勾當行了多年也伴  
當每道俺的勾當裏有窒礙麼道說有何平章  
也說在先是體察來水旱災傷呵合體覆除那  
的外合體察麼道說有依着伴當每的言語行  
呵怎生奏呵奉聖旨那般者欽此

皇慶二年九月二十一日中書省奏自立按

察司已來田禾不收水旱災傷一切教監察御史按察司官體覆了合納的教納合除免的教除免來在後大德六年完澤篤皇帝時分臺官人每說俺體覆的勾當多有其餘的勾當體察田禾水旱災傷呵依先例教體覆的與省官人每一同商量着奏過定例行了來今春臺官人每奏過却教體察者麼道俺根底與文書呵這勾當行了多年有若不教體覆呵多有窒礙麼道前者夏間皇帝根底奏過依先體例教體覆



各處行文書來在後臺官人每却教體察者麼道又奏了來俺衆人商量來田禾水旱等災傷若不教監察廉訪司體覆呵管民官通同捏合除免稅糧於勾當多有窒礙這勾當自世祖皇帝立按察司廉訪司到今行了肆拾餘年也不足行的勾當麼道臺官人根底也說將去來如今正是收刈田禾時分依先例只教他每體覆呵怎生奏呵是行了多年的勾當也依先例教體覆者麼道聖旨了也欽此

狐老殘疾 至元七年五月尚書省戶部呈大名路錄事司張祿年老狐寒難以當差勘當得元籍人口節次死亡外即目止有妻阿王年柒拾壹歲別無營運察司體履相同本部叅詳擬合於當差額內除作不任當差老戶都省准呈至元十二年八月中書省擬戶部呈平陽路殘疾戶齊顯明不任當差察司體履相同擬合於當差額內開除都省准呈

至元二十五年正月尚書省擬戶部呈廣平

路肥鄉縣張阿黃告夫張聚興男安驢身故阿黃隻身年老別無丁產不任當差察司體覆相同合於當差額內除豁都省准呈

壹產叁男 至元八年八月尚書省御史臺呈河南道按察司申鄧州軍戶張二妻壹產叁男都省擬免叁年雜役

上都站 至元二十三年十二月二十六日中省奏前者站戶每根底教管草料磨道奏呵與價錢管者磨道聖旨有來在後站戶每生受有

磨道刺真奏了休教管者磨道傳聖旨來如今  
這的每根底不管呵草料失悞了的一般依體  
例與價錢管呵怎生商量來磨道奏呵與價錢  
管呵怕甚麼教管者磨道聖旨了也欽此擬上  
都大都站戶既是自備首思欽依聖旨事意除  
鹽折和買草料依例出備外其餘和雇和買雜  
泛差役除免

押運使臣 至元二十四年閏二月中書省兵  
部算外即馬承務呈各省解納進呈一切段疋

諸物和雇船隻長運直至河東交卸依漕運司  
糧斛例船主既支腳錢自行雇夫其站船逆運  
驗船隻大小料例俱有已設站夫毋得更差揀  
船人夫仍禁治押運官真使臣今後毋得擅便  
督勒沿江河路府州縣行移前路文字准備差  
撥人夫路府州縣亦不得聽從押物人真輒便  
行移差撥都省准呈

弓手稅糧 大德七年八月中書省御史臺呈  
弓手稅糧例應人戶包納爲緣文案不明各路

通志卷之十七  
十三  
止是一槩帶徵人戶不知實免糧數司縣主首  
人等高下其手民甚苦之合令各路通照出本  
路額設弓手幾名每戶應免糧若干壹路通免  
糧若干本路所管各縣戶計合徵糧若干總包  
若干卷內開出花戶姓名糧數多少通行均包  
每正糧若干合包若干驗實均包某戶合包若  
干明立案驗當該首領官吏子細照勘均平無  
差行下各縣出給催糧由帖付納糧人戶依數  
供輸每年明榜市曹成使通知廉訪司照刷文

卷時分點壹貳戶將由帖比對但有爭差將各路首領官吏嚴行治罪庶革多徵之弊都省准呈

差撥祇候 元貞二年八月中書省江西行省盜所轄路分合設祇候曳刺罕子等未有定例兵部照擬比附迤北腹裏額數體例俱於肆兩包銀戶內選差開坐各該人數從長定奪爲是江南別無送納包銀擬於移糧叁石之下戶內差充都省准擬

諸上路

祇候叁拾伍名

禁子拾伍名

曳刺壹拾名

諸下路

祇候貳拾伍名

禁子壹拾名

曳刺陸名

散府直隸省部

祇候貳拾伍名

禁子壹拾名

曳刺陸名

散府本路所轄

祇候貳拾名

禁子伍名

曳刺伍名

上州直隸省部



祇候貳拾叁名

禁子捌名

曳刺伍名

上州本路所轄

祇候貳拾名

禁子伍名

曳刺伍名

中州直隸省部

祇候壹拾捌名

禁子伍名

曳刺伍名

中州本路所轄

祇候壹拾陸名

禁子伍名

曳刺肆名

下州直隸省部

祇候壹拾肆名

禁子伍名

曳刺肆名

下州本路所轄

祇候壹拾貳名

禁子肆名

曳刺肆名

上縣

祇候壹拾貳名

禁子伍名

中縣

祇候壹拾名

禁子肆名

下縣

下路錄事司同

祇候捌名

禁子叁名

上路錄事司

祇候壹拾名 禁子叁名

濫設頭目 至元七年四月尚書省御史臺呈  
河北河南道按察司申諸處州縣各管村分以  
遠就近併爲壹鄉或爲壹保設立鄉頭里正保  
頭節級以下更有所設鄉司人負催趨差發投  
下本縣文字一切勾當擬各戶合着差發討構  
本縣官吏減免分數或雖立戶名科着絲料包  
銀稅糧却令所管村分人戶代納每年秋夏兩  
次於人戶處取歛年常物斛或別作名稱托散

聚歛如此侵擾以其久在縣衙與官吏上下慣  
通易爲作弊都省議得仰通行各路嚴切禁治  
司縣鄉司里正人等須管不致似前冒濫多誤  
作弊擾民違錯仍取准行文狀

孝子義夫節婦 至元十年二月中書省御史  
臺備監察御史呈欽奉聖旨條畫內一類節該  
孤老幼疾貧窮不能自存者仰本路官司驗實  
官爲養濟而不收養或不如法者委監察糾察  
欽此體察得大都路左警巡院成寧坊魏阿張

年壹拾陸歲適魏明子蔓其夫荒縱不事家業  
因欠回回債銀貳錠逃竄不知所往阿張父代  
還所欠魏蔓老母及阿張同居傭計孝養甘旨  
不闕拾餘年後其夫還家因病身故並無產業  
營運賃房居住有子柒歲其姑玖拾伍歲眼昏  
且病不能行止依舊孝養遇有事出置姑扃戶  
將子寄於隣居學舍後蒙官司拘刷戶計標附  
收養取到社長文狀與所察相同及左巡院狀  
稱阿張今春差發綵鈔見行定奪未納叅詳魏

阿張孝奉老姑守節不嫁欽依聖旨事意官爲  
養濟仍令除免差役更加旌表以勵風俗都省  
准擬

至元十一年正月十四日中書省吏禮部呈  
平陽路李伯祥與妻馬氏養母阿張能備孝道  
體覆是實本部議得擬合與免李伯祥戶下雜  
役都省准擬

大德八年八月中書省擬禮部呈議得義夫  
節婦旌表門閭本爲激勵薄俗以敦風化今各

起所舉往往指稱夫亡守志不見卓然異行多  
係富強之家規避門役廉訪司亦不從公覈實  
以致泛濫今後舉孝行者若父母挽車養竭其  
力號父攀栢表盡其誠董生之甘旨供厨菜筮  
之號血廬墓舉義夫者若其被泣荆誼感宗族  
散財焚券惠濟鄉閭漢薛包之昆弟讓財魏楊  
播之總服同舉舉節婦者若夫亡在參拾之前  
柏舟自誓守志至伍拾以後行露不侵執節不  
回如文寧女臨難不避如義宗妻似此之類聽

各處保明都省議得義夫節婦孝子順孫旌表  
門閭本欲敦民俗而厚風化必得行實卓越節  
操超絕者方可垂勸將來邇者各處官司不詳  
此意往往不覈名實泛常保舉以致謬濫甚非  
所宜今後舉節婦者若參拾已前夫亡守志至  
伍拾以後執節不易真正著明者聽各處隣佑  
社長明其實跡重甘保結申覆本縣牒委文資  
正官體覆得實移文附近不干礙官司再行體  
覆結罪回報憑准體覆牒文重甘保結申覆本



管上司更爲覈實保結申呈省部以憑旌表仍  
從監察御史廉訪司體察如是富強之家別無  
實跡慕向虛名營求保舉規避門役及所保謬  
濫不實即將隣佑社長并元保體覆官吏取招  
治罪義夫孝子順孫若果孝義行實有可嘉尚  
必合表異爲宗族鄉黨稱道者方許各處隣佑  
社長條具實跡申聞本縣並依上例體覆申呈  
省部依例旌表若有濫失謬妄亦依上例治罪  
皇慶二年十月二十九日中書省奏大寧路

管轄的高州玉甃寨趙哇兒小名的婦人年貳拾歲他的男兒病重呵與夫同亡麼道說誓來在後他的男兒沒了呵那婦人教做了大棺子自縊死了和他男兒壹箇棺子裏埋葬了有婦人每似這般歿了男兒貞烈與夫同死的上頭合除免雜泛旌表門閭麼道遼陽省官人每備着本處廉訪司文字俺根底與將文書來俺商量來他每說的是有奏呵奉聖旨是好勾當有止免雜泛呵輕有本戶的差役也除免者麼道

聖旨了也欽此

至元三十年五月中書省禮部呈汴梁路申  
管城縣民戶趙毓參世同居合爲旌表本部議  
得方今自翁及孫參世同居如趙毓者比比皆  
是若與旌褒紛紛指例無益勸懲今後伍世同  
居安和者旌表其門似革泛濫都省准呈

通制條格卷第十七

This image shows a blank ledger page with a double-line border. The page is divided into ten vertical columns of varying widths. The columns are arranged from left to right, with the narrowest columns on the far left and the widest columns in the middle. The rightmost column is the narrowest. The page is otherwise empty of text or data.

--	--	--	--	--	--	--	--	--	--

通制條格卷第十八

關市

關渡盤詰 至元二十六年八月樞密院議擬  
到禁約諸軍例內一款關津渡口把隘去處當  
該官員軍兵人等常切用心巡綽盤捉一等作  
過戶人務要嚴謹毋致私受財貨放行如違體  
察得實痛行斷罪

牙保欺蔽 至元十年八月中書省斷事官呈  
大都等路諸買賣人口頭疋房屋一切物貨交

易其官私牙人僥倖圖利不令買主賣主相見  
先於物主處撲定價直却於買主處高擡物價  
多有尅落深爲未便今後凡買賣人口頭疋房  
屋一切物貨須要牙保人等與賣主買主明白  
書寫籍貫住坐去處仍召知識賣主人或正牙  
保人等保管盡完押字許令成交然後赴務投  
稅仍令所在稅務亦仰驗契完備收稅明白附  
曆出榜遍行禁治相應都省准呈

至元二十八年三月欽奉詔書內一款數年

以來所在商賈多爲有勢之家占擬行市豪奪  
民利以致商賈不敢往來物價因而湧貴在都  
令監察御史在外令按察司常切用心糾察按  
治

濫給文引 至元二十三年十二月中書省樞  
密院呈腹裏州城諸投下官司信從人戶以江  
南等處作買賣爲由濫放文引因而般取軍人  
在逃使管軍官不能拘繫擬合遍行禁約都省  
議得今後諸人若因事或爲商賈前去他所勾

當經由有司衙門陳告取問隣佑是實令人保  
管別無違礙方許出給差引明置文簿銷照外  
擬其餘衙門并各投下官司雖有印信無得擅  
行出給文引

至元二十四年七月尚書省樞密院呈議得  
蒙古軍人凡關礙軍馬調度勾補逃亡軍人一  
切大小軍中勾當合從蒙古與魯官司出給差  
劄各軍若爲私已勾當諸處買賣等事於本管  
與魯官司具狀陳告行移所管有司依例出給



文引兩相關防似爲便當都省准呈

至元二十六年八月內樞密院議得管軍大小衙門翼所自來不係有司毋得擅給民匠諸色客旅人等文引及不得將官司應拘禁之物隱藏夾帶不令納官違者究治

和雇和買 至元五年八月中書省奏中都路每半應辦馬駝稗草掘忙兀魯海牙那懷呂合刺也的迷失等所管人匠合無與民一體和買准奏今後仰忙兀魯海牙那懷呂合刺也的迷

通市非刑十八  
失等所管人匿并不以是何諸色人等但種田  
的都教和買者其合該價錢照依街市實直劃  
時給散毋致尅減刁蹬人難

至元十九年十月欽奉詔書內一疑和雇和  
買並依市價不以是何戶計照依行例應當官  
司隨即支價毋得逗遛刁蹬大小官吏權豪勢  
要之家不許因緣結攬以營私利違者治罪

至元二十一年四月中書省戶部呈大都管  
下州縣和采和買米糧料草一切所須官給價

錢內有給不到數目及將元降料鈔私下換作爛鈔散與百姓都省議得如遇關支和買和糶鈔數明白開寫行移合屬須管依數給散毋致因而換易違錯御史臺嚴加體察

至元二十六年七月尚書省御史臺呈山東道按察司申每年和買段疋合趁絲蠶收成時分和買織造官民俱便及令各處官司遞相體覆保勘就申合干上司但有不實體察都省准呈

至元二十八年四月中書省御史臺呈禮部  
應做好事合用物價每件須有減駁多破鈔數  
官府因循作弊本臺議得各處今後凡有和買  
諸物必須從實估價合該上司體履相應依數  
支放如有多估不實取問當該官吏招伏以其  
冒估之數多少論罪追徵餘價還官若元估相  
應故行減駁虧損人民亦行治罪在內監察御  
史在外肅政廉訪司體察都省准呈

大德七年三月中書省宣徽院呈起運上都

米麵等事送戶部與禮部一同議得凡雇車運物不分粗細例驗舫重里路官給脚價以此叅詳今後起運上都米麵等物合從宣徽院選委有職役廉幹人負長押先將合起物色一一親臨秤盤裝發打角完備如法封記斟酌合用車輛令大都路巡院正官召募有抵業信實車戶明立脚契編立牌甲遞相保管然後許令攬運各於契上開寫所載箱包布袋各各舫重眼同交盤責付車戶收管及令重護封頭長押官通

行管押如運至上都交收辦得封記打角俱無  
損壞布袋箱包亦不鬆慢秤盤筋重又與元攬  
相同中間却有短少不堪蓋爲押運人負裝發  
之際失於照畧着落追陪相應若苦蓋不如法  
裝卸不用心致有損失雖封記俱全比元封打  
角鬆慢或去封頭箱包布袋破漏交出短少不  
堪者即是車戶不爲照畧或因而侵盜就將行  
車人監勒追徵不敷之物照依脚契先驗元雇  
車戶均徵更有追補不足者着着落當該雇車官

司補納仍以物多寡量情斷罪押運人負回還  
須要納獲無欠朱鈔銷照及經過村坊店戶之  
家排門粉壁無得寄頓糴買官物都省准呈

至元四年三月敕奉詔書內一欵節該諸王  
駙馬經過州郡從行人負多有非理需索官吏  
黃緣爲姦用壹鳩百重困吾民自今各體朝廷  
節用愛民之意一切懲約毋蹈前非其和雇和  
買驗有物之家隨即給價尅減欺落者從監察  
御史肅政廉訪司體察究治欽此

延祐元年十月中書省戶部呈益都廣平等  
路和買皮貨時估爭懸今後各處合報諸物時  
估司縣正官親行估體實價開申路府摘委文  
資正官首領官通行比較務要相應開具估體  
比較官負職名依期申部凡遇和買即今拘該  
官吏估體完備正官比對時估無差方許支價  
如後照勘或因事發露却有冒濫者著落估體  
比較官吏追陪似革苟且因循之弊亦免減駁  
往復紊繁都省准擬



市舶 延祐元年七月十九日欽奉聖旨節該  
中書省奏在前設立市舶下番博易非圖利國  
本以便民比聞禁止以來香貨藥物銷用漸少  
價直陡增民用闕乏乞開禁事准奏仰於廣東  
泉州慶元復立市舶提與司杭州依舊設立市  
舶庫專知市舶公事直隸行省管領諸人不得  
攪擾沮壞所有法則開列于后

一金銀銅錢鐵貨男子婦女人口絲綿段疋  
銷金綾羅米糧軍器並不許下海私販

諸番違者船商船主綱首事頭火長各  
決壹佰柒下船物俱行沒官若有人首  
告得實於沒官物內壹半充賞重者從  
重論發船之際仰本道廉訪司嚴加體  
察

一抽分則例粗貨拾伍分中抽貳分細貨拾  
分中抽貳分擬船商回帆已經抽解訖  
物貨市舶司並依舊例於抽訖物貨內  
以叁拾分爲率抽要船稅壹分通行結

課不許非理刁蹬舶商取受錢物違者  
計贓以枉法論罪

一諸王駙馬權豪勢要僧道也里可溫答失  
蠻諸色人等下番博易到物貨並仰依  
例抽解如有隱匿不行依理抽解許諸  
人首告取問是實錢物沒官犯人決杖  
壹佰柒下有官者罷職仍於沒官物內  
壹半付首告人充賞若有執把免抽聖  
旨懿旨仰行省宣慰司廉訪司就便拘

收

一拘該市舶去處行省官宣慰司官市舶司  
官不得拘占船舶捎帶錢物下番買賣  
如違許諸人首告取問是實犯人決杖  
壹佰柒下罷職不叙錢物沒官沒官物  
內壹半付告人充賞船主事頭不舉首  
者同罪

一下番使臣在前託以採取藥材根買希罕  
寶貨巧取名分徒費廩給今後並行禁

止果有必合遣使者從中書省聞奏差  
遣其餘諸衙門近侍人等不得干預朝  
廷若有宣索諸物責令順便番船綱首  
博易納官

一諸處船商每遇冬汛北風發船從船商經  
所在船司陳告請領總司衙門元發公  
驗公憑並依在先舊行關防體例填付  
船商大船請公驗柴水小船請公憑願  
往番邦明填所往是何國土經紀不得

詭寫管下洲島別名亦不許越過他國  
至次年夏汛南風回帆止赴元請給驗  
憑發船舶司抽分不許越投他處船舶司  
各處市舶司如不係本司元發船隻亦  
不得信從風水不便巧說事故一面抽  
分違者決伍拾柒下解見任因而受財  
者以枉法論如本船舶司依見定例抽解  
訖從船舶商發賣與般販客人亦依舊例  
就於所在船舶司請給公遣從便於各處

州縣依例投稅貨賣如不於元指所往  
番邦經紀轉投別國博易物貨雖稱風  
水不便並不憑准船物盡行沒官船商  
船主綱首事頭火長各杖壹佰柒下若  
有告首者於沒官物內壹半付告人充  
賞

一船商請給公摠照舊例召保船牙人保明  
某人招集人伴幾名下船船收買物貨  
往某處經紀公驗開具本船財主某人

直庫某人稍工某人雜事等某人部領  
等某人碗手某人作伴某人船隻力勝  
若干檣高若干船面濶若干船身長若  
若干每大船壹隻止許帶柴水船壹隻捌  
檣船壹隻餘上不得將帶所給大小船  
公驗公憑各仰在船隨行如有公驗或  
無公憑及數外多餘將帶即是私販許  
諸人告補得實犯人決壹伯柒下船物  
俱沒官沒官物內壹半付告人充賞所



載柴水捌槽小船於公憑內備細開寫  
亦於公驗內該寫力勝若干檣高若干  
船面闊若干船身長若干召到物力戶  
某人委保及與某人結爲壹甲互相作  
保如將帶金銀違禁等物下海或將姦  
細歹人回船并元委保人及同結甲人  
一體坐罪公驗後空紙捌張行省用訖  
縫印於上先行開寫販去物貨各各名  
件觔重若干仰綱首某人親行填寫如

到彼國博易物貨亦仰綱首於空紙內  
就於地頭即時日逐批寫所博到物貨  
名件色數點秤抽分如曾停泊他處將  
販至物貨轉變滲泄作弊及抄填不盡  
或因事敗露到官即從漏舶法決杖壹  
伯柒下財物沒官保內人能自告首將  
犯人名下物貨壹半充賞如舶司官吏  
容庇或覺察得因事發露到官定將官  
吏斷罷不叙所給公驗行中書省置半

印勘合文簿立定字號付綱首某人收  
執前去某處經紀須要遵依前項事理  
所有公憑小船並照公驗一體施行

一海商不請驗憑擅自發船並許諸人告捕  
船商船主綱首事頭火長各杖壹佰柒  
下船物俱行沒官於沒官物內壹半付  
告人充賞如已離船司即於公路所在  
官司告捕依上追斷給賞

一海商自番國及海南收販物貨到國已赴

市舶司抽分而在船巧爲藏匿者卽係  
漏舶並行沒官仍許人告首依例於沒  
官物內壹半充賞犯人決杖壹佰柒下  
一舶商去來不定多在海南州縣走泄細貨  
仰籍定姓名仍令海南海北廣東道沿  
海州縣鎮市地面軍民官司用心關防  
如遇回船舶隻到岸嚴切催趕起離前  
赴市舶司抽分如官吏知情容縱決伍  
拾柒下受賂者計贓以枉法論罪

一市舶司招集舶商船隻行省以下衙門不得差占及有新造成船舶之家並仰籍定數目今後亦不得差占有妨舶商興販經紀其有運糧船隻不得因而夾帶奪占失悞海運

一各處市舶司每年辦到舶貨除合起解貴細之物外擬其餘物色必須變賣者所委監抽官監臨有司隨即估計實直價錢再令不干礙官司委廉幹正官復估

相同別無虧官損民將民間必用并不  
係急用物色驗分數互相配答須要一  
併通行發賣作鈔解納並不許見任官  
府權豪勢要人等詭名請買違者許諸  
人首告得實將見獲物價盡數沒官於  
沒官價內壹半付告人充賞犯人決杖  
陸拾柒下仍仰監察御史肅政廉訪司  
嚴行體察

一番船南船請給公驗公憑回帆或有遭風

被劫事故合經所在官司陳告體問的  
實移文市舶司轉申總司衙門再行合  
屬體覆如委是遭風被劫事故方許銷  
落元給驗憑字號若妄稱遭風被劫事  
故私搬物貨欺謾官司送所屬勘問是  
實船商船主綱首事頭火長各決壹伯  
柒下同船梢水人等各決柒拾柒下船  
物盡行沒官若有人首告於沒官物內  
壹半充賞或有公途山嶼灘岸停泊漏

水取柴恐有梢碇水手搭客等人乘時  
懷袖偷藏貴細物貨上岸博易物件或  
著船商之家回帆將到船司私用小船  
推送食米接應船船却行般取貴細物  
貨不行抽解即是滲泄並聽諸人告捕  
全行斷沒犯人杖壹佰柒下告捕人於  
沒官物內壹半充賞仍仰泇海州縣出  
榜曉諭嶼嶼等處鎮守軍官巡尉人等  
常切巡捉催趕船隻隨即起離彼處不



許久停直至年例停泊去處劃時具申  
各處市舶司差廉能官封堵坐押赴元  
發市舶司又行差官監般入庫檢空船  
隻搜檢在船人等懷空方始放令上岸  
如在番阻風住冬不還者次年回帆取  
問同船或同伴船隻人等是實依例抽  
分若是妄稱風水不便轉折買賣許諸  
人首告得實船商船主綱首事頭火長  
各決壹伯柒下同船梢水人等各決柒

一海商每船募綱首直庫雜事部領梢工碇  
手各從便具名呈市舶司申給文憑船  
請火印爲記人結伍名爲保  
一海商貿易物貨以舶司給籍用印關防具  
拾柒下船物盡行沒官沒官物內壹半  
付告人給賞

一海商所用兵器并銅鑼作具隨船泊處具  
數申所屬依例寄庫起船司給付除外  
多餘將帶同私販法

一海商每船募綱首直庫雜事部領梢工碇  
手各從便具名呈市舶司申給文憑船  
請火印爲記人結伍名爲保  
一海商貿易物貨以舶司給籍用印關防具

注名件劬數綱首雜事部領梢工書押  
回日以物籍公驗納市船司

一行省市船司官每歲斟酌船船回帆之時  
本省預爲選差廉幹官實比之肆月已  
裏須到抽解處所等待船船到來隨即  
依例封堵挨次先後抽分不得因而遲  
延走泄物貨其所差監抽官亦不得違  
期前去停滯船商人難

一定到船法抽分則例關防節目仰行省各

起市舶司所在官負奉行謹守不得疵  
裂違犯行御史臺廉訪司常加體察毋  
致因而看循廢弛

一番因遣使賚擎禮物赴闕朝見仰具所賚  
物色報本處市舶司秤盤檢驗別無夾  
帶開申行省移咨都省如隱藏不報或  
夾帶他人物貨不與抽分者並以漏船  
論罪斷沒仍於沒官物內壹半付告人  
充賞其船船果有順帶南番人番物者

從本國地頭於元給船公驗空紙內  
明白填付姓名并物貨名件觔重至船  
司照數依例抽解番人回還本國亦於  
所在番船公驗內附寫將去物貨不許  
夾帶違法之物如到番國不復回程却  
於元賚公驗空紙內開除附寫緣故若  
有一切違犯並依前罪上坐船商船主  
一船商下海開船之日仰市船司輪差正官  
壹員親行檢視各各大小船內有無違

禁之物如無夾帶即時放令開洋仍取  
本司檢視官重甘罷職結罪文狀如將  
來有人告發或因事發露但有違禁之  
物決杖捌拾柒下解見任降貳等受財  
容縱者以枉法論却不得因而非理搔  
擾舶商本道肅政廉訪司嚴加體察  
一船商梢水人等落後家小所在州縣常加  
優恤

一抽分市舶關防節目若有該載不盡合行

事理行省就便斟酌事宜從長施行

下番 至元二十五年八月中書省御史臺呈  
海北廣東道提刑按察司申廣州官民於鄉村  
糴米伯碩阡碩至萬碩者往往般運前去海外  
占城諸番出糴營求厚利擬合禁治都省准呈  
中寶 至大四年三月欽奉詔書內一欵諸人  
中寶蠹耗國財比者寶合丁乞兒八谷私買所  
盜內府寶帶轉中入官既已伏誅今後諸人毋  
得似前中獻其扎蠻等所受管領中寶聖旨亦

仰追收欽此

牙行 至元二十三年六月中書省照得先爲  
蓋里赤擾害百姓已行禁罷况客旅買賣依例  
納稅若更設立諸色牙行抽分牙錢剗削市利  
侵漁不便除大都羊牙及隨路買賣人口頭疋  
莊宅牙行依前存設驗價取要牙錢每拾兩不  
過貳錢其餘各色牙人並行革去

皇慶元年三月中書省御史臺呈近年都下  
諸物價騰蓋因各處所設船行步頭刁蹬客旅



把柄船戶以致舟船溢滯貨物不通擬合嚴行督責各處瀕河提調官司常加禁治於本土有抵業之人量設貳參名榜示姓名以革濫設之弊刑部議得合准臺擬仍令監察御史廉訪司常切體察都省准呈

皇慶元年八月中書省照得大都羊市設官恢辦稅課皮毛若遇官買亦須兩平支價其所委買羊之人往往指勒羊主賤買或不即給價營利轉賣及權豪勢要之家挾勢強買又一等

無賴之徒迎接給占乾要蓋利羊牙人等多取  
牙錢驚擾羊客公私不便已嘗禁治今體知得  
諸衙門往往亂行批寫印帖就市強行奪買羊  
口無賴之徒擾害客旅如有違犯之人許諸人  
捉拏到官嚴行治罪及劄付御史臺體察

雇船文約 至元三十一年二月中書省議得  
今後凡江河往來雇船之人須要經由管船衙  
頭人等參面說合明白寫立文約船戶端的籍  
貫姓名不得書寫無籍貫并長河船戶等不明

文字及保結攬載已後儻有踈失元保飯頭人等亦行斷罪及將保載訖船戶并客旅姓名前往何處勾當置立文簿明白開寫上下半月於所屬官司呈押以憑稽考

私賄 至元十三年四月十三日中書省奏雲南省裏行的怯來小名的回回人去年提奏來江南田地裏做買賣的人每將着貳子去雲南是甚麼換要有做買賣的人每私下將的去的教禁斷了江南田地裏市舶司裏見在有的貳

子多有譬如空放着將去雲南或換金子或換馬呵得濟的勾當有奏呵那般者聖旨有呵去年的貳子教將的云南去來那其間那裏的省官人每說將來雲南行使貳子的田地罕有與鈔法一般有貳子廣呵是甚麼貴子百姓生受有腹裏將貳子這裏來的合教禁子有說將來呵兩箇的言語不同有那裏衆官人每與怯來一處說了話呵說將來者麼道與將文書去來如今衆人商量了說將來將入來呵不中是甚

麼貴子百姓每也生受有百姓每將入來的官  
司將入來的禁斷了都不合教將入來麼道說  
將來有俺商量得不教將入去呵怎生奏呵休  
教將入去者聖旨了也欽此

通制條格卷第十八

新木十力

十一

三才圖會

通制條格卷第十九

捕亡

防盜 至元二十八年六月中書省奏准至元  
新格

諸管軍官職當鎮守其要盜賊不生管民官  
職當撫治其要安靜不擾今後行省行  
院凡於所屬若管民官撫治不到以致  
百姓逃亡管軍官鎮守不嚴以致盜賊  
滋盛即須審其所由依理究治

諸行院到任取會所管地分見有草賊起數  
相其事宜嚴諭諸處軍官各使鎮守有  
法招捕得宜期於盜息而已仍將見有  
起數先行報院今後每季具已未招捕  
起數并有無續生賊人咨院呈省

諸盜賊相聚初非同心或被嚇從或爲誑誘  
其行省行院常須多出文榜許令自相  
首捕若始謀未行隨即告發或已相結  
聚能自捕獲者量其事功理賞



諸盜賊生發當該地分人等速報應捕官司  
隨即追捕如必當會合隣境者承報官  
司即須應期而至併力捕逐勿以彼疆  
此界爲限違者究治

諸草賊招捕旣平之後仍須區處得宜防備  
周密嚴責合干官司常令用心無致疎  
慢

諸捕盜官如能巡警盡心使境內盜息者爲  
上雖有失過起數而限內全獲者爲次

其因失盜累經責罰未獲數多者爲下  
到選之日考以實跡定其陞降即南方  
見有盜賊去處若平治有法使盜清民  
安者別議聞奏陞擢

至元二十三年七月中書省江浙省咨婺州  
永康縣賊人陳巽四等聚集作耗事准此於八  
月二十七日奏忙古歹省官每與將文書來這  
賊每普濟寺裏聚著頭造衣甲軍器來如今江  
南地面裏山林裏人煙稀少寺觀多有賊人聚

集作關去起生發的先生和尚每官人每根底  
不說有既這般聚集做賊說謊的每先生和尚  
每官人每根底來說呵與賞不說呵與賊每一  
同斷罪麼道說將來俺商量得依忙古歹說來  
的行文書呵怎生奏呵是也行文字者麼道聖  
旨了也欽此

捕盜責限 至元七年正月中書省右三部呈  
彰德路申李僧住狀告寅夜不知何人就本家  
將母阿任打傷身死照得失過盜賊定立參限

根捕別不該被賊無故殺人捕限體例本部議  
得今後無故殺人合與強盜一體立罪賞都  
省准擬

至元七年六月尚書省刑部呈議得今後故  
燒官府廨宇宅舍賊人既是比同強劫盜賊其  
捕盜官無擬合一體立罪賞都省准呈

至元十四年七月欽奉聖旨立按察司條畫  
內一欵節該守土官常切覺察毋致盜賊生發  
或有賊人起於不意即時申報上司并行移隣

近官司併力捕捉如申報稽遲并有失覺察致令滋蔓結成群黨者糾察

至大四年十一月中書省刑部呈議得捕盜官兵失過盜賊格前違限不獲合行革撥格後違限不獲者既正賊不該原免捕盜官兵亦合依例追斷都省准擬

延祐元年六月十四日中書省奏前者河西務一起賊人船裏住着強劫錢殺傷人命的上頭兵馬司官人每教那裏的軍官添氣力拿賊

麼道說呵軍官每不曾肯有又爲偷盜了官頭  
口的上頭差人根趕至慶元路去呵將那賊每  
也捉獲了沿路來的時分經過的城子裏索防  
送的人呵不是俺管的地面賊有麼道不曾添  
氣力來軍官每并管民官似這般不添氣力呵  
怎中公事鬆慢了去也者各處捕盜官兵教公  
謹捕捉賊人者拿賊時分附近的軍官并管  
民官每不以是誑教做伴的各處遍行文書大  
都兵馬司官人每根底與添氣力聖旨呵怎生

奏呵那般者與者麼道聖旨了也欽此  
捕盜功過 至元六年二月中書省刑部呈漶  
州等路各狀申管下司縣失過盜賊遠限不獲  
及賞錢等事都省議得捕盜人負本境內如有  
失過盜賊却獲別境作過賊徒擬合准折除過  
謂如捉獲別境作過強盜或偽造交鈔貳起各  
准本境內強盜壹起無強者准切盜貳起如獲  
切盜貳起亦准強盜壹起既是准折除過其賞  
不須給付如本境內別無失過起數但獲強切

盜賊依上理賞若應補人負承准事主及諸人  
告指捉獲不在准除理賞之限

大德七年十月中書省刑部呈儀封縣簿尉  
李思柔大德五年十二月二十六日例後未獲  
切盜肆起強盜貳起除拿獲別境強盜壹起印  
造僞鈔壹起例合准除本境強盜壹起外有未  
獲切盜肆起數不滿伍未該添資却有強盜壹  
起擬合通作伍起添壹資歷省准

巡警 大德四年九月中書省刑部呈大都路



申右衛軍營見於永清縣所轄地面置立其本  
縣見設尉司弓兵即係職掌捕盜雖是本衛編  
立牌甲自行巡捕止合拘鈐軍人終非有司擬  
合令永清縣於本衛關廂巡捕本部議得古衛  
關廂如遇火盜生發既責有司官兵捕限根緝  
合依大都路所擬省准

倉庫被盜 大德六年三月中書省樞密院呈  
倉庫巡防盜賊等事刑部議得倉庫被盜如有  
賊人出入蹤跡明白正賊未獲者着落當該園

宿軍官軍人追陪無明白蹤跡者於倉庫官司  
倉司庫人等名下追陪候獲正賊却行追還陪  
納之人都省准擬

大德六年九月中書省刑部呈右八作司被  
盜督勒兵馬司捉賊仍取到圍宿軍官軍人防  
禁不嚴并八作司官守宿人等有失覺察各各  
招伏另行斷遣外議得八作司屢經被盜蓋因  
每日支納官物人衆烏雜提舉司與圍宿軍官  
不設防禁賊人恣意出入視物易取此生盜之

源也擬合立法防禁以備不虞叅詳八作司除  
正門外周圍院墻築打高厚其墻頭裏外多用  
棘針榑查使賊人不能上下出入將煩物屋壁  
用磚壘砌門窻鎖鑰堅牢據應收到荆筐榑籬  
箱匱栲栳席簟似此可以藏賊之物不許露地  
煩放亦合令蓋教房收貯封鎖門戶每日收支  
諸物令把門軍官軍人用心關防出則搜檢毋  
使夾帶每至日暮八作司正官親將教門封鎖  
司官司庫合干人與園宿軍官人等眼同院內

通志卷之六  
教外仔細搜巡別無停藏賊人軍官親驗教門  
鎖訖然後俱出仍置文曆開寫搜巡司官人等  
花名畫字及封鎖正門畢將應有鎖匙與搜巡  
文曆一處用匣封鎖依例八作司提舉收掌至  
晚本司正官壹員與司庫合干人各壹名輪番  
守宿當該圍宿軍官號令軍人坐鋪知更持鈴  
擊柝各執軍器把守圍繞至明本司官人等與  
軍官軍人驗封開門同入搜賊如獲賊徒隨即  
發付兵馬司追問若是軍官司官人等搜巡不

嚴藏下賊人當該軍官司官人等比依捕捉不獲切盜中限例俱各斷罪如不獲賊均陪所盜官物若賊踰牆而入盜訖官物者本處坐鋪軍人照依不獲切盜末限例斷罪如不獲賊追陪所盜物貨再犯加壹等軍官初犯罰俸壹月再犯決壹拾柒下若有強劫倉庫賊人依不獲強盜末限例將軍官軍人俱各斷罪仍令兵馬司依例責限捉賊其餘倉庫一體施行都省議得若遇強劫賊徒圍宿巡鋪軍官軍人力所不及

者似難追斷餘准所擬

延祐元年七月中書省刑部呈河南省宣使  
張從政閔撥到鈔本於彰德路唐宋站界不見  
訖至元折中統鈔叁拾陸定壹拾兩歸問間欽  
遇詔赦參詳所失鈔本比獲正賊着落押運官  
庫官庫子站船梢工孫千兒等并防送軍兵巡  
宿丁壯均徵納官仍督勒應捕官兵根緝正賊  
須要得獲追贓數足至日驗數給付都省准呈  
追捕 至元八年二月中書省刑部呈北京路

申各縣俱有巡尉惟錄事司兼管捕盜遇有失  
過盜賊依限不獲即不見合停錄事或錄判俸  
給刑部議得元奉中書省劄付止令錄事司捕  
盜別無擬定何負兼管明文擬令錄事司官輪  
番巡捕遇有失盜止坐巡捕官負省准

至元五年閏正月中書右三部益都路申捕  
盜正官遇有公出或病疾事故時暫委官權管  
若有失盜并正官任內有不獲賊人新官替下  
未審如何停俸省部相度捕盜官捉賊即是本

職如疾病公出事故擬令本處其餘正官時暫  
兼管若有失盜違限不獲正賊止取捕盜官招  
伏依例停罰據捕盜官任內未獲賊人既已替  
下不須定奪

至元十年五月中書省兵刑部呈博州路王  
阿丁被賊燒訖房舍縣尉羅旺貳限不獲賊人  
得替新任縣尉劉源末限不獲議得去官未及  
限蒲後官亦非界內各免停罰弓手依例斷決  
都省准擬



至元二十三年二月二十七日欽奉聖旨節  
該賊根底民官軍官一處鎮壓者賊生發呵一  
處拿者賊根底拿不獲呵罪過他每根前要者  
欽此

至元二十三年三月中書省兵刑部據益都  
路申軍人和尚牛群內被盜牛隻經隔貳拾餘  
日才行申官委的難以追襲捉賊若同被盜財  
物一例責罰捕盜官兵實是虛負省部相度如  
事主委的不曾隨即申官督勒合捕盜官兵常

川根捉正賊得獲追勤

作本一

通制條格卷第十九

通制條格卷第二十

賞令

告獲謀反 至元六年二月十二日伯顏右丞  
等奏東平府司吏元鑑告至元五年親手拿住  
胡王先生伴當任萬寧令知首告四人已蒙遷  
賞臣等議得擬充部令史仍賞鈔十定奉聖旨  
那人勾當得呵行者勾當不得呵止與賞賜者  
欽此

至元二十八年九月尚書省刑部呈興寧縣

主簿李宇告發李英俊謀反等事已將各賊處  
斷家產籍沒不爲無功擬於本官應得資品上  
量陞二等都省准呈

至元二十九年三月中書省湖廣行省咨興  
國路大治縣民戶周鼎親獲謀反首賊范文興  
等若將本人擢賞相應都省議得周鼎首獲叛  
賊功效量擬本人於縣尉內任用

軍功 大德六年十月中書省議得今後應有  
首告捕獲作耗叛亂首從賊徒者寧息之日從

總兵官隨即考究實績開具某年月日何人首  
告某處某賊作耗某年月日某人於何處與賊  
如何相殺獲功將殺死捉獲首從人數合合備  
細緣由從實保勘明白別無爭功之人行移行  
省宣慰司再行委官體覆是實以憑定奪但有  
妄冒不實者監察御史廉訪司依例體察乃將  
妄冒人真并保勘體覆官吏黜降斷罪

元貞二年三月中書省御史臺呈前江西行  
省都事高芝自設方畧擒獲耗賊桂早軍前對

通制例  
衆正典刑訖若蒙陞用以示激勸刑部議得高  
芝智獲耗賊桂早不爲無功量擬減一資歷陞  
轉都省准呈

皇慶元年五月中書省江西行省咨廣東道  
宣慰司備潮州路申大德九年七月內海陽縣  
大麻寨鍾友鳴與雷貴安率本寨首目招到賊  
二伯餘人各執鎗刀器械圍掩本寨發噉突入  
殺傷劉鎮撫將雷貴安捉去倒吊生取心肝財  
物人口盡行殺虜移請本路同知忽都都武畧

体問撫諭仍斟酌彼中事体從宜區處會合收  
捕本官單舟獨進直抵壘門隨宜定計不動干  
戈五日之内追寃被虜雷阿刘等二十二人圍  
聚活獲賊首鍾友鳴等九名歸勘獄成刑部議  
得同知忽都都所獲殺掠百姓強賊九名救回  
被虜老小二十二名功實可嘉合於本官應得  
品給上量陞一等遷用都省准擬

皇慶元年十二月中書省湖廣行省咨八番  
順元宣慰都元帥府准總兵官宣慰使都元帥

燕帖木兒鎮國咨大德十一年正月內當職領  
兵將引本司令史馮夢弼收捕反賊至落白州  
歹蠻落向一十餘寨聚衆發噉與軍相殺馮夢  
弼贊畫招諭出官安業并其餘未附甘場等蠻  
民一萬餘戶俱已出官送納差稅又至大二年  
正月六寨歹蠻聚衆把隘將蠻官的約殺死當  
職引兵前去差委馮夢弼分道招喚被歹蠻五  
伯餘人圍困一晝夜意欲殺害本人多方化諭  
歹蠻一千餘戶出官認辦軍糧看詳令史馮夢



弼不勞士卒不費錢糧二次招諭叛賊出官別  
無爭功之人乞擢用事刑部議得八番順元等  
處宣慰司令史馮夢弼根同宣慰使燕帖木兒  
二次抵巢招喚被歹壘圍困多設方畧化諭一  
千餘戶出官安業總兵官保勘明白合候本人  
考滿於應得資品上擬陞一等都省准擬

皇慶二年六月中書省湖廣行省咨八番順  
元宣慰司令史齊庭桂根隨都元帥宣慰使統  
領軍馬會合雲南收捕叛賊到於普定順元兩

界有叛賊馬助的楚等三千餘人庭桂與軍一  
體迎敵混殺用箭射死歹蠻三名割到首級奪  
訖馬疋元帥就給充賞又賞訖弓箭總兵官保  
勘體覆是實廉訪司體訪得委有前功連到的  
本牒文刑部議得齊庭桂根同宣慰使收捕叛  
賊馬助與軍一體相未獲功保勘體覆相同如  
後本人考滿於應得資品上擬陞一等都省准  
擬

獲賊 皇慶元年十月中書省刑部呈孫朶台

陳言捕獲強切盜賊贓伏已明許令有司隨即  
贓罰分內支賞庶使人肯用心本部約會吏部  
一同議得今後諸人告獲強切盜賊如贓伏明  
白別無疑詞例合給賞者拘該官司隨即於不  
以是何係官分內就便支撥具數申呈合干上  
司年終通行照筭庶使人肯尽心盜賊弭息如  
有單差不實罪及當該官司都省准呈

大德五年二月二十六日中書省奏諸人告  
獲強盜每名官給賞錢至元鈔伍拾貫切盜貳

拾伍貫親獲者位之獲強盜至伍人與壹官其  
捕盜官及應捕人如本境失過賊人者聽功過  
相折數外合理賞者比常人減半獲強盜至伍  
人捕盜官減壹資歷至拾人應捕人與壹官捕  
盜官陞一等其餘他處公文及諸人告指而獲  
者不在論賞之例

皇慶元年十一月十三日中書省奏前者滄  
洲等處一起賊人踏踐田禾射死田主許大上  
頭各處差人捕捉去河南抵黃河回到山東北

至大寧來往拒敵殺傷射死官兵人等如今已  
獲賊內阿失歹兒覩海塔海三名已招明白五  
府官審錄無寃將這三個賊明正典刑支解發  
付各處諭衆號令拏這賊每時分射死了寃徹  
大王來這阿失歹兒等賊人柒口家屬斷付與  
寃徹大王爲軀官司更與中統鈔伍伯定射死  
的捕盜官真應繼之人本等承襲官司仍給埋  
葬錢中統鈔一拾定射死的弓手田主人等官  
給各家中統鈔壹拾定外弓手依例存恤貳年

被傷流官任回減一資被傷投下官真弓手官  
給各人鑿藥錢中統鈔伍定射死賊人來的闊  
闊歹駙馬與兩表裏金段子呵怎生奏呵奉聖  
旨那般者依着您商量來的行者聖旨了也欽  
此

大德十一年二月中書省刑部呈各處官真  
在任捕獲盜賊如應遷賞理合明具公文於所  
屬陳告其所司隨即照勘開寫元發事頭如何  
捉獲分豁本境別境有無合准折起數曾無承

准他處公文及諸人告指是否親獲有無爭功  
之人各賊略節所招情犯歸結緣由明白完備  
賧囊路分保結申部行省所轄保勘移咨都省  
以憑定奪若不依式保勘止於解由內朦朧開  
寫者不須行移照勘庶矯不明之弊都省准呈  
至元八年正月尚書省樞密院呈事王自獲  
強切盜賊亦合依例給賞刑部議得欽奉聖旨  
諸人告捕獲強盜壹名賞鈔伍拾貫切盜壹名  
賞鈔貳拾伍貫應捕人減半別無事主親獲賊

人給賞體例都省准擬

至元十三年五月中書省兵刑部呈宣使二月狗捉獲殺兄賊人阿禿合比捉獲強盜例賞鈔伍拾貫都省准呈

大德三年十一月中書省江浙行省咨鎮守信州萬戶府申凡遇盜賊巡檢尉司約會鎮守軍官一同巡補限內不獲亦有決罰如獲賊之人擬合加賞刑部議得各處鎮守軍官軍人如是親獲強切盜賊依例減半給賞都省准呈



捕虎 至元二十一年八月中書省兵部呈議  
得凡有虎害去處擬令本處官司嚴勒官兵及  
打捕之人多方捕殺或不係應捕之人自願設  
機捕獲者皮肉給付充賞都省准擬

獲偽鈔賊 大德七年十一月中書省刑部呈  
議得揚州路江都縣弓手王興親獲偽造寶鈔  
賊人鄭貴賞錢例應減半雖已身故擬合給付  
家屬都省准擬

至元四年七月中書省四川行省咨成都路

申句龍高狀首驅男醜奴用至元鈔貳兩於巴  
張花慶買到至元僞鈔肆兩句龍高若比例給  
賞誠恐差池刑部議得句龍高因驅醜奴買使  
僞鈔爲恐事發累及自行陳首難擬理賞都省  
准擬

大德七年十月中書省江浙行省咨杭州等  
路見禁印造僞鈔捌拾捌起貳佰柒拾肆人多  
係追取板鈔到官止是同犯壹貳名逃亡便作  
未完追勘今後若蒙照依強盜例但獲僞造實

鈔之徒追搜板印到官招贖明白即正典刑以  
塞造僞之源都省議得僞造寶鈔已獲賊徒追  
搜板印僞鈔贓物無疑廉訪司審復無寃先行  
結案首告捉事人賞錢如板印到官犯人招證  
明白廉訪司審錄無寃本路隨即當管給付仍  
申合干上司照驗若應給而遷延不給者聽廉  
訪司糾察治罪其事未發而自首者原其罪能  
捕獲同伴者仍減半給賞若有未獲賊徒應捕  
官兵依強盜例捕限緝捉仍令有司嚴加禁治

通典卷之二十一  
略節真書罪賞排門粉壁使民知懼迤相關防  
覺察

至大四年四月二十六日欽奉詔書內一款  
節該告獲印造僞鈔者賞銀伍錠仍給犯人家  
產應捕人減半告捕挑刺裨輳者賞中統拾錠  
犯人名下追給應給而不給者肅政廉訪司糾  
察欽此

至大四年四月二十六日欽奉詔書內一款  
節該諸造僞鈔其事未發自首者除其罪能自

捕獲同伴者減半給賞欽此

大德九年六月中書省陝西行省咨莊浪路  
司吏李濟捉獲印造偽鈔賊人趙失刺立吉等  
合該賞錢若便全給緣係請俸人吏刑部議得  
莊浪路司吏李濟即非應捕身役合得賞錢依  
例全行支付都省准呈

私酒 皇慶元年正月中書省江浙行省咨諸  
人告獲私酒犯人已招伏罪經釋免未審合  
無理賞都省議得告獲私酒犯人已招明白雖

經釋免依例追給

私曆 至元十七年六月太史院欽奉聖旨印  
造授時曆頒行天下敢有私造者以違制論告  
捕者賞銀一伯兩如無本院曆日印信便同私  
曆欽此

平反冤獄 至大元年六月中書省江浙行省  
咨浙東道宣慰司都元帥府呈衢州路司吏陳  
昌平反龍游縣枉問方德一殺死葉隆三江山  
縣毛文一代替張文六招承打死楊文六西安

縣誣問徐春娘因奸殺夫蔣萬六等虛招打劫  
葉貴四家財等寃獄廉訪司体察相同連到的  
本牒文刑部議得衢州路司吏陳昌平反寃獄  
如准於本道宣慰司令史內不次補用相應都  
省准呈

皇慶元年七月中書省江浙行省咨泉州路  
備市舶司提奉楊天瑞呈前任建寧路判官有  
建陽縣賊人葛令史作耗本路總管馬謀與鎮  
守張萬戶領軍因往收捕回至建寧路旣寧縣

界馬謀知得吉陽里張重九弟張重七有室女  
月娘幼美欲問爲妻本婦已許他人不從所說  
本官率領軍馬到於張重九家安下織羅張重  
七張重九曾受賊人劄付拷打逼尋月娘得見  
強行奸污女身及將各家資財人口盡數虜掠  
爲恐稱寃將張重七等九名遊街打死張重九  
等五人懸命在地當職親詣張重九等於本路  
公厅引問說出馬謀強奸室女妄行虜掠人口  
財物具經監察御史并本道按察司力言救活



張重九等五人性命及於馬謀總管張萬戶名  
下追到月娘并送与上下官吏撒花男女計一  
伯一十九名尽數放還各家父子夫婦完聚御  
史臺奏奉聖旨將馬謀明正典刑今連廉訪司  
的本牒文在前都省議得楊天瑞平反冤獄五  
人追回人口一百一十九名給親完聚理宜優  
陞於本官應得品級上量陞一等

皇慶二年二月中書省江浙行省咨南劔路  
推官潘允前任泉州路推官平反普江縣枉勘

平民陳每仔等五名屈招強劫許文卿家財殺  
死事主將各人辨明踈放未踰月間龍溪縣全  
獲正賊郭應等一十六名后除本路推官辨明  
邵武路元問龔順屈招踢死黃貴建寧路元問  
鄒天佑屈招踢死李二十五二起人命廉訪司  
體覆相同都省議得推官潘允平反寃抑事理  
量擬減一資歷

皇慶二年六月中書省江浙行省咨慶元路  
司獄郭東任內平反寃獄三起凡活六人本道

廉訪司嘉其用心三次察奉今已得代宜加陞  
用刑部議得司獄郭東平反寃囚內竺妙二等  
三名元招与妾同情藥死妻阮安三娘本官問  
得阮安三娘因痢疾身死又強賊錢十二起內  
林明二元招持杖下手殺人本官問得却係隨  
從賊人又強盜樂明二等事內顏曾一元招同  
情上盜本官平反即係無辜之人悉皆踈放各  
處保勘明白廉訪司体覆相同擬合於本官應  
得資品上量減一資都省准擬

至大四年七月中書省江浙行省咨平反冤  
獄官吏當爲之事今後須要細考實跡廉訪司  
體勘別無虛繆捏合量擬陞等減資如有不實  
罪及體勘官司庶革濫源刑部議得今後若有  
平反罪囚細考實跡明白本道廉訪司體覆是  
實總管上司保勘相同然後許動公文以憑定  
擬其或冒濫不實罪及保勘體覆官司以革僥  
倖之弊都省准呈

會赦給賞 皇慶元年正月中書省江浙行省

咨諸人賭博錢物并犯私鹽酒稅已招明白罪  
經釋免未納攤場錢物犯人家產告人賞錢合  
無追給刑部議得賭博錢物私鹽酒稅雖已招  
伏罪經釋免其攤場錢物并犯人家產既未追  
沒欽依革撥告人賞錢依例追給都省准呈  
獲逃驅 延祐二年七月二十二日也可扎魯  
忽赤奏薛禪皇帝時分逃驅被捉獲呵將拐帶  
的財物三分內一分與拿獲人充賞有來那勾  
當在後住罷了來如今百姓每爲不與賞麼道

見逃驅呵多不肯拿有准奏呵依在前体例裏  
三分內將一分與拿住人充賞呵怎生奏呵那  
般者麼道聖旨了也欽此

通制條格卷第二十

通制條格卷第二十一

醫藥

醫學 大德八年十月中書省湖廣行省咨湖  
南道廉訪司申訓誨醫生等事禮部移准太醫  
院閔如准所言允當都省准擬

一各處應設學校大小學生今後不令坐齋  
隸業有名無實者初次教授罰俸壹月  
正錄各罰中統鈔柒兩再次教授罰俸  
兩月正錄視前例倍罰叁次教授正錄

取招別議仍各標注過名其提調官視  
教官例減等初次罰俸半月再次壹月  
參次兩月

一各處學校若有大小生負在學而訓誨無  
法課講鹵莽苟應故事者初次教授罰  
俸半月正錄各罰中統鈔伍兩再次教  
授罰俸壹月正錄各罰中統鈔柒兩參  
次教授正錄取招別議仍各標注過名  
提調官初次罰俸拾日再次半月參次



壹月

科目 大德九年五月中書省禮部呈澤州知  
州王祐言考試醫學事理移准太醫院關送據  
諸路醫學提舉司申各處設立醫學蒙都省令  
太醫院講究到合設科目壹拾叁科合爲拾科  
各有所治經書篇卷方論條目擬合遵依已定  
程式爲考試之法不精本科經書禁治不得行  
醫今將程式科目各習經書開具于后都省准  
呈

一程式太醫合設科目

大方脉雜醫科 小方脉科

產科兼婦人雜病科 口齒兼咽喉科

風科 正骨兼金鑲科

眼科 瘡腫科

鍼灸科 祝由書禁科

一各科合試經書

大方脉雜醫科

素問壹部

難經壹部

神農本草壹部 張仲景傷寒論壹部

聖濟總錄 八十二卷

小方脉科

素問壹部 難經壹部

神農本草壹部

聖濟總錄壹拾陸卷 第一伯陸拾柒至壹伯捌拾貳卷

風科

素問壹部 難經壹部

神農本草壹部

聖濟總錄壹拾陸卷

第五至貳拾卷

產科兼雜病科

素問壹部

難經壹部

神農本草壹部

聖濟總錄壹拾柒卷

第壹佰伍至壹佰貳拾壹卷

眼科

素問壹部

難經壹部

神農本草壹部

聖濟總錄壹拾參卷

第壹佰貳至壹佰壹拾肆卷

口齒兼咽喉科

素問壹部

難經壹部

神農本草壹部

聖濟總錄捌卷

第壹佰壹拾柒卷至壹佰貳拾肆卷

正骨兼金鏃科

素問壹部

難經壹部

神農本草壹部

聖濟總錄肆卷

第壹佰貳拾玖卷至壹佰肆拾肆卷

瘡腫科

聖濟總錄

素問壹部

難經壹部

神農本草壹部

聖濟總錄貳拾壹卷

第壹拾卷至壹拾陸卷又壹拾陸并壹拾貳拾伍至壹拾貳拾捌又壹拾肆拾壹卷

鍼灸科

素問壹部

難經壹部

銅人鍼灸經壹部

聖濟總錄肆卷

第壹拾玖拾壹至壹拾貳拾四卷

祝由書禁科

素問壹部

千金翼方貳卷

第貳拾玖至三拾

聖濟總錄參卷

第壹伯玖拾伍至壹伯玖拾柒卷

試驗太醫 延祐元年十一月二十二日御史  
臺奏監察每文書裏說有醫人每行醫的勾當  
學得會呵用得藥有學得低的差用了藥呵犯  
着人性命有隨朝太醫每學得高的也有年紀  
小的或承父兄倚托親戚醫人的勾當或省得  
省不得做太醫的也有各處教授提領行醫的  
勾當省不得的也有如今儒人每科舉裏選用  
有這醫人每教太醫院立定體式將他每試了

醫人的勾當學會的委付麼道說有俺商量來  
在前太醫院立着體式各處官司交習學醫業  
有來如今不曾依着那體例裏行的也有隨朝  
太醫每不曾考試便交行的也有似這般將他  
每不試驗取用若錯用了藥呵犯着人的性命  
有這裏的太醫每并各處鑿學教官交太醫院  
依着他每立來的體例裏試驗中的委付醫人  
的勾當省不得的合分揀有隨處鑿人每依在  
先體例裏考試會的交行醫各處官司若不依



這體例行呵交監察廉訪司官人每體察呵怎  
生奏呵除我認得的別箇的都是官人每保來  
的年紀小的醫人的勾當省不得麼道也奴太  
醫院官人每也曾說有來恁說的是有傷着人  
的性命去也依着恁奏來的交省家太醫院家  
好生試驗分揀者麼道聖旨了也欽此

惠民局 大德三年正月欽奉詔書內一款貧  
民病疾失於救療坐待其斃良可憫焉宜准舊  
例各路置惠民藥局擇良醫主之庶使貧乏病

疾之人不致失所欽此

假醫 至元五年十二月欽奉聖旨據提點太醫院奏開張藥鋪之家內有不畏公法者往往將有毒藥物如烏頭附子巴豆砒霜之類尋常發賣與人其間或有非違致傷人命及有不習鑿道諸色人等不通鑿書不知藥性欺誑俚俗假醫爲名規圖財利亂行鍼藥誤人性命又有一等婦人專行墮胎藥者作弊多端乞禁約事

准奏仰中書省通行隨路嚴行禁約如有違犯

之人仰所在官司究治施行欽此

光貞二年七月中書省御史臺備監察御史  
呈切見大都午門外中書省樞密院前及八  
兒等人煙輳集處有一等不畏公法假醫賣藥  
之徒調弄蛇禽傀儡藏撮撇鈸到花錢擊魚鼓  
之類引聚人衆詭說妙藥無知小人利其輕售  
或丸或散用錢贖買依說服之藥病相反不無  
枉死叅詳京師天下之本四方取法者也太醫  
院不爲禁治不唯誤人性命實傷風化理宜遍

行禁治郡省桂呈

通制條格卷第二十一

通制條格卷第二十二

假寧

奔喪遷葬 至元二十七年十二月尚書省吏部呈諸官吏人等祖父母父母喪亡并遷葬者合依舊例給假並除馬程日行柒拾里所據俸給送戶部議得奔喪遷葬既以人倫重事許給假限其限內俸鈔擬合支給都省議得依准所擬除程給假違限不到者勒停今將各各日限開具于後

祖父母父母喪亡假限參拾日

遷葬祖父母父母假限貳拾日

大德六年正月二十日樞密院奏除守把邊  
遠出征的軍官外其餘鎮守城池寧息地面裏  
有的軍官他每祖父母父母身故了呵依着民  
官每的體例定與限次交奔喪去呵怎生擬定  
來奏呵奉聖旨那般者欽此

大德元年十二月中書省御史臺呈雲南行  
省咨諸職官遷葬假限遠近不同若不明定格

例恐致差池都省議得除遷葬一節雲南比之  
中原地理懸遠難議給假外如聞祖父母父母  
喪者即聽解任奔赴所在官司依例給由申覆  
行省照勘完備咨省仍先具職名籍貫解任月  
日先行咨來以憑劄付御史臺行移拘該廉訪  
司體覆

曹狀 至元七年十二月欽奉聖旨據御史臺  
奏中書省劄付該殿中侍御史掌管隨朝官告  
假事故參日以外各以曹狀報殿中司還職亦

行具報如有推稱病故者合行舉罰及有司奏  
覆軍情除授刑名等事未及施行恐有不關利  
害之人傳布于外雖欲究問莫知所自若不回  
避深爲未便今後凡不可與聞人真殿中侍御  
史隨即糾舉回避乞降聖旨事准奏仰御史臺  
令殿中侍御史掌管依上勾當施行欽此

至元八年五月中書省御史臺呈殿中司體  
知必闍赤孛都歡患病玖日不見報到曹狀續  
據本臺呈扎魯火赤納別忽木并必闍赤忽都



魯不花根隨車駕前來上都擅自落後亦不供  
報曹狀都省與尚書省官御史臺官一同商議  
得假告事故官負不報曹狀罪犯壹次罰俸捌  
兩再犯依上罰俸叁犯近上官負聞奏近下人  
負從各衙門就便的決外據無故落後官負驗  
實日全尅俸祿再犯依前尅除叁犯依上的決  
至元八年十月尚書省御史臺備殿中司呈  
體知差去打筭陝西行省官負至今多日不見  
報到曹狀送禮部講究得今後被差離職官負

擬同事故一體報臺還職日亦行具報都省准  
呈

至元二十八年八月中書省御史臺備監察  
御史呈隨處諸衙門府州司縣官或因私隙或  
事有畏忌輒便托疾在家虛請俸給者有之或  
推稱事故離職延待月日者有之因無檢舉冒  
請俸祿多致敗事今後外路官吏合依隨朝百  
官一體凡假故曹狀報本屬仍諸衙門置立假  
故文簿明白附寫令首領官掌管結轉每日壹

次正官署押用印關防行省文簿令監察御史  
照刷其餘官府文簿按察司照刷如有推病故  
官吏所請俸錢欵依聖旨事意施行都省准呈  
給假 中統五年八月欵奉聖旨條畫內一欵  
京府州縣官真每日圓座參議詞訟理會公事  
若遇天壽冬至各給假貳日元正寒食各參日  
七月十五日十月一日立春重午立秋重九每  
旬各給假壹日公務急速不在比限其赴任職  
官或宣使人真在他所病患者即告所在育司

驗治病愈給據發還欽此

至元十四年十二月二十九日中書省客省使也速忽都荅兒奏在先初十日二十日三十日每月參次放假有來如今那裏官人每商量得這參箇日頭斷人呵也中如今初一日初八日十五日二十三日乙亥日這日數裏有性命的不交宰殺有人根底也不打斷有這日數裏放假呵怎生奏呵奉聖旨那般者欽此

條格二十二卷終

通制條格卷第二十七

雜令

上用甲 至大四年十月二十三日御史臺奏  
監察每文書裏說有脫脫木兒駙馬根底與甲  
時分朶伯副內脫脫木兒駙馬穿的甲已與了  
兩副八魯刺等又與了壹副細甲麼道這勾當  
俺問那不問奏呵八魯刺根底依着您奏來的  
要罪過者今後咱每根底做來的甲咱每根底  
不呈獻明白不奏了休與人若麼道聖旨了也

欽此

兵仗應給不應給 至元八年三月御史臺據  
各道提刑按察司申書史書吏奏差人等告稱  
每遇差出巡按乞許令懸帶弓箭事於三月初  
九日聞奏過奉聖旨教懸帶者欽此憲臺公議  
得各道司官除已懸帶外今擬每道弓箭陸副  
如遇書史書吏奏差人等公出許令懸帶

至大三年七月二十九日御史臺奏在先塔  
察兒月兒魯那延臺裏行時分禁約漢兒人休

弩弓箭軍器上頭世祖皇帝根底奏呵按察司  
官人每是弩說謊做賊的人每有壹箇兩箇出  
去體察勾當行呵弓箭交弩者麼道兩遍聖旨  
有來如今尚書省官人每奏了但有姓的漢兒  
蠻子弓箭軍器禁了者弩的人依在前體例要  
罪過者麼道行了文書有俺商量來監察廉訪  
司官人每是弩做賊說謊的衙門有歹人每不  
愛的多有也者體察勾當行的時分不教弩弓  
箭呵不中的一般有可憐見呵依先聖旨體例

教拏弓箭呵怎生奏呵奉聖旨那般者欽此

皇慶二年十一月十六日樞密院奏弓箭軍  
器的勾當專與軍人者麼道世祖皇帝好生記  
心有來如今無問遠近內外去的使臣每根底  
又大小衙門裏行的首領官令史每春秋上下  
往來索要弓箭的多有似這般索要呵用着的  
時分短少了去也今後除與軍前去的使臣每  
外其餘使臣每根底并各衙門首領官令史每  
根底休教與呵怎生奏呵奉聖旨您說的是有



那般者院裏行文字物料造作來的軍器各衙門首領官令史漢人蠻子高麗人每根底休與者欽此

大德七年十一月中書省河東陝西道奉使宣撫呈太原路所轄州城有姓在閑達魯花赤多有執把弓箭之人合行禁約刑部議得有姓達魯花赤如係漢兒人擬合欽依禁約都省准擬

至元十一年三月初五日大司農司奉都水

通志卷二十七  
三  
監管勾當官壕寨差出爲河道勾當裏去呵山裏水裏難田地裏行有別無隄防器械合無令各人帶弓箭壹副奉聖旨教帶弓箭者欽此

至元十四年三月初一日中書省奏南省官人每與的文書來蠻子田地裏做去底官人每田地遠有民戶新入來有軍器不把着呵沿路上做賊的歹人每莫不撞着麼那般道將來臣等議得去的官人每斟量着教把着軍器行呵怎生奉聖旨那般着欽此

元貞元年十月初三日中書省奏江浙省南  
京省所轄的地面巡禁私鹽的漢軍新附軍相  
叅安置着有漢軍每有軍器新附軍無軍器賊  
每行呵將着軍器行有這巡禁的新附軍每無  
軍器的上頭被賊每傷害有這的每根底也依  
那體例裏索將軍器來呵俺院官每根底商量  
來這的每是巡禁的軍人合與麼道說有俺也  
商量來不教其餘的指例與呵怎生奏呵奉聖  
旨與者休教別箇的指例者欽此

道系作本二二七  
至元二十三年六月二十七日中書省奏擊  
賊的巡馬每在先教擊着悶棍道來擊賊的將  
着悶棍呵賊每到有弓箭擊的人每傷着去也  
麼道說將來俺商量的路裏壹拾副弓箭散府  
州裏各柒副弓箭縣裏教伍副弓箭呵怎生奏  
呵是有那般者聖旨了也欽此

大德六年五月中書省江浙省咨合屬地面  
多是依山瀕海去處盜賊不時生發執把軍器  
捕盜官兵却無弓箭軍器不能擒捕擬合依例

給付都省議得路府州縣巡防捕盜衙門懸帶  
弓箭已有定數各處巡檢每處量給弓箭參副  
大德七年十一月中書省江浙省咨饒州路  
胡國用告周蘭十二捏合根脚逃北求仕回家  
懸帶弓箭環刀稱係怯薛歹人改名周也里占  
歸問問欽遇詔恩都省議得周也里占所犯罪  
經革撥怯薛身役既是蠻子人氏擬合罷去發  
付元籍當差見帶弓箭追收還官

至元二十四年二月尚書省河東山西道宣

懋司呈西京太原太和嶺等處把隘軍人若將  
弓箭軍器拘收儻有疎失不及申訴劄付樞密  
院照擬得漢兒執把弓箭軍器即係禁斷事理  
所有上項把隘軍人既宣懋司呈所把隘口嶮  
惡不時防送官物合許執把閱棍巡防勾當仍  
令本管色目人負常切鈐束不致生事違錯都  
省准擬

至元二十四年五月二十四日尚書省奏江  
西行省官人每與將文書來吉贛等地面湖南

廣東福建這地面相連着每年草賊生發呵出  
備軍器聚集弓手人每收捕來年時江南地面  
漢兒南人休把弓箭禁斷時分這裏的弓箭拘  
收了來如今依着漢兒城子裏與了的體例裏  
與的說將來有俺商量得在先中書省官人每  
奏每一箇路裏拾副弓箭散府裏州裏添副弓  
箭縣裏伍副弓箭教執把呵怎生麼道奏呵是  
也那般者麼道聖旨了來如今依着那躰例路  
裏拾副散府州裏添副縣裏伍副教執把城子

裏的達魯花赤達達畏吾兒回回官人每教管  
者若收捕賊的勾當有呵廵軍根底教把弓箭  
無勾當時拘收了庫裏放着呵怎生麼道奏呵  
那般者好人根底委付者麼道聖旨了也欽此  
檀造兵器 元貞元年正月中書省刑部呈賀  
安等告東平路達魯花赤咬童至元二十四年  
七月內勒令各司縣達魯花赤局官等造納胖  
襖皮甲鏢刀箭隻緣係詔赦已前事理擬合革  
撥今後司縣達魯花赤如有各投下似此成造



軍器胖襖等物隨即牒報本衙門申覆上司無得擅自成造都省准呈

禁約軍器 至元二十一年四月十六日中書省奏在先欽奉聖旨漢兒人休執把弓箭者軍人打捕戶這的每執把者這般聖旨有來火魯火孫奏將來除軍人外打捕戶每弓箭休教執把呵怎生商量來奏呵奉聖旨教罷了者欽此鐵禾义 至大四年五月中書省河南行省咨揚州路搜到賊人楊夢翔等行使器仗內有兩

近事紀原卷二十七  
七  
股鐵木又若不禁治切恐因而別生事端刑部  
議得鐵木又係農家必用之物既非軍器難以  
禁治都省准擬

買賣軍器 至元二十八年三月中書省刑部  
呈鷹房官阿沙不花黃兀兒指揮送到賣銀刀  
等物人魏得榮并買主李仲璋除將已到官銀  
刀送庫寄收聽候外本部叅詳若將銀刀等物  
拘收照例擬罪却緣自前不曾禁斷貨賣軍器  
魏得榮俱係商賈之人又經赴務投稅別無情

弊合無將已到官鑲刀回付本主賣與應合執  
把軍器人等權以免罪相應都省准擬

供神軍器 至元二十一年十一月中書省南  
京等路宣慰司呈見欽奉聖旨通行各處禁斷  
拘收軍器除欽依外今訪聞得隨處廟宇往往  
有諸人供獻鞭筒鎗刀弓箭等真軍器并旌旗  
鑼鼓斧鉞儀仗儻有觴人就用致使愚民枉遭  
刑憲刑部議得今後民間若有必合使用供神  
器物經官給據聽以土木紙絲假物代之以寓

事神之意如有違犯之人捉拿斷罪都省准擬  
造低弓箭 至元十五年五月中書省樞密院  
呈揚州路管軍萬戶史塔刺渾申今次起到各  
路逃亡等軍除衣襖完備外買置到箭隻箭筈  
箭頭俱各不堪射射不惟枉費錢物有悞軍前  
勾當都省准擬送刑部行下合屬今後遇有出  
征軍人和買弓箭禁約毋令成造低解

賣鷹鶻 至元五年十二月中書省右三部呈  
真定路打捕總管府捉獲貨賣免鶻角鷹人等

都省奏奉聖旨有海青呵休教貨賣送將來者其餘鷹鷂不須禁斷欽此

至元二十七年九月三十日尚書省奏帖木兒平章說將來這裏的官人每爲自己的勾當推着上位鋪馬裏送鷹鷂皂鷹去有這裏的站生受的其間裏不教送去呵怎生前者壹起鋪馬裏送皂鷹的當着不曾教送來今後送鷹鷂來的怎生呵是麼道說將來有奏呵當的是也今後休教送將來者麼道聖旨了也欽此

禁捕禿鶩 大德三年七月十八日中書省奏  
揚州淮安管着地面裏生了蝗虫呵正打的其  
間伍阡有餘禿鶩飛將來不怕打蝗虫人每喫  
得蝗虫飽呵却吐了再喫飛呵一處飛起來教  
翅打落都喫了有與將圖子來有看了圖子奏  
呵百姓每道是麼有聖旨有呵自來不曾聽得  
這般勾當皇帝洪福也者這般說有奏呵奉聖  
旨您行文書這飛禽行休打捕者好生禁了者  
欽此

禁捕天鷺 皇慶元年十二月二十三日中書  
省奏迤南天鷺鷓鴣鴈鴨等依在先例禁了  
休教打捕有麼道不花即列等奏過俺根底與  
了文書在先止禁打捕天鷺鷓鴣鴈來其餘鴈  
鴨等在前不曾禁有如今只依在前只禁打捕  
天鷺鷓鴣別箇的不禁呵怎生奏呵江南百  
姓食用鴈鴨養喉嚨急有都禁了呵他百姓每  
食用甚麼只禁打捕鴈鴈國語  
借音雁天鷺鷓鴣的者  
麼道聖旨了也欽此

捕白花蛇 延祐元年十月中書省御史臺呈  
江北道廉訪司申羅田縣白花蛇傷人害畜如  
蒙貢餘之外許令擊除免致滋多於民便益都  
省議得羅田縣山谷生畜白花毒蛇近因禁捕  
以致滋多傷人害畜今後除每歲額貢依例辦  
納餘從民便

筵會宰馬 至元三年八月二十一日中書省  
欽奉聖旨禁斷休教殺馬者大官人每筵席殺  
馬的病的委實不中騎坐的教人做證見驗了



殺者欽此

漢人毆蒙古人 至元九年五月十九日中書省欽奉聖旨聽得漢兒人每多有聚集人衆達達人每根底開打有這般體例那裏有恁每嚴加禁約者欽此

諸王經行科斂 大德三年七月中書省河南行省咨河南府路申竊見四方鎮遏諸王駙馬朝會赴闕未曾起程先行前路文字並不開寫官負數目有司避怕罪責多餘准備羊酒雞猪

鴻鴨宿頓處所鋪陳地氈綵繡繖棗柱壁又於  
界首用椽箔糊搭掃里棚座邀頓動壹科拾動  
拾科伯損民不便都省議得諸王駙馬經行人  
負飲食馬駝草料自有定擬明文所據糊搭掃  
里棚座邀頓鋪陳準備羊酒雞鵝等物今後憑  
准上司許支明文從實應副毋得多餘科歛擾  
民違錯

詐稱賜酒 皇慶二年二月二十七日中書省  
奏差將各處去的使臣并廻去的使臣每外路

官人每根底他每自己索的葡萄酒并酒將去  
呵却謊說是上位賜將去的麼道說的人多有  
聽得來也有咱每與將去的也者似這般謊將  
葡萄酒并酒去的好生的計較者麼道亦烈赤  
俺根底傳聖旨來俺商量來上位知識的外路  
官人每根底若上位誰根底賜將葡萄酒并酒  
去呵教宣徽院與兵部印信文書呵却教兵部  
官與印信別里哥文字憑着那別里哥將去者  
無兵部別里哥文字的岔路有的脫脫禾孫每

通事伯利三十七  
十二  
盤問了留下將去的葡萄酒并酒標記着他每  
的姓名說將來呵俺上位根底奏了要罪過呵  
恁生奏呵那般者麼道聖旨了也欽此

非理行孝 至元三年十月中書省左三部呈  
上都路梁重興爲母病割肝行孝合依舊例諸  
爲祖父母父母伯叔姑兄姊舅姑割肝剜眼割  
臂鬻膏之類並行禁斷都省准擬

延祐元年十月中書省禮部呈樞密院都事  
呈保定路清苑縣安聖鄉軍戶張駝兒爲父張

伯堅患病割股行孝止有壹子舍兒叁歲爲侵  
父食杞於祖塋內活埋本部議得割股毀體已  
常禁約張馱兒活埋其子誠恐愚民倣倣擬合  
通行禁約都省准擬

前代遺跡 至元十三年正月諭江南詔書條  
畫內一疑名山大川寺觀廟宇并前代名人遺  
跡不許毀折

文廟褻瀆 中統二年六月欽奉聖旨道與平  
陽等路宣撫司并達魯花赤管民官管人匠打

通雅卷二十七  
十三  
捕諸頭目及諸軍馬使臣人等宣聖廟國家歲  
時致祭諸儒月朔釋奠宜恒令洒掃脩潔今後  
禁約諸官負使臣軍馬無得於廟宇內安下或  
聚集理問詞訟及褻瀆飲宴管工匠官不得於  
其中營造違者治罪管內凡有書院亦不得令  
諸人搔擾使臣安下欽此

侵占官街 中統四年七月內欽奉聖旨在京  
權豪勢要回回漢兒軍站民匠僧道諸色人等  
起蓋房舍修築垣牆因而侵占官街乞禁約事

准奏今後再不得似前侵占如違即便將侵街垣墻房屋折毀仍將犯人斷罪欽此  
解典 至元十六年六月中書省欽奉聖旨石招討奏亡宋時民戶人家有錢官司聽從開解自歸附之後有勢之家方敢開解庫無勢之家不敢開庫蓋因怕懼官司科擾致阻民家生理乞行下諸路省會居民從便生理仍禁戢錄事司不得妄行生事敷斂民戶縱有誤典賊贓只宜取索却不可以此爲由收拾致罪

元貞三年二月中書省江浙省咨姚起告將珠翠銀器衣服於費朝奉家典當鈔兩周年後不肯放贖都省議得今後諸人解典金銀貳周年不贖許令下架

大德六年十月中書省河南省咨淮安路朱忠瑞告稱孔勝將元典衣服說稱被盜不肯放贖雖於被盜卷內照有上項衣服名件却緣孔勝不係出名解典正庫係違例加一取息暗解諸人衣服切恐指倚失盜將他人典當衣服欺



隱入已虛作盜去情亦難顯合無着落孔勝名下追陪元典價直先行給主候捉賊得獲至日追問送禮部約會刑部一同照擬得孔勝不依通例明發解帖暗行出典加一取息俱係違法設或真盜實緣禦備不周以致如此即非力所不及之故若從破說恐啓僥倖之門叅詳合准行省所擬都省准擬

卑幼私債 中統四年六月十三日欽奉聖旨據燕京路總管府同知郭汝梅奏告本路官負

百姓富家子弟不問尊長暗與財主作弊取借  
債負及冒賣田宅虛錢實契一同非理使用意  
望尊長亡歿歸還以致臨時破壞家業乞行禁  
約事准奏仰尊長在日卑幼不得私借錢債及  
典賣田宅人口財主亦不得與富家通同故行  
借與錢債如違其借錢人并借與錢人牙保人  
等一例斷罪及將元借錢物追沒入官仍仰中  
書省通行隨路一體禁斷施行欽此

至元八年正月尚書省御史臺呈山東按察

司照得權豪勢要之家往往苟圖利息借與卑  
幼錢物非理使用多致破敗家產擬合通行禁  
約都省准呈

至元十三年四月十五日中書省令體知得  
諸人驅奴或將元閑本使錢本恣意非理破使  
畏避計筭嗔責誣構事端及有兇徒因與良家  
有隙妄生僥倖於官告論其有司官吏不行詳  
審有無堪信照憑顯跡受理隨衙遷延月日不  
能結絕致妨生計合行禁治

通律附錄二十七  
私宴 至元七年四月中書戶部據太原路申  
本路人民嫁女娶妻不量已力或作夜筵饋饌  
三二十道按酒三二十棹通宵不散其中引惹  
鬪訟不惟耗費有損無益乞行革去省部相度  
今後會親止許白日至禁鐘已前筵會除聊備  
按酒飲膳上中戶不過三味下戶不過二味無  
致似前費耗其餘筵會亦同此例遍行禁約施  
行

至元十五年三月御史臺欽奉聖旨條畫內

一款節該按察司官有聲跡不好者御史臺體  
察雖未任滿許行奏代憲臺議得監司係糾彈  
衙門其所設以次人負本司亦合常加檢束及  
令通互体察務要盡公無致作弊至於所屬私  
同宴會亦所當禁但有玷缺隨即理斷巡按去  
處勿許官吏迎送首思分例之外亦不得多餘  
應副

大德十年四月中書省御史臺呈戶部司計  
楊元催起運司益引飲用官吏筵會難同賓主

通禮若以爲例使出使人負傲傲侵漁官府深  
爲未便刑部議得凡出使人負於所至之處如  
親戚故舊禮應追往之人賓主宴樂理難斷絕  
其餘不應飲用官吏筵會侵漁官府禁治相應  
都省准擬

蒙古男女過海 至元二十八年六月初一日  
欽奉聖旨泉州那裏每海船裏蒙古男子婦女  
人每做買賣的往回回田地裏忻都田地裏將  
去的有麼道聽得來如今行文書禁約者休教

將去者將去人有罪過者麼道聖旨了也欽此  
投下千分 大德四年四月中書省所委官廉  
訪使乞失烈陸拾言安童阿蘭賚擎小薛大王  
令旨於龍興等處地面販賣人口擬合禁約禮  
部與刑部照得大德二年六月御史臺奏諸王  
駙馬差着使臣各路州縣開讀令旨文書動衆  
迎接多騎鋪馬等事本臺商量來今後諸王駙  
馬有大勾當呵皇帝根底明白奏過教行者小  
勾當呵經由中書省行者他無體例勾當罷了

呵怎生欽奉聖旨是那般者開讀文字去的  
人根底有呵和那文字那裏的廉訪司官一處  
將來者欽此議得擬合依准所言遍行禁約  
拜賀行禮 大德七年八月中書省御史臺呈  
切見外路府州司縣遇聖節正旦拜賀行禮勾  
集諸色社直行戶粧扮預先月餘整點將寺觀  
祝壽萬歲牌迎引至于公廳置位或將萬歲牌  
出其坊郭郊野之際以就迎接揀選便於百姓  
觀看處所然後官吏率領僧道擡昇壇面鏡鼓



鼓板幢幡寶蓋差遣諸色行戶粧扮社直娼妓  
宮監之類沿街擺拽實爲褻瀆擬合從宜講究  
着爲定制頒行天下使臣子遵守庶免差忒不  
一都省議得外路諸衙門欽遇聖節元日臣子  
之禮但當以敬爲主照依至元八年奏准儀式  
行禮合用樂人止就本處在城者無得於他處  
勾集及橋配諸行戶百姓人等粧扮社直所據  
筵會一切所須之物官吏自備並不得取歛於  
民

通志卷二十七

障車害禮 至元五年八月中書省右三部呈

契酌嫁娶必用吉時今有一等不畏公法游手

好閑人等但遇嫁娶糾集人衆以障車爲名刁

蹬婚主取要酒食財物故將時刻阻誤又因而

起鬪致傷人命擬合嚴加禁治都省准呈

拘滯車船 至元二十年五月中書戶部承奉

中書省劄付體知隨處官司遇有遞運將販賣

米斛車船壹槩拘刷拖拽以致水陸澁滯南北

米糧不通民甚不便都省相度江淮等處米粟

任從客旅興販官司毋得阻當般販物斛車船  
並免通運不以是何人等毋得拘刷拖拽仍於  
閘津渡口出榜曉諭如遇興販物斛車船經過  
不得非理遮當搜檢妄生刁蹬取要錢物違者  
痛行治罪

至元二十年十一月中書省所委官李尚書  
呈江南行省差押運官物船隻人負多於沿河  
拘奪客旅船隻交換深是搔擾合無行移各省  
禁約所差人負毋得似前奪要客旅船隻都省

准呈

至元二十五年三月尚書省契勘大都居民所用糧斛全籍客旅興販供給體知漕運司押綱頭目并船戶人等指裝運官糧爲名將御河上下興販物斛客旅非理搔擾及將在船物貨強行剝卸阻滯販賣以致京師物斛添價都省議得擬令都漕運使司嚴加禁約押綱頭目船戶人等毋得似前搔擾客旅阻滯船隻非奉都省明文不得擅自拘雇

至元二十九年正月十一日御史臺奏大都  
裏每年百姓食用的糧食多一半是客人從迤  
南御河裏搬將這裏來賣有來的多呵賤來的  
少呵貴有如今街下有來的米比已前貴有這  
米貴了的緣故官船搬運官糧諸物呵船戶每  
倚着官司氣力壞了官船也麼道却奪要了客  
人每的船隻與了鈔放了不與鈔呵教百姓每  
船運官物更有氣力的人每行呵客人每根底  
阻當爲那般呵客人每來的少的上頭米貴了

通律附錄二十七  
二十一  
有俺商量得今後官船損壞了呵教所在官司  
修補者客人每的船隻休拿者麼道中書省裏  
說了多出文榜更省裏臺讓常川差人這般教  
百姓生受的根底巡緝呵便當有麼道奏呵那  
般者麼道聖旨了也欽此

搬詞 至元十一年十一月中書省大司農司  
呈河北河南道巡行勸農官申順天路東鹿縣  
鎮頭店聚約伯人般唱詞話社長田秀等約量  
斷罪外本司看詳除係籍正色樂人外其餘農

民市戶良家子弟若有不務本業習學散樂般  
唱詞話並行禁約都省准呈  
山場 至大二年九月十四日尚書省奏官人  
每根底放鷹人分撥與的山場禁治着不教百  
姓每採打柴薪以致柴薪價錢貴了麼道奏呵  
奉聖旨如今不棟誰權豪勢要休禁者禁治的  
人每有咱每知識的奏者不知識的恁尚書省  
官人每依體例要罪過者教百姓每採打柴薪  
者欽此

至大四年正月十六日詹事院官月魯帖木  
兒特奉皇太子令旨在先薛禪皇帝時分但屬  
係官的并寺院的山場裏出產的柴炭每諸王  
駙馬官負權豪人等倚着聖旨裏與了也麼道  
占來的并因放狗占了的山場多有但是那般  
禁了的去處依着在先薛禪皇帝時分體例裏  
隨處廻與者後頭占來的再休侵犯者百姓依  
舊體例採打賣者不揀誰抽分休要者月魯帖  
木兒去和伯顏一處皇太后根底奏者麼道奉



令旨上頭奏呵奉懿旨太子題的是有那般者  
教詹事院家疾忙行文書出榜者中書省家也  
隨處出榜者這般省諭了呵占的人每要抽分  
的人每有罪過者麼道懿旨了也敬此

金銀 至大四年四月二十六日欽奉詔書內  
一欵節該權禁金銀本以權衡鈔法條令雖設  
其價益增民實弗便自今權宜開禁聽從買賣  
其商賈收買下番者依例科斷欽此

請謁 至元二十年十一月中書省御史臺呈

御史中丞崔少中牒照得欽奉聖旨立御史臺  
條畫內節該諸訴訟人若於應管公事官負私  
通謁托又諸官吏入茶坊酒肆及該載不盡應  
合糾察事理委監察御史並行糾察欽此近聞  
求仕官負或已受宣勅必須酬謝者雖不顯行  
賂遺公然大設宴樂請托今後省院六部諸衙  
門官吏無故不得與求仕受命官負私同宴會  
以通請謁監察御史體察是實約量責罰都省  
議得今後求仕官吏已未授除其間不得於省

院臺部等內外諸衙門當該官吏處私第謁托  
酬謝及邀請宴會如違當該官吏并求仕人負  
一體究治

立碑 至元二十九年三月中書省御史臺呈  
廣濟縣達魯花赤阿魯不思取受科歛人戶錢  
鈔伍伯玖拾餘錠却立德政碑於公廳據見任  
官不應立碑并犯贓污已立碑者合行除毀都  
省議得今後職官在任雖有政績不許立碑其  
先已建立者若犯贓污即令除毀違者究治

帶行人 至元二十一年九月中書省御史臺  
呈凡務中攢攔合干人等並從本處衆所推舉  
廉幹人勾當其諸處監臨上司並不得將私已  
人分付稅務內營求衣食如有違犯許諸人首  
告取問是實量情懲治仍標注犯人私罪過名  
各道提刑按察司嚴加糾彈都省准擬

至元三十年三月御史臺監察御史呈照得  
提刑按察司官每遇巡按除書吏人等合騎鋪  
馬數目外不得將引妻子親眷閑人并長行馬

足同行如違治罪近自改立廉訪司之後循習  
舊弊尚猶不除又多引祇候從人索要酒食借  
騎馬足中間爲害事有多端致廉訪司聲跡不  
佳者亦由於此擬合嚴加禁約憲臺准呈

大德二年五月中書省河南行省咨朱參政  
呈軍民不便一件游手好閑的人不肯依本分  
作活多於諸衙門官人根底投做總領面前祇  
候江南田地裏有壹箇司縣官根底伯拾箇人  
根着這的每又沒俸錢田產他的老小每穿的

喫的都在百姓身上如今喫飯的人多種田人少久已後吃不便當怎生般商量除額設有俸錢的依體例存留勾當其餘的都教罷了將荒閑田地斟酌撥與耕種呵百姓也不被擾閑人也少去也便當的一般都省議得除額設祇候公使人數外其餘額外濫設人等盡行革罷

大德五年十月中書省御史臺呈府州司縣官將引帶行人等兜攬公事收受錢物等事送刑部議得合令各道廉訪司禁治若有違犯之

人驗事輕重歸斷都省准擬

掩骼埋胔 中統五年五月欽奉聖旨中書省  
奏各路見有暴露骸骨仰所在官司依理埋瘞  
奠祭追薦做好事者欽此

至元十一年七月中書省御史臺呈山北遼  
東道提刑按察司申北京等處遇有身死不明  
之人官司初復檢訖不行埋瘞將屍棚樹棧閣  
以致風日吹曝蠅虫蝟夏月膚裂脂肉潰流  
熏觸天地參詳如初復檢過責付屍親埋瘞遇

無屍親者責付停屍地主隣佑權行立埋插立  
封牌標寫年顏形貌使行旅廣傳屍親知而來  
認以厚風俗兵刑部議得依准所擬省准  
控鶴等服帶 至元二十一年九月中書省宣  
徽院呈議得控鶴除輪番上都當役外據大都  
落後并還家人等元閑只孫襖子裘肚帽帶官  
爲收掌如遇承應却行閑取舊只孫襖子裘肚  
不得將行貨賣并織造只孫人匠除正額織造  
外無得附余夾帶織造暗遞發賣如有違犯之



人嚴行治罪及不係控鶴人等若有穿繫裹肚  
束帶各處官司盡數拘收若有詐粧控鶴搔擾  
官府百姓之人許諸人捉拿到官嚴行懲戒行  
下拱衛司依上拘收禁約都省准擬

至元二十一年十二月中書省蒙古文字譯  
該中書省官人每根底伯顏言語咱每根底行  
的祇候繫着只孫裹肚繫腰定當外頭民戶每  
有麼道他每的裹肚繫腰拘收來如今諸王諸  
子官人每根底祇候每繫着裹肚繫腰說咱每

通事錄卷二十七  
二十七  
根底行的祇候定當民戶的一般說有麼道奏  
呵安童根底說了教行文字拘收者一就休教  
繫者麼道聖旨了也欽此

皇慶二年四月中書省禮部呈拱衛司呈爲  
拿住私織上位祇候每一般只孫的人奉聖旨  
私織的人根底和造假鈔一般有教刑部家好  
生的問者今後教省家遍行文字除我根底皇  
太后根底更合穿的穿繫者不合穿的拿將來  
好生問重要了罪過休教穿繫者麼道聖旨了

也欽此

毛段織金 中統二年九月中書省欽奉聖旨  
今後應有織造毛段子休織金的止織素的或  
綉的者并但有成造箭合刺於上休得使金者  
欽此

通制條格卷第二十七

This image shows a blank ledger page with a double-line border. The page is divided into ten vertical columns of varying widths. The columns are arranged from left to right as follows: a narrow column, a wide column, a narrow column, a wide column, a narrow column, a wide column, a narrow column, a wide column, a narrow column, and a wide column. The page is otherwise empty of text or data.

--	--	--	--	--	--	--	--	--	--

通制條格卷第二十八

雜令

燠金 至元二十年六月中書省御史臺呈陝西漢中道按察司申安西路馮直等將銀箔燠作假金裁線織造販賣一槩禁斷機戶生受刑部照得欽奉聖旨禁斷金段疋等物據馮直等將銀箔用煙燠作假金終是織金段疋切恐真假錯亂犯法者衆擬合禁斷都省准擬佛像西天字段子 大德九年八月初二日宣

政院奏街下織段子的匠人每織着佛像并西  
天字段子貨賣有那般織着佛像并西天字的  
段子賣與人穿着行呵不宜的一般有奏呵奉  
聖旨怎生那般織着賣有說與省官人每今後  
休教織造佛像西天字樣的段子貨賣者欽此  
分間怯薛 大德七年二月二十四日中書省  
奏四怯薛裏怯薛歹人數明白有近年以來內  
外城子裏的百姓內回回畏兀兒漢兒蠻子人  
等投充昔寶赤阿察赤怯忪口各校兒裏并諸

王駙馬公主妃子位下投入去了的多有做了  
怯薛歹也麼道支請錢糧馬疋草料此上多費  
耗了係官錢糧有更似這般壹貳年不敷支持  
在先曾有聖旨來到大都呵木八刺沙平章根  
底不商量了休教入去者到大都呵省官每根  
底不商量了休交入去者有聖旨來那言語不  
曾行可憐見上位有嚴切聖旨呵省院臺裏各  
枝兒裏摘委着不覷面皮的人好生分間呵多  
省減錢糧也者商量來奏呵奉聖旨您說的是

通年制本二十一  
二  
那般行者街市漢兒人每也投入去行麼道說  
有委好人嚴切分間者欽此

野火 大德六年八月中書省刑部呈河間路  
申備同知李奉訓關切詳守牧之官所責至重  
豈得專一巡禁野火若令場官與各縣提點正  
官一同用心巡禁關防如有火起去處各官一  
體當罪似望盡心本部約會戶部官一同定擬  
得所辦鹽課乃國之大利煎辦之原竈草爲先  
所以蒙朝廷累降聖旨委自管民正官專一關



防禁治無令野火燒燃其管民官運司遞互相  
推於事未便擬合欽依已降聖旨委自管民正  
官專一關防禁治每年八月盡間於煎鹽竈草  
周圍依例寬治火道及令運司堤調場官人等  
時復巡歷草場如有野火生發隨即舉申理問  
自九月爲始場官催督竈戶併力打刈合用煎  
鹽竈草比至年終須要搬運到竈如法積垛亦  
於周圍寬治火場以備春煎如違期不辦不將  
竈草搬運到竈或已到竈并火道已裹胤火燒

燃場官竈戶賠償當罪火道之外巡禁不嚴及  
不依期治打火道到有野火生發延胤竈草管  
民官當罪所據哈刺赤貴赤探馬赤斛人每失  
火一節既明里欽奉聖旨專一巡禁如此等之  
人違犯無問火道內外明里當罪都省議得火  
道已裏如竈戶與諸色人等相叅住坐似難專  
責場官若有胤燒竈草檢究明白除依上賠償  
當罪外竈戶罪在場官其餘諸色人等責在管  
民官負餘准部擬

擾民 至元十六年六月四川立行省聖旨條  
畫內一款所在鎮守蒙古漢軍各立營所無故  
不得輒入人家求索酒食及縱恣頭疋食踐田  
禾桑果違者罪及主將

至元十九年十月欽奉聖旨條畫內一款鎮  
守軍人并頭目及到任官員上司差去使臣多  
於人家安下中間欺凌逼擾甚爲民害今後軍  
人并頭目須要各立營司屯住到任官員須要  
係官房舍內居止無官房者以已錢就賃使臣

須要於館驛內停歇皆不得持勢強將新附官  
負士庶第宅奪占違者仰行省行臺起遣究治  
至元二十四年九月十四日尚書省奏過昔  
寶赤每別箇行的每但外頭出去呵百姓每根  
底草料黍飯鷹食要有俺商量得從今已後無  
俺文書呵不棟誰根底不教與呵怎生奏呵是  
也休與者麼道聖旨了也欽此

至元二十九年二月二十六日御史臺奏昔  
寶赤每貴赤每合刺赤每探馬赤每放官頭口

底每阿速每放駱駝底每八兒赤每河西禿魯  
花每往來行的人每上位底聖旨無底省家丈  
字無底百姓根底使氣力茶飯草料要有教百  
姓每眼生受有奏呵如今依着在前聖旨體例  
裏有風雨晚了呵無奈何生受往來底人每根  
底經過底百姓每他每根底與了宿處有底茶  
飯與者這般道了也麼道因而教百姓每生受  
行的人每根底休與者這般依本分與了呵使  
氣力教百姓每生受底人每漢兒人休聚衆打

通雅卷二十一  
主  
者近呵那般人根底拿將來者遠呵他名字寫  
將來者這昔寶赤每貴赤每哈刺赤每探馬赤  
每放官頭口底每阿速每放駱駝底每八兒赤  
每禿魯花每根底休與者這般人每根底監察  
肅政廉訪司官人每體察者欽此

至元三十年十一月二十九日中書省奏過  
事內一件在先御史臺官人每奏了昔寶赤每  
等休交搔擾百姓者百姓每根底不棟甚麼休  
奪要者這般行了聖旨來在後年時良鄉昔寶

赤每因索鷹食呵厮競來如今聽得又那般不  
與有今年因禾也收來飛放的時節又似那般  
爭競去也遇着晚呵教與宿睡處教與粥飯俺  
這般行文書呵怎生商量來奏呵奉聖旨如今  
聽得索不得茶飯有再商量者這般聖旨有呵  
只兒哈郎木八刺沙等奏如今也那般不與俺  
有這般說將來奏呵既那般呵行文書者聖旨  
了也欽此議得今後怯薛歹每昔寶赤每等勾  
當裏去晚了呵宿處粥飯馬草料他每根底據

通事館卷二十八  
有的與者值着風雨信體例鷹食呵索與者依  
本分與了分外無體例使氣力呵休聚眾休廝  
打那人每的名字記了合屬官司陳告申覆上  
司究治都省除外仰通行依上施行

大德七年五月二十八日中書省奏屬八不  
沙大王的一枝兒按赤每般陽等處住着營盤  
却每年自九月爲始至四月於益都爲頭州城  
裏沿着村坊行營更圍獵時分無上司文憑於  
百姓處取糧食草料雞豬鷺鴿等物好生搔擾



百姓的上頭姓宮的縣官題說與文書呵俺差  
人體問去來這按赤每參伯朶拾捌戶占着一  
萬一千陸伯餘頃營盤地土却自九月爲始至  
四月沿着村坊行營更大廚房內止納貳佰隻  
野物爲名圍獵於百姓處取要諸物搔擾百姓  
有麼道與文書來荅刺罕丞相大都省官人每  
他每行營并圍獵的合住罷了麼道奏將來有  
俺與完澤太傅右丞相一處商量來今後休教  
將引老小沿着村坊搔擾百姓更圍獵時分不

得於百姓處取要糧食草料諸物者商量來奏  
呵奉聖旨那般者欽此

大德七年十一月十八日欽奉聖旨節該中  
書省官人每奏這幾年田禾不收百姓每生受  
的其間各枝兒飛放圍獵的住冬的往來行的  
喂養馬疋的人等將引老小村坊裏安下取要  
飲食草料教百姓每生受有不教各枝兒搔擾  
百姓禁治的聖旨麼道奏來今後打捕的昔寶  
赤八兒赤貴赤哈剌赤拔都每阿魯渾阿速每

放官頭疋的蒙古人匠探馬赤站赤慙哈納思  
諸王的伴當每往來行的各枝兒裏不以是何  
人除奉省部文字外村坊裏倚氣力休安下者  
無體例休取要飲食草料者休教損壞桑棗果  
木等樹者又禁地裏有打捕野物的人每呵依  
在先聖旨體例不經由管民官禁圍場的擅自  
休斷者道來這般宣諭了於百姓每房舍內倚  
氣力安下無體例取要飲食草料損壞樹木行  
呵管城子的達魯花赤官人每將要了采的飲

食草料損壞了的樹木教賠償了依着合得的  
罪過斷了將他每名字寫將來者禁地裏打捕  
野物的人每有呵禁圍場的每不經由管民官  
斷沒呵有罪過者若管民官知道搔擾百姓的  
不問呵有罪過者廉訪司官人每體察者

至大二年二月二十一日欽奉詔書條畫一  
欵圍獵飛放喂養馬駝及各色過往屯駐軍馬  
出使人負自有合得分例又復欺凌官府擾害  
百姓多取飲食錢物縱放頭疋踏踐田禾啣咬

樹木事非一端民受其害前詔累嘗戒飭今聞  
仍襲前弊罔有悛心仰有司再行禁治其不爲  
申理者一體斬罪監察御史廉訪司依期分詣  
各處嚴加體察

至大四年二月二十二日李平章回回參議  
啓各處進呈鷹鷂虎豹犬馬希罕等物鋪馬來  
的多有消乏了站赤沿路取要祇應草料人夫  
限搔擾百姓有啓呵今後我的言語不揀是誰  
休教來者便將來呵得甚濟您各處行將文書

通鑑綱目卷二十八  
九  
去者麼道令旨了也敬此

延祐元年五月十七日奏過事內一件爲羌  
吉刺歹朶列捏等大王每的根脚也里不花失  
列吉玉魯等無省部許准文字收拾差發軍需  
氣力經行汴梁等處於百姓處取要飲食馬疋  
草料擾民有麼道河南省官人每俺根底與將  
文書來有無上司明降又無省部文字似這般  
收拾本投下差發等搔擾百姓的無體例有各  
處行將文書去似這般行的每交禁約不教行

呵怎生麼道奏呵各處行將文書去交禁約者  
麼道聖旨了也欽此

圍獵 中統三年十月欽奉聖旨道與中書省  
忽魯不花爲頭官負聖旨到日照依舊來體例  
中都四面各伍伯里地內除打捕人戶依年例  
合納皮貨的野物打捕外禁約不以是何人等  
不得飛放打捕雞兔這地面裏頭若有養鷹鷄  
飛放的人每飛放的心有呵咱每根底問了教  
靠着咱每飛放也者這般省諭了呵咱的言語

通雅卷之二  
別了的，不有罪過，那甚麼。

至元二十六年十二月二十八日，尚書省奏伯顏阿丁與文書檀州等處山後的禁地面裏，劉得成等人每爲殺了野物的上頭，拿着問呵，招了也麼？道有俺尋思得他每待依着聖旨體例，裏斷沒說了俺那人每根底問呵，他每說今年爲不會收田禾的上頭，闔食譬如餓死麼？道將禁的野物殺喫來，道來待斷沒呵，他每約有貳拾箇牛有來，將那牛待斷沒了呵，後頭怎生。



養活喉嚨急麼道奏呵休斷沒者禁約呵爲這般上頭麼道聖旨了也欽此

至元二十八年八月二十七日中書省奏咸平府那裏每這幾年田禾不曾收來百姓每生受的就其間野物的不教禁約教養百姓每喉嚨急呵怎生麼道那裏的宣慰司官人每說將來有俺商量得依他每言語不教禁約呵怎生商量來麼道奏呵那裏的怎生禁約來自正月至七月爲野物的皮子肉歹更爲懷羔兒的上頭

通雅卷二十一  
普例禁約有除那的外教採打食者完澤你這  
些箇省不得那甚麼聖旨了也欽此

至元二十八年十一月二十二日御史臺奏  
武平路廉訪司官人每說將來今年田禾不收  
百姓飢餓有在前灤河迤東採打野物呵休禁  
斷灤河迤西打圍的禁斷者麼道聖旨有來如  
今他每河那壁城子所管的地面都禁斷有麼  
道說將來俺和貴赤明安一處說話來河西裏  
依舊禁斷河東裏教百姓每採捕野物呵怎生

麼道奏呵索甚麼那般道都交採打者麼道聖  
旨有呵再奏沒界畔呵侵將這壁廂來去也交  
分了地面呵怎生奏呵那般者麼道懷羔兒時  
分休教採打者他每根底教省得者麼道聖旨  
了也欽此

至元三十年五月十一日中書省奏樂實宣  
慰司所轄的益都府濟南府般陽路寧海州秦  
安州東平府等處箇城子有這處野物禁有  
田地相隣直至蠻子田地限寬有那裏有的愁

合納思阿陳圍場壹年呵也遍不得惹箇地面  
有如今這裏差將人去和樂實等宣慰司家官  
人每一處熬哈納思阿陳等打圍的每根底斟  
量標撥與了他每地面其餘地面不教禁約教  
與窮暴忍飢的百姓每養喉嚨急麼道奏呵不  
索尋思那般者有一句言語好生嚴切說將去  
更行文書者依在先聖旨體例裏正月爲頭懷  
羔時分河西每熬哈納思阿陳每漢兒人每不  
棟誰休圍場者那其間裏圍場呵肉瘦皮子虫

牲可惜了性命無濟有野物呵也盡了去也慙  
哈納思等與漢兒人每遞相躡察者九月十月  
十一月這三箇月圍場者除這三箇月外休圍  
場者河西每根底阿陳每根底斟酌標撥與了  
圍場地而其餘的休禁者聖旨了也欽此

至大四年三月欽奉詔書內一款百姓於禁  
地內打捕野物者仰管圍場官與各處有司一  
同斷罪毋得似前斷沒家產欽此

皇慶元年五月初七日御史臺奏脫忽思海

迷矢大王晉寧路地面裏去年農種時月圍獵  
來合止當麼道本道廉訪司官人每說將來今  
後農種時月裏休圍獵者麼道脫忽思海迷失  
根底說將去呵怎生奏呵那般者說將去者今  
後圍獵呵十月初頭圍獵者麼道聖旨了也欽  
此

皇慶元年十二月十四日中書省奏八兒赤  
養豹子的養皂鷹的兀里養罕等依着世祖皇  
帝時分行來的例將着家小圍場者麼道聖旨

懿旨有來文書裏照呵世祖皇帝時分曾無將  
引家小圍場的不見有將着家小曾圍場來麼  
道他每言語裏這般說有奏呵口說的言語怎  
生行圍場呵噤甚要家小擾民有休教將引家  
小行者麼道聖旨了也欽此

船路阻害 至大四年七月中書省禮部呈高  
榮孫陳言江河堤閘攬載人等故用損船繩攬  
名爲盤淺阻截民船及河岸設立部頭把隘軍  
人假名辨驗刁蹬客旅取要錢物刑部議得盤

淺船隻游手潑皮及河岸部頭把隘軍人作弊  
刁蹬客旅取受錢物擾民不便等事合令所在  
官司出榜嚴加禁治仍令都水分監并瀕河巡  
防捕盜官不妨巡捕常加體察禁約敢有違犯  
之人捉拿到官痛行追斷除把隘軍人發還本  
翼交換餘皆就發元籍收管都省准擬

祈賽等事 至元十一年二月初四日中書省  
奏祈神賽社扶鸞禱聖夜聚曉散并自傷肢躄  
掛鈎子打脊硬抄化的人每也合禁約奉聖旨



准奏

至元十六年八月中書省御史臺呈燕南河北道按察司申會驗欽奉聖旨漢兒田地裏祈仙禱聖賽神賽社都交罷了者欽此体知得民間多有祈賽神社置到神案旗牌鑼鼓傘蓋交椅儀從等物若不拘收切恐因而別生事端刑部議得祈神賽社擬合欽依已隆聖旨禁約旗牌鑼鼓等物今有司拘收入官都省准擬

至元二十二年正月中書省御史臺呈開元

通志卷二十八  
十一  
路等處女直之俗患病宰殺牛羊禱祝貧者至  
賣男女以買牛羊本臺於至元二十一年十一  
月十七日啓奉令旨禁斷者敬此

大德五年七月中書省准蒙古文字譯該答  
失蠻阿忽台言語皇帝聖旨裏師婆每自意的  
行神祭賽多了有如今畏兀兒和尚每根底呪  
師每根底陰陽人每根底師婆每根底先生每  
根底若有大祭賽呵不問了休教祭賽者這般  
宣諭了呵若不問了自意的行大祭賽呵有罪

過者欽此

大德五年二月御史臺准江南行臺咨監察御史呈禁約擗迎木偶諸神歛取錢物等事憲臺相度祈賽神社已有禁例外戲擗龍船擗昇木偶歛錢擾民事理合行禁約

屠禁 至元十七年十二月二十一日中書省奏今年正月五月裏各禁斷拾箇日頭宰殺來新年裏依着那般體例禁斷宰殺呵怎生奏呵那般者麼道聖旨了也欽此

至大四年十一月十九日納牙失里班的答  
八哈奏西天田地裏在先傳流將來的道理說  
呵三月初八日佛降生的日頭當月十五日佛  
入涅槃的日頭這日頭真箇顯驗旦的刺納兒  
經文裏有西天田地裏這日頭裏不教宰殺做  
好事有來三月初三日皇帝聖節有一就自三  
月初一日爲始至十五日大都爲頭各城子裏  
禁斷宰殺半月羊畜等肉休教入街市賣者也  
休交買者不揀幾時做常川斷屠呵皇帝洪福

根底的重大福有麼道奏呵阿里哈牙參議充  
魯花帖木兒參議兩箇奉聖旨那般者是大好  
事勾當有這裏都省裏行與各行省各城子裏  
文書者每年三月裏常川禁屠宰半月若新  
屠的日頭其間羊畜等肉休教入街市賣者麼  
道聖旨了也欽此

闡羅 至元十二年六月中書省御史臺呈濟  
寧府聶牙兒等狀告本處田禾不收別路糴到  
物斛各處官司當闡不令出界戶部議擬取當

通制條二十八  
十七  
該官吏不合當闌招伏約量斷罪外合令各路  
禁約都省准擬

違例取息 至元三年二月欽奉聖旨債負止  
還一本一利雖有倒換文契並不准使并不得  
將欠債人等強行扯拽頭疋准折財產如違治  
罪

至元十九年四月中書省奏隨路權豪勢要  
之家舉放錢債逐急用度添答利息每兩至於  
伍分或壹倍之上若無錢歸還呵除已納利錢

外再行倒換文契累算利錢准折人口頭正事  
產實是於民不便今後若取借錢債每兩出利  
不過叁分這般奏呵奉聖旨那般者欽此都省  
議得若有似此違犯之人許諸人陳告取問是  
實即將多取利息追還借錢之人本利沒官更  
將犯人嚴行斷罪

至元二十年十一月二十日中書省奏哈剌  
章富強官豪勢要人每根底放利錢呵限滿時  
將媳婦孩兒女孩兒拖將去面皮上刺着印子

通判卷二十八  
做奴婢有說有俺商量來無體例在先賽典亦  
也行了來如今只依那體例與將文書去教罷  
了休教拖者休教做奴婢者商量來奏呵奉聖  
旨那般者欽此

至元二十九年十月中書省御史臺呈比年  
以來水旱相仍五穀薄收關食之家必於豪富  
舉借餽糧自春至秋每石利息重至壹石輕至  
伍斗有當年不能歸還將息通行作本續倒支  
契次年無還亦如之有壹石還數倍不得已者



致使無告貧民准折田宅典雇兒女良爲可惜  
戶部議得舉借斛粟合依鄉原例聽從民便年  
月雖多不過一本一利如有續倒文契欽依已  
降條畫追斷都省准擬

大德二年三月樞密院照得先爲和林等處  
軍人取借諸人錢債有財主前去隨路奧魯家  
屬處取索准折財產搔擾軍戶已經劄付管軍  
官負釐勒頭目及出榜禁約軍人并諸人不得  
私下取借財主亦不得出放債負如有違犯取

放錢人一體究治本管頭目有失覈察者亦行  
取招斷罪若有債主人等徑直私下取索錢債  
毋得歸還遍行各處去訖今廣平等路狀申和  
林當軍人鄭榮等狀告忽都魯楊宣差等前來  
將榮等監收勒要和林當役軍人借訖錢債非  
理搔擾樞府除已另行取問外若有似此前來  
取索錢債之人開坐姓名申院非奉樞府明文  
无得歸還

闕遺 中統五年八月欽奉聖旨條畫內一款

諸處應有不闡奚人口頭疋等從各路府司收  
拾仍將收到數目於應收置去處收置限拾日  
已裏許令本主識認如拾日已外作不闡奚收  
係每月申部如有隱匿者究治施行

至元九年八月中書省刑部呈據大都路管  
不闡奚頭目張抄兒赤申不闡奚男子李阿散  
年老殘疾委的不堪應役合無與在前不闡奚  
一體出給文引撒放任便住坐都省准擬  
至元十八年二月初五日中書省奏俺先前

收拾下的不闌美人每配成户的今後若主人  
認着呵官司斟酌與價錢呵怎生奏呵那般者  
麼道聖旨了也欽此

元貞元年六月初九日中書省奏將不闌美  
人每採打鷹鷄去的昔寶赤每根底做闊端赤  
與者麼道聖旨有呵伯帖木兒那的每收拾來  
的人每根底無上位的聖旨不與麼道不曾與  
來這的每裏頭依例也交與呵怎生奏呵那般  
者與者聖旨了也又伯帖木兒委付來的人每

主人認着不關奚人每呵也不與有莫不無休  
例麼哈散等省官人每委付着人伯帖木兒委  
付來的人每一處做證見者委實主人認着呵  
分付與呵怎生奏呵委實認着呵分付與他主  
人者聖旨了也欽此

大德四年四月中書省宣徽院備關遺監呈  
今後各處拘收不關奚頭疋選擇堪中支持關  
寫齒歲毛色膽分起水草暢茂時月差有職役  
食俸人負送納如委瘦弱不堪支持月申內明

白稱說責令牧養添臆刑部議得各路府州司  
縣拘收到不闌奚頭疋依准宣徽院所擬差人  
牧養管要肥壯如委瘦弱不堪支持月申內明  
白稱說先將堪中數目依期具解開寫毛齒臆  
分差有職役不作過犯之人稱時管押赴都交  
納如點視得但有瘦弱即將差來人負究治都  
省准擬

至大四年十月中書省四川行省咨成都路  
所收不闌奚馬疋駙畜年深無主識認合行回

易作鈔起解都省准擬

皇慶元年五月中書省宣徽院備闌遺監呈  
本監寺管不闌奚人口頭疋循行事務多失其  
宜若不更張深爲不便具到各項事理刑部議  
擬都省准呈于后

一隨處路府州縣達魯花赤提調不闌奚人  
口頭疋等物因仍苟且不肯用心以致  
人口頭疋逃匿瘦弱倒死移易不能  
實到官况各官多愛飛放鷹鷄將不闌

奚馬疋非理馳驟至於倒死匿不申聞  
縱有解到瘦損不堪今後莫若改委各  
處文資長官提調凡有不聞奚人口頭  
疋責付里正主首收養立法閑防用心  
點檢毋致逃易隱匿瘦弱倒死按月申  
報每歲於三月九月二次送納實爲便  
益

前件議得餘路府州縣達魯花赤提調不  
聞奚人口頭疋已有定例所擬騎坐飛放



移易隱占人口頭足擬合劄付御史臺行  
下各道廉訪司嚴加体察禁約到官之數  
合令宣徽院設法關防毋致隱匿瘦弱死

損

一應到監不聞奚人口爲無官給衣糧分寄  
諸人收養旣非眷屬未免飢寒少壯得  
用者尚不聊生老弱殘患者豈能自保  
積年旣久其弊滋深男被傭雇不勝劬  
勞女被欺淫以至生育或貪其功力而

虛申病故或因於凍餒而致使逃士敗  
化傷生源爲未便今後擬合定立期限  
凡到監人口一年之後無主識認從本  
監分撥匹配成戶發付有司收係當差  
誠爲官民兩便

前件議得不闌奚人口如未到監各處有  
主識認者隨令有司發落如已到監即便  
取問各人來歷根因住貫去處行移召主  
識認如半年之後無主識認者合准本監

所言分撥匹配成戶發付有司收係當差  
一各處解納到監不關奚頭疋雖有毛色不  
見齒歲又不設法關防以致牧養人等  
換易作弊今後擬令本監置造火印  
三等一作官字一作主字一作支字凡  
有納到頭疋本監官親臨監視鑿獸驗  
覷齒歲臆分明立文案隨時用官字印  
烙若有本主認見合給付者即用主字  
印烙如蒙上司支撥用支字印烙庶革

更換之弊至如皮張亦見真偽

前件議得合准所言

一本監每歲十月於龐村聚集行移各愛馬  
海認頭疋然後作數移文度支監放支  
草料喂養其所養頭疋若主人認見即  
便給付虛費官司草料今後合給主頭  
疋擬合本主照依時估回納喂過草料  
價錢然後并給付庶不虧官

前件議得凡有收到不闌奚頭疋官給草

料者本主識認是實照依喂養過月日草料時估回納價鈔還官其收放者不拘此例

一本監隸屬宣徽院管轄在前支撥不關奚頭疋多有口傳聖旨徑直赴監支取本監不即申院畫便分付似涉專越擬合明白聞奏今後凡支頭疋須奉宣徽院文字然後許支庶不差池

前件議得合准所言

延祐元年五月十七日中書省奏爲拘收不  
闌奚人口頭疋等物宣徽院官人每爲委付來  
的人每擾民的上頭元貞元年奏了各路裏達  
魯花赤總管州裏達魯花赤知州縣裏達魯花  
赤縣尹科一員提調拘收者麼道行了文字來  
皇慶元年宣徽院官却奏了今後各處合委付  
將去的不闌奚赤每教闌遺監官人每定擬與  
俺文書呵依着俺准了的文書交闌遺監官出  
劄付委付將去麼道奏了的上頭闌遺監官委

付人來濟寧路去的拘收不闌奚人每搔擾百姓有麼道刑部官人每備着路家文書俺根底與文書有依舊止教路府州縣管民官內提調收拾呵便當的一般有奏呵依舊例教管民官內提調拘收者麼道聖旨了也欽此

延祐二年三月二十六日宣徽院奏各處不闌奚赤每拘收着不闌奚人口頭疋與人使用騎坐輜車有指拘收不闌奚爲名那其間裏做賊說謊有別箇各枝兒每闌支不闌奚人口

頭疋人每闌了一箇不闌奚頭口的和不闌奚  
赤每通同着騎兩三箇的也多有如今俺和省  
官人每一處商量來工部官人每根底說了比  
着不闌奚人口不闌奚駱駝馬牛驢騾羊口等  
身子的樣子交鑄着印子分付與闌遺監不揀  
那箇收拾不闌奚的不闌奚赤每并別箇各枝  
兒使換不闌奚人口的騎坐不闌奚頭疋輛車  
子的人每有呵教闌遺監押勘合文字闌寫頭  
疋的毛色記印記印上頭疋的身上印兒支與



若收拾不闌奚的人每并別箇各枝兒使換不  
闌奚人口的騎坐不闌奚頭疋輛車子的人每  
若無闌遺監這般印子的文字騎坐輛車子呵  
依做賊的例要了罪過斷沒呵怎生麼道奏呵  
那般者商量的是有工部官人每根底說了教  
比着那般身子的樣子鑄與印子那般提調者  
麼道聖旨了也欽此

地內宿藏 至元十三年閏三月中書戶部呈  
王拜驢等於賀二地內掘得埋藏之物擬令得

物之人與地主停分今後若有於官地內掘得埋藏之物於所得物內壹半沒官壹半付得物之人於他人地內得者依上與地主停分若租佃官私田宅者例同業主如得古器珍寶奇異之物隨即申官進獻約量給價如有詐偽隱匿其物全追沒官更行斷罪都省准擬

至元二十九年三月中書省刑部呈山東宣慰司解納到萊蕪縣潘醜驢等打牆掘出銀子內壹半沒官銀伍斤柒兩本部叅詳即係本人

自己地內宿藏之物擬合回付元主都省准擬  
元貞元年閏四月中書省刑部呈大都路楊  
馬兒告於梁大地內與楊黑厮跑土作耍馬兒  
跑出青磁罐壹箇於內不知何物令楊黑厮坐  
着罐上蓋磚看守馬兒喚到母阿張將罐跑出  
覷得有銀四錠銀盞壹箇私下不敢隱藏本部  
議得楊馬兒於梁大地內跑出課銀肆錠銀盞  
兒壹箇擬合依例與地主梁大中分却緣楊黑  
厮曾經看守量與本人銀叁拾兩餘數楊馬兒

與地主兩停分張都省准擬

刺驅面 至元元年七月中書省御史臺呈富  
勢之家奴隸有犯私置鐵枷釘項禁錮又有擅  
自刺面者誠非所宜擬合通行禁止都省准擬  
蒙古人毆漢人 至元二十年二月十二日中  
書省兵部奉中書省劄付該近爲怯薛歹蒙古  
人負各處百姓不肯應付喫的不與安下房子  
等事仰叮嚀省諭府州司縣村坊道店人民今  
後遇有怯薛歹蒙古人負經過去處依理應付

粥飯宿頓安下房舍無致相爭如蒙古人毆打漢兒人不得還報指立證見於所在官司陳訴如有違犯之人嚴行斷罪

妖書妖言 延祐元年五月中書省御史臺呈  
汜陽府陳興祖告傳萬一妻何李倩人抄寫天  
降經文該寫今歲山崩地陷人死玖分根捉到  
印經人李行余等取訖招伏欽遇釋免刑部議  
得印造無根經文蓋因切名僧道之徒不修戒  
行往往撰造妖言捨施符水苟圖錢物惑世誣

通律條林二十八  
二十六

民間關係非輕理合通行禁治若有似此違犯罪  
及寺觀主首其有不居寺觀四方游蕩恣爲邪  
說之流亦令所在官司常加警察都省准擬  
禁書 至元三年十一月十七日中書省欽奉  
聖旨節該據隨路軍民人匠不以是何投下諸  
色人等應有天文圖書太乙雷公式七曜曆推  
背圖聖旨到日限壹伯日起本處官司呈納候  
限滿日將收拾到前項禁書如法封記申解赴  
部呈省若限外收藏禁書并習天文之人或因

事發露及有人首告。到官追究得實。並行斬罪。欽此。

至元十年二月中書省大司農李羅呈奏過。隨朝官負人等每根底多有聖旨分付與的陰陽禁書都教分付與秘書監者。如他每合用着的呵說了不與。那是麼外路有的禁書寬與限次再行嚴切拘收呵。怎生奉聖旨那般者。欽此。至元十八年三月中書省御史臺呈江南行臺洛都昌縣賊首杜萬一等指白蓮會爲名作。

亂照得江南見有白蓮會等名目五公符推背  
圖血盆及應合禁斷天文圖書一切左道亂正  
之術擬合禁斷送刑部與秘書監一同議得擬  
合照依聖旨禁斷拘收都省准擬

至元二十一年五月中書省爲河間路捉獲  
賊徒隱藏苗太監僞造圖識文書奏奉聖旨施  
行外又奏這般星曆文書每在先教拘收者道  
來不好生拘收來的一般有如今隨路裏行榜  
文這般文書教拘收呵怎生奏呵奉聖旨這的



索甚問那般者欽此

至元三十一年十月中書省御史臺呈山南江北道肅政廉訪司申博文錄內有聖朝開基太祖皇帝御諱及以次皇族宗派擬合拘收禁治省准

各位下陰陽人 皇慶元年正月中書省集賢院呈至大四年十一月二十一日岳學士特奉聖旨有的漢兒回回陰陽人每諸王諸子公主駙馬大官人處都休教去者教行文書禁約者

歷道聖旨了也欽此

受納饋獻 中統五年八月欽奉聖旨條畫內  
一款諸官負頒降俸祿之後不得循習受納饋  
獻

率欽 元貞元年正月中書省御史臺呈山東  
道廉訪司申見任官吏或拜識豪華以爲親戚  
或接引殷富以爲交友遍嚇鄉耆社長里正人  
等鳩斂錢物資給去官因緣侵漁理宜禁止刑  
部議得誠如所言卽係設謀巧取假手率欽理

宜糾緝以正貪污都省准擬

元貞元年四月御史臺奏外頭行省官宣慰司官人每拜見來呵於他每所管的官吏俸錢齊歛來有他每來這裏做人情那裏路府州縣官吏生受有從今已後拜見上来的官人每管着的官吏俸錢休教科歛行文書呵怎生麼道奏呵喂是有那般者從今已後似這般科歛的要罪過者麼道聖旨了也欽此

差使人宿娼 至元二十一年十二月御史臺

照得不畏公法官吏人等每因差使去處公明  
輪差娼妓寢宿今後監察御史按察司嚴行糾  
察如有違犯之人取問明白申臺呈省其應付  
娼妓官吏與宿娼之人一體坐罪仍送刑部標  
籍過名

監臨營利 至大四年三月欽奉詔書內一款  
節該官吏侵魚其弊非一今後郡縣在任官負  
不得於富民借貸錢物轉行營運違者肅政廉  
訪司体察究治欽此

至元十八年五月二十五日必闍赤撒里蠻  
等奏過鄂州劉宣慰呈說事內一件行省宣慰  
司按察司總管府各州縣官於他處買到物貨  
俵散與人民鋪戶添價貨賣又於本管地面民  
戶處但有出產諸物倚仗官勢委親戚勒令里  
正不依市價先行給散錢數然後收斂若人戶  
無本色送納勒訖文契將人口頭足准折多有  
逼令逃竄別生事端本處做官的人每百姓根  
底休和買做買賣百姓便當一般奏呵教省家

問當的是實呵禁約者麼道聖旨了也欽此  
冒支官物 至大四年五月初七日中書省奏  
支散聚會襖子的上頭重冒休索者麼道各愛  
馬裏省會了來支散的官人每幾枝兒重冒要  
的拏住有帖木迭兒丞相等俺商量來既奉皇  
帝聖旨省會了做無体例的將他每的分揀的  
字可溫每要了罪過重冒支了襖子的人每只  
於萬億庫前面教號令了將他要了的襖子納  
了要了罪過怯薛裏教出去呵怎生麼道奏呵

那般者麼道聖旨了也欽此

蒙古人粥飯 至元十年十月中書省体知得  
蒙古人負因公在外經行去處百姓不肯應副  
喫底亦不與安下房舍今後遇有隨朝蒙古人  
負因公在外經過去處依例應副粥飯安下房  
舍蒙古人負却不得因而非理搔擾百姓

銘旌忌避 至大四年正月尚書省刑部呈二  
宅陸妙真出殯劉萬一時信筆差悞於銘旌上  
書馮千秋百歲字樣陰陽教授於地理新書并

滢原總錄券式內照得雖有該載上項字樣理  
合回避以此叅詳陸妙真所犯然非情故終是  
不應今後合行禁治都省准呈

恐嚇錢物 至元十四年七月欽奉聖旨條畫  
內一款隨處兇徒惡黨不務本業風聞公事妄  
構飾詞論告官吏恐嚇錢物沮壞官府此等之  
人並行究治欽此

豪霸遷徙 大德七年十一月中書省福建江  
西道奉使宣撫呈諸人言告豪霸之家內有曾



充官吏者亦有曾充軍役雜職者亦有潑皮虎  
頑者皆非良善以強凌弱以衆害寡妾與橫事  
羅織平民騙其家私奪占妻女甚則害傷性命  
不可勝言交結官府視同一家小民既受其欺  
有司亦爲所侮非理害民縱其姦惡亦由有司  
貪猥馴致其然莫若嚴加禁治各處行省以下  
大小官吏非親戚不得與所部豪霸等戶往來  
交通受其饋送如有違犯官吏依取受不枉法  
例科斷其豪霸茶食安保人等初犯於本罪上

比常人加貳等紅泥粉壁標示過惡再犯痛行  
斷罪移徙接連三犯斷罪移徙遠達如此少革  
侵害小民之弊刑部議得除見任官吏不得於  
所部之內受要餽獻已有禁例外據各處豪霸  
亮徒非理害民凌犯官府合准奉使宣撫所擬  
嚴加禁約敢有違犯之人初犯痛行斷罪於門  
首泥置粉壁書寫過名若三年改過許令除籍  
其有不悛再犯者加等斷罪遷徙迤北地面屯  
種都省准擬

條格卷第二十八

通制條格卷第二十九

僧道

給據簪剃 大德八年正月欽奉詔書內一款  
軍站民匠諸色戶計近年以來往往爲僧爲道  
影蔽門戶苟避差徭若不整治久而靠損貧下  
人民今後除色目人外其願出家若本戶丁力  
數多差役不闕及有昆仲侍養父母者赴元籍  
官司陳告勘當是實申覆各路給據方許簪剃  
違者斷罪勒令歸俗

選試僧人 至元二年二月欽奉聖旨條畫內  
一款僧人每三年一次試五大部經仰總統所  
選擇深通經義有名師德於各路置院選試僧  
人就設監壇大德登壇受具足戒給付祠部然  
後許令爲僧仍將選中僧人造簿申總統所類  
攢呈省闡奏

寺觀僧道數目 至元十七年六月二十二日  
孛羅副樞張平章欽奉聖旨節該道與中書省  
官人每若長春宮裏先生每與和尚每爭奪觀

院其間裏聚着伍伯箇來先生每把着棍棒打和尚每去來先生每他每的教法裏不行却把着棍棒胡做呵那裏有這般躰例已前京兆府地面裏王祖師庵頭聚着人衆生歹心來如今這先生又那般胡行有這先生明白招承了上頭爲頭兒的殺了兩箇也別箇的割了耳朵鼻子的割了也打的打了也其餘的教做了軍也這般斷了也今後自淮河迤北隨處和尚先生每壹箇寺觀裏壹伯人已外休教住者別了這

通志附本二十一  
言語的和尚先生要重罪過者聖旨了也欽此  
還俗 至元二年二月欽奉聖旨條畫內一款  
遇有僧尼還俗者仰元禮師長追取公據袈裟  
牒送本處官司與民一體應當差役無致兩就  
姦盜 大德七年七月中書省御史臺呈江北  
淮東道廉訪司申僧道既處淨門理宜潔身奉  
教却有犯奸作盜甚傷風化擬合一體斷遣還  
俗刑部議得僧尼道士女冠有犯奸盜俱合一  
體斷罪還俗都省准擬

詞訟 至大四年十月十四日省臺官同奏昨  
前宣政院爲和尚先生也里可溫等闡讀了聖  
旨的上頭奉聖旨教俺與御史臺集賢院宣政  
院崇福司官人每一同商量者 道聖旨有來  
御史臺集賢院崇福司來省裏一處商量來御  
史臺官人每說在先立着僧司衙門時節告僧  
官每取受不公不法勾當多有文書來自罷了  
僧司之後教僧人生受的文書行臺廉訪司都  
不曾有文書若是僧人不揀甚麼問的勾當則

通串假材三十一  
三  
教宣政院官人每問呵這事行不得只是暗藏  
着待再立僧司衙門去也又兼罷僧司衙門聖  
旨纔開了如今却又更改內外聽得也不宜的  
一般如今闔臺御史也動着文書有集賢院官  
說當初宣政院官奏先生教集賢院管不曾與  
俺商量如今四海之大先生每犯的勾當多有  
俺怎生管得這事怎生行崇福司官說楊暗普  
奏也里可溫教崇福司管時分我聽得道來這  
勾當是大勾當不曾與省臺一處商量省臺必



回奏如今四海之大也里可溫犯的勾當多有  
便有壹伯箇官人也管不得這事斷難行麼道  
說有奏呵奉聖旨臺官人每說他每暗藏着待  
復立僧司衙門的限說的是有乾淨的好和尚  
每在寺裏住着念經與咱每祝壽也若不乾淨  
的和尚每要做僧官有在前我栲栳山回來  
時到潞州呵平陽的僧錄臘月八日就潞州我  
的陸水寺裏殺羊喚歹婦女每喫酒又和尚每  
告他則潞州裏要了玖拾餘定鈔來膽八八哈

通志卷之六  
赤也曾說來好和尚那裏肯做僧官各寺院裏  
已有護持來的聖旨則那的他每根底不勾也  
那甚麼他每不做罪過依本分行呵誰侵犯他  
每別箇的不索多說依前則教有司問者麼道  
聖旨了也欽此

皇慶二年正月二十八日中書省奏集賢院  
官人每奏了先生每自其間有相爭告的勾當  
呵今後遠處有的先生每管民官每根底告者  
這裏但有的并外處來的先生每都集賢院裏

告者斷得差了呵別箇衙門裏告者俺根底不  
告備越着別衙門裏告去的先生每俺要罪過  
麼道這般奏了教寫聖旨有俺商量來僧道都  
一體有俺一就商量了奏呵怎生奏呵索甚那  
般說先生每怎生與和尚每一般與俗人一體  
有不棟有甚麼勾當呵依在前已了的只教管  
民官問者集賢院官休侵犯者麼道聖旨了也  
欽此

至大四年十月初四日中書省欽奉聖旨哈

的大師每只教他每掌教念經者回回人應有的刑名戶婚錢糧詞訟大小公事哈的每休問者教有司官依體例問者外頭設立來的衙門并委付來的人每革罷了者麼道聖旨了也欽此

皇慶二年六月十七日欽奉聖旨節該今後管民官休管和尚每者依着在先聖旨體例奸盜詐僞致傷人命但犯重罪過的管民官問者除這的之外和尚每自其間不揀甚麼相告的

勾當有呵各寺院裏住持的和尚頭目結絕了  
者僧俗相爭田土的勾當有呵管民官與各寺  
院裏住持的和尚頭目一同問了斷者合問的  
勾當有呵管民衙門裏聚會斷者和尚頭目約  
會不到呵管民官依體例斷者他每誰遲悞了  
勾當呵監察廉訪司官人每依體例察者和尚  
每無衙門麼道管民官休搔擾者納稅糧呵依  
着羊兒年體例亡宋時分有來的常住田地并  
薛禪皇帝與來的田地內休納稅糧者收附江

南已後諸人布施與來的置買來的典來的田地有呵依在先體例裏納稅糧者鋪馬祇應不據甚麼雜泛差發休當者更各寺院裏定體來的講主長老每休替換者或在先委付來的和尚身故了呵委付本寺裏好學識的講主長老者本寺裏無呵別箇寺裏好學識的講主長老內衆僧美愛的委付者這般宣諭了別了的管民官和尚每不怕那甚麼欽此

河西僧差稅 延祐元年十二月二十八日中

書省奏河西田地裏有的僧人每當着差發稅糧鋪馬掃里好生的生受有依着其餘和尚每的例不揀甚麼差發休教當着麼道帝師教棚思吉斡節兒奉了奉聖旨與了宣政院官人每別里哥的上頭他每與了俺文書有河西田地裏住的和尚每教與民一體當差者麼道在前幾遍聖旨有來那裏百姓每稀少又兼那和尚每多半有妻子與其餘和尚每不厮似有教依在先聖旨體例裏行呵怎生奏呵是有那般者

有妻室的每教當差發稅糧鋪馬掃里者無妻室的和尙每休教當者麼道聖旨了也欽此替人索債 至元七年正月尚書省奏准聖旨條畫內一款和尚每根底不干事的人錢債文字他每要了那壁人每根底教生受吊者要有欽奉聖旨那般的根底也拿者

拈闡射利 至元二十五年五月中書省御史臺呈江南行臺咨監察御史體知各處新附寺院僧徒例指興建爲由聚集人衆拈闡射利其



始置備利物數拾件撰造籤等千萬枚託散權  
豪勢力之家轉行俵賣招誘新附徒衆約日大  
聚遠近雲合動以千計僧收等價使之抽拈探  
取利物喧鬧往來填塞街路獲利甚多無所畏  
忌守土官司坐視不禁初止城郭寺院如此比  
來山林僻靜僧寺亦復倣尤不已事同賭博聚  
衆儻致別生事端爲害非細合令有司嚴切禁  
治刑部及總制院議得擬合禁約都省准擬  
商稅地稅 已丑年十一月欽奉條畫內一款

僧道年五十以上者任便修行五十以下戒行清高者並依例試經受戒許爲僧道其餘詐冒出家之人依例應當科差僧人合居佛寺道士不得居住不得爭奪道士合居宮觀僧人亦不得居住爭奪其餘寺觀文宣王武成王等廟尊像廟貌舍宇並禁折毀已上如有違犯者並斷按答奚罪戾除僧人道士之外其餘詐冒出家之人仰一槩依例應當科差其僧道種田作營運者依例出納地稅商稅其餘雜泛科差並行

免放

中統五年正月中書省奏准節該已前成吉思皇帝時不以是何諸色人等但種田者俱各出納地稅外據僧道也里可溫答失蠻種田出納地稅買賣出納商稅其餘差役蠲免有來在後哈罕皇帝聖旨裏也教這般行來自答由皇帝至今僧道也里可溫達失蠻地稅商稅不曾出納合無依舊徵納事准奏仰中書省照依成吉思皇帝哈罕皇帝聖旨體例僧道也里可溫

達失蠻儒人種田者依例出納地稅

白田每畝  
冬升水田

每畝買賣者出納商稅據不該納丁稅蒙古回

回河西漢兒并人匠及不以是何投下諸色人

等官豪勢要之家但種田者依上徵納地稅外

仰行下領中書省左右部兼諸路都轉運司隨

路宣慰司一體施行

至元二十九年十二月十八日中書省奏抗

州省官人每與將文書來如今阿老瓦丁也說

有他每那省管的地面裏亡宋時分驗着地畝

納稅來的有氣力的富家每并百姓每等或見兄弟孩兒每裏頭教一箇做了和尚先生呵做屬和尚先生每的田地這般不納稅有又占種着係官田地也不納租子有教這的每依在先體例裏納租稅呵怎生說將來有俺共管和尚的官人每各失蠻等商量來如今那裏的省官人每與管和和尚官人每一處分揀了是實呵依在先納來的體例裏教納租稅他每別有緣故呵教說將來者這般商量來奏呵雖是呵恁的

通志卷之二十九  
言語不明白教他說將緣故來呵那的每必定  
說將緣故來成吉思皇帝聖旨裏但種田呵便  
合納稅不須那般道若是實呵依在先體例裏  
便教納者聖旨了也欽此

元貞元年七月二十三日中書省奏也里可  
溫馬昔思乞思皇帝的御名薛禪皇帝裕宗皇  
帝太后的名字裏江南自己氣力裏蓋寺來係  
官地內要了合納的租子并買來的田地的稅  
不納官寺裏做香燭麼道教愛薛那的每奏呵

教俺商量了奏者麼道聖旨有來俺商量來爲  
和尚先生每也里可溫答失蠻每的商稅地稅  
久遠定體行的上頭皇帝根底奏了一槩通行  
聖旨來若免了他的呵比那遍行的聖旨相違  
者有別箇人每指例去也依體例教納糧者若  
他的氣力不敷呵別對付着奏也者奏呵是也  
那般者聖旨了也欽此

大德八年四月初五日中書省奏在前中統  
五年中書省官人每世祖皇帝根底奏成吉思

皇帝聖旨僧道也里可溫答失蠻種田呵納地  
稅做買賣呵納商稅其餘差發免了者麼道聖  
旨有來在後哈罕皇帝時分依着那體例行來  
自答由皇帝到今僧道也里可溫答失蠻種田  
呵不納地稅做買賣不納商稅依在前體例教  
納呵怎生麼道奏呵教納來至元三十年省官  
人每奏僧道也里可溫答失蠻依買賣百姓體  
例納稅呵怎生奏呵奉聖旨這言語不曾了來  
那甚麼擬定那般者聖旨了也當年六月又奏



海峇兒等管課程的說做大買賣的是和尚也  
里可溫每却不納稅呵眼損着課程多有執把  
着聖旨不肯納稅降御寶聖旨呵怎生奏呵與  
者在前已了勾當不是咱每的言語是成吉思  
皇帝聖旨有麼道聖旨有來又大德四年省官  
人每河南省江浙省陝西省官人每奏將來僧  
道也里可溫峇失蠻將着大錢本開張店鋪做  
買賣却不納稅他每其間夾帶着別箇做買賣  
的人呵難分間多虧兌課程有麼道說將來呵

省官人每商量着僧道也里可溫答失蠻自己  
穿的食的所用的買要呵并寺院裏出產的物  
貨賣呵不納呵他每也勾也者將着大錢本開  
張店鋪做大買賣不納稅呵不宜因而夾帶着  
不干碍的人也者似這般的每依例交納稅呵  
怎生奏過交納稅行了文書來大德五年宣政  
院奏省官人每奏過教僧道也里可溫答失蠻  
依例納稅者麼道俺根底與文書來俺與刺馬  
商量得也里可溫答失蠻將着珠答納等寶貨

做買賣有寺家的壹兩箇店鋪做些小買賣修  
理寺院與上位祝壽僧人的齋糧裏用有僧道  
依在前的聖旨體例裏不教納稅也里可溫答  
失豔依着省官人每奏來的教納稅呵怎生麼  
道奏了來俺商量來國家費用的錢糧浩大近  
年以來所入數少不敷支用合依在前成吉思  
皇帝聖旨哈罕皇帝聖旨蒙哥皇帝聖旨世祖  
皇帝聖旨皇帝聖旨已了的僧道也里可溫答  
失豔做買賣呵教納商稅呵怎生奏呵奉聖旨

通雅卷二十一  
一三  
那般者

皇慶元年四月十七日中書省奏爲僧道也里可溫答失蠻納稅糧的上頭在先省官與宣政院官互相聞奏不一的上頭完澤篤皇帝時分羊兒年裏完澤丞相等省官答失蠻等宣政院官吃刺思八斡即兒帝師根底商量呵除立宋時分舊有常住并奉世祖皇帝聖旨做常住與來的地土外其餘歸附之後諸人捨施或典買來的一切影占的依舊納稅糧者麼道奏過

定体了来後頭宣政院官曲律皇帝時分休教  
納稅者麼道奏了的上頭省官人每依着羊兒  
年裏定擬了的體例交納者麼道又奏過教行  
了来去年也奏来如今江浙省官人每俺根底  
說將來僧人每休教納稅者麼道宣政院官奏  
了與了执把聖旨懿旨有怎生呵是麼道說將  
来有俺商量来種田納地稅做買賣納商稅的  
是成吉思皇帝聖旨有如今依着羊兒年省官  
宣政院官帝師根底商量着行来的躰例裏教

通志卷之二十九  
行與了的執把聖旨懿旨教拘收了必閣赤官  
人每根底說了今後與聖旨懿旨呵除立宋時  
分有的并奉世祖皇帝聖旨做常住與來的外  
其餘的依體例教納稅糧明白教寫與呵怎生  
奏呵那般者依先例教行者麼道聖旨了也欽  
此  
漢僧紅衣 至元七年正月尚書省奏准聖旨  
條畫內一款漢兒和尚每穿着土鉢和尚紅衣  
服一迷地行有欽奉聖旨那般着的孛者

追毀木印 大德八年七月中書省刑部呈官  
府用印本以閤防詐僞取信於民今僧尼道冠  
自造三寶木印雖稱經疏使用誠恐恣行別生  
事端合令有司盡行追毀相應都省准擬  
拘收執把文字 大德七年七月初六日中書  
省奏卷失蠻宣政院官人每與俺文字來他每  
的經歷怯烈題說近年以來僧人使見識指蓋  
寺爲由各處燒香去有麼道諸王公主駙馬每  
根底要了令旨經過州城索要鋪馬祇應長行

馬匹草料若不與呵好生討害百姓有侶這般和尚每禁約了呵百姓每得濟麼道題說呵宣政院官人道他的言語是有麼道俺根底與文書來俺商量來這般執把諸王令旨無體例行的和尚每根底教管民官每禁約者不教行呵怎生商量來奏呵奉聖旨那般者欽此

過錢 大德十年六月二十三日御史臺奏江南行臺官人每文書裏說將來勾當裏行的官吏問人要肚皮干碍着和尚每過付見證呵事



發之後爲是和尚麼道約會他本管的頭目問  
呵於事有空碍不能結絕有麼道俺商量未要  
錢的人這般使見識教和尚每過村錢物和尚  
每自己道子裏不行官吏每的見識裏過錢行  
呵和尚每的勾當裏不同有他每的別勾當裏  
不干預似這般過錢的和尚每有呵不教約會  
和尚每的頭目則教監察廉訪司就便依例取  
問呵怎生又在前這勾當也聞奏上位來要錢  
的人每見識有如今和尚先生每根底這勾當

襄休犯者麼道行文書禁約呵怎生奏呵奉聖  
旨那般者欽此

俗人做道場 至元二十八年正月初八日欽  
奉聖旨節該聰講主舍思刺阿思監兩箇奏有  
大同路有的俗人每無做道場的體例有夜頭  
聚衆人多做道場打鏡鉸作鬧有恐怕生做賊  
說謊的勾當遮當呵不肯有麼道奏來如今已  
後除和尚每不揀誰夜頭休做道場者俗人每  
打的鏡鉸那裏有的宣慰司官人每城子裏連

魯花赤官人每和尚每根底添氣力奪要了與者這般道了呵做道場的夜頭動鏡鼓作鬧行的鏡鼓藏着不收拾的人每斷案吞奚罪過者聖旨了也欽此

至大元年五月十八日中書省奏江西福建奉使宣撫并御史臺官人每俺根底與將文書來建寧路等處有妻室孩兒每的一枝兒白蓮道人名字的人蓋着寺多聚着男子婦人夜聚明散佯修善事扇惑人衆作鬧行有因着這般

別生事端去也。又他每都是有妻子的人，有他  
每的身已不清淨，與上位祝壽呵。怎生中將這  
的每合革罷了麼道，與將文書來，有俺商量來  
將應有的白蓮堂舍折毀了，他每的塑畫的神  
像本處有的寺院裏教放着，那道入每發付元  
籍教各管官司依舊收係當差。已後若不改的  
人，每根底重要罪過，更其餘似這般聚着的，都  
教管民官禁約不嚴呵。教監察御史廉訪司糾  
察呵。怎生麼道奏呵奉聖旨，那般者欽此。

第二十  
九卷終

通制條格卷第三十

營繕

造作 至元二十八年六月中書省奏准至元  
新格

諸營造皆須視其時月計其工程日驗月考  
毋使有廢惟夫匠病疾雨雪妨工者除  
之其監造官仍須置簿常切拘檢當該  
上司時至點校不致虛延日月久占夫  
工

諸造作物料須選信實通曉造作人負審校  
相應方許申索當該官司體覆者亦如  
之有冒破不實計其多少爲罪已入已  
者驗數追償

諸造作官物工畢之日其元給物料雖經覆  
實而但有所餘者須限拾日呈解還官  
限外不納者從隱盜官錢法科

諸局分課定合造物色不許輒自變移有止  
位處分改造者即以見造生活比算元

關物料少則從實關撥多則依數還官  
諸局分造作局官每日躬親遍歷巡視工部  
每月委官點檢務要造作如法工程不  
虧違者隨即究治其在外局分本路正  
官依上提點每季各具工程次第申宣  
慰司移關工部照會工部通行比較季  
一呈省比及年終俱要了畢毋致虧欠  
行省管下局分准此  
諸營建官舍其所委監造人負皆須躬親指

畫必要每事如法一切完牢若歲月不  
多未應損壞而有損壞者並將監造人  
負當該工匠檢舉究治

諸官司器物損壞不堪修理者差官相驗是

實方許易換若已給新物其故物拾日  
以裏即須還官發下合屬隨宜備用不  
堪作數者赴官呈驗不須開寫名色虛

掛文籍

銅鐵之器作銅鐵收竹木之器  
作紫薪用

諸造作支破錢物工畢之日其親臨總司即



須拘集當該官吏一一照算完備本司  
檢勘無差合除破者依例開申除破合  
還官者從實解納還官毋使隔越歲時  
致難理算

諸營造合用諸物先儘官有見在其不足之  
數有可代支而價不虧官者申稟折支  
諸隨路如遇橫造軍器諸物其一切所須必  
要明立案驗選差好人置簿掌管工畢  
之日隨即照算元收已支見在數目本

路正官體校是實開申合干部分照會  
諸隨路每年該值水害凡可疏通閉塞修完  
去處當該上司須於農隙之時委官預  
爲踏視相其地宜料其工物若役人數  
少不動官錢聽差近民隨即修理必支  
錢動衆者速申合屬上司比至來年春  
作之前併工須要了畢其餘修作應動  
民力者亦准此其事須急差不拘此例  
至元十四年三月中書省工部呈欽奉聖旨

節該諸局分生活今年爲頭闕了物料的只教  
當年納足生活休教拖欠生活歹呵要罪過者  
欽此本部議到下項事理擬合通行隨路以誠  
違慢都省准擬

一各路局院額造弓甲箭弦哈兒雜帶鏢刀  
一切軍器段疋雜造鞍轡生活各用物  
料除在都放支外餘者年例各路應付  
中間多致違慢造作今擬自至元十四  
年二月一日爲例責在各路官司凡支

上項物料自承受符文月日爲始須管  
限柒日交付數足造作若有違限怠慢  
去處即將本路總管府官首領官不分  
長次一例擬罰俸半月當行司吏的決  
壹拾柒下如過期懸遠耽誤造作至日  
驗事輕重別議處決事急不拘此限盡  
時應副任滿日於解由內開寫臨時定  
奪點降

一段及造作生活若局官人負依額應限了

畢造作堪好臨時量其可否定奪遷賞  
拖欠工程置簿標附過名其提調提舉  
司官局官任回日於解由內開寫臨時  
驗事輕重別議黜降

一比較違限工程依例合限壹拾箇月造足  
如有過限局分扣算拖欠分數并異樣  
改織常例金作者將當該局官勾喚赴  
部照依呈准中書省劄付以拾分爲率  
拖欠肆分已上決貳拾柒下肆分已下

貳分已上決壹拾柒下貳分已下罰俸  
一月欽依聖旨事意斷決提調官取招  
別議外據以次官頭目司吏人等從本  
路提調府官約量斷遣

元貞元年正月中書省近欽奉聖旨節該在  
先時節諸王常課段疋柒捌托家更寬好有來  
如今更短窄歹了有極治者欽此又會驗欽奉  
聖旨節該諸司局院造作生活今年爲頭關了  
物料的只教當年納足休教拖欠若有拖欠生

活万呵要罪過者欽此都省議得下項事理

都省元坐陸款

一應造御用諸王異樣常例金綉絨素段疋  
合用絲金物料在都委自提調部官主  
事外路依已行委達魯花赤總管經歷  
首領官不妨本職多方用心催督局官  
庫官人等比及新年責限應付關支了  
畢接續下機來年正月已裏收工造作  
如違斷罪

通志卷三十一  
一 所關絲料先行選揀打絡須要經緯配搭  
均勻如法變染造到段疋亦要幅闊相  
應斤重迭就不致顏色淺淡段疋粗標  
並要照依已定額數從實催辦非奉上  
位處分不得擅自損減料例添插粉糲  
如送納時辨驗却不如法定將局官斷  
罪罷役提調官吏責罰

一 打造金箔須要照依元關成色額定箔數  
從實打造用度無致人匠添插銀銅氣



子顏色淺淡提調官局官常切用心關防亦不致剋落金貨如違追斷

一每月造到段疋及見在物料委自提調官吏先行計點須要段疋堪好別無短少拖欠如法收貯打夾按季作運次依例差官管押依限送納無致損壞如有侵欺物料損敗段疋照依已奉聖旨斷罪罷職役陪納

一局院造作局官每日巡視提調官按月點

檢務要造作如法工程不虧違者隨事  
究治外路每季各具工程次第申部工  
部通行比較季一呈省年終須要齊足  
如造作堪好工程不虧臨時定奪遷賞  
如是低歹拖欠其提調官吏局官人等  
驗事責罰置簿標附過名任廻於解由  
內開寫驗事輕重點降其銷用不盡物  
料隨所納生活一就還官

一匠官除開撥絲料送納段疋迎接聖旨外

其餘一切事理有司不得差故提調官  
匠官人等却不得因而帶造生活侵欺  
物料亦不得科擾匠戶如違依條斷罪  
罷職

本部議到捌款

一額造金素段疋紗羅等物合該絲金顏料  
本處正官親行關支置庫收貯明立文  
簿如有支訖物色開寫備細名項斤兩  
半月壹次結轉收支見在數目須要正

官印押其庫門鎖鑰亦仰正官封收若有橫收錢物另行置簿結附以備照勘若應收支而不收支應標附而不標附致有耽悞造作叁日罰俸半月伍日已上決案下若有失收濫支者另行追斷一絡絲打線纘經拍金織染工程俱有定例仰各處局院置立工程文簿標附人匠開物日期驗工責限收支並要依限了畢如違限不納及造作不如法者量情

斷罪

一各局院每歲所支色絲仰管局官吏明立  
案驗照依市價回易收買上等堪好顏  
料依數變染不致淺淡及局官人等不  
得將所關色絲減價說名暗地分買仰  
提調官常切計點如有違犯隨即追理  
究治施行

一脚亂絲貨欵奉聖旨節該修理機張等什  
物用度欵此仰各處提調官吏用心關

防局官如遇必合修理機張什物等用  
度明置文簿依公銷用年終考較若有  
用不盡絲數回納還官却不得因而冒  
濫破使如違追斷

一欽奉聖旨節該匠人每的糧納了生活後  
頭與糧呵匠人每生受上下半年的糧  
預先支與呵不做生活更推甚麼欽此  
局院倉官斗脚人等如遇放支工糧仰  
隨處提調官吏用心關防無致剋落如

有違犯就便追問斷罪

一各處額造段疋正月一日收工年終織造  
齊足每月造到工程在都不過次月初  
五日外路初十日已裏須要申報到部  
如是違限取各路首領官吏招伏斷罪  
一禁約在局人匠不得妄稱飾詞恐嚇官吏  
扇惑人匠推故不肯入局耽悞工程及  
一等不畏公法閑雜人等輒入局院沮  
擾造作者仰提調官常切禁治如有違

犯之人痛行斷罪其提調官亦不得差  
無職役人指稱計點工程非理搔擾取  
要飲食錢物許各局徑直申部嚴行究  
問

一各處管匠官吏頭目堂長人等每日絕早  
入局監臨人匠造作抵暮方散提調官  
常切點視如無故輒離者隨即究治

織造料例 大德七年十二月中書省近爲各  
處行省并腹裏路分解到諸王百官常課金素



段尺雖稱委官辨驗堪中別無開到各該斤重料例不見有無短少經線今後應收段尺須要依例秤盤比料開具實收斤重移咨各省及下工部依上施行

投下織造 至元二十八年十二月中書省戶部呈照得中統五年八月欽奉聖旨條畫內一款據各投下分撥到民戶除五戶絲外不揀甚麼不教科要欽此議得投下關支五戶絲料並從本投下用度別無許令俵散民戶織造絹尺

體例擬合照依條畫事理施行都省准呈  
堤渠橋道 至元七年九月中書省近欽奉聖  
旨節該都水監所管河渠隄岸道路橋梁每歲  
修理欽此照得九月間平治道路合監督附近  
居民修理十月一日修畢其要路陷壞停水阻  
碍行旅不拘時月量差本地分人夫修理仍委  
按察司以時檢察

至元二十一年七月欽奉聖旨條畫內一款  
津梁道路仰當該官司常切修完不致陷壞停

水阻碍宣使車馬客旅經行如違仰提刑按察  
司究治

官舍 大德十一年正月中書省工部呈都城  
所申大都裏外諸處倉庫局院百司公廨會同  
館驛并一切係官房舍連年損壞去失埽瓦木  
植等物下年又行添補虛費官錢勞役軍匠蓋  
是看守軍官頭目人等不爲用心縱令諸人拴  
繫牧放頭疋踏踐損壞埽瓦木植又有不畏公  
法之人通同暗遞偷盜合行禁治本部叅詳如

准所擬令看守軍官人等常川巡禁毋致損壞  
當該官負得代之日明白交割儻有不完去處  
驗事輕重究治都省准呈

岳祠 至元二十九年三月中書省御史臺呈  
近爲東嶽廟宇荒廢不曾修理合從朝省選差  
年高有德清潔道士主管祠事仍與本處官司  
一同收管每歲香錢公支使用其餘污濫道衆  
悉皆遣退行據集賢院備道教所呈除差廉幹  
道官充提點及將不應道士遣退外據香錢一

節累奉聖旨節該今本廟住持提點道官管領  
就用增修廟宇

私下帶造 至元二十五年五月中書省照得  
民間軍器累奉聖旨禁斷慮恐內外雜造局院  
除正額外私有帶造數目都省擬合通行除年  
例額造并省部明文橫造軍器外並不得私下  
與諸人帶造一切軍器如違嚴行治罪  
判署提調 至元九年六月中書工部照得各  
路局院併入總管府管領其各路官吏爲有管

匠人負往往不爲用心提點催辦以致拖欠工  
程今後各路管下局院額造常課橫造段疋等  
工程仰判署官吏常切用心提調催辦每月計  
點合造工程須要趨迭額數若有拖欠去處即  
將提舉司管局大使副使取招申部以次管勾  
頭目就便取招斷遣

驛路船渡 至元二十年七月中書省議得各  
處驛路河道若有山水泛溢衝斷橋梁去處仰  
所在官司預爲計置船隻擺渡過往使臣客旅

母致停滯伺候水落將所損橋梁依例搭蓋

通制條格卷第三十

051

008

1



21101000187868